

GAGAUZ DİLİ
7

2020



ГАГАУЗЬКА МОВА

**Людмила Веліксар, Петро Драганов,
Надія Курогло, Анатолій Мілков**

Гагаузька мова

підручник для 7 класу
закладів загальної середньої освіти

Рекомендовано Міністерством освіти і науки України

**Lüdmila Veliksar, Pötr Draganov,
Nadejda Kuroglo, Anatoliy Milkov**

Gagauz dili

orta üüretim
kuruluşları için
7 klas

Чернівці
„Букрек»
2020

УДК 811.512.165(075.3)

В 27

Рекомендовано Міністерством освіти і науки України
(наказ Міністерства освіти і науки України від 19.05.2020 № 655)

Видано за рахунок державних коштів.

Продаж заборонено



– Teoriya materiallari



– Evdeki iş



– İş çiftlerdä



– Laf sandıcaa

Веліксар Л. Г., Драганов П. М., Курогло Н. І., Мілков А. М.

В 27 Гагаузька мова : підручник для 7 класу закладів загальної середньої освіти.
Чернівці: Букрек, 2020. 192 с : іл.

ISBN 978-617-7770-81-6

УДК 811.512.165(075.3)

Veliksar L.G., Draganov P.M., Kuroglo N.I., Milkov A.N.

В 27 Gagauz dili orta üretenim kuruluşları için. 7-ci klas. Çernovți: Bukrek, 2020.
192 s.: res.

ISBN 978-617-7770-81-6

УДК 811.512.165(075.3)

ISBN 978-617-7770-81-6

© Веліксар Л. Г., Драганов П. М.,
Курогло Н. І., Мілков А. М., 2020
© Видавничий дім “Букрек”, 2020

...Üürenin sevmää kendinizi, kendi soyunuzu hem milletinizi, vatanınızı, tabiatı hem topraa. Üüreniniz dedelerinizin mirasını, adetlerini, kültürmasını, şivik ilerledin bilgiçlikliin işini

Dmitriy Savastin

Paalı üürenicilär!

Tä genä geldi eni üürenmäk yılı. Nesoy o olacek, nesoy oluşalar hem açıkmaklar dolduracak sizin yaşamınızı – bu işi bilersiniz sade siz. Nekadar taa çok savaşacenz üürenmää, meraklanmaa türlü informatiyalan, okadar taa zeedä üüreneceniz, açıklayacenz kendi-kendinizä deyni.

Geçti üürenmäk yılında siz tanışınız dilin morgologiya bölümünnän, angısı acıkleêr, ne o söz payı, hem nesoy söz payları var dildä: adlık (“gösterer predmetin adını”), nişannik (“predmetin nişanını”), sayılık (“predmetin sayısını”), aderlik (“adların erinä”).

Elbetki, bu söz paylarından tanışınız çoktan, ama açıkladınız geçti yıl çok eni işlär onnar için, zeedelediniz üürenmeklerinizi.

Bu yıl siz başaracenz üürenmää morfologiya bölümünü. Taa yakından tanışacenz işliklän, onun iki özel formasının: istennik nem haliştenniklän; işhalliklarlan; bitki-bitkiyädä – yardımcı söz paylarından: ardlaflarlan, baalayıcılarlan, modal laflarlan, duygularlan.

İşliktä gagauz dilindä var çok türlü zaman, diil nicä ukrain dilindä: şındiki, geçmiş hem gelecek. Onuştan onu zor üürenmää. Lääzim urokarda olmaa dikkat, taa bir yardımınız – te bu kiyat, angısını hazırladık sizä deyni – da kabul edeceniz faydalı bilgileri.

Morfologiya bölümü annadér söz paylarının maanası için. Herbir söz payı ayrınlár kendi sorusunnan; morfologiya nişannarının, sintaksis rolünnan.

Siz üüreneceniz söz paylarını dooru okumaa hem yazmaa, kullanmaa sözünüzdä.

Genä, nicä da başka klasların kiyatlarında, olacek çok meraklı tekstlär lafetmäk ilerlemesi uroklarında. Siz yazacenz yaratma, takrir, annadacenz tekstleri, cuvap edeceniz soruşlara – zengin nedeceniz hem ilerledeceniz sözünüüzü.

Yaratmalı başarmaklar sizin işinizdä kiyatlan!

Avtorlar

§ 1. GAGAUZ DİLİ BAŞKA DİLLERİN ARASINDA UKRAİNADA

-  1. Okuyun teksti, koyun onun adını. Annadın onun içindekiliini aazdan gagaüz dilindä.

Гагаузька мова є розмовною та писемною мовою гагаузів, які населяють південні райони Одеської області та Молдови. Її вважають однією з найбільш рідкісних на нашій планеті.

Гагаузи України почали вивчати її як предмет тільки після 1991 року. З 1992 року гагаузька мова вивчається в школах на територіях, де компактно проживають діти цієї національності. Сьогодні мову викладають у 4 сільських школах Болградського району (села Виноградівка, Дмитрівка, Кубей, Олександрівка), селах Старі Трояни Кілійського району та Котловина Ренійського району. Недільну школу для вивчення гагаузької мови відкрито в Одесі. З 2015 року мову вивчають і в дитячих садках.

З елементами історії та найважливішими фактами з минулого гагаузької нації знайомляться учні в тісному взаємозв'язку з історією українського народу. З метою популяризації гагаузької мови в Одеській області проводяться конкурси творчих робіт, в яких із великим задоволенням беруть участь юні поети, прозаїки та драматурги. В ефірі Одеського обласного радіо та на Одеському регіональному державному телебаченні транслюються щотижневі передачі гагаузькою мовою.

У друкованих ЗМІ постійно розміщаються матеріали щодо розвитку національних культур на тематичних сторінках “Слово про мову”, “Рідне слово”.

Отже, держава приділяє велику увагу розвитку гагаузької мови, яка посідає важливе місце серед інших мов нашої багатонаціональної України.

P. Oлійник

-  2. Okuyun teksti. Belli edin onun stilini hem tipini, temasını hem öz fikirini. Var mı iştıiiniz bu şanni insan için haberlär?

Gagauzlarlan diveç

Lüdmila Aleksandrovna Pokrovskayanın (18.03.1925 – 07.10.2009) adı anılmış Gagauziyada. O şaşılık talantlı insandı.

Allaa baaşlamış Lüdmilaya vergi poeziya, muzika tarafından. Pianinada üürendi çalmaa “Oglani” hem “Menevseyi”. Onuştan pek islää duyêr hem çabuk üürener dilleri. O bilirdi: tatarca, başkircä, franțuzça, ingiliz, nemtä dillerini.



Taa student vakıdında, Lüdmila Pokrovskaya çeker üurenmää gagauzların dilini hem folklorunu, angıları yaşırdılar Moldovanın üulen tarafında hem Odesa bölgесindä Ukrainianada.

1948-inci yazın geler Bucak tarafına. O durdu o zaman Valkaneştä hem Çeşmä küyündä, gitti Tülü küyü hem Kurçuya.

Pokrovskaya pek beendi gagauzça türküler hem maanileri, başladı toplamaa onnarin çoyunu, yazdı diplom işini ("Gagauz halk türküler"). Sora taa iki kerä, aspiranturada bulunarkan, geldiydi gagauzlara, onnar için dokumental filmi çekardi, disertatıya yazdı gagauz folklor temasında.

1957-nci yıllarda çok kaçındı hem çalıştı başkalarının barabar gagauz alfabetin proektni hazırlamaa, kuralları hem terminneri kurmaa. Pokrovskaya büyük havezlän çalıştı başka bilim izmetçilerinnän barabar ilk şkolalar için gramatika kiyadını hazırlamaa.

Pokrovskaya barabar üürenicilerinnän, şanni raametli Gavril Arkadyeviç Gaydarcı hem Boris Tukan, 1973 yılda en büyük gagauzça sözlüü hazırladıydılar.

1992 – 2000 yıllaradan o çalıştı Komrat Devlet Universitetindä , neredä okudu lek̄tiyaları şindiki gagauz dili için, mutlak kursunu gagauz türkü folkloru için.

Çok yıllar işledi gagauz filologiya kafedrasında, hazırladı barabar G.Gaydarcıyan gagauz dilin eni orfografiya kurallarını latin grafikasında.

Lüdmila Pokrovskaya – profesor, doktor filologiya bilimnerindä, nişannandı ordennän "Gagauziyanın saygılı vatandaşı".

Bütün yaşaması Lüdmila Aleksandrovna tuttu canında sevdayı gagauz halkına: onnarin işçiliinä, kulturasına, musaafirliinä...

Taa bitki günnerinädän Pokrovskaya hep işledi, çalıştı, hazırlardı tipara bilim işlerini gagauz dilindä. Ama oktäbrinin edisindä 2009 yılda Lüdmila Aleksandrovna can verdi Sankt-Peterburgta.

Oktäbrinin irmi dördündä 2009 yılda onun külünü (ölä istedi taa yaşamاسında Lüdmila Aleksandrovna) gömdülär Beşalmada Gagauziyada yannaşık Dimitri Kara Çobannan.

Mardin onsekizindä 2015-ci yılda koyuldu anmak taşı Lüdmila Aleksandrovna. Skulptor Atanas Kara Çoban (Dimitri Kara Çobanın oolu). Ömrü bu talanlı insanın uzundu, ruh tarafından zengindi. Lüdmila Aleksandrovna braktı bir derin iz gagauz halkın istoriyasında hem kulturasında. Her yıl bu bilgiç insanın duumasında geçer anmak, aklından geçirmək aktyyası, angısında pay tutərlar hepsicii, kimä o paalı.

Pokrovskaya Lüdmila Aleksandrovna – gagauz halkın halizdän dostu.

A. Samarın

- *Ne eni siz annadiniz Lüdmila Pokrovskaya için?*
- *Nicä siz düşünersiniz, neçin tekstin ölä adı? Kayılsınız mı?*
- *Nicä siz koyaceydiniz tekstin adını? Argumentläyin cuvabınız.*



gagauzlarlan diveç – з гагаузами навіки

şannı – шановні

dokumental filmı – документальний фільм

vatandaş – почесний громадянин

tipar – друг, видання

bilim işleri – наукові праці

kül – прах

anmak taşı – пам'ятник, бюст

3. Okuyun demekli İvan Pavlioglunun şiirini. Açıklayın onun temasını hem öz fikirini. Bulun artistik kolaylıklarını. Ürenenin şiiri ezberi.

ANA DİLİM



Gercik ana dilim
Taa paalıydır altından,
O – bizim zenginniimiz
Gelmä türk halklarından.
O – nicä göktä yıldız,
Kär onnarlan sırada.
Dilimiz da hep ölä
Dillerin arasında.
* * *

Ana dilim – gül, çiçek...
Kokusuna doyamam.
Hodulluktan, dostlarım,
Kendimä er bulamam.
* * *

Ana dilim – büyük çöşmä
Kurak Bucak erindä.
Tükenmäz hiç bir kerä:
Sızıntısı derindä.
Nicä Sabaa Yıldızı
Eni günü duudurêr,
Hep ölä ana dilim
Bizi gagauz yapêr.

Nekadar var dil erdä,
Okadar – çiçek daada.
Tä bizim da dilimiz
Başkasınının sırada.

* * *

Ana dilim paskadan.
Ona doyamam bir kerä.
Bän onsuz hiç bir da gün
Yaşamayacam zerä.

4. Açıklayı̄n bu şirlerin sıracıklarını̄. Nesoy erdä durêr gagauz dili, sizin bakışınıza görä, başka dillerin arasında Ukrainianada. Düzün dialog bu temaya: „Ana dilim”.
5. Sirederäk bu ilüstraṭiyayı, annadın, ne görersiniz? Bulunuz baalantıları, yaraştı̄rarak şiri hem fotoyu. Nicä siz annêerrsınız sevda ana dilinä?



Körpä gagauzlar

6. Bulun beş söyleş ana dili için, yazın onnarı tefterlerinizä. Açıklayı̄n birisinin maanاسını. Düzün bir geniş yazılı cuvap onun maanasına görä.
7. Düzün bu laflardan tekst.



Yaamaa yaamur başladı hızlı, gürüldeci gök, çaktı çimçirik tezdä. Üçüncüsü sora, koray bir taa yukarı uçtu ardına korayın o. Kaybeldi, noktaya kara dönüp bir, orada. Gökä uçtu sora, kuş bir nasıl, dönmää başladı da o, karşıtı tozlara biri korayların. Koraylar kaçmaa başladılar, atlayarak hem

köstekleneräk, buyanı-oyanı üstündä kır. Sardılar gibi duman, günü da, kalktılar dooru gökä, olup direk dönär kara bir, tozlar tezdä. Tüüleri, çekirgeleri, samannarı taşıyarak ardına, kaçtılar üstünä kır tozlar sora, toz kalktı gibi alka üstündä yol; kaldırdılar fışırtı çorlannar bildirkı hem otlar osaat. Üstündä kır dönmää başladı sıkılıklan hem şamataylan o da çıktı lüzgär büyük, koptu nesä havada uslu birdän-birä. Kendisini dürdü da, “Bän hazırlım”:

deyeräk üstünä kır baktı sansın o. Bulut boz bir göründü ansızdan arasından bayırların.



çorlan – ölä kuru ot, tukurlanan kırlarda

şamata – gürültü

koray – ufac çalıcıklı saplayıcı yaban otu



8. **Yazın yaratma-fikirlemä bu temaya: „Bizim ana dilimiz – bizim zenginliğimiz”.**

§2. LAF KURULUŞU

9. Okuyun teksti demekli. Düzün ona sadä plan. Annadın plana görä.

“AYOZLU”

(lobut)

Kırgız Pidoşun Vanisi hem Örnek Kostinin Senkası manastır'a giderlär. Yolleér ana-bobaları spiyada olsunnar da günaalarından paklansınnar. Şoparların köplerindä para, gümüş yokmuş, ama alêrlar evdän birär mum.

Manastırda sıyinér onnar insan arasına, itirişerlär, bekleerlär sıralarını, nezaman spiyada olaceklar, komka da dadaceklar. İnsan itirişer, çiineer biri-birini, ter-sucaaz olmuşlar. Genä ani Vanıylän Senka artık onbir yaşındaymışlar, koca boydaymışlar, sinirli şoparlarmışlar, biri-birinä dayanêrlar, yardım ederlär. Neredä zor geçmää, mekleyeräk ayakların altından geçerlär.

Artık onnara da sıra geler spiyada olmaa. Toplanér altı şopar, diz çökerlär popazın önündä, para çashasına da gümüş atêrlar. Sade Vani hem Senka parasız diz çökerlär spiyada olmaa. Tä onnarı örttü popaz bir gümüş hem altın ipinnän dokunma ruba peshinnän da sallêér kruçasını, naşisä okuyêr. Sesleer uşaklar, bekleerlär, nezaman kannarı paklanacek, günaaları yok olacek.

Tä Vani dürttü Senkayı enindän. Popaz hep işinä bakêr. Annêér Senka, ne läätzim yapmaa, nicä laflaşmışlar. Uzadêr Senka elini, alêr gümüslän çashacılı, verer Vanıyä, Vani dä yavaş aktarêr onu koynusuna. Elleri Senkanın titirer, sansın onnarı sıklet almış. “Sade görmesin, sade görmesin! Yardım et, allahım, yardım et, allahım, kimsey görmesin!” – duva eder Senka. Vani taa da beter duva eder.

Cıngırdadı gümüşlär koynuda. Şoparların ikisinä ölä geler, ani kamçı patladı. "Hazır, te şindi tutaceklar!" – şüpelener Vani. Ama kimsey bişey işitmeer. Hepsi işinä bakér. Popaz hep kruçasını sal-lêér, naşisä okuyêr. Tä o sorêr:

– Tatinizi, mamunuzu sesleersiniz mi?

– Sesleeriz, batuşka! – bir seslän cuvap Verdi şoparlar.

– Yalan söyleersin mi, birkimseyi aldadêrsın mı? – sorêr popaz, iildip kruçasını Senkanın başına. Senkaya geldi, ani tutuldu da bilmedi, ne sölemää. Susêr, sansın oklavayı yutmuş, da bilmeer, ne demää.

–... Aldatmêérím, batuşka! – cuvap Verdi Senkanın erinä Vani.

Sorêr popaz onu-bunu, akran şoparlar sa ter-sucaaz olmuşlar, dayanamêérlar, nezaman bitecek bu zeet. Geler onnara, ani bu diz çökmâk bitmeyecek, ani buradan kurtulmak yok.

Ama tä kaldirdı popaz hepsini. Çocuklär biri-biri ardı sora dat-tilar birär kaşıkac komka. Çıkêrlar spiyada odasından, nicä kedilär, ani yuurt çölmeeni devirmişlär. Popaz salladı taa bir kerä kruçasınınnan, ama ... vay, vay, vay..! batuşka attı gözünü çashkaya, sora Senkaya, çashkaya, sora Senkaya. Duydu şopar, ani kayıp işi. Senka en kenardaydı, onun için dä popazın bakışı ona düştü. Popaz ölä baktı Senkaya, ani buna geldi, kanatları olsa uçsun da kimsey onu görmesin. Nekadar yaşamış şopar, bölä işlär yapmadı.

"Tä-tä-tä-tä-tä, te şindi batuşkabaaracek da beni kavraycek-lar", düşüner Senka.

Ama utandırmadı kendini popaz, sustu. Canı sa acıyêr, ani hazır toplanılmış parası şoparların cöbüñä düşmüş. Ama yok ne yapmaa, ölä oldu. Sallêér popaz kruçasını, aklincasına da düşüner, üfkelener: "Şeytan alsın, biläydim dä sokultmaydım şoparları, mayıl oldum birkaç gümüşä. Genä ani bobaları allaaci adamnar: imekleri yok, ama kliseyi brakmêérlar fukaaralansın, kendileri aaç ta ölselär, burayı bitki bukalarını getirerlär".

Çıkêr şoparlar manastırdan, ter-sucaaz olmuşlar, giderlär evä, almışlar bir sapa yol, olduu hursızlık için lafederlär, neyä harcamaa parayı düşünerlär.

Gelerlär onnar evä, analarını hem bobalarını sevindirerlär, ani spiyada olmuşlar.

Sabaası Senka gider şkolaya, Vani dä tolokaya, koyunnarı güt-mää. Şkolada o günü taman popaz molitvalı üüredirdi.

Duyurdu Senka, ani tutuldu manastırda, ama bilmedi, ani onu taa o günü popaza sattılar. Bileydi, şkolaya artık gelmeyeceydi, lobuttan da kaçaceydi.

Girdicään klasa popaz darıldı ona. Hepsi taman molitva yapırıldı, duva edirdilär.

- Nasıl toplamışın parmaklarını, hayvan?
- Üçünü bireri, batuşka! – cuvap Verdi Senka.

“Şark!” – yapıştırdı popaz ensesinä bir şamar. Sora genä, sora genä. Kısmış Senka ensesini omuzlarına, korunêr elceezlerinnän, ama etiştirämeer, hep ensesinä, ensesinä kableder. Artık Senka sinmiş, nicä düülmüş sır, korunmêér da, yattırmış kafasını parta üstünä, popaz sa hep düüyer.

Kalanı uşaklar molitvalarını yapêrlar, kör-saar gibi dolaya bâkinmêîrlar, işinä bakêrlar, ama suratlarında sansın bal mumunnan yazmışlar bir korku. Hepsi sakınêr, ilişmesin üfkeli popaz on-nara da.

Düüyer Senkayı popaz, canı acımêér. Düüyer hem dä aklında tutêr bu “ayozlu” lobudu.

S. Kuroglu



sinirli – кругленький хлопчик

cannarı paklanacak – очищення душі

siklet almış – судоми

toloka – степова місцевість

sıır – худоба, живність

10. Aşaaadakı temel laflardan eni lafları düzünüz.

Meyva, can, oku, resim, incä, tafta, yazı, klisä, başça, oyun, saa, su, sıra, ekmek, kiyat, ilaç, porezen.

11. Aşaaadakı lafları yazın, annadın onnarın dooruyazılması için hem angi laflardan onnar düzülü.

Aklinagetirmäk, alabildiinä, ardlaf, başabaş, birtakım, ikitaraflı, dörtkatlı, karagözka, kabuletmää, açivermää.

12. Yapın morfema analizi bu laflara:

Taketmää, taligacık, taftalamaa, şindilik, neetlenmää, evde-kilär, okuyucu, ekinnik.

13. Aşaaadakı lafları iki bölümä payediniz, angılarında laf düzücü hem laf diliştirici afiksleri var. Laf düzücü afikslerinnän bir tarafa, ama laf diliştiricilerinnän – başka tarafa.

Gaaçlık, aalayış, aaraştırcı, köpää, çalêr, acımsı, verdi, adama, adetä, adamak, adetçä, adaşa, birisi, agaya, adı, bunu, büütük, canavarın, ceeri.

Laf düzücü	Laf diiştirici




Bilersiniz mi siz?

Potr İlyiç Çaykovskiy (1840-1893) taa 24 yaşından her yıl birkaç ay yaşamış Ukraynada, neredä yazmış 30 zeedä yaratmasınnarı.



Potr İlyiç Çaykovskiy



„Cizmeciklär”



Bilersiniz mi siz?

AnotaTİya – kısadan açıklamaa kiyadın, tekstin temasını hem öz fikirini.

KompoziTİya – artistik yaratmanın, tekstin düzülmesi, onnar da kurmak payların baalantıları, bütünnüyü.



14. Düzün yaratma – miniatüra reproduktyiyaya görä.

TEKRARLAMAK

§3. LAF KURULUŞU (TEKRAR). GAGAUZ DİLİNİN ZENGİNNİİ

15. Okuyunuz teksti. Ne iş için o? Okuyunuz 2-3 cümleleri da söläyin kendibaşına söz paylarını. Ne onnar göstererlär, nesoy soruştara cuvap ederlär? Ayırın teksttan lafları, angıların maanalarını bilmeyersiniz. Bulunuz sözlükta onnarı, düzün cümleler.

İlk yaz. Büyük sokakta, bir aul boyunda, durardı bir bölüm adam, hepsi sıradaki izmetker insannar, angıları lafedärdilär yarımses-

län. Onnar durmamayca bakınardılar dolaya, da hep işidilärdi gülmäk patlaması... Bölüktä hepsi istärdi solemää kendi en keskin cümbüşlerini, onun için annatmaların arası hemen olmazdı, da biri, sesleyeräk öbürünü, beklärdi, nezaman o bitirecek, ki çeketsin kendi cümbüşünü.

D. Kara Çoban

16. Yapın morfolojiya analizi bu laflara: *ilkyaz, büyük, bir, hepsi*.

17. Cuvap edin soruşlara, getirin örnek:


- Ne o adlık?
- Ne o kendili hem adetçä adlıklar?
- Ne gösterer nışannık?
- Nesoy iki grupaya pay olêrlar sayılıklar?
- Ne o aderlik?

18. 1) Düzün yaratma – miniatüra “Benim ayläm”

Yardımcı laflar: küçük aylä, büyük aylä, batü, kardaş, kaku, kızkardeş, dostluk, birlilik, annaşmak...



2) Doldurun yaşamak aacını.



Oyun!

Kim taa islää?

- Kaç adım sendän tablayadan?
- Kaç adım sendän kapuyadan?

- Kiyadın kalınıń kaç santim?
- Kalemin uzunnuu nekadar?
- Kaç söz payı – kendibaşına?
- Kaç söz payı – yardımçı?

19. Ayırın cannı hem cansız adlıkları iki direcää da yazın onnarı tefterlernizä.

CANNI	CANSIZ

20. Okuyun aşaadakı söleyişleri. Nicä onnarı annêerrsınız? Düzün bir geniş yazılı cuvap birisinin maanasına görä. Bu temaya bulun taa başka söleyiş. Üstün-körün okumasının yok faydası. Yazıcıyı ayırasın ölä, nicä ayırêrsın dost kentinä.

21. Kendiniz yazın birär annatma teksti, onnarın adı olsun te bu tema: „*Bän okudum bir meraklı kiyat*“. Açıklayın tekstlerdä bibliotekanın te bu duvar yazısını: „*İi kiyat doluydur derin fikirlärlän, bilgilärlän, duygularlan*“.

22. Düzünüz lafbirleşmelerini, angıları düzülü: „nışannık+adlık“, bakarak bu resimä.

Örnek: üüsek yapı, ...



Vernadskiyin adına biblioteka Kievda

23. Aşaadakı teksti okuyun, onun strukturasını hem katlı planını kurup, tefterlerinizä yazın.

Düş gibi küçüklüm

Bitki günnerinä kadar çıkmêér insanın aklısından küçüklüyü. O sevgili, bahtlı, unudulmamaz gynnär, açan bütün gün sabaa-lendän avşamadan doyamêerrsın oynamaa sokakta. İmek dä imää istämeersin, nekadar da sesetmesinnär sofraya analar-bobalar. Sanêrsin, ani şindi ayırilacan evä da kaçıracan en meraklı oluştırlı. Türlü oyunnarı oynayardık: koolaşmacık, yumamacık, cenkçääz,

evcecik, çelicek,bom-bom boyacık, tıfracık, çinicik, aşıcık, seksek, çatı aşırısı atlamaa. Çok beenärdik toplan “Şandur-şandur” oynamaa hem oyunu “Ördeklär-avcılar.”

Düşümdä dä, aynımda da – günnar, açan mamuyan tati taa gençtilär, biz dä uşaklar taa şkolaya gezärdik. Te enikunu girdim o içeri, neredä bütün aylä toplanardı avşam-avşam. Masanın üstündä döseli çiçekli müşama, duvarda tıklêer saat, peçkanın içindä çit-çit yanêr odunnar. Bisdä sä,uşaklarda, ikişär kırmızı yanak, durêriz dayalı sıcak sobaya, yısıdêriz ellerimizi, zerä kızak kaydık alaca karannık çöküncä...

Te mamuyu görerim, nicä getirdi bir tepä çini, koydu onnarı masa üstünä da çeketti kotarmaa suannı mancasını; bobayı da, nicä çıkêr maazadan bir çanak turşuylan. Fit birdän burcu-burcu kokular kapladılar içersini. Annadêrim da o kokuları genä duyêrim ölä keskin, sansın vakıt hiç geçmemiş da durêr erindä. Varmı nicä silinsin fikirindän bu resimnär, açan onun kokusunu da duyêrsin, renklerinä dä elinnän dokunêrsin, ayın-açık işidersin sesleri o geçmiş vakıtlardan? Yok nicä! Onuştan insanın yaşamasında, küçüklüyü – en tatlı, en paali, unudulmaz bir da kipimci, zaman.

Tina Sürma

24. Ayırın bu teksttan aderlikleri da yazın onnarı bölümnerä görä.

25. Ayırın yaratmanızdan “Benim ayläm” adlıkları, nişannıkları, sayılıkları, aderlikleri da yazın onnarı tefterlerinizä.

§4. İŞLİK: MAANASI, MORFOLOGİYA NIŞANNARI, SINTAKSIS ROLÜ

26. Okuyunuz teksti demekli. Nesoy söz tipindä o yazılı? Angı söz payı düber bölä tekstleri. Annadın teksti sıradan.



Cenk – halk kararı. Cenk – o bir zarar, kahir, onun eri yok bu Toprakta. İnsan kayıl yavan ekmek imää – sade olmasın cenk.

Kim cengi geçirdi, büün işitmää dä istämeer bu lafi. Cenk getirer ölüm, sa-kathık, üüsüzlük, aaçlık, kan dökülmäk,

bozgunçluk, fukaaralık, kahır. Cengä läätzim hep karşı koymaa, ona yok er bizim topraamızda! Ko raat büüsün ekinnär, da insan, sevineräk, gülä-gülä altın başakları vakıtlan toplasın, sora da aylesini doyursun. Cenk olmasın, hiç bir da zaman kapamasın o kara bulutlar güneşi, atımasın atom topları, korkutmasın uşakları, kıymasın kabaatsız girginneri, nicä oldu o Büyük Vatan cengin-dä. Cenk braktı unudulmaz bir iz bütün halkın yaşamásında.

Ko bütün memlekettä, hepsi milletlär her zaman bulunsunnar uslulukta! Ko bulutlar olsun temiz! Ko şen şılasın gün! Ko raat uşaklar uyusun! Ko çalkansın raat kırlarda ekinnär!

Cenk kırerà yaşamayı, ondan läätzim korunmaa.



halk kararı – büyük kahır



İşliklerin te bu **morfologiya nışannarı** vardır: onnar diişilerlär üz-lerä görä, onnarın var sayıları, zamannarı, çalımnarı hem başka for-maları.

Örnek:

Bulutlar göktä kayeler.

Kayeler – işlik, oluşuk çalımında, şindiki zamanda, çokluk sayısında, üçüncü üzdü.

İşliklerin **var daymalı** morfolojiya nışannarı (zaloglar, geçir hem geç-mäz) hem **diil daymalı** nışannarı (çalımnar, sayı, üz, zamannar)

İşliklerin sintaksis funkciyası: işliklär cümledä çok kerä predikat olêrlar. Predikat olup, onnar gramatika hallarını kullanêrlar.

Örnek: Ç.h. G.h.

Bän geçtim bir dar köprüdän, yolu **kısaltmaa** deyni.

Geçtim – işlik, cümledä rolü – **predikat**.

Geçtim neredän? Köprüdän – hallık, düzülü adlıktan çıkış halında. İşlik kullanêr çıkış halında adlı.

Kısaltmaa neyi? Yolu – tamannık, düzülü adlıktan Gösterek halında. İşlik cümledä kullanêr Gösterek halında adlı.

27. Teksti „Vakit sayıcı“ demekli okuyun. İşlikleri bulup, açıklayın, angi üzdü, sayıda, zamanda onnar kullanılmış.

Vakit sayıcı

Açan Nastradin üurenärmiş şkolada, üüredici dayma annadar-mış dünnedä yaşamak için, türlü yortular için, vakıt için. Bir kerä urokta o demiş:

– Tä şindi taa ilkyaz. Günnär uzanêr, gecelär sä kisalêr. Bir ay-dan sora, açan gelecek yaz, gün olacek bir saat taa uzun...

Geçmiş bir ay. Genä laf olmuş urokta günnär için, da üüredici sormuş Hocaya:

- Ya, sölä bizä, Nastradin, – kaç saat var bir sutkada?
- Şindi sutkada var irmi beş saat, makar bir ay geeri irmi dörttü, – girgin cuvap etmiş Nastradin.

Urokta bulunan uşaklar hepsi gülmüştür.

28. Teksti okuyun, ondan işlikleri çıkarın, işliklerden afikslerini alıp, yazın onnarın temel formalarını, verilmiş örnäe kullanarak. .

İlk kaar

Dekabri ayın bitkisi. Bän hem Miti durêriz bizim evin saçaan altında, bekleeriz, yaamur çisetmesi durgunsun. İkimiz dä pek gücenärdik may, bir ay geçti, nasıl lääzimdi şindidän sora kış çeketsin, artık yıl sopasinnan eşiklerä urardı, ama kaar hep yoktu, hep yoktu...

...Karannık olardı. Miti gitti evä, bän dä girdim içeri, danıştım anama:

- Yaacek mi bir sıra kaar osa yaamayacak mı? Biktüm!

Ozaman mamu dedi:

- Kışın kaarlarını saksannar harcamişlar, onnar kendi yavruların yannarını biyaz boyamışlar.

Benim pek üfkäm çıktı o arsız saksannara, angıları bütün yaz yımırta kapmaa bakêrlar, kışın da kaarları daadêrlar. Yorgan altına girdiynän, neetlendim: nekadar saksan görecäm, hepsinä sopa atacam. Ko bizim küüdä azalsın şunnar, başka erlerä kirlasınna da baari kışa kaar yaasin.

Bän duymadım, nasıl uyumuşum. Sabaalän yorgan altından bana suuk geldi. Açılan pençereyä baktım... pençerenin sırcaları türlü-türü ayaz çiçekleri olmuş. Osaat annadım, ani kaar yaadı. Hızlı giiyindim, dışarı çıktım. Herersi gözäldi, bim-biyazdı, çizmelerin altında kaba kaar kıtirdaardı. Tokadın kazıuna bir saksan konmuştu. Uz bana bakardı. O da sevinärdi bu gözelim biyaz şalinkaylan daartılı kışa...

Örnek: durêriz – dur.

29. Düzün yaratma-miniatüra „Benim batüm, uçum askerci“, kullanarak yazılı sözünüzde türlü işliklär. Annadın, neyä görä belli edersiniz işlii nicä söz payını.

30. Düzün prezentaşıya „Bizim küüyün anılmış askercileri“. Kullanın sözünüzde işlikleri.



31. Bitirdin bu söleyişleri:

Eski dost...
Garga garganın gözünü...
Geç kaldın – ...
Beygir ahırdı...
Daa fidansız...
Bayırın ardı...
Demir sıcak kana...
Bir yılın...
Biri yapêr...
Bizim düündä...

➤ *Nesoy söz paylarını taa sıkça kullandınız?*

§5. İŞLİK: İŞLİKLERİN TEMEL FORMASI

32. Okuyun dikkat teksti, annadın sıradan onun içindeliini. Söläyin, angı bölümdän olduu bu tekstin? Bulup onun cümlelerindä sayılıkları, altlarını çizin, açıklayın onnarın dooru yazılmasını. İşliklerin altlarını ikişär çizgiylän çizip, söläyin, angı soruşlara onnar cuvap ederlär.

DEVÄ



Devä – tabiatın bir fasıl ev hayvanıydır. Taa eveldän insan bu hayvana şaşarmış: nasıl devä ölä çok dayanêr kızgın, ateşli, sıcak havalara!

Devä çok dayanêr susuzlaa da, o var nica çok vakıt su içmesin, ama, açan su bolluuna razgeler, o var nica bir büyük fiçi su içsin. İçilmiş suyunu devä biler nicä harcamaa, pek sıkı hem azarak onu harcêér. O hiç terlämeer. Onun derisindä büüyer pek sık hem uzunca tüceezlär, angıları koruyeler deveyi sıcaktan.

Yazın, üulen vakıdında, açan yakar sıcak havalar olêr, devenin tüüleri var nicä yısınsnar seksän gradusadan, ama hep bu vakıt onun derisi yısınêr sade kırk gradusadan...

Soluyer devä siirek, sade sekiz kerä bir minutta, bir köpek sa genä bu kayet sıcak günnerdä var nicä solusun üçüz-dortüz kerä bir minutta.

Devä kendi içilmiş suyunu sansın kamburun içindä koruyer. Acan bu hayvanda sıcaktan yaa başlêér erimää, onda olêr çok su – üz gram yaadan, üz edi gram su olêr.

Devä, kaybederäk suylan bilä kendi tenindän aarlının, üçüncü payını, var nicä aftalarlan gezinsin kızgın, çol erlerdä hem taşısın arkasında aar cuvalları.



kızgın, çol erlär – kızgın, boş, kumdan erlär
(Orta Aziyada hem başka)

devä – верблюд

yakar sıcak (havalar) – сильна спека

susuzluk – спрага

kambur – горб



Söz payına, angısı gösterer obyektin işlemini yada halını, işlik de-niler. İşliklär te bu soruşlara cuvap ederlär: **ne yapêr? ne yaptı? ne yapacek? ne olêr? ne oldu? ne olacak? ne yapmaa? ne yap?** hem baska.

Gagauz dilindä işliklerin gramatikayca temel forması te buydur: işliklär izin çalışmında , ikinci üzdä, birinci sayıda.

Örnek: *ne yap? git, al, çek, bak, solu, başla* h.b.

İşliklerin sintaksis funkciyası: işliklär cumledä çok kerä predikat olêrlar. Predikat olup, onnar gramatika hallarını kullanêrlar.

Örnek: *Bän geçtim* bir dar köprüden, yolu **kısaltmaa** deyni.

33. Aşaadakı cümleleri yazın. İşlikleri bulup, altlarını çizin. Söläyin, angı soruşlara onnar cuvap ederlär.

1. Büük kardaşım düzdü kendinä ev. 2. Te bizä dä kış geldi.
3. Buz eriyer sıcakta. 4. Çok uyumaa – naafilä. 5. Dostum resim-neyecek bir patret. 6. Dışarda lüzgär eser. 7. Başçadakı açık çiçekleri Miti kopardı. 8. Todur uzun odunnarı kıydı. 9. Yaarın Vasi yakacak taşıyacek. 10. Küçük uşaklar sokakta oynêîr.

34. Koyunuz işlikleri temel formasında:

Üürenmää, brakmadı, üürensün, işleer, olêr, sevärdi, başladı, kaybeldilär, katıldı, etişmedilär, tiparlamıştı, kaldırmaa, iler-

lemää, düzer, yapêrlar, etişmää, unudêr, bozulmaa, bitirer, çevirmiş, sallamış.

35. Düzün tekst, angısının söz tipi – annatma. Nesoy söz payı bölü tekstlerde taa sıkça kullanılır?

36. Okuyun demekli yaratmayı. Nesoy janrada o? Argumentläyin cuvabınızı. Bulunuz işlikleri, koyup onnarı temel formasında.

Eşek çalgıcı

Istemmiş eşek çalmaa türkű,
Alıp ta sıbidêr erä ükü.
Kaç yıl oldu çuval taşıyêrim
Bän parasız,
İyelerim tarak gibi şilêêrlar yulafsız,
E, bän ne taa mı aşaa horozdan?
Derim pak teneki oldu tozdan.
Bana da ses verdi bu dünnedä Allaa,
İştän hem sopadan eridim bän bu kilaya!
Büyündän hem taa ötää çalêrim bän düünnerdä –
Benim erim haliz ölä erdä.
Kär o vakıt keçi tekeylän evlener,
Çok musaafir onnara düünä geler.
Eşek ta tutturêr bir bet ava,
Tavandan düşer erä suva.
Kaybederlär gelini hem saadıcı.
Hepsi daalêr,
Kalêr eşek bir çalgıcı.

V. Uzunov

37. Yukarıda istân ayırin işlikleri, yazın onnarı tefterlerinizde, annadın, nicä düzülmüşlär. İki işliklän düzün cümhä.

38. Yapın bu cümleyä sintaksis analizi, annadın işliin sintaksis rolü için. Nikolay Baboglu deneer kendisini dramaturgiyada da.



Bilersiniz mi siz?

Yazdırmalı yaratmalar yazılırlar taa sık tabiat için, erin üzü için, bir resimä bakarak, tabiatın bir obyekti için, yaratmada personajın harakteristikası için yada onun patredi için hem başka.

39. Yazın annatma „Pazar günü“. Çizin işlikleri iki çiziciklän.

- 1) Nicä siz geçirersiniz pazar gününü?
- 2) Nesoy meraklı işlär yapêrsınız pazarlarda?
- 3) Neçin beenersiniz pazarı?

§6. İŞLİİN DİİŞİLMESİ

40. Okuyunuz şiri. Açıklayıın onun temasını hem öz fikirini.



İslää, açan güneş göktä,
Hem diil sä mamu hiç hasta.
Boran gezzin kär küülerdä,
Bizä kuytu anamızda.
Onun ürää dolu şeker.
O hepsindän bizä yakın,
Onsuz dünnä diil pek aydın.

G. Gaydarcı

41. Bulun yukarıı şıirdä işlikleri, annadın onnarın diişilmesi için. Diiştirin üzlerä görä da yazın tefterlerinizä.



İşliklär gagauz dilindä diişilerlär üzlerä, sayılara, çalımnara hem zamannara görä. İşliklerin var üç üzü, iki dä sayıları: I-üz, II-üz, III-üz; birlık sayısı hem çokluk sayısı.

Örnek:

Üzlär – birlük sayısı, üzlär – çokluk sayısı

I üz – bän alêrim, biz alêriz

II üz – sän alêrsin, siz alêrsınız

III üz – o alêr, onnar alêrlar

Bundan başka, işliklerin var üç zamanı: geçmiş, şındiki, hem gelecek.

Örnek:

O yazêr – şındiki zaman

O yazdı, yazmış – geçmiş zaman

O yazacek, yazar – gelecek zaman.

İşliklär diişerlär iki türlü:

1. Konsonnan bitän işliklär – ver, kal, dur h.b.

2. Vokallan bitän işliklär – oku, yıka, seslä h.b.

42. Okuyun G. Gaydarcının aklına getirmesini kendi aylesi için. Bulun işlikleri da yazın tefterlerinizä, annadın onnarın diişilmesi için.

Bizim aylemiz çokuşaklı bir aylayıdi.

Bobasız büdüük, anaylan sade, bän-edi yaşındaydım. Ama büüdüük, sesledik anayı, aaçılı da geçirdik, etiştik islää yaşamaya da.

Bän onaltı yaşındaydım, açan evdän çıktıım, ama anayı özlädim, geldiynän evä, onnan çok lafa durardım.

O büütü bizi: altı kardaşık, bir da kızkardaş kaldı saa, ama duudurdu o dokuz uşak.

Anamız çok can yakındı bir karı. O bilärdi halk türkülerini, çalardı bizä. Bir yıl şkolaya gitmişti sade. İlaçlamak tarafını da

bilärdi. Bütün küü ilaçlamaa getirärdi ona uşaklarını. O altmış edidä geçindi...

Bän onun için peet yazdım...

Ne gözäl yaşamaa ayledä,
Açan mamulyan baka evdä!

► *Nesoy baalantı şıirlän – iş 38 hem annatmaylan – iş 40. Argumentläyin cuvabınızı.*

43. Aşaadakı cümleleri yazın. Sadä hem katlı cümleleri bulup, gramatika temelini gösterin.

Saçak kuşları hem güllär



Her yıl başçamızda büüyer gül gümeleri. Yazın gümelerdä açेklär kırmızı gül çiçekleri. Bu yazın da onnar ölä gözäl açtilar. Güllerin çiçeklerindä peydalandı incecik biyaz kurtçaazlar. Göründü, ani onnar iyeeklär güllerin yapracıklarını hem tomruklarını. Zihirli ilaç serpmesindän kurtçaazlar ölmedilär.

Bir yaz günü bir bölüm saçak kuşu kondu gül gümelerinä. Onnar üusek civlamasından başladilar gagalamaa güllerdän kurtları. Bu kuşların ardına geldi başka bir bölüm saçak kuşu. Hepsi bu kuşlar yaptı kendi işini. Onnar pakladilar gül çiçeklerini kurtlardan, onustan bu yazın pek çok hem gözäl gül çiçää başçamızdavardı.



gül gümeleri – күші троянд
tomruk – пуп’яноч
saçak kuşu – горобець
zihirli ilaç – отрута

44. Yukarı teksttan „Saçak kuşları hem güllär“ işlikleri bulun.

I –var. –vokala bitän;
II-var. – konsona bitän.

45. Aşaadakı işlikleri yazın, diliştireräk onnarı geçmiş zamanında birlik hem çokluk sayısında. Kullanın verilmiş örnää:

Görünmää, korunmaa, baktırmaa, içtirmää.

Örnek: Birlik sayısı

Bän gördüm, ...

Çokluk sayısı

Biz gördük, ...

46. Aşağıdaki işlikleri yazın, herbir işlictan kurun onun temel hem infinitiv formalarını. Aazdan koyun soruş herbir işlää. Kullanın örnää:

Sıbidêrim, sesleerim, durêrim, oynêér, süpürdü, bekleerlär, söleeriz, pineriz, topladık, kuudu, sarsilêeriz, enseeriz, besleerlär, ii-silttik.

Örnek: sıbidêrim – sıbit-sıbitmaa, ...

47. Aşağıdaki teksti yazın, işlikleri bulup, ikişär cizgiylän altlarını çizin. Aazdan açıklayın o işliklerin sayılarını, üzlerini, zamannarını. Bellili cümleyü yapın sintaksis analizi.

Plastmasadan kuancık



Cök kerä diri kuancık sansın oyun oy-nêér hotulun dolayında. O döner, döner, sora yukarı uçer, aşaa düşer. O, dönüp, ileri hem geeri uçer, sora- saa hem sol taraflarda uçuşâr. Bölâ kuancık annadêr kafadarlarına, neredä o bulmuş çok nektar kendinä.

Bilgi izmetçileri, aaraştırip, üürendilär, ne annadêr kuannarın oyunnarı. **Onnar düzdülär plastmasadan küçük bir kuancık da kolverdilär onu hotulun yanına.** Oyuncak kuancı pek ii sesleer bilgiçlerin televiziyä komandasını. Bu kuancıın oyunnarı kalan kuannara gösterer yolu o erlerdä, neredä var çok çiçekcik.

Diri kuannar annêêrlar plastmasadan kuancıın oyunnarını. Onnar ucêrlar nektar toplamaa yırak kırlardan. Onuştan hotullar çabuk dolaceklar kuan ballarınınnan.



kuan(arı) – бджола

nektar – нектар, квітковий пилок

bilgi izmetçileri – науковці

plastmasadan kuancık – пластмасова бджілка

48. Aşağıdaki şiri okuyun, işlikleri bulup, ayıri okuyun, aazdan açıklayın onnarın üzlerini, sayılarını, zamannarını.

Güz altın döşeklän

Yolumu örter.

Yukarda geç yazlan

Lüzgär koolaşêr.

Fidandan düşärkän,

Yapraklar döner.

Güzün, gün şılkalan,

Gözlär kamaşêr.



Bu güneş gülärkän,
Gülümseerim bän.
Bu soluu çekärkän,
Hoşlanêrsin sän.

S. Kuroglu

49. Yazın cümleleri, işlikleri koyarak lääzimnü üzdä, sayıda hem zamanda. İşlikleri koyn geçmiş, şindiki zamannarda hem infinitiv formasında.

1. Pazar günü Angil (başar) (oku) bir meraklı kiyadını. 2. İki kardeş Simu hem Petri (git) cümercisi sabaalän baaya üzüm (getir). 3. Ekskursiyadan biz tez (gel) şkolaya. 4. Ekmeksiz (i) mancayı olmaz. 5. Siz (otur) yannaşık da biri-birinizä yardım (et) takrir yazmaa. 6. Onnar (etiş) bostana da (çeket) yolmaa kökennerdän otları. 7. Çoban, koynunnarını sulayıp, (ayda) onnarı çayıra. 8. Saabalän kırlar, daalar, alçaklar hem yamaçlar, çiçeklär, otlar, kuşlar – hepsi (diril) birdän.

50.  Aşaadaki işlikleri yazın, onnarlan kurun işlikleri şindiki zamanda, 3-üncü üzdä, birelik sayısında, verilmiş örñää kullanarak. Aazdan açıklayın işliklerin formalarını hem zaloglarını.

Alatla, atla, dur, ek, sat, koy, sil, kuru, seslä, beklä.

Örnek: al– almaa– aldırmaa– alér– aldırér.


§7. İŞLİKLERİN DÜZÜLMESİ. SADÄ İŞLİKLÄR. DÜZÜLÜ İŞLİKLÄR. KATLI İŞLİKLÄR

51. Okuyun söyleşileri. Annadin, nicä annêerrsınız onnarın maanalarını. Nesoy temayı açıkléeler söleyışlär. Ayırın işlikleri, yapın morfologiya analizini kısadan.

Vatandan paalı yoktur

1. Vatanın duşmanına doyma kin beslemää.
2. Halk vatansız olmaz.
3. Vatanı korumaa – herbir vatandaşın boyun-borcuydu.
4. Vatanın zenginnii – üüreniklär.
5. Kendin kayıp ol – Vatanına zännik yapma.
6. Vatanın kaaviykän, aylän raatlık çeker.
7. Kuşun da vatanı vardır.

52. Düzünasoňatıya lafa „küü”, kullanarak epitetleri.



İşliklär taa sık düzülerlär adlıklardan, nişannıklardan, duygular- dan maasuz afikslerin yardımınınnan.

Örnek: yol(adlık) – yolla (işlik)

Serin (nişannık) – serinnä (işlik)

Of(duygucu) – ofla (işlik).

53. Düzün bu afikslerin yardımınınnan -la, -lä, -il, -il, -ul, -ül, -laş, -ış, -lan, -lin, -na, -nan, -nen, -dir, -dir, -tir, -tir, -tur, -tür bu laflardan başka işlik. İkisinnän düzün cümlä. Yapın analiz.

Toz, el, şeker, adım, söz, ur, çek, kin, raat, iç, uç, işlä, boş, pak, incä, karar, geçir, bän, korkut, mäu, şaka, laf, sil, holoy, kaymak, tuz, er, yaz.



İşliklär düzülmelerinä görä üç paya bölünerlär:

1. Sadä işliklär.
2. Düzülü işliklär.
3. Katlı işliklär.

I. Sadä işliklär yalnız bir köktän düzülüydlär.

Örnek: git, dur, al, kapa, düz, bak h.b.

II. Düzülü işliklär laf düzücü afikslerin yardımınınnan düzülüydlär.

Örnek: iş- işlä, baş- başla, er- erleş, su- sula.

Düzülü işliklär sadä işliklerdän (temel formasından), adlıklardan, nişannıklardan, sayılıklardan hem başka söz paylarından kurulêrlar.

Bölâ işlikleri düzmää deyni, en çok te bu laf düzücü afikslär kullanılıêrlar:

1. -la, -lä: top- top-la, kol- kol-la, ses- ses-lä, göz- göz-lä
2. -il, il: at-at-il, ver-ver-il (at, ver -işliklerin temel forması)
- ul, -ül: ur- ur-ul, düz-düz-ül (ur, düz -işliklerin temel forması);
3. -dir, -dir, -dur,-dür,-tir,-tir,-tur,-tür: al-al-dir, gez-gez-dir, boz-boz-dur, çöz- çöz-dür, bas- bas-tır, çek- çek-tır, tut-tut-tur, küs- küs-tür.

III. Katlı işliklär düzülü iki laflan: baş laflan hem yardımcı laflan.

Örnek: afetmää (af – baş lafi, etmää – lafin yardımcısı), siiretmää (siir – baş lafi, -etmää – lafin yardımcı payı).

54. Aşaadakı lafbirleşmelerini yazın, düzücü işlikleri bulup, onnarın afikslerini çizgicik aşırı yazın, verilmiş ornää kullanarak.

Örnek: pakla – pak-la.

Pakla içersini, seslä ananı-bobanı, karşılaş dostunnan, sula hayvannarı, eklä kiyatçını, koola piliçleri, gezdir uşaa, topla tenele-

ri, tuzla patlacanı, dinnen güneşä karşı, çektir çatıyı, çözdür düünü, bastır yastuu, koydur imää, baktır en küçünü.

55. Okuyun teksti. Bulun teksttä işlikleri, açıklayın angı söz pyindan kurulu katlı hem düzülü işliklär, söläyin sadä işlikleri, yazın tefterlerinizä.
Annadınız, ne türlü işleer poştalar büünkü gündä?

POSTA İÇİN



Büün insannarın çoyu yazabilerlär kiyat biri-birinä: yıraktan bulunan dostlarına, hısımnarına, uşaklarına. Kiyatlari insannar kabul ederlär poştadan. Biz ölä sinaştık poştaya, ani şindidän sora şasmêîrız onun işinä. Biz bileriz, ani kiyat mutlak etişecek orayı, nereyä onu yolladık. Eer o küü yada kasaba demir yollarından yırakta bulunursa, kiyadı götürrecekler maşınaylan. Eer kiyadın yolunda deniz razgelärsä, kiyat gemidä da üzecek. Kimär kerä kiyat uçakta da uçer.

Bunu läätzim aklımızda tutalım, poştanın büünkü çabuk hem hızlı işlemesini paasını tanimaa deyni. Büünkü günnerdä poştalarda binnärlän izmetçi çalışêr. Onnar yırak erdä bulunan küüleri hem kasabalari bizä taa yakın yapêrlar.



kiyat – лист

uçak – літак

demir yol – залізниця

hısımnar – родичі

izmetçi – працівники

gemi – корабель



Bilersiniz mi siz

Toplama geografiya adlarında soy adlarını nişannayan laflar yazılırlar küçük bukvaylan: Kara deniz, Mermer denizi, Poyrazdaki Buzu lu okean, Haliç koltuu, Kerç buazı, Karpat bayırları, Siçiliya adası, Yalpu gölü, Yalpu deresi...



Yalpu gölü – en büyük göl Ukrainada

56. Düzün proekt-prezentaşıya „Benim sevgili küyüm”. Kullanın sözünüzdä çok işlik. Ne onnar göstererlär?

Yardımcı laflar: düzündü, yapındı, koyuldu, gözellendi, açıldı....

57.  Okuyun teksti. Bulun teksttä „Kara gargacık“ işlikleri da yazın onnarı tefterlerinizä, payedip üç bölümä.

Sadä	Düzülü	Katlı

Kara gargacık



Bir kara, küçüräk gargacık dayma konêr bizim uzun aulun dabinä. Bän denedim, ani bu gargacık hodul geziner aulun içindä. O saklêér hepsini, ne bulêr gagasınınnan.

Bir gün kara gargacık neredänsä bulmuştı bir kopça da başladı onu saklamaa.

İlkin o koydu kopçayı otlar içindä, ama otlar sık büümäzdilär. Gargacık yukarı uçtu, baktı kopçasına, kopça yukardan görünärди. Gargacık kondu iki yüksek otcaazların üstünä, savaştı kapamaa onnarlan kopçayı. Ama otcaazlar, bükülüp, genä dooruldular. Kopça genä açık erdä kaldı.

Üfkelendi gargacık: bölä bu kopçayı var nicä saksannar kapsınnar. Bu vakıt halizdän dä iki saksan ona dooru uçardılar. Kara gargacık çabuk bir taş altında kuyucuk yaptı, orayı sakladı kopçasını. Kendisi dä o taşı yakın bir aacın dalına kondu. Kara gargacık sansın kendi şiretliinä sevindi: şindi saksannar kapmayacaklar benim kopçamı!



hodul – гордо
kopça – ғұдзик
şiretlik – хитрість

gaga – дзъоб
saksannar – сороки

§8. KATLI İŞLİKLERİN DOORU YAZILMASI

58. Okuyun teksti demekli. Açıklayın onun temasını hem öz fikirini. İlkyaz gagauzlara deyni nesoy zaman vakıdı?

İlkyaz... Bu yılın o zaman vakıdı, açan temiz çiceklerä kuannar konuvererlär da en islää balın toplaması çekeder. En ii bal ona deñiler.



İlkyaz – uşakların en sevgili vakıdı, açan onnar, alıp sürmeleri, sevinerák tutmaa deyni, kelebeklerin ardına kaçivererlär kenara yarışmaa yımışacık, eşil çimencik üstündä, ya da, toplanıp birkaç kişi, çekederlär gud-gudak oynamaa, deredä biccicikleri otladêrlar.

İlkyaz – zaman vakıdı, açan çiftçilär çıkışvererlär kıra sürmää, ilkyaz ekinnerini ek-mää, baa kesmää hem taa başka-başka işleri yapabilmää.

İlkyaz işlerini başarmaa deyni, kalkêr bütün küü.



Katlı işlikler birleşik yazılırlar te bu razgelişlerdä:

a) açan katlı işliklerin içindeki lafların maanaları birleşerlär, ozaman onnar **birleşik** yazılırlar. Bölâ işliklerin ilk payı **birkisimnıydır**.

Örnek: *lafetmää, zapetmää, kabletmää, kaybetcimä, razgelmää, yoketmää, eletmää.*

Bu katlı işliklerdä lafların yardımcı payları **-etmää, -gelmää** baş laflarlan **birleşik** yazılırlar.

ä) katlı işliklär, angıları düzülü baş laftan hem yardımçıdan, işliklärلن **bilmää, vermää** birleşik yazılırlar;

Örnek: *tutabilmää, alabilmää, yapabilmää, yazivermää.*

Bu katlı işliklerin birinci payları **-tuta, -ala, -yapa, -kapı, -gidi** hem başka kendibaşına kullanılmêrlar.

Katlı işliklär ayri yazılırlar:

açan katlı işliklerin içindeki lafların maanaları diil birleşik hem onnarın birisi adlardan düzülü da kendibaşına kullanılır, ozaman onnar ayri yazılırlar.

Örnek: *betva etmää, cuvap etmää, esap etmää, izmet etmää, yardım etmää, prost etmää, karşı gelmää, aklına getirmää, yavklu olmaa, kayıl olmaa, şen olmaa, aklında tutmaa, zarar yapmamaa, seläm vermää hem başka.*

59. Yukarı teksttan ayriñ işlikleri, annadınız onnarın dooru yazılması için.

60. Bakınız asoňiaňiyaya lafa “cenk”. Düzün bu laflarlan sadä cümle, kullanarak katlı işlikleri. Annadın onnarın dooru yazılması için.



61. Aşağıdaki teksti yazın, cümlelerden katlı işliklerin altlarını çizin, onnarın dooru yazılmasını açıklayın.

Oyundan geldiynän

Açan uroklardan sora săn oyunda çok vakıt kaybedersin, da evä geldiynän, anan takazalêér, çok lafetmä, takazayı, susarak, kablet. Sade de anana:

– Afet beni, başka kerä oyundan taa erken gelecäm!

Ozaman anan seni metedecek hepsinä: dostlarına, komşularına, hısimnarınıza.

Sora üzünü-ellerini yıka, da yaziver gramatika işlerini, angılarını vermiş üüredici evdä yapmaa deyni. Eer esaplayabilärsän matematika davalarını, onnarı da geçiriver tefterinä. Ertesi günün uroklarına hazırlandıynan, başla izmet etmää aul içindä. Lääzim kayıl olmaa herbir işä. Sade zarar yapmaa olmaz!

62. Aşağıdaki lafbirleşmelerini yazın, onnarda katlı işliklerini bulup, dooru yazılmaları için annadin.

Hayvannarı zapetmää, kiyat kabletmää, hızlı lafetmää, kino sii-retmää, umut kaybetsmää, gübürleri yoketmää, oyunda razgelmää, kazanı tutabilmää, şafkları yakıvermää, çantayı alabilmää, zor işleri yapabilmää, ariflii kapıvermää, yannişlıklarını dooruduvermää, duşmana betva etmää, kardaşımnan karşı gelmää, kuralı aklinı getirmää, herzaman şen olmaa, gül gibi çiçek açmaa, hepsinä seläm vermää, iilikleri aklimda tutmaa.

63. Aşağıdaki lafbirleşmelerinin birär cümle yazın, onnarda katlı işliklerin altlarını çizin, açıklayın onnarın dooru yazılmasını.

Erimdä oturabildim, eni kuralı annayıverdim, meraklı lafettik, kızkardaşımı metetmää, cuwap etmää, yardım etmää.

64. Aşağıdaki parçayı yazın da, işlikleri bulup, onnarın altlarını çizin, düzülmesenä göre netürlü olduklarını sölayın.



Bän iki dostumnan hem dädu Mial köpeklerinnän bir yortu günü gittik daaya avlanmaa. Çok gezdik, ama daayın orta erindä dädu Mial dedi:

– Oturalım burada. Benim o akıllı köpeklerim bizä o avı koolayabilecekler.

Biz oturduk bir aacın altında da şamata yapmadık. Yolcaaz önmüzdä pek islää görünardi. Lafetmäzdik, kuşku seslenärdik. Köpeklär geeri kalmıştılar da uzakta salardılar. Biz annadık, ani köpeklär neyisä tutabilmää savaşardılar. Yavaş-yavaş onnarın salması hep taa yakın işidilärdi. Ansızdan çalışlık

ardından, yolcaazda bir tavşam peydalandı, onun ardına, ne kaçabilärsä bir tilki gelärdi.

Dädu Mial tezicik keezledi tilkiyi da tüfeklän ateş etti. Tilki, atlayıp başından aşırı, erä düştü. Biz annadık, ani dädu Mial çok becerekli keezçiymiş.



avlanmaa – полювати

ateş etti – вистрілив

çalılık – місцевість, де росте чортополох

kuşku – насторожено

keezçi – стрілець

65. Bulun yukarı teksttä işlikleri, aazdan söylein düzülmesinä görä afiksleri.

66. Aşaadakı işliklerä yazın lääzimnı lafları ölää, ki olsun lafbirleşmeleri.

Parantezalarda angı söz payından işliklär kurulu. Kullanın verilmiş örnää:

Örnek: Boşalttım – boşalttım çantamı (boş – nışannık).

Paklamaa – ...

İncelemää – ...

Kararttım – ...

Biyazıttım – ...

İşledim – ...

Sesledim – ...

Suladım – ...

Damnadı – ...

Ofladı – ...

67. Aşaadakı teksti yazın, işliklerin altlarını çizin, açıklayın, onnarın sintaksis funktyyasını.

Mityä bu sabaa çok taa şen açıldı. Sevineräk, o kalktı, yaptı gিralalarlan sport sınasmaklarını, sora suuk suylan yıkandı, peşkir-län silindi da geçti kufneyä. Mamusu kaurdu ona iki yımırta, kay-nattı süt da alatlan doyurdu oolunu.



Var mı nasıl o yollanmasın erken evdän, açan onun raketası hazır da büün denenecek stadionda. Orada olacek oyun kim-kimi geçärsä, ama Miti brakılmayacak. O sili-neräk, kalktı da hızlandı balkona. Enikunu çıkardı dolap içindän o gözäl, kıvrak hem yalabık raketa modelini da yokoldu evdän.



denenecek – випробувати

yokoldu – і сліду не стало

68. Aşaadakı işliklärlän kurun lafbirleşmelerini, kullanarak uydurmak için lafları. Çizgicik aşırı işliklerin afikslerini yazın.

Git, kapa, sil, iç, çiinä, işlä, sor, bak, anna, pakla, bul, oku.

Uydurmak için laflar: şkolaya, kapuyu, taftadan, samanna-ri, filcanı, südü, başçada, kızkardaşına, pençeredän, okumaktan, içersini, kiyadı.

69.  İşlikleri yazın, sora onnarı koyun 3-cü üzdeki geçmiş zamana, bu işliklerä uydurun lääzimni adlıkları.

Yapıştırmaa, çıkarmaa, kurtarmaa, dartmaa, gliimää, vermää, sevmää, korkmaa, beklemää, dikmää.

Örnek: Vermää – verdi – verdi almayı.

§9. İŞLİKLERİN İNFİNİTİV FORMASI

70. Okuyun şiri. Açıklayıın onun temasını hem öz fikirini.

...Düştü benim da payıma
Türlü insan zanaati:
Bän sınasık çekmää kazma,
Puluk tutmaa, arman düümää,
Maşinalık ta kullanmaa.
Üüredici oldum vakıtlan,
Şindi bilgiylän evlendim,
Deyecäm: kiyat gibi bir dostlan
Ömürümdä yok buluştuum.
Ama poet ecelindän
Yok işittiim taa zor kısmet:
Binnän laf çiçeendän
Lääzim yapmaa salt bir demet.



düzücü – будівельник
resimci – художник
ilaççı – лікар

aşçı – кухар
üüredici – учитель
baacı – винороб

71. I. Düzün asoňiaňya lafa „zanaat”.



II. Okuyun teksti, verin doludan cuvap soruşa.

Üüredici

Bu dünnedä var çok türlü zanaat: çiftçi, doktor, agronom, in-jener h.b. Bu zanaatlar hepsicii lääzimni, hepsiciini insan biler,

sayēr hem hatırlēer. Ama üüredicisiz bir dä zanaat olamaz. Üüredici – baş zanaat.

Vatanımız, halkımız bekleer, ki evlat boyları çıksınnar üüredicilerin ellerindän terbiedili hem zengin ruhlu, namuzlu hem çalışkan, dilini hem adetlerini kullanan.

Ama bu – diil kolay. Buna deyni läätzim haliz üüredicilär, haliz yaratıcılar!

► *Kayılsınız mı avtorlan? Argumentläyin cuvabınızı.*



İnfinativ deniler işliklerin bellisiz formasına, angısı göstermeer ne zaman, ne üz, ne dä sayı.

İşliklerin infinitiv forması **ne yapmaa? ne yapmamaa? ne yaptırmaa?** soruşlara cuvap eder.

Örnek: *kaç-maa, kaç- ma -maa, kaç -tir-maa, atla-maa, atla-ma-maa, atla-ttir-maa, seslä- sesle-mää.*

72. Yukarıki şıirdän bulun işlikleri infinitiv formasında, yazın onnarı tefterlerinizä.

73. Aşaadakı işlikleri, infinitiv formasına koyup, tefterlerinizdä yazın.

Örnek: diktir – diktirmää.

Diktir, götür, seslä, seslet, çalış, korun, oyna, uç, kaç, gez, saa, yık, koy, büü, lafet, gezdir, çiz, yap, gel, beklä, yazdır, dii, kazdır, uyu, geçir, süündür, seslä, kazı, otur.

74. Aşaadakı cümleleri tefterlerinizdä yazın, infinitiv formasında işliklerin altlarını çizin.

1. Uşaklar yazın güneştä oynamaa hem derelerdä yikanmaa severlär. 2. Bir işi bitirmedään, öbürünü diil läätzim çekettirmää. 3. Oli türkү çalmaa sever, onun gözäl sesi taa küçüktän başladı çıkmää. 4. Vani isteer kafadarlarını ikramnamaa, sora göstermää onnara kendi resimnerini.

75. Aşaadakı infinitiv formasında olan işliklärلن birär cümle kurup, yazın onnarı tefterlerinizä.

Paklamaa, yıslamaa, doldurmaa, asmaa, sıbitmaa, çizmää, akтарmaa, çıkamamaa, yazdırmaa, sürdürmää.



Bilersiniz mi siz?

Nattürmort – franțuzça dilindän gelmä laf, çevirtmenin maanası: „ölü natura“. O var resim incäzanaatlının janrası, angısının kartinalarında resimni cansızlık predmetleri: zarzavatlar, meyvalar, çiçeklär, balıklar, avcılık trofeyleri, türlü kullanan predmetlär h.b.



Tabiat onun üüredicisiydi, çiçeklär dä – polotnoların baş motivleri. "Çiçeklär, nicä insannar – diri, onnarın var ruhu!", – deyärdi Katerina Bilokur, ukrainanın anılmış resimcisi. Onnar, sansın bir solukta, yatardilar resimin platına açık renkli patlamaklan. Onun kartinaların kolektyyasını istärdilär koymaa Sovet Kremlesindä, büünkü günnerdä sä, görmää deyni onun resimnerini, Ukrainianaya geler insannar dübündüz dünnedän.

Duumuş resimciyka Bogdanovka küyündä Yagotinskiy dolyında Kiev bölgесindä. O iirikli sokaacıklar koruyerlar anılmاسını Katerina Bilokur için. O küçükük evceezdä dä, neredä geçirdi bütün yaşamasını resimciyka, muzey.



*Katerina Bilokur.
"Bogdanovka almaları",
1958-59-uncu yillarda*



Bogdanovkanın almaları – богданівські яблука
resmin plati – полотна
ruh – душа
iirikli – звивисті

76. Aşaaadaki infinitiv formasında olan işliklärلن birär cümle kurup, yazın onnarı tefterlerinizä.

Paklamaa, yıslamaa, doldurmaa, asmaa, sıbitmaa, çizmää, ak-tarmaa, çıkamamaa, yazdırmaa, sürdürmää.

77. Çevirin lafları ukrain dilindän gagauz dilinä. Yarıştırın dilleri.

Читати, ходити, стрибати, гомоніти, чорніти, побороти, варити.

78. Düzün yaratmaa „Benim gelecek zanaatım“ da kullanım onda lafları asotiyadan hem işlikleri infinitiv formasında. Yapın morfologiya analizi iki işlää yaratmanızdan.

§10. İŞLİKLERİN İNKÄRLİK FORMASI

79. Okuyun teksti demekli. Koyunuz onun adını. Bulunuz tekstte işlikleri, belli ediniz onnarın formalarını. Söläyin tekstin söz tipini hem söz stilini.

Käämil gecelär Bucakta! Aaçlarda hiç bir da yaprak titirämeer! Yavaşcık yatêr türlü-türlü dikiştä yamalar gibi meralar. İlgin lüzgercik soluklandırêr, getirer gözäl kır çiçeklerin kokularını. Bülbüllär yakında, ilerdä yalabiyer göl.

Türküsü geldi kendisinä gecä yarısı. Açıtı gözlerini, da ona bir minuta geldi, ani o mezar içindä, nereyi gömmüslär onu, sanıp, ki o ölü. "Lääzim çıkmış buradan! – dedi o kendinä, da şüpedän, ani kalacek bu karannıkta yalnız, güüsündän çıktı".

– O, of!

O istedi kalkmaa, ama kalkamadı: acıdan döndü başı, kesildi kuvedi. O genä düştü arkası üstü. Geldiynän kendinä, o açtı gözlerini, gördü, ani maaza kapusunun aralıklarından hep taa şilêér şılacık. Ay şılacıı, uzun, iplicäk gibi, uzanmıştı taa maazanın dibinä kadar. O annadı, ani yatêr maazada. Enikunu, alatlamayaarak toplandılar, sora genä kaybeldilär, öküz gibi, aar olmuş, geçtiklär.

S. Bulgar



İşliin, temel hem infinitiv formalarından kaarä, var inkärlilik forması da. İşliin bu forması gösterer inkärlilik, annadêr, ani işlem olmêér, olmadı hem olmayacak. **Örnek:** *bak-ma, aç-ma, tut-ma, gez-mä, gül-mä, kes-mä* hem başka.

İnkärlilik forması kurulêr işliin temel formasından -ma, -mä, mêt, -me – afikslerin yardımının; bu afikslär eklenerlär işliin temelinä vokal гармонијасына görâ. **Örnek:** *al – al-mêt-êr, ger – ger-me-er, bul – bul-ma-di, küs – küs-mä, seslä – seslä-mä*.

Afikslerä -ma, -mä, -mêt, -me deniler inkärlilik afiksleri. Bu afikslär düteler işliin inkärlilik formasının temelini.

Bän bakmadım

biz bakmadık

Sän bakmadın

siz bakmadınız

O bakmadı

onnar bakmadılar

80. Bulunuz yukarıda istä işlikleri inkärlilik formasında. Annadınız kurala görâ onun düzülmesi için.

81. Aşaadaki işliklärlän düzün birär cümle. Annadın, neçin onnar inkärlilik formasında. Angı zamanda hem üzdä onnar bulunêrlar? Annadın onnarın afiksleri için.

Almêêrlar, sormêêrlar, seslämeersiniz, demeeringim.

-  82. Diiştirin yukarkı iştan işlikleri inkärlik formasında üzlerä hem sayıya görä.
-  83. Aşaadakı işlikleri koyunuz inkärlik formasında da diiştirin şindiki zamanda. Kaç, al, taşı, sürü, çek, sakla, düz, yap, gii, lafet, mayıl ol.
-  84. Aşaadakı işliklerin inkärlik başlankı formasını bulun.
- Geçmeerim, oturmêérüm, daatmêérüm, saymêérşiniz, tanımêérşiniz, seslämeer, başlamêérşiniz, görâmeer, kabletmeer, unutmêériz, cuvap vermeeriz, görâmeer, kösteklänmeer, ininmeerlär, sevmeersin, kuumêér, saamêér.
-  85. Okuyun teksti. İşlikleri bulun, açıklayın onnarın sayılarını, üzlerini hem zamannarını.

Avcı hem ayı

Bir avcı, tüüfeeni alıp, daaya gitmiş. **Daayın** orta erindä karşı gelmiş bir kara-mor ayıylan. Avcı korkmamış da, islää keezleyip, patlatmış tüfeeni ayıya dooru. Ama ayayı o öldürämemiş, sade derin yaralamış. Ayı başlamış anırmaa, sansın deli olmuş, da takışmış adamın ardına.

Bu adam sıbitmiş tüfeeni da çabuk tırmanmış bir balaban aacın tepesinä. Ama korkudan o unutmuş, ani ayılar bilerlär aaçlarla pinmää. Bu ayı da başlamış pinmää aaca avcının ardına. Görer avcı: şindicik ayı tutabilecek onun ayaandan. Ne yapsın? O şiretliklän düşüner kurtulmaa. **Avcı çıkarêr kürkünü da sıbidêr aaçtan erä.**

Ayı sanmış, ani avcı erä düşmüş, da kendisi, bu aacın yukarısından, aşaa bakarak, erä düşmüş da olmuş ölüm halında. Kan akarmış onun yaralarından. Birkaç minuttan sora ayı olmuş. Avcı inmiş aaçtan erä da sevinmeliktän, başlamış oyun oynamaa. Sora o kendi-kendisinä demiş:

– Yok bişey, ani kürküm kannandı, varmış kıismetim, ani bän ölümdän kurtuldum, şindi bän ayının derisini soyacam!

Avcı ölä dä yapmış.

- 1) bellili lafa yapın fonetika analizi.
- 2) bellili cümleyü yapın sintaksis analizi.

-  86.  Yazın teksti. Koyun adını. İllerläyin teksti. Açıñız skobaları, koyup işlikleri läätzimnî formada.

Gün denizin sularında (çırpin). Denizin boyunda çok insan (toplan). Onnar su içenä, ufab para monetalarını alıp, (bak), nasıl durucacık su (dalgalan), nasıl paracıklar denizin dibinä (düş).

Bezbelli, aşırıdan gelän insannar büün denizi bitki kerä (gör). Onnarın dinnenmäk vakıdı, olmalı, (bit).

Ansızdan işidildi bir karının sesi:

– Ya, (bak), te orada bir çocucak (buul)!

Hepsi (bak) saa tarafa. Denizin derin erindä halizdän dä bir çocucak su içindä, dalıp-çıkardı. İnsannarın arasından bir balaban adam çabuk (atla) denizin o erinä.

§11. İŞLİKLERİN ZALOGLARI

87. Okuyun bu annatmanın bir parçasını. Onun adı "Kucaklan güneş daadan". Nicä siz annêersiniz bu söylemeyi?

D. Kara Cobana – üüredicimä, paali adama



Bu yaşamakta bir büyük iş, açan buluşêrsin, yada yaşêersin yakın bir geniş ürekli, talantlı hem akıllı adamnan. Ama açan ölä adam senin üüredicin, da o seninnän taman o vakitta, nezaman kuşçaaz gibi savaşêrsin sarını yutmaa, kanaatlanmaa, ozaman, açan, nicä göcenciktä, açılır gözlerin dünneyä – bu bir büyük kenarsız kismet.

O vakıt biz taa annamardık, kim bizä deyni bu fasıl, bizim fikirimizä uyan adam. Bilmärdik, ani bu pek siirek düşüş bizim yaşamamızda.

Çok işlär silindilär, soldular fikirimizdä, ama Onun işleri şıralı, taazä kaldılar çok vakıda.



İşliklerin var zalog formaları, angıları göstererlär subyektin pay olmasını işliin ya da işlemin çalışmında.

İşliin bu formaları kurulêrlar afikslerin yardımının: bir işliktän düzüler başka işlik.

Onuştan bu afikslerä deniler zalog afiksleri, ama onnara olur demää laf düzücü afiksleri da.

Gagauz dilindä var beş zalog forması:

1. Temel zalogu

Örnek: kaç, gez, oku, otur, aç, kalk, git, dik

Örnek: çiinemää çamuru, aktarmaa yaprakları – geçir işliklär; solumaa, uyumaa, serinnemää – geçmaz işliklär.

2. Ortalık zalogu

Bu zalogun işlikleri göstererlär, ani iş yapıller iki,birkaç subyektlən bərabər. Onnar düzüllerlər işliin temel formasından *-n*, *-un*, *-ün*, *-in* afikslerin yardımınınan.

Örnek: *tara – tara-n*, *tut – tut-un*, *ört – ört-ün*, *sil – sil-in*.

3. Kendilik zalogu

Bu zalogun işlikleri göstererlär, ani subyekt yapər iş kendi-kendinə. Onnar kurulêrlar işliin temel formasından *-ş*, *-uş*, *-üş*, iş afikslerin yardımınınan.

Örnek: *anna – anna-ş*, *bul – bul-uş*, *gör – gör-üş*, *daal – daal-ış-maa*.

4. Çekimnik zalogu

Bu zalogun işlikleri göstererlär, ani subyekta birkimsey başkası yaptırır işi. Onnar kurulêrlar temel formasından *-il*, *-il,-ul,-ül* afikslerin yardımınınan.

Örnek: *yaz – yaz-il*, *çek – çek-il*, *ur – ur-ul*, *öz – öz-ül*.

5. Zorlamak zalogu

Bu zalogların işleri annadêrlar, ani subyekt buyurêr başkasına yapsın işi, yada yaptırırsın . Onnar düzüllerlər işliin temel formasından *-dır*, *-dir*, *-dur*, *-dür*, *-tır*, *-tir*, *-tur*, *-tür*, *-t*, *-ir*, *-ur*.

Örnek: *al-al-dır*, *gez-gez-dir-t*, *tut-tut-tur-t*, *don-don-dur*, *küs-küs-tür*, *gül-gül-dür*, *oku-oku-t*, *bas-bas-tır*, *gir-gir-ir*, *çek-çek-tır*, *dur-dur-ur*.

88. Yukarı teksttän ayırin işlikleri da yazın onnarı tefterlerinizə iki direcää, çizgi aşırı belli edin zaloglarını, çizin afikslerini.

89. Aşaadakı ortalık zalogunda işlikleri yazın, onnardan lafbirleşmelerini kurun, uydurarak onnara lääzmnni annadıcı lafları. Bu işliklerin temel formasını, zalog, zaman hem çöklük sayısını (III-cü üz) afikslerini çizgicik aşırı yazın, aşaadakı örnää kullanarak.

Buluştuk, bozuştuk, daalıştık, karşılaştık, kaçıştık, annaştık.



Uydurmak için laflar:

toplantıda, panayırda, boşuna, klisedän, biri-birinä, ansızdan, yangın içiñ, seninnän, kasabada.

90. Aşaadakı zorlamak zalogunda işlikleri hem onnarın annadıcı laflarını yazın, işliklerin temel formalarını, zalog, geçmiş zamanın afikslerini bulun, çizgicik aşırı yazın, verilmiş örnää kullanarak.

Diktirdi fistan – annattırdı masal – ...

Susturdu uşaa – sevindirdi kendisini – ...

Gezdirdi eşää – sölettirdi lafinı – ...

Bozdurdu para – oturttu skemneyä – ...

91. Düzün lafbirleşmeleri verilmiş formalarlan.

Birlik sayısı: yazıldım, tutuldum, çekildim.

Örnek: Bän *yaz-il-di-m*

Yaz – temel forması

il – zalog afiksi


di – zaman afiksi

m – üz afiksi.


92. Doldurun kafesleri kendi örneklerinizinnän (10 örnek).

Temel zalogu	Ortalık zalogu	Kendilik zalogu	Çekimnik zalogu	Zorlamak zalogu

93. Düzünasoňaňya lafa "Vatan".



94. Okuyun teksti. Koyun onun adını. Ayırınız teksttan işlikleri, koyup onnarı beş zalogta.



Kapu kapandı lüzgerdän. İşidildi lüzgerin uuldaması. Koli sarıldı yaamurluklan da çıktı dışarı piliçleri kapamaa. Yavaş yaayardı yaamur, ama o yışlandı. Ansızdan gök gürülde. Yaamur taa pek hızlandı. Bir horoz yıkanardı yalakta. Piliçlär sä kloçkaylan gezinärdilär aul içindä. Sora piliçlär toplandılar kloçkanın altında. Kloçka, durgunup bir erindä, seslenärdi yaamurun şıprtısına. Koli aydadı kloçkayı hem piliçleri kümes içiniä. Başka tauklar da hem horoz, oyani-buyanı baka-baka, genä o büyük kümes içiniä girdilär. Çocucak kapadı kümesi ,ken-disi da tezicik döndü içeri. Tezdä anası iştän geldi. O pek sevindi, ani Koli unutmadı da vakıdında korudu yaamur dan piliçleri hem taukları.

- 1) Temel zalogu – ...
- 2) Ortalık zalogu – ...
- 3) Kendilik zalogu – ...
- 4) Çekimnik zalogu – ...
- 5) Zorlamak zalogu – ...



yaamurluk – дошовик
tezdä – незабаром

uuldamak – завивання вітру
vakidinca – вчасно

§12. OLUŞLUK ÇALIMI

95. Okuyunuz teksti. Belli ediniz onun tipini, stilini, janrasını. Bulunuz işlikleri da yazın onnarı tefterlerinizä. Koyunuz adını?



Ana, Vatan, natura – bu laflar sıkı baalı biri-birinä. Onnar düber Vatanın gözelliini.

Vatanımızın gözelli – o natura.

Peetçilär kendi yaratmalarında çok kerä çalışêrlar gözelli göstirmää – Vatanımın gözelliini, angısını doz-dolay sarêr şıralı tabiat, gözäl, renkli natura.

Ana tarafın tabiatı her zaman gözüldü. Ana tarafın tabiatı – bizim pak soluumuz hem umudumuz.

Bucak diiıldı, döndü dünneyin üzündä bir gözäl çiçekli başça-ya. Yok nicä beenmemää, yok nicä sevmemää bu büülü, çiçekli tarafi!

Haliz dä, çok güzellik var bizim Vatanda! Gözäl evlär, eşil ekin-när, geniş baalarlar, gür meyvalıklar, güneşli sokaklar, sıra dizili aacalar, çiçik başçaları.

Ekologiya probleması da avtorlara deyni pek önemli, çünkü natura – o bizim soluumuz, o – bizim saalımız.

Peeterindä onnar yazdırêrlar tabiatın durumunu, yılın zaman-narını. Peetçi gösterer herbir zamanın gözelliini, gercikliini, fay-dalıını, käämilliini.



İşliklerin oluşluk çalımı gösterer işlemin halizdän şindiki olmasına, geçmiş olduğunu hem gelecek olacaanı.

Örnek: o gördü, görer, görecek.

Oluşluk çalışının işliklerində var halizlik hem inkärlik formaları.

Örnek: yazêr – halizlik forması, yazmêér – inkärlik forması.

Oluşluk çalışının işliklerində çalım afiksleri yoktur. Onnar düzülerlär zaman hem üz afikslerin yardımından. Oluşluk çalışının işliklerində var hepsi zamannar: şındiki, geçmiş, gelecek.

Oluşluk çalışının zamannarı:

I. Şındiki zaman: *yazêr*.

II. Gelecek zaman

1. Mutlak gelecek zaman: *yazacek*

2. Bellisiz gelecek zaman: *yazar*

III. Geçmiş zaman

1. Mutlak geçmiş zaman: *yazdı*

2. Bellisiz geçmiş zaman: *yazmış*

3. Bitkisiz geçmiş zaman: *yazardı*

4. Çoktan geçmiş bitirilmiş zaman: *yazdıydı*

5. Çoktan geçmiş bellisiz zaman: *yazmıştı*

6. Neetlik geçmiş zaman: *yazaceydi*

96. Koyunuz verilmiş işlikleri oluşluk çalışının zamannarına, bakarak tablıṭaya.

Örnek: kaz – kazêr – kazayacak – kazar – kazdı – kazmış – kazardı – kazdıydı – kazmıştı – kazaceydi.

Kal, koy, dur, çaar, git, sil, ek.

97. Okuyunuz işlikleri, anglarını yazdırınız tefterlerinizde yukarık teksttän da söläyin oluşluk çalışımında işlikleri. Neyä görä yaptınız argument?

98. Düzünüz asoṭiyaṭiya lafa “Natura”.



99. Ayırınız bu şiidrân işlikleri oluşluk çalışımında da yazınız onnarı tefterlerinizde.

Yaamur


Avşam üstü yaamur yaayêér,

Bulut kayêr hep ileri,

Benim o canımı sarêr,

Sansın sevdamın elli.

Ölä beni kara bulut
Gökä aldı kanadında,
Da kalmadı hiç bir umut,
Nelär taa vardı canımda.
Beni üüsää o kaldırdı,
Yaamurlan indirdi erä.
Nedän ölä pek karardı
Onda buruk o tepelär?



Damna-damna, sansın boncuk,
Yaamur dürtärdi güüsümü
Hem dä, nicä bir genç çocuk,
Benim sevärdi üzümü.

G. Gaydarcı

§13. İŞLİİN DÖRT OLUŞLUK FORMASI

100. Okuyun teksti demekli. Açıklayın tekstin temasını, öz fikirini, söz tipini, söz stilini.

Koduk

Gani şansora artık büyük çocuktu, edinci klasa bastıydı, ama büyündükçä, taa pek sorucu olurdu. Kimseycii raada brakmadı, hep sorardı, sorardı. Olur-olmaz işleri da o istärdi bilsin. Siz, uşaklar, benim küçük okuyularım, artık bilersiniz, ani Ganinin evdä malisinä deyärdilär Sofi babu, manusuna – Mercanka bulü, bobası da çoban Yorcuydu. Ona ölä deyärdilär, neçinki çobancılık edärdi koyunnarda. Hem da içerdä taa vardı kardaşçı Koli hem ikiz kızkaradaşçı Veli. Çoban Yorcu sevärdi çok Ganiyi da hiç bir kerä onu azarlamazdı, nekadar da çok işlär sorsa.

Te büün da çıktı bobasına karşı. O gelirdi tırladan eşektä atlı, ama eşään da ardına gelirdi bir küçük eşecik. Ganinin üzü-gözü güldü. Taa bobası eşektän inmedäään, şaplattı ellerini da sevinme-li sordu:

- Baka, neredän aldın bu küçük eşecii? Ya ne gözäl!
- Almadım, çocuum, – dedi bobası, – te bu bizim eşek tırlada kodukladı.
- Neçin kodukladı?
- Neçin, neçin? İstedi olsun onun da bir küçük eşecii.

- Bu eşecik bizim eşeemizin küçük uşacısı mı?
- Ölä e, zer.
- E, baka, neçin bizim kedi da koduklamêér?
- Kedilär, köpeklär, cocuum, koduklamêérlar, ama enikleerlär.
- Neçin?
- Neçinki, kedilerin, köpeklerin, canavarların küçüklerinä enik deniler. Onnar enikleerlär, ama eşeklerin küçüklerinä koduk deniler, onuştan eşeklär koduklêér.
- Ama koyunnar?
- E koyunnarın küçüklerinä nicä deeriz? Ya sölä?
- Kuzu.
- Elbetki, kuzu. Sayılêr, koyunnar kuzulêérlar. E ineklär? – sor du bobası. – Sölä kendin, bakalım.
- İnekler... – düşündü Gani da birdän aklına geldi, – aa, buza aléérlar, ineklär buzaaléérlar.
- Te ölä, dooru. Beygirin, açan olêr küçük kulicii, deerlär kulumnadı, keçinin olêr olacıı – olaklıdı...
- Aha, te şindi annadım, – dedi Gani.

Yorcu indirdi eşektän piinirlän çendeleyi, sora aldı eşääñ sırtından semeri da baaladı onu ahıra. Koduk kaldı anasının bir yanına da başladı ondan emmää sütçääz, ama Gani bakasının girdilär içeri taazä piinir imää.



çendelä – süzecek
semər – eşääñ erlii, kaltaa



sorucu – допитливий
ikiz – двійнята
koduk – віслючок



Gagauz dilindä işliklär kullanılırlar dört oluşluk formasında:

- 1. Halizlik forması**
- 2. İnkärlilik forması**
- 3. Olabilennik forması**
- 4. Olamazlık forması**

1. Halizlik forması

Bu formada işliklär ölä kullanılırlar, nicä üyrendiniz şındiyädän: iş haliz olêr, oldu, olacek, olsa, lääzim olsun hem başka. Bu formaya girer hepsi çalımlılar hem zamannar, ani üärenildi:

İşliin beş çalımnarı:

- Oluşluk çalımı

2. İzin çalışımı
3. Sankilik çalışımı
4. İsteyişlik çalışımı
5. Lääzimnik çalışımı

İşliin pek çok zamannarı var:

1. Oluşluk çalışımı

I-üz

- 1) şindiki zaman – alerim,
- 2) mutlak gelecek zaman – alacam,
- 3) bellisiz gelecek zaman – alarım, alırıım,
- 4) mutlak geçmiş zaman – aldım,
- 5) bellisiz geçmiş zaman – almışım,
- 6) bitkisiz geçmiş zaman – alardım, alırdım,
- 7) çoktan geçmiş bitirilmiş zaman – aldıydım
- 8) çoktan geçmiş bellisiz zaman – almıştım,
- 9) neetlik geçmiş zaman – alaceydim

2. İzin çalışımı – İşliklär diišilmeerlär zamannara – al! (2-nci üz)

3. Sankilik çalışımı – var sade şindiki zaman – alsam

4. İsteyişlik çalışımı – var şindiki zamanı – alayım, bir geçmiş zamanı – alaydım.

5. Lääzimnik çalışımı

- 1) şindiki (gelecek) zaman – almalı,
- 2) geçmiş zaman – lääzimdı alayım,
- 3) mutlak geçmiş – lääzim oldu alayım,
- 4) mutlak gelecek zaman – lääzim olacak alayım,
- 5) bellisiz gelecek zaman – lääzim olur alayım.

➤ Cuvap ediniz:

Kaç zaman işliklerin çalışımında var? Sıralayın onnarı.

İşliin halizlik formasına kaç çalışım girer? Sıralayın onnarı.

İşliin oluşluk çalışımında kaç geçmiş zaman var? Sıralayın onnarı, veriniz birär örnek herbir zamana.

Angı çalışımda işliklär diišilmeerlär zamannara görä? Angı çalışımda var sade bir zaman? Örnekleri getirdiniz aklınıza.

Annadın, nicä diišerlär işliklär lääzimnik çalışımında.

 101. Düzün bir annatma bu temaya „Legendalar hem annatmalar Kiev için“ hem „Legendalar hem annatmalar gagauzlar için“.

 102. Ayırınız annatmanızdan işlikleri da yapınız onnara morfologiya analizi.

 103. Yazınız şiiri tefterlerinizä. Annadın durguçluk nışannar için, angıları var lirika yaratmasında.

Tuna suları



Siz, maavi sular,
Siz, kaavi sular!
Tuna deresi
Ne pek çok taşlar,
Ne pek çok yaşlar
Dibinizdä var?
Sän, ihtär derä,
Sän, geniş derä,
Hem denizä ak,
Hem dä bizä bak,
Birkaç laf sölä.

Bobalar için,
Dedelär için
Sana gidelim,
Sölä bilelim...
Seslä, be olan,
Serbestli Oglan,
Sän biläsin, ki
Suyumda yaşı var,
Üreendä taş var,
Bu diildir yalan.
Benim suyumda.
Benim boyumda
Dedän aaladı,
Zihir baaladı.
Zapta o düündü,
Mum gibi süündü,
O sizin için,
Serbestlik için –
Tä neçin düündü.

N. Baboglu

§ 14. İŞLİKLERİN SANKİLİK ÇALIMI

104. Okuyun şiri demekli. Bulun onun artistik kolaylıklarını. Ayırın da yazın tefterlerinizde işlikleri, aazdan annadın, ne bilersiniz onnarın formaları için.

Aklında çösmä cinnarsa,
Sän dä susmaycan;
Kısmetli halkın çalarsa:
Sän da calacan!

Halkının canı sizlarsa,
Bän da sizlaycam;
Türküsü onun susarsa,
Bän hep susmaycam!



İşliklär gagauz dilindä oluşluk çalışmından kaarä var nicä başka çalımnarda da kullanılısnınar: **sankilik çalışmında** (*alsam, gelsäm, bulsam, büüsäm*).

Ne o sankilik çalımı?

Çalışım, angısında işlem isteniler olsun (sanki olsa), sankilik çalımı deniler. Sankilik çalımı kurulêr işliklerin temel formasından, ekleyeräk onnara afiksleri -sa, -sä (vokal garmoniyasına görä): *al-sa-m, bak-sa-m, i-sä-m, büü-sä-m, gii-sä-m, koru-sa-m...*

İşliklerin diişilmesi sankilik çalımında.

İkinci hem üçüncü üzlerdä çöklük sayısında afiksin vokalı ä döner e vokalına – *versäk-verseniz-verselär; isäk-iseniz-iselär*.

105. Bulun zeedä lafi:

Alsam, gelsäm, gitsä.
Gittim, verdim, ansam.
Gelecek, insä, dursa.
İsäk, çıksak, düüsäk.
Açardık, sesleyärdik, yazsak.

106. Verilmiş işlikleri koyun sankilik çalımının formasına.


Örnek: atmaa – at-sa-m, beenmää – been-sä-m.

Girmää, vermää, korumaa, yazmaa, görmää, imää, çıkışmaa, bulmaa, diimää, korkmaa, aydamaa, asmaa, çıkışmaa.

107. Okuyun cümleleri, açıklayarak işliklerin çalımlarını.

1. Bän olsam büücü, verselär izin,istesä insan, dünneyi diiştirecäm, hepsini kısmetli yapacam. 2. İnsan çalışsa, işlär taa ii gider. 3. O kızçaaz bana bir kerä baksa, kanatlarım büyüyär. 4. Bu ekzameni dä versäm, birtaan bişeydän hiç korkmêérím. 5. Alsalar beni da kasabaya, çok sevinecäm.

108. Düzünüzasoňaňıya lafa „halk”, kullanarak epitetleri.



109. Düzünüz beş sadä cümle halkınız için, kullanarak yazılı sözünüzdä işlikleri sankilik çalımında.

110. Düzünüz mini-yaratma bu temaya “Eer bän olaydım üüredici, director...” Kullanın yaratmanızda işlikleri sankilik çalımında.

Bän olsam üüredici, yapacam ...

Bän olsam şkolada direktör, yapacam ...

111. Yazınız teksti tefterlerinizä. Bulunuz işlikleri da yapın onnara morfologiya analizi. Annadın ayrılmış lafların maanalarını.

Kurak yaz



Yazdı. Sıçaktı. Hava duruklanmıştı islää yaamursuz. Salt incecik lüzgär esärdi batıdan sabaalendän üulenä kadar. Üülendän sora avşamadan hem gecä dä lüzgär hiç yoktu, bürkülüktü. Butürlü havada soluk bunalıktı. Bölä olurdu ozaman, açan yıl kit-laabakardı.

Yazın nışannarı belliydilär, ama insannar istemääzdilär kıtlık olsun. Dolu küülüllerin büük umutlarıydı gelän bereketä, neçinki geçen çok uzun hem zoor kış imisti – süpürmüştü hepsini, ne hazır edilmişti yazdan.

N. Baboglu

112.  Düzünüz prezentasya „Benim küyüm benim gözlerimnän gelecek zamannarda”.

Yardımcı laflar: benim küyüm, küyün anılmış erleri, küyüün ortalında, geniş asfalt yollar, düzülü evlär, türlü transportlar, meydannı erlär, şkola kabinetleri dolu...

§15. İZİN ÇALIMINDA İŞLİKLÄR, ONNARIN DİİŞİLMESİ

113. Okuyun şiiri demekli. Ne o lirika geroyu? Nesoy izin verer avtor bu şírdä?
Yazın onu tefterlerinizä. Kurala görä argumentläyin, ne o izin çalımı işliklerdä?

Koruyun güneşi!

Koruyun güneşi!
Her sabaa ko şılaşın
İnsana güneş,
Da insan üürää açsın,
Nicä bir ates.
Salt kara bulut göktä
Peydalanmasın!
Ömürün çicää erdä
Kismetli olsun!

114. Yazın mini-yaratma bu temaya:

- 1) "Koruyunuz vatanı!";
- 2) "Koruyunuz güneş!";
- 3) "Cengä er yok!".



İzin çalışmında işliklär göstererlär istemeyi, yalvarmayı, sımarlamayı, nasaat hem izin vermeyi. Onnar cuvap ederlär soruşa: *ne yap?*

Örnek: seslä, ver, otur, dur, as, çıkış.

İzin çalışmında işliklär zamannara görə diişilmeelrä. Gagauz dilindä işli-in gramatikayca temel forması uyêr izin çalışmında formasına (ikinci üz, birlilik sayısı):

Örnek: yaz, oku, al, bul, dur, ver, aç, başla, yaziver, brak h.b.

İzin çalışmında işliklär hepsi afiksiz.

Bu işliklerä **temel** deerlär onuştan, ki onnara diișilmektä yamanêrlar tür-lü afikslär, da onnarlan düzülerlär herbir başka çalışmın, zaman, üz, sayı formaları hem işliklerin bellisiz, inkärlilik, türlü başka formaları da.

Konsonnan bitän işliklerin diișilmesi

Birlik sayısı

çokluk sayısı

I	kaçalım, gidelim
II	kaç, git
III	kaçsın, gitsin

Vokallan bitän işliklerin diișilmesi

I	sesleyelim, paklayalım
II	seslä, pakla
III	seslesin, paklaşın

İşliklerin izin çalışmında birlik sayısında birinci üzün forması yoktur.

115. Okuyunuz demekli uyku türküsünü. Bulunuz işlikleri izin çalışmında, yazın tefterlerinizä onnarı, düzün sadâ cümâ onnarlan. Annadınız durguçluk nişannar için, angıları var bu şîirdä.

Uyu, uyu piliççiim...

Uyu, uyu piliççiim,
Uyu, ayolum, gerciim,
İi erleş, bul erini,
Uyu, yum gözlerini.
Uyu aydinnadaan çak,-
Kanat altında sıcak.
Erken horoz ötecek,
Ballı çörek pişecek,
Mamun onu kıracek,
Yavrucuuna verecek.



S. Kuroglo



ayol – милиц, любий
gercik – красивий, прекрасний
çörek – бездріжджовий хлібець

116. Düzünüz mini-yaratma bu temaya "Koruyunuz bizim naturayı!". Kullanın yazılı sözünüzdä işlikleri izin çalışmında.

Yardımcı laflar: koru naturayı, tertiplä dolayını, gözellet tabi-atı...

117. Düzünüz bu laflardan işlikleri izin çalışmında:

konêr, öter, düzer, çalêr, sarêr, peydalânêr, tanışêr, çalışêr, verer, sayêr, sallêr, uçamêr, adêr, benzeer, kokêr, biler, koruyer, eşerer, gösterer, yazêr, aliflener, atêr, siireder, kaplêr, sancilêr, açılêr.

118. Aşaadakı lafbırleşmelerinnän düzün birär cümlä, cümleleri yazın, izin çalışmında işliklerin altlarını çizin?

Otur yanına, öp elimi, kes otları, gel burayı, iç filcandan, bak pençeredän, seslä büyükleri, aç gözümü, sev küçükleri, çek çatıdan, uslu dur, çıkış içerdän, kolver sinciri, sat almaları, pin tavana, çal türkü, seslä masal.

119. Aşaadakı işliklerin izin çalışmında formalarını yazın, sora diiştirin o işlikleri izin çalışmında birlik hem çokluk sayılarında. İşliklerin üz hem sayı afikslerini nişannayın, yukarı tablıtalara bakarak.

Bakmaa, durmaa, almaa, geçirmää, kalkmaa, üzmää, brakmaa, çıkışmaa, okumaa, gelmää, örümää, işlemää, diimää, saamaa.

120. Aşaadakı teksti okuyun, işlikleri izin çalışmında bulup, tefterlerä çıkarın. Söläyin, angi soruşa onnar cuvap ederlär.

Simunun annatması

Bizim aylemizdä altı kişi yaşêr: anam, bobam, malim, kızkar-daşım Nasti, Paşı, hem bän, Simu.

Anam, erken kalkıp, sabaa imeklerini hazırlêr. Bobam da gider súrlık auluna hayvannarı bakmaa.

Bizim aylemizdä Oli malimiz – en läätzimnı ev buyurucusuydur. Evdä her sabaa onun buyurmaları işidiler:

– Nasti, Paşı, süündürün şafkları, kaldırın döşekleri, açın pençeleri, süpürün, paklayın içersini! Kırnaklık – bu büyük iştir!

Sora, beni çaarip, deer:

– Sän dä, Simu, git da getir pinardan iki kazan su, dök o suları başka kaplara, doldur çüveni dä suylan, koy çüveni plita üstünä, sırnıklarlän yak gazı, ko yısinsın su! Sabaalän sıcak sucaaaz hep-sinä läätzim!

Biz pek sesleeriz malimizi, çabuk yapêrız bu işleri. Ama malimiz bizi aylak durmaa brakmêér. Birkaç minuttan sora o genä takîlêr unukalarına:

– Kızlar, siz hiç durmayın, gidin da yıkayın ellerinizi, üzlerinizi. Alın çuvendän sıcak sucaaaz, dökün biri-birinizä! Kullanın diş fırçasını hem yikanın sabuncuklan!

Mali beni da unutmêér, sımarlêér:

– Sän dä, Simu, al o kazanı gübürlärlän, çıkış dışarı da sıbit gübürleri kuyu içinä!

Elbetki, biz bu işleri büyük havezlän yapêrız.



121. Ayırın teksttän işlikleri izin çalışmında, gösterip onnarın öz hem sayı afikslerini.

Ana izini

Bir gün, yazın, hava pek sıcaktı, güneşi. Pavli kardaşının Miitiylän neetlenirdi sokakta çelik oynamaa. Ama çocukların anası sabaa ekmeeni idiktän sora, oollarına izin etti:

– Siz büün vakıdı boşuna kaybetmeyin, gidin baalara, orada ellään yolun suannardan hem sarmışaklardan otlarını. Sän, Pavli, taa büüksün, taa kuvetliysin, ilkin çek oradaki pınardan su, suları dök o boş fiçıya, ko su güneştä yısınsın, sora o sularlan yısla eşil patlacannarın hem biberlerin köklerini. Bu işi yap avşam üstünä dooru.



çelik (oyun) – довга лоза (*gra*)

izin etti – попросила

kuvetli – сильніший, більш здоровий

avşam üstünä dooru – близче до вечора

§16. LÄÄZIMNIK ÇALIMI

122. Okuyunuz teksti demekli. Belli ediniz söz tipini, stilini, janrasını. Ayırınız teksttän işlikleri, yazınız onnarı tefterlerinizä. Annadın ayrılmış lafların maanaları için.

Nasıl tilki yavrularını avlanmaa üüretmiş

Bir tilkinin varmış dört yavrusu. Onnara anası her gün getirärmiş tauk etçeezi, kimär kerä tavşam eti, ördek, kaaz hem taa çok türlü mezetli iintilär da bu yavrular hızlı büümüşlär, tuyannamışlar, derileri taşırmiş tuyanniktan, islää yaşamaktan. Günün boyu-

na uslu durmazmışlar, çıktı deliktän, kaçınırmışlar, oynışarmışlar, ani var laf – yaşarmışlar ne gam, ne kasavet.



Ama yavrular büdüükçä, hep taa çok imää istärmişlär. Ana tilki sa artık yorgunmuş, evelkisi gibi avlanmazmış da imeelik yavrulara hep taa azar getirämış. Başlamışlar yavrular doyuna-mamaa. Dartışırmişlar biri-birinnän, aazlarından kaparmışlar, karnıları başlamış yarı aaç kalmaa da onnar çirkin-çirkin, analarına üfkelenmişlär, koolarmışlar onu gitsin imeelik getirmää.



Karnımız aaryêr – üreemiz aciyêr

123. Bitirdiniz yazmaa yukarı tekstin çeketmesini. Çizin işlikleri, angılarını kullandınız yaratmanızda. Annadınız onnarın formaları için.



Lääzimník çalımı gösterer, ani lafedän düşer yapsın bişey (o iş lää-zim olsun). Bu çalımın var sade 3-üncü üzün forması.

Örnek: almalı, gelmeli.

Bu forma büünkü günnerdä pek kullanılmêr.

Onunnan var nicä karşı gelmää sade folklor yaratmalarında.

Örnek: Bän Poy otunu biçmeli,

Bu gecä burada seçmeli,

Bu gecä burada kalmali,

Onu evä almalı. (Folklordan)

Lafetmemizdä lääzimník çalımın erinä bu günnerdä taa çok kullanılır işliin bölä katlı forması:

Lääzim biçeyim, lääzim seçeyim, lääzim kalayım, lääzim alayım, lääzim vereyim, lääzimmiş geläsin, lääzim olacek ișidäsin, lääzim olur veräsin.

Diiştirärkenä lääzimník çalımında işlikleri üzlerä hem sayılara görâ olun dikkat.

Tä örnek:

Şindiki zaman

<i>birlik sayısı</i>	<i>çokluk sayısı</i>
1 üz- läätzim açayım	läätzim açalım
2 üz- läätzim açasın	läätzim açasınız
3 üz – läätzim açsın	läätzim açsınnar.

Mutlak geçmiş zaman

<i>birlik sayısı</i>	<i>çokluk sayısı</i>
1 üz- läätzim oldu açayım	läätzim oldu açalım
2 üz- läätzim oldu açasın	läätzim oldu açasınız
3 üz- läätzim oldu açsın	läätzim oldu açsınnar

Bitkisiz geçmiş zaman

<i>birlik sayısı</i>	<i>çokluk sayısı</i>
1 üz – läätzimdi açayım	läätzimdi açalım
2 üz- läätzimdi açasın	läätzimdi açasınız
3 üz- läätzimdi açsın	läätzimdi açsınnar

Mutlak gelecek zaman

<i>birlik sayısı</i>	<i>çokluk sayısı</i>
1 üz- läätzim olacek açayım	läätzim olacek açalım
2 üz- läätzim olacek açasın	läätzim olacek açasınız
3 üz- läätzim olacek açsın	läätzim olacek açsınnar

Bellisiz gelecek zaman

<i>birlik sayısı</i>	<i>çokluk sayısı</i>
1 üz- läätzim olur açayım	läätzim olur açalım
2 üz- läätzim olur açasın	läätzim olur açasınız
3 üz- läätzim olur açsın	läätzim olur açsınnar

 124. i. Yazınız aşağıdağı cümleleri tefterlerinizde, koyun işliklerin çalışmalarını.

II. Yazınız bir yaratma-annatma „Nicä läätzim hazırlamaa evdeki işi bir gönüñ?” Kullanın sözünüzdä läätzimník çalışmında işlikleri.

1. Herbir insan sorêr kendi-kendisinä, neredän peydalandı bu dünnä?
2. İlkin kurmuş Allah gökü hem topraa. 3. Maavi göktä yoktu hiç bir bulutçuk ta. 4. Gagauzların eski adetleri pek gözäl. 5. Maalemizdä çok dostum var. 6. Kati davaları kolay esaplıêr. 7. Miti anasını sevindirdi, deyip, ani şindidän sora uslu oturacek urokarda. 8. İlkyazın süütlär çabuk eşerer. 9. Yolda karagöz kızçaaz yardım edärdi bir ihtär däduaa torbasını taşımaa. 10. Günbatısı tarafından lüzgär bizä dooru gelirdi.

 125. Yazınız tefterlerinizde cümleleri. Bulunuz işlikleri läätzimník çalışmında, çiziniz onnarı iki çiziciklän.

“Lääzim, – demiş, – bu bakırı paraylan götürreyim o adama, ani evi sattı bana (*masaldan*). Cimbar lääzimmiş düzsün aulu (*D.Kara Çoban*). Telefon urmuşlar da demişlär, ani sän lääzimmiş nään ni sa gidäsin toplantıya (*D. Kara Çoban*). Bän lääzimdı kalayım gecelemää burada. Büün biz lääzim biçelim çayırdakı otları. Bu gün bän lääzim paklayım klasımızı. Bibliotekadan lääzim alayım eni kiyatları okumaa deyni. Sän lääzim veräsin benim çantamı.



126. Aşaadakı işlikleri koyun lääzimnık çalışmında.

Seslä, oku, gel, atla, tut, kaç, dur, al.

§17. ŞİNDİKİ ZAMAN

127. Okuyun demekli S. S. Kuroglo şiirini. Ne o lirika? Nesoy lirika janraları bilersiniz? Açıklayın şiirin temasını hem ideyasını. Ayırın şoordan işlikleri şındiki zamanda da yazın tefterlerinizä.

Bakıp akar zamana...

Gün sıraylan duuêr,
Kauşêr avşamda,
Yuvada uslanêr,
Uyuklêêr bir dalda.

Gün günü diiştirer,
Zamannar – zamanı.
Su akêr – kum kalêr,
Can diiştirer canı.

İlkyaz – en güzel zaman:
Er dä, gök ta eşerer,
Nasıl, duuar bir insan,
Doz-dolaya ses verer.

Ne kismetli sevindim,
Bakıp eşil başçama!
Ah, salt biraz gücendim, –
Kaar elemiş başıma...

Bakıp akar zamana,
Varkan kuvet solumaa,
Ne ii verilmiş bana,
Baaşlayacam ooluma.

...Gün günü çelip-çalêr,
Zamannar – zamanı,
Su akêr – kum kalêr,
Can diiştirer canı...

S. S. Kuroglo



Bilersiniz mi siz?



Stepan Stepanoviç Kuroglo (1940-2011) – anılmış yazıçı, poet, ilk şiirini 5-ci klasta yazmış. 9-cu klasta rusça poema da yazdı, ama ilk şiri tiparlandı ta 1957 yilda. Hepsi 31 bilim hem literatura kiyatları çıktılar üzä yakın bilim yazıları.

Lirika geroyu – avtorun sankilik üzü. Taa sık lirika geroyu çok yakın avtorun ruhuna, onun dünnä duyumlarına, görüşlerinä, ama yok nicä sölemää, ani o – avtor kendi. Yaratmalarında yazıcı, peetçi açıklêér geroyun duygularını, emojiyalarını, ölçerák kendinä görä.



İşliin şindiki zamanı gösterer, ani işlem şindi sölenän vakitta olêr.

Şindiki zamanda işliklär cuvap ederlär soruşlara: **ne yapêr? ne olêr?**

Sindiki zaman düzüler vokal garmoniyasına görä -er, -êr; -yer, -yêr afikslerin yardımınınan. Bu afikslerä deniler zaman afiksleri. Onnar yanânerlar işliin temel formasına. Diişilmektä zaman afikslerinä eklenerlär üz hem sayı afiksleri dä.

Örnek: ver – ver-er, yaz – yaz-êr, yaz-êr-im, gii – gii-yer, oku – oku-yêr-lar.

Birlik sayısı

I üz gel-er-im, kaç-êr-im, gii-yer-im, kazi-yêr-im

II üz gel-er-sin, kaç-êr-sin, gii-yer-sin, kazi-yêr-sin

III-üz gel-er, kaç-êr, gii-yer, kazi-yêr

Çokluk sayısı

I üz gel-er-iz, kaç-êr-iz, gii-yer-iz, kazi-yêr-iz

II üz gel-er-siniz, kaç-êr-siniz, gii-yer-siniz, kazi-yêr-siniz

III üz gel-er, gel-er-lär, kaç-êr, kaç-êr-lär, gii-yer, gii-yer-lär, kazi-yêr, kazi-yêr-lär.



128. Aşaadakı teksti yazın, cümlelerdä şindiki zamanın işliklerini bulup, altlarını çizin, onnarın zaman hem üz afikslerini nişannayın.

İki eşek



Büün Bucak küülerindä, hem diil sade küülerdä, bulunêr eşek. İhtär insannar annadêrlar, ani evelki vakıtlarda onnar taa çokmuşlar Bucaan kırlarında. Eşek saburlu maldır, saburluunu aar ük taşimasında gösterer. Çabuk bulêr kendinä imää, kär gengeri

dä iyer. Sesleer saabisini, ama inatlıı çıktıynan, korun, erindän kipirdamêér! Boşuna demeelerlär eşek!

(M. Köseyä görä)



genger – çalı



evelki vakıtlarda – в давні часи

saburlu mal – терпляча тварина

saabi – господар
inatlik – упертість

129. Yukarı tekstin içindən ayırin işlikleri, aazdan söläyin zamannarını, çalımını.
130. Aşaadakı işlikleri koyun şındiki zamanın I-inci üzünä birlik hem çokluk sayılarına, bakarak yukarkı tablıṭaya hem verilmiş örnää. Zaman hem üz afikslerin altlarını çizin.

Örnek: sor – sor-êr-ım – sor-êr-ız.

Sor, gir, sus, ek, kes, ört, aktar, eri, dii, bul, dart, kaz, getir, geçir, çıkar, ver, çek, otur, in, at, del, yat, al, çiz, dur.

131. Yapın morfologiya analizi bu işliklerä: *diiştirer, sevindim, uyuklêér*.
132. Çevirin söyleişleri ukrain dilindän *gagauz dilinä*. Yarıştırın işlikleri.

1. Де лелека водиться, там щастя родиться. 2. Гуси відлітають – зиму накликаютъ. 3. Нудьгу годую, журбою сповиваю, а шум колишу. 4. Коли маєм – не шануем, а згубивши – плачим. 5. Якщо влітку час марнуєте, то взимку голодуєте. 6. Як ти смутишся, вороги тішаться.



лелека – lelek
родиться – duumaa
шанувати – saymaa
вороғи – duşmannar

щастя – kismet
журба – kahır
згубивши – kaybedilmiş

133.  Aşaadakı şíiri tefterlerinizdä yazın, şındiki zamanın işliklerini bulup, altlarını çizin, zaman afikslerin üstünä nişan koyun, kullanarak verilmiş örnää.

Örnek: duu-êr.

Gün sıraylan duuêr,
Kauşêr avşamda,
Kuşcaaz hollanêr,
Uyuklêér bir dalda.
Gün günü, çelip-çalêr,
Zamannar-zamanı,
Su akêr – kum kalêr,
Can diiştirer canı.
İlkyaz – en gözäl zaman:
Er dä, gök tä eşerer,
Nasıl duuêr bir insan,
Doz-dolaya ses verer.
(S. Kurogluya görä)

§18. KONSONNAN BİTÄN KALIN HEM İNCÄ VOKALLI İŞLİKLERİN DİİŞİLMESİ ŞİNDİKİ ZAMANDA

134. Aşadakı teksti yazın. Şindiki zamanda işlikleri bulup, altlarını çizin, onnaran zaman hem üz afikslerini nişannayın.

Küyükün kenarında var bir bayırcık. Kişi orada bütün gün işidiler şamatlı uşak sesleri. Todi hergün şkoladan gider orayı kızak kaymaa. Bayircuin yanında o buluşer kendi dostlarinnan. O dostlarinnan bilä piner bayır tepesinä. Bu balaban erceezdä Todi, kızaa oturup, uçer, lüzgär gibi, aşaa dooru. Kızak kaymasına Todi güler, seviner, şaka söleer. Onun ardından kayêrlar dostları da. Aşaada bulunêr başka uşaklar, angılarında kızak yok.

Onnar bekleerlär bayırcıktan inän kafadarlarını. Todi dostlarının kaydiynan aşaa, toplaşer aşaaada bulunan uşaklarlan. Çocuklar annaşêrlar, ani vereeklär kızaklarını te onnara, kimdä kızak yok.



kızak – санчата

şamatla – шум, галас

toplaşer – збирається

135. Aşadakı tablıayı enidän tefterlerinizä geçirin, işliklerin temellerini, zaman hem üz afikslerini çizgicik aşırı yazın, bakarak verilmiş örnää. Afiksleri nişannayın.

Örnek: dur-êr-ım, çal-êr-ım, soy-êr-ım, tut-êr-ım, sat-êr-ım.

Konsonnan bitän kalın vokallı işliklerin diişilmesi					
Birlik sayısı					
üzlär	dur	çal	soy	tut	sat
I.	durêrim	çalêrim	soyêrim	tutêrim	satêrim
II.	durêrsin	çalêrsin	soyêrsin	tutêrsin	satêrsin
III.	durêr	çalêr	soyêr	tutêr	satêr

Çokluk sayısı					
I.	durêriz	çalêriz	soyêriz	tutêriz	satêriz
II.	durêrsınız	çalêrsınız	soyêrsınız	tutêrsınız	satêrsınız
III.	durêrlar	çalêrlar	soyêrlar	tutêrlar	satêrlar

136. Yukardakı tablıaya bakarak, diiştirin şindiki zamanda te bu işlikleri: al, bul, aç, say, şaş, dat, otlat.

137. Aşağıdaki teksti okuyun, ayırip içindən işlikleri konsona bitən kalın vokallarları, koyunuz kaçırılmış bukvaları.

Bayırların arasından ansızdan g..ründü bir bo.. bulut. O sansın baktı kir üstünə deyeräk: "Bän hazırlım", da dürdü kendisini. Birdän (birä) uslu havada nesä koptu, bü(ü)k lüzgär çıktı da o şamataylan hem sıkılıklan başladı dönmää kir üstündä. Osaat otlar hem bildirki ç..rlannar fişirti kaldırdılar, yol üstündä alka gibi kalktı toz, sora tozlar kir üstünə kaçtılar, ardına taşı..arak samannarı, çekirgeleri, tüüleri. Tezdä tozlar, bir kara dönär direk olup, gökä do(o)ru kalktılar, da günü, duman gibi sardılar. Kir üstündä oyanı (buyanı), köstekleneräk hem atlayarak, başladılar kaçmaa koraylar. Korayların biri tozlara kariştı, o da başladı dönmää, nasıl bir kuş, sora uçtu gökä. Tezdä çimçirik çıktı, gök gürüldeyi, hızlı başladı ya(a)mur ya(a)maa.



Konsonnan bitən incə vokallı işliklerin diişilmesi

Birlik sayısı

<i>üzlär</i>	<i>Gez</i>	<i>dök</i>	<i>eş</i>	<i>geç</i>	<i>iç</i>
I.	gezerim	dökerim	eşerim	geçerim	içerim
II.	gezersin	dökersin	eşersin	geçersin	içersin
III.	gezer	döker	eşer	geçer	içer

Çokluk sayısı

I.	gezeriz	dökeriz	eşeriz	geçeriz	içeriz
II.	gezersiniz	dökersiniz	eşersiniz	geçersiniz	içersiniz
III.	gezerlär	dökerlär	eşerlär	geçerlär	içerlär

138. Aşağıdaki teksttän, işlikleri bulup, tefterlerə yazın, onnarın zaman hem üz afikslerini nişannayın.

Nastradin kirér bir küp. "Ne yapmaa sanki bu kırıntılarlan, – düşüner o, – sıbitmaa kiyamêérím". Toplêér o kırıntıları, düüyer onnarı, islää ezer, toz olunca.

Tozu bir torbacaa koyêr da gider satmaa. Gezer küü içindä, baa-rarak:

– Satêrim patkan ostravası! Alın, kimä lääzim!

İşider bu lafları bir zengin adam, angısının evindä varmış çok patkan. Kaçarak çıkêr, satın alêr bütün torbacı. Nastradin sevin-meliktän evä yollanêr.

139. I. Aşağıdaki lafbirimelerini yazın, işlikleri infinitiv formasında bulup, kurun onnarın birinci üzdä şimdiki zamanını, afiksleri çizgicik aşırı yazın,

verilmiş örnää kullanarak. II. Düzün nişannı laflarla cümle, göstereräk vokal dönmesini.

Örnek: kesmää – kes-er-im.

Kesmää aacın kuru dallarını, silmää yanniş yazıları, ihtarı sokaktan geçirmää, aacın gölgesindä oturmaa, gölmeenin sökük erlerini dikmää, urokarda üüredicileri dikkat seslemää, yaamurun dinmesini beklemää, dar köprünün üstündän geçmää, çosmedän suuk su içmää.

140.  Düşünün da yazın tefterlerinizä 15-20 işlik konsona bitän kalın hem incä vokallarlan, iki ayrılmış işliklän düzün cümlesi.

§19. VOKALLAN BİTÄN İNCÄ HEM KALIN VOKALLI İŞLİKERİN DİİŞİLMESİ ŞİNDİKİ ZAMANDA

141. Okuyun şiiri demekli hem duygulu. Açıklayın onun temasını hem öz fikirini.

Nereyä kim gider

Nereyä kim gider,
oraya etişer.

Kim gider çukura,
çukura o düşer.

Kim gider hodullaa –
geçer pipileri:

Başı – bir boş fiçı –
görüner dipleri.

Kim gider kanaatlaa –
olér aar hem gamsız,

kim gider doorulaa –
olér dinç hem raatsız.

Kim yaşêér zaametsiz –
üürener szülmää.

Dolayda sa dünnä
savaşêr düzülmää.

D. Kara Çoban

- *Var mı bu şiirin içindeliinnän hem „Ne ekecän – onu da bicecän” söleyisin içindeliinnän baalanti. Bulun başka söleyislär dä, angıları açıklasınna avtorun bu bakışını, pozitiviyasını hem yaşamak kuralını.*
- *Açıklayın, söleyisin „Nicä yapacan – ölää dä bulacan” var mı ilişikli bu şırları? Inandırın dooruluunuuzu.*

142. Aşaadakı tablışadan işlikleri tefterlerinizä geçirin, onların temellerini, zaman hem üz afikslerini çizgicik aşırı yazın, bakarak verilmiş örnää.

➤ **Kaç konson sesi var gagauz dilindä?**

- *Sıralayın sesli konsonnarı. Neçin onnara sesli deniler?*
 ➤ *Söläyin sessiz konson seslerini. Neçin onnara sessiz deniler?*

 Birlik sayısı						
üz-lär	islä	kireklä	üflä	gii	eri	büü
I.	işleerim	kireçleerim	üfleerim	giyyerim	eriyerim	büyeyerim
II.	işleersin	kireçleersin	üfleersin	giyyersin	eriyersin	büyuersin
III.	işleer	kireçleer	üfleer	giyyer	eriyer	büyuer
Çokluk sayısı						
I.	işleeriz	kireçleeriz	üfleeriz	giyyeriz	eriyeriz	büyeyeriz
II.	işleer-siniz	kireçleersi-niz	üfleersi-niz	giyyersi-niz	eriyersi-niz	büyuersi-niz
III.	işleerlär	kireçleerlär	üfleerlär	giyyerlär	eriyerlär	büyuerlär

Örnek: işle-er-im, kireçle-er-im, üfle-er-im, gii-yer-im, eri-yer-im, büü-yer-im.

➤ *Neçin diişilmekta işlä, kireklä, üflä işliklerdä ikişlär ee yazılér?*

➤ *Neçin işliklerin gii, büü diişilmesindä zaman afiksleri -yer y (yotlan) yazıller?*

➤ *Neçin işliin eri diişilmesindä şindiki zaman afiksleri -yer y (yotlan) yazıller?*

143. Yukardakı tablıtaya bakarak, aşaadakı vokallan bitän işlikleri şindiki zamanda diiştirin: seslä, dii, i, düü, çiinä, kürü, sürü.

144. Aşaadakı vokallan hem konsonnan bitän işlikleri diiştirin şindiki zamanda:

yığa, sakla, beklä, sor, sil, sıbit, çıkar, şışır, çeket, kay, ișit.

145. Aşaadaki cümeleri yazın, onnarda bulun şindiki zamanda kullanılan işlikleri da söläyin, angı üzdä hem sayıda onnar bulunêrlar. Afiksleri nişannayın.

- Geçmeer çok vakıt, panayıra girer bir bولük insan.
- Yazın şkolacilar büyük havezlän baalarda işleerlär.
- Zena kaku inää saayêr.
- Beşä dört koyêrim, da olêr dokuz.
- Saacykalar ineklerä ot taşıyêrlar.
- Uroklardan sora ne zaman evä etišersin?
- Siz annêerrsınız mı, ne bän söleerim?

146. Aşaadaki işliklärلن, birär cümle düzüp, tefterlerinizdä yazın.

Koruyêr, soluyêrız, uurêr, vererim, kesersin, düzeldersin, gos-
terer, yapêr, süüner.

**147. Aşaadaki tekstin bir parçasını yazın. Şindiki zamanda işlikleri bulup,
altlarını çizin, onnarin zaman hem üz afikslerini nişannayın.**

Hatırsız beygir

Bölää deer insan: yaparsan körlük başkasına, yanarsın kendin
dä ondan...



Nicä geçer yaşamakta, panayıra gitmedään olmaz: nezaman
orada satêrsin, nezaman da birbişey alêrsin.

Geler sıra, açan küyüümzdä birisi, angısına deerlär Panti, ka-
rarlêr satsın beygirini – Karamanı. Bıkmiş ona: kartmış hem
yufkaymış. Kendi kararını o karısına açıklêér:

Bilermiysin ne, Mani, biz läätzim kurtulalım Karamandan. Ama
nesoy yapmaa, ani o satılsın, zerä görersin kendin dä: onun iyeleri
firlêér, kamçılamaadaan taligayı çekämeer.

Ölä, Panti, ölä, pek dooruysun, – cuvaplêér karısı, çekip aşaa
çemberini, sansın azetmemiş kendi dä bu laflarından. – Bu işi lää-
zim yapmaa karannikta.

Babunun lafi “karannikta” işleer Pantiyä. Da o girişer hazırlan-
maa beygiri satmaa: yıkêér, tarêér onun elesini, dider, doorudêr
kuyruunu, koyêr onnara birkaç kırmızı iplicák, nazarlanmasın
deyni. Bir afta doyurêr onu islää, hiç koşmêér beygiri. Geler ken-
dinä Karaman, da başlêér görünmää dädunun gözüñä, ani beygir
satılacak panayırdı.



korluk – погана справа, шкода
kararlêér satsın – виришүе продати
yufka – худий, слабкий

148. Verilmiş tablıṭadan işlikleri tefterlerinizä geçirin, onnarın *temellerini*, *zaman hem üz afikslerini* çizgicik aşırı yazın, kullanarak örnää. Afiksleri nişannayın.

Birlik sayısı						
üz-lär	salla	çalka	kolla	taşı	sıı	kuu
I.	sallêérím	çalkêérím	kollêérím	taşıyêrím	sıíêrím	kuuêrím
II.	sallêérsín	çalkêérsín	kollêérsín	taşıyêérsín	sıíêérsín	kuuêérsín
III.	sallêér	çalkêér	kollêér	taşıyêér	sıíêér	kuuêér
Çokluk sayısı						
I.	sallêériz	çalkêériz	kollêériz	taşıyêriz	sıíêriz	kuuêriz
II.	sallêér-	çalkêérsi-	kollêérsi-	taşıyêérsi-	sıíêérsiz	kuuêérsi-
III.	sınız	nız	nız	nız	sıíêrlar	nız
	sallêérlar	çalkêérlar	kollêérlar	taşıyêrlar		kuuêérlar

Örnek: salê-ér-im, çalkê-ér-im, kollê-ér-im, taşı-yêr-im, sıı-ér-im.

Bakıp yukarıkı tablıṭaya, söläyin:

- Neredän işliklär *salla*, *çalka*, *kola* şindiki zamanada ikişär êe kabul ederlär?
- Neçin işliin taşı şindiki zaman afiksi -yêr y (*yotlan*) yazıller?
- Neçin işliklerin *sıı*, *kuu* diişilmesindä zaman afiksleri -ér y (*yotsuz*) yazıller?

149. Yukardakı tablıṭaya bakarak, diiştirin aşaadakı vokallan bitän kalın işlikleri: *oyna*, *kazı*, *anna*, *oku*, *solu*, *saa*, *suu*.

150. Koyun kaçırılmış bukvaları verilmiş laflara. Annadınız onnarın dooru yazılımasını.

151.  Yazın teksti tefterlerinizä. Yapın morfema analizi işliklerä vokallan bitän.

Bürüncüük

Cök gözäl işlär yaparmışlar gagauzlar bürüncüktän. Bu çok eski bir zanaat gagauzlarda. Bürüncüük yapmak için böcek büüderlär, koza bakêrlar. Koza bakmak için ayirêrlar bir temiz oda,

orada yapêrlar katlar kamıştan, örterlär onnarı kiyatlan. Acan peydalanêr böceklär, onnarı doyurêrlar dut aaci yapraklarinnan. Böceklär yapêr koza, onnarı kurudêrlar firında, kurudulmuş kozaları koyêrlar su içünä, bundan sora ipliklär ayrırlêrlar. İplikleri sarêrlar, sora dokuyêrlar peşkir h.t.b.

Gagauzlar eskidän kullanêrlar koyun yapaasını.



bürüncük – шовк

zanaat – професія

koza – кокон

temiz odası – чиста кімната

kamıştan katlar – поверхи з очерету

dut yaprakları – листя шовковиці

§ 20. GELECEK ZAMAN. MUTLAK GELECEK ZAMAN. BELLISIZ GELECEK ZAMAN

152. Okuyun tekstin parçasını demekli. Açıklayın temasını, öz fikirini, söz tipini hem stilini.

Dut imektä

Ganilerin Harman aulunda var bir büyük dut aaci. Her yılın o aaç yapardı ii kara dutlar, bal gibi, tatlı, hem okadar çok olardı, ani bütün maalenin uşakları etiştirämäzdilär, onnarı iyip, bitirmää. Dutlar erken olmaa başlaardılar. Başka erdä, bekim, ancak taa kızarardılar, ama Ganilerin dudu artık kararar-

di. Dutlar olardilar döl-döl. Mayın bitkisindä iki döl kararar-di, bunnardilar erkencilär, kirezlärlän barabar olannar, sora olardı iki döl, taa sora üçüncü, dördüncü... da hep ölä dut var-dı bütün yaz hem git-gidä hep taa tatlı, taa mezelli olardilar.

Elbetki, ilkin olmuş dutlara toplanardı çok uşaklar komşular-dan da, uzak maalelerdän dä. Ganicik da kabarardı, ani onnarda ilkin olmuş kara dut vardi. Sora, açan başlardilar olmaa kirezlär, zerdelilär, erikläär – dutlar, nekadar da islää olsalar, kalandilar bir tarafa. Ama şindi, açan dışarda olurdu hava sıcak, Ganinin malisi açardı aula tokatçıı da hepsi uşaklar, kim gelärdi dut imää komşulardan hem Gani da Veliylän hem Koliylän, gidärdilär dut aacın altına. Çocuklar pinärdilär aaca da orada, en iilerini ayırıp, aazlarına atardilar. Ama küçüklerinä deyni, kim pinämäzdi yuka-rı, silkärdilär üklü dallarda dutları erä. Aacın da altına Sofi babu dösemişti bir pala da simarlardı uşaklara:

– Palaciın üstündän ayırin kendinizä dutçaaz, erdän imeyin, on-nar tozlu. Ayırin, yavrularım, en iilerini, – deyärdi yalpak babu, – ama, ne kalacek, korkmayın, zän olmaycekler. Onnarı da var kim isin, sizin ardırınız ördekleri kolverecäm.



Gelecek zamanın var iki forması: **mutlak gelecek zaman** forması hem **bellisiz gelecek zaman** forması.

Zamana, angısında işlem mutlak olacek yada tamannanacak, **mutlak gelecek zaman** deniler: okuyacam (mutlak), yazacam (mutlak), alacam (mutlak), verecän (mutlak), gidecek (mutlak), girecek (mutlak).

Mutlak gelecek zaman -acek(yacek), -ecek(yecek) afikslerin yardımının kurulér.

Mutlak gelecek zamanda işliklär diişilmektä pay olêrlar iki bölümä: **kon-sonnan bitennerä hem vokallan bitennerä**:

Ver, dur, git, sat, bak, çek, sus, in – **konsonnan bitennär**;

Tanı, topla, seslä, eri, elä, yama, kuru, solu – **vokallan bitennär**.

 153. Okuyun teksti, bulun onun tipini, stilini, temasını. Ayırın içindən işlikleri şindiki zamanda da diiştirin onnarı işliklerä gelecek zamanda, belli edin onnarın afikslerini. Yazın bu işlikleri tefterlerinizä.

Dayving Ukrainianada. Dal o olayandışı denizaltı dünnesinä!



Ekstrimi sevennär artık denedilär hepsiciini iilenmele-rin çeşitlerindän. Ama şivik hem faydalı vakıdı var nicä geçirmää diil sade kuruda, ama su altında da. Kär bu netlän dübüdüz dünnedän top-lanêrlar dayvingi sevennär da enseerlär türlü derinnikleri. Statistika gösterer – dayving

zanaatı yıl-yıldan olér pek populär, nicä bir meraklı vakıtgeçimi.

Ukrainada var pek çok inters erlär dayving için deyni nicä eni çekedän dayvingçilerä, ölä dä artık becerikli dayverlerä. Ama te onnar, kim bir da kerä denemedi kendisini dayvingtä, läätzim bilsin, ani bu diil sade iilenmäk için bir zanaat, ama o var bütün bir kultura, angısının yaşêîrlar insannarın çoyu. Dayvingin var türlü çeşitleri: Fridaywing, Skuba-dayving hem rekrauition dayvingi.

Fridaywinglän zanaatlaşêrlar profesionallar. Dalarak derin-nää, hep o vakıt ta läätzim soluunu tutturdaysın. Bölä tehnika isteer maska, trubka, lastı kullanımmasını, önemni birtaane da isteyiş – soluunu tutturtmaa. Bölä dayving çeşitinnän sade zanaatlaşêrlar fit usta dayverlär. Onnar var nicä dalsınnar derinä soluunu tutarak 10 minuta kadar, hem devamnı da rekord su altında soluksuz tutêr 11 minut 35 sekund.

Skuba-dayvingi – o dayvingin çeşitlerindän birisi, açan dalêrlar derinnää akvalanglan. Skuba-dayvingini taa sık kullanêrlar dayverlär, neçin ki var nicä su altında raat-raat üzmää da hoşlanmaa bu erlerin gözelliklerinnän hem deniz yaşayannarinnan.

Rekrauition dayvingi – hem ilin, hem kolay dayvingin çeşitlerindän. O düşünülmüş eni çekedennerä deyni hem te onnara, angıları bir da kerä taa denememişlär kendilerini dayving zanaatında.

Şindi ukrainalılar taa sıkça giderlär dayvinglän zanaatlaşmaa Odesä. Dayving klublarından birisi bulunêr "Lanjeron" plajında

yannaşık delfinariylän “Nemo”. Bu klubta dayvingä üürenmää var nicä barabar delfinnärlän.

Çoyu dayverlerdän dolaşêrlar Malinskiy karyeri. Severlär dalmaa bu erä o esap için, ani onun dibindä var çok meraklı işlär. Karyer bulunêr 100 km Kievin bir tarafina, kurulmuş ta 2000 yıllarda. Onun raskopka vakıtlarında, spetialistlär bulmuşlar türlü olayandışı obyektleri: skat bahklärin skeletlerini, akulaların dişlerini hem başka. Onuştan dayverlär büünkü günä kadar dolaşêrlar burasını umutlan nesaydı olayandışı bulmaa. Karyerin diil büyük derinnii – 16 m, ama onun dibindä bulunêr bir küçürek muzey. Daldıynan dibinä, siz var nicä göreysiniz motötkayı faytoncuunnan, buulmuş statuyaları, kancayı, puşkayı, deniz altı gemisini.

Var nicä demää, ani su altında bulunmak - o var bir fasıl hal durumu hem isteer büyük kuvet harcamalarını psihologiya hem emoçıya hal durumun kantarlaşmasından. Dalarsayıdınız seftä, tutunuz aklınızda, ani düşmeer panikayı kaldırmaa! Kär korku ilk dalmakta olér hem büyük baş faktor tormuzu. Ama onu lääzim bastırmaa.

Üürenmää dalmaa derinnää, ilktän sizä görünecek bir zor proşes, ama hepsi bu zaametlär çıkışaceklar okadar boş hem küçük, açan siz dalaceyniz o şaşmali deniz dibin dünnesinä.

*S. Kabanov
Çevirdi Tina Sürma*



olayandışı – незвичайний
sevennär – любителі

çeşit – вид

kanca – якір

zanaatlaşmaa – займатися

vakıtgeçimi – проведення часу

deniz altı gemisi – підводний човен

baş faktor tormuzu – головний стримуючий фактор

iiilenmelär – розваги

derinnik – глибина

birtaane – єдине

hal durumu – стан

eni çekedennär – новачки



Bilersiniz mi siz?

Odestä “Lanjeron” plajın dolayanında bulunêr pek meraklı bir muzey su altında. Onu kurdular 2012 yıllarda. Denizin dibindä 10 metranın derinniindä bulunêrlar türlü eksponatlar, angıları durêrlar 300 metra kadar kenardan. Bu muzeyi düzdülär maa-suz turistlerä deyni hem sevennerä üürenmää deniz dibin dünnesini.



Denizin dibindä bulunêrlar tarih izmetçilerin skulpturaları, evelki greklerin skulpturaları, buulmuş kancalar hem çok başka işlär. Bitki vakıtlarda muzeydä peyda olêrlar taa çok eni eksponatlar. Bu işlär olêrlar dayverle-rin yardımınınnan, angiların kannarını bu erlär brakmêêrlar raa- da. Onuştan, bulundukça bu muzeydä, siz kabledeceyeniz diil sade eni emoçiyaları, ama var nicä göreysiniz su altında gözäl renkli skalaları da. Bu muzeya var nica düşmää yaz vakıdı angi saatta istärseydiniz.

154. Okuyun teksti, yazın. Mutlak gelecek zamanda işlikleri bulup, çizin altlarını hem söläyin, angi üzdä, sayida durêrlar.

Gezinti

Biz pazara gidecez gezintiyä kira. Üüredici gösterecek, neredä ne büyüer, angi işlär artık yapılmış, angi kulturalar toplanmış, angiları ekildi hem dikildi güzün; annadacek, neçin bu kulturalar ekilecek güzün hem siiredecez yangında bulunan tabiatı.

İmektän kaarä bän koyacam torbama foto aparatımı da. Koli alacek yanına topu da biz, iki komanda olup, çayırda oynayacez biraz futbol, dinnenecez. Pek gözäl geçirecez pazarı.



gezinti – подорож

kultura (terekä kulturası) – посівна рослина



Zamana, angısında işlem gelecek zamanda olacek, ama diil bellî nezaman, **bellisiz gelecek zaman** deniler: *alar, satar, bakar, yapar, gidär, verär, saklayar, bekleyär, iyär, gömär, eriyär* h.b.

Bellisiz gelecek zaman -ar (yar), -är (yär) afikslerin yardımınınna ku-rulêr.

Bellisiz gelecek zamanda işliklär diişilmektä pay olêrlar iki bölümä:

Bellisiz gelecek zamanda işliklär diişilmektä pay olêrlar iki bölümä:

Konsonnan bitennerä hem vokallan bitennerä:

Al, sat, bak, yap, git, ver, göm, dur, koy – konsonnan bitennär;

Sakla, gii, pakla, dii, yokla, seslä, büü, düü, beklä, eri, tanı – vokallan bi-tennär.

155. Okuyun verilmiş işlikleri. Bulun işlikleri, angilar bellisiz gelecek zamanda da çizin altlarını. Bu işliklärlän kurun birär cümle da yazın tefterlerinizä.

Alêr, vermää, koymuş, kaldır, okuyacam, gelär, durmuş, gidär, okuyar, sayar, katlamış, doyurar.



156. Yazıp işlikleri, yapın morfema analizi laflara. Aazdan söläyin angi üzdä hem sayıda durêrlar verilmiş işliklär. Belliedilmiş işlikleri diiştirin üzlerä görä.

1)

I – variant – mutlak gelecek zaman ...

II –variant – bellisiz gelecek zaman ...

2)

Güläriz, sevecek, duracam, paklayar, gidärlär, soluyaceklar, duuarsın, bakarım, baaraceniz, koyar, kaldıracan, oturacez, sesleye-cäm.

157. Düzün prezentaşıya "Nesoy aaçlar büüyerlär bizim aulda?" annadin, ne bilersiniz bu aaçların faydalı için.

158. Çevirin cümleleri ukrain dilindän gagauz dilinä. Yarıştırın işlikleri.

1. Любо ти спатимеш, поки не знатимеш, що то печаль. 2. Я на гору қруту, крем'янью буду камінь важкий підімать. 3. Може, квіти зійдутъ – і настане ще й для мене весела весна. 4. Вигострю, виточу зброю іскристу. 5. Будуть приходити люди, вбогі й багаті, веселі й сумні, радощі й тугу нестимуть мені, їм промовляти душа моя буде (*Із тв. Лесі Українки*).



любо – tatlı uyku
зброя – ateşli silâh

вбогі – fukaara
душа – can



159. Okuyun teksti. Çıkarın tekstin içindən işlikleri, koyup onnarı mutlak gelecek zamanda hem bellisiz gelecek zamanda. Koyunuz kaçırılmış işlikleri.

Örnek: yaparmış – yapacak – yapar

Kör kuş



Var bir evelki söyleyiş, ani kör kuşun yuvasını Allaa . . . Bu söyleyişin dooruluunu . . . avcının biri, angısı . . . bana, nicä o avda bir kerä saçma . . . cil sürüsünä. Kendi gözlerinnän . . . , nicä kuşun biri . . . erä. Gitmiş biraz ileri, aaramış, aaramış da . . . bir ölü cil. Atmış

onu bir tarafa da çeketmiş ileri dooru urulmuş çili aaramaa. Ama ölä dä Sora genä almiş elinä o “ölü” çili da ..., ani o diri, çünkü sık-sık düülärmiş ürecii. Ozaman o annamış, ani kuş kör da ken-dibaşına ..., öbür kuşlar uçtuynan, o kuvetsiz düşer erä, taa öbürleri onu bulmayınca.

Annadıynan bunu, avcı usulcuunnan ... kuşu erä da kefi heptän ..., çünkü duymuş kendisini da kabaatlı bu kuşçaazın körlüktä yaşamasına. Bundan sora avcı ... tüfää omuzuna da doorulêr evä.

Yardımcı laflar: yaparmış, düşmüş, urêr, annattı, bulamamış, uçamêér, annamış, inandırıldı, görmüş, koyêr, atmış, bozulêr, bulmuş.

§ 21. VOKALLAN BİTÄN İSLİKÄR

160. Okuyun teksti. Bulun cümlenin baş paylarını.

Hadi, kaymaa gidecez!

Koli baardı Örgiyä:

– Bän şindi alacam kizaamı da gidecäm dereyä kaymaa. Orada çocuklar çoktan şamata kaldırêrlar. Sän da alacan mı kizaanı, osaydı ikimiz benimkisindä mi kayacez?



– Almayacam, Koli, – baardı Örgi uzaktan. Benim kizaamin bir tabanı kırıldı.

– Dur, Örgi, bän cöbimä bir parça ekmek koyacam, bekim da ackacez.

– Sän da alatlama ozaman, – demiş Koli. – Bän dä girecäm maazaya da çıkaracam birkaç alma, kemirecez kayarkan.

➤ *Nicä diişilerlär vokallan bitän işliklär?*



Birlik sayısı

Üzär	aara	pakla	eklä	eri
I.	aara-yaca-m	pakla-yaca-m	ekle-yecä-m	eri-yecä-m
II.	aara-yaca-n	pakla -yaca-n	ekle-yecä-n	eri-yecä-n
III.	aara-yacek	pakla -yacek	ekle-yecek	eri-yecek

Çokluk sayısı

I.	aara-yace-z	pakla-yace-m	ekle-yece-z	eri-yece-z
II.	aara-yaca-nız	pakla-yace-nız	ekle-yece-niz	eri-yece-niz
III.	aara-yacek(-lar)	pakla-yacek(-lar)	ekle-yecek(-lär)	eri-yecek (-lär)

161. Okuyun verilmiş işlikleri. Diişтирin onnarı mutlak gelecek zamanda oluşluk çalışmında sayılara hem üzlerä görä. İşliklerin köklerini hem afikslerini nişannayın.

Denemää, seslemää, kazimaa, solumaa.

162. Okuyun lafları. Bulun vokallan bitän dördär işlik da diişтирin onnarı mutlak gelecek zamanda sayılara hem üzlerä görä. İşliklerin köklerini hem afikslerini nişannayın.

Atlamaa, eklemää, düzmää, bozmaa, kurumaa, silmää, örümää, solumaa, dalamaa, üzmää, burmaa.



1-inci nasaat

Tutun aklınızda bu işliklerin diişilmesini: *yarmaa – yaramaa, bilmää – bilemää, kurmaa – kurumaa, dalmaa – dalamaa, kazmaa – kazimaa, solmaa – solumaa, kapmaa – kapamaa, taşmaa – taşimaa, yıkmaa – yıkamaa, susmaa – susamaa, örmää – örümää, sürmää – sürümää, bulmaa – bulamaa, uymaa – uyumaa, denmää – denemää, aarmaa – aaramaa, büülmää – büülemää* h.b.

Örnek: *bil – bilecek, bilä – bileyerek; kur – kuracek, kuru – kuruyacak; sol – solacek, solu – soluyacak; taş – taşacek, taşı – taşıyacak; yık – yıkacek, yıka – yıkayacak; sus – susacek, susa – susayacak; bul – bulacek, bula (bulatırmaa) – bulayacak; uy – uyacek, uyu – uyuyacak; den – denecek (buna dener saat), denä – deneyecek (kuvedini); aar – aaracek (başım), aara – aarayacak (keçiyi); büül – büülecek (olacek taa büyük), büülä – büüleyecek (büyücüka büülemiş).*

Bu işliklerin bir bölümü diişiler, nicä konsonnan bitän, öbür bölümü dä diişiler nicä vokallan bitän. Şaşırmayın onnarı. Onnar diil birköklü.

163. Nasaatta verilmiş lafları(kimisini) kullanın cümle kurmakta da açıklayın onnarın başkalanmasını kendi eşlerindän.

Örnek: Petri dün *denemış* kendi kuvedini güreşmektä. Bu titrusun birinä *dener* limon, birisinä dä – portokal.



Sade uzun vokallan bitän işliklerin: *uu, duu, buu, kuu, suu* hem *tii* köklän afiksin arasında *y (yot)* peydalanmêér, yazida da yazılmêér: *uu-acek, duu-acek, buu-acek, kuu-acek, suu-acek, tii-acek*.

Örnek: uuacam, duuacam, buuacam, kuuacam, suuacam, tıuacam.

Ama: saa,yaa – peydalanêr y.

Örnek: saayacam, yaayacam.

1) Diiştirin verilmiş işlikleri üzlerä görä;

2) düzün lafbirleşmeleri.

Uu, duu, buu, kuu, suu, tıı, saa, yaa.

164.  Yazın cümleleri tefterlerinizä. Skobalarda verili işlikleri mutlak gelecek zamanda koyun.

1. Vasi saatlan (beklä) bakasını derä boyunda, ama o ölä dä gelmemiş.
2. Çocuklar kol-kola (tutun) da (git) sport meydanına.
3. Bizim aulda (büü) çok meyva aaci.
4. Üyüredici, (koy) jurnala bu urokta beş onnuk.
5. Bu zararçı uşaktan saklayacam hepsini oyuncakları, zerä kırıp-falêér onnarı.
6. Sıcak sobanın üstündä mumnar (eri).

§22. İŞLİKLERİN GEÇMİŞ ZAMANI. MUTLAK GEÇMİŞ ZAMAN

165. Okuyunuz teksti demekli. Annadınız cümlelerin baalantıları için. Düzünüz bu tekstä sadä plan. Annadınız plana görä teksti sıradan. Ayırınız teksttan işlikleri da yazınız onnarı tefterlerinizä, belli ediniz onnarın formalarını.

Tarlada

İlk yazdı. Sokaklarda artık çamur azaldıydı, olmuştı yolcaazlar. Ganilerin aulundan görüneirdü küyüün kenarında toloka, orada da artık sade çukurlarda biyazardı çat-pat bitki eriyän kaarlar, ama bir-iki gün kararan boş erlär artık eşerirdilär, başlamıştı çimen büümää. Ganinin malisi, Sofi babu, çıkış aula, koyup elini annisine, bakardı kira da doyamazdı şaşmaa:

– Mari, bir güncäätz sıcak urdu da tolokaya sansın eşil boy aattılar! Dün Yalpu yamacı karaydı, bu gün artık em-eşil olmuş. Gani da, ani malisindän siirek ayrıılırdı bu sıra da yanında buluunduu zaman sordu:

- Kim eşil boy aattı?
- İlk yaz, ilkyaz, cocuum... kim biler, ne çok çiidem çiçekleri, olmalı, şindi kenarda bizim tolokada.

- Mali, – dedi Gani, – hadi, gidip, toplayalım o çiidemneri.
- Dur, yavrum, taa biraz büü da ozaman gidecän. Çiidemä gider delikanni kızlar hem olannar.

Gani pek istärdi taa tez büüsün, çok işlär adardı ona malisi, ama hep deyärdi, büüsün da ozaman.

- Öbürgünä, – uzattı Sofi babu lafinı, – olacek üz on...
- Nasıl üz on? – sordu Gani.
- Te üz on, deerlär, tarlanın başına kon!
- Nasıl ma, mali, insannar uçsun, onnarda kanat yok.
- Dil, çocuum, saylîr insan artık gider da tarlasını sürmää, ekmää başlêér. Tä senin da bakan artık hazırlamış puluu, dün çalkadı toomnuu, öbürgünä kira çıkacek ekmää. Boban– çoban, ama bizim da var tarlamız. Koyunnarda iş başlayınca çiftçilik ta yapêriz.



Zamana, angısında işlem artık olmuş, geçmiş yada läätzimmiş olsun, **geçmiş zaman** deniler.

Zamana, angısında işlem mutlak olmuş, bitmiş, tamannanmış, **mutlak geçmiş zaman** deniler: okudum, baktım, gördüm, geldim, verdim, koydum h.b.

Mutlak geçmiş zaman -di, -di, -ti, -ti, -du, -dü, -tu, -tü, afikslerin yardımının kuruleler: *al-di, ver-di, at-ti, git-ti; doy-du, gör-dü, tut-tu, öp-tü* h.b.

Mutlak geçmiş zamanda işlikler diișilmektä bölünerlär iki bölümä: **kon-sonnan bitennerä** hem **vokallan bitennerä**.

İncä vokallı işliklerdä kökün son vokalı **ä** döner **e** vokalına:

Beklä – bekledim, kitlä – kitledim, eklä – ekledim.

Seslä – sesledim-sesledin-sesledi-sesledik-seslediniz-sesledilär.

166. Koyunuz verilmiş işlikleri geçmiş zamanda.

Sal, sil, dur, koy, bak, baar, çiz, süpür, pakla, düş, yak, pin, yaz, çiinä, yışla, dök, iç, kaldır, yon, bil.

167. Okuyun bu yaratma parçasını. Ayırın teksttan mutlak geçmiş zamanda bulunan işlikleri, gösterin afikslerini. Bellili lafları diiștirin üzlerä görä.

Naşey olsun bu?

- Naşey olsun bu?

Gani ilktän sansın **korktu**, ama sora gördü onnarı, nasıl bir körayın altına saklandılar. Acan taa islää baktı, orada iki tavşamcık sinärdi. Gani çıkıştı kalpaanı da kapadı onnarı, savaşardı tutmaa, ama birisi, fırlayıp, kaçtı elinin altından. Öbürünü **etiştirdi** tutmaa da getirdi bordeyä. Taman bu zaman bobası da geldi küüdän.



- Baka, bän tuttum bir tavşamcık! – ündü o.
- O-o, ya ne gözäl küçük! Korkmuş zavalıcık. Ne sık-sık soluyer! Küçük kır tavşamcıklarına gagauzça göcen deerlär.
- Onnar ikiyilär, – söledi Gani, – ama birisini kaçırdım.
- Bunu da läätzim kolverelim. Anası, bezbelli, aarayacek yavrusunu.

Gani gitti da kolverdi göcencii koraylık içinä.

168. Okuyun şiiri "Yardım" demekli. Neyä terbieder bu şiir? Sıralayınız aazdan mutlak geçmiş zamanda işlikleri.

Yardım

Mamuya yardım yaptım -
Yıkadım çanaaa.
– Saa olasın, kızçaazım! -
O dedi bana.

Avşam ekmeeni yaptık,
Pek tatlı idik.
– Saa ol! – hepsimiz birdän
Mamuya dedik.
Yısladım çiçekleri,
Ot verdim koça.
Baka dedi hızlıca:
– Saa ol, cocucaam!
Bän istämedäään kirdim
Bir gözäl çini.
Sora hepsinä dedim:
– Afedin beni.
Aramızda açıklık,
Saklamak hiç yok.
Yalana insan çoktan
Hepsicii kär tok.



169. Düzünüz verilmiş işliklärlän cümle.

Aaladı, taşdı, çiinedi, idi.

170. Yapınız verilmiş cümleyä sintaksis analizi.

Bütün gün çocuklar çalıştılar aulun üstündä kaardan bir bayır-
cık yapmaa.

171.  Bakıp resimä, düzünüz cümle mutlak geçmiş zamanın afikslerin
yardımınınan "Nicä bän geçirdim günümü".



§23. BELLİSİZ GEÇMİŞ ZAMAN

172. Okuyun teksti. Bulunuz tekstin öz fikirini. İnandırın.

Bir adamın varmış üç oolu. Onnar büdüynän, adam demiş:

– Çocuklar, bän sizi büöttüm, üürettim, ama ileri dooru bakın kendi-kendinizi. Çıkmışlar kardaşlar küüdän da çatırıkta, pınarın yanında, biraz dinnenip, annaşmışlar, ani üç yıldan sora genä burada, bu gündä, bu saatta, buluşup, bakaceklar, kim ne kazanacak.

Gitmişlär onnar herkezi kendi yolundan: birisi doorulmuş üzlenä, ikincisi – günduuusuna, üçüncüsü – batıya. Etişmişlär onnar saa-seläm erlerinä. İlkisi olmuş yazıcı bezirgennerdä, en küçüğü dä – bir çorbacıda çırak.

Geçmiş o üç yıl da genä buluşmuşlar kardaşlar o pınarın yanında. İkişi gelmiş valizalarlan ellerindä, angıları doluymuşlar eni ru balarlan hem paraylan. Üçüncüsü, en küçüğü, gelmiş elli çöbindä.

- Sölä, ne kazandın, neçin boş ellän geldin? – sormuşlar agaları.
- Kazandım bän üç ceviz, – demiş en küçüğü onnara.



Zamana, angısında işlem artık geçmiş, olmuş yada lääzimmiş olsun, ama diil belli nezaman olmuş hem işlemin olduuna garantiya verilmeer, **bellisiz geçmiş zaman** deniler.

Bellisiz geçmiş zaman -miş, -miş, -muş, -müş afikslerin yardımınınan kurułêr.

Örnek: *al-mış, git-mış, yol-muş, gör-müş...*

Bellisiz geçmiş zamanda işliklär diişilmektä bölünerlär iki bölümä: **kon-sonnan bitennerä hem vokallan bitennerä.**

➤ *Ayırınız yukarı teksttan işlikleri bellisiz geçmiş zamanda. Annadınız onnarın dooru yazılmasını.*

173. Verilmiş işlikleri koyunuz bellisiz geçmiş zamanda.

Aç, kuu, gör, tut, çek, ser, kes, ez, lafet.

174. Koyunuz kaçırılmış bukvaları, annadınız onnarın dooru yazılmasını.

Rozkanın palileri otlu(u)n içindäym..şlär.

Rozka nereyisä gitm..ş, ayrılm..ş palilerindän.

Uşaklar gidip ta al..rlar onun bir palisini, koy..rlar onu sobanın üstünä.

Rozka geldiynän, bir palisini bulam..r erindä da çeked..r ulu maa.

Sora, palisini bulduynan, çeketm..ş ulumaa sobanın boyunda.

Uşaklar indirm..şlär paliyi sobanın üstündän da verm..şlär Rozkaya.

Rozka onu dışlerindä erinä götürm..ş.

175. Düzün prezentaşıya „Nesoy kulturalar büüderlär kırlarda bizim küüdä?”
Kullanın aazdan sözünüzdä işlikleri.

176. Bakınız verili temalara küülär için da yazınız onnara görä bir literatura yaratması, kullanarak aşaada verili planı. Kullanın yazılı sözünüzdä işlikleri türlü formalarda.

Plan


1. Dmitrovka, Aleksandrovka, Kubey, Kurçu – benim erim.
2. Severim bizim geniş kırları, zengin toprakları hem bol bereketleri.

3. Gagauz halkım. Çalışkan çiftçiler, şanni intelektuallar, yazıcılar.
4. Büünkü yaşamamız hem görünür geleceemiz.

177. **Yazınız tefterlerinizä bu işlikleri neetlik geçmiş zamanda. Düzünüz ikisinnän cümlä. Yapınız onnara sintaksis analizi.**

Silkeceydi, everdiydim, evleneceydi, gideceydim, sorduydu, alaceydi, taşıyaceydi, yazardı, paklardı, üäreneciydi, korktuydu.

178. **Bulun bu teksttä işlikleri geçmiş zamanda. Belli edin onnarın formalarını. Annadın teksti kısadan, kullanarak işlikleri türlü formalarında. Nesoy söz tipindä bu tekst.**



Gavril Arkadyeviçin Gaydarcının kolektiyasına girdiydi fikralar Nastradin Hoca için da. Bu kısa keskin fikralarla avtor bizä istedi göstermää insanın kalitelerini, yaptıklarını. İnsan herkerä bişey yapmaa deyni, lääzimmiş, düşünüp ta yap-sın, maana bulmaa diil lääzim, neçinki geleceymış vakıt da bunnar hepsi sana donecymişlär.

Nicä yapacan, ölä da görecän. Yaşamaa lääzimmiş birliktä, dostlukta. Herbir insanın var kendi kusurları, da diil lääzim gülmää bu işleri.

Avtor fikralarını yazmıştı bir annaşılı, şıralı dillän.

179. **Diiştirin üzlerä görä bu işlikleri bellisiz geçmiş zamanda. Yapın onnara morfema analizi.**

Ayırılmış, yıkanmış, seslemiş, bakmış, saurmuş, soymuş, düzünmüş.

180. **Yazın bu işlikleri tefterlerinizä. Nişannayın onnarın köklerini hem afikslerini. Nesoy formada onnar. Düzünüz ikisinnän sadä cümlä.**

Annatmardı, annatmayardı, sözleşärdi, düzünärdik, alardık, razgelärdik, üürenärdi, yattırdık, seslettik, yıkayardı, yıkaardı, iyärdik, paklayardık, paklardı, giinärdik, kazardı, dikärdi.



Bilersiniz mi siz?

Kultura – o etiket, norma, standart adamın yaşamasında. Var çok türlü kultura soyu (çeşidi): söz kulturası, kendini kullanmak kulturası, imäk kulturası; okumak, seslemek kulturası.

Kultura – o bir ölçü, kalıp, angısının dışanına düşmeer çıkmaa, çünkü ondan sora çekeder herbir yannişlıklar: aclamak, zeedä laf söylemek, inatlanmak, hatırsızlık, esapsızlık, suratsızlık.

181. Verilmiş işlikleri koyunuz bellisiz geçmiş zamanda.

Açtıydı, salverdiyi, getirdiydi, başladıydılar, koyduyu, baktıydılar, kımıldanmaazdıydı, unuttuydular, çektiyi, verdiyi, sarımaştıydı, çözdüyüdü, öründüyüdü, verdiyi, izin ettiyi, kaldıydılar, sardıydılar.

182. Yazın tefterlerinizä işlikleri çoktan geçmiş bellisiz zamanda. Nışannayın onnarın köklerini hem afikslerini.

Kapamıştım, utanmıştım, hatırlamıştım, çekmişti, yazmıştı, saklamıştım, aaramıştı, durmuştım, kemirmıştı, taramıştım, tutmuştım, satmıştı, imişti, koymuştu.

§24. BİTKİZİZ GEÇMİŞ ZAMAN

183. Okuyun текsti. Angı tipä görä düzülü teksti.

Çoktankı avcısı oturardı sundurmanın üstündä hem kemençesini gıcırdadardı. O pek sevärdi muzikayı hem istärdi kendisi dä üürensin kemençedä çalmaa. Savaşardı o, buuşardı, ama çıkışmaazdı onda, nicä läätzim. Dädu buna da sevinärdi, ani canının iilemää deyni var kendi müzikası. Onun evceezin yanından geçärkän, kolhozçunun birisi dedi ona:

– Brak sän o kemençeyi da tutun tüfektän. Sendä tüfeklän taa ii çekér. Bän şindi hemen daada bir ayı gördüm.

Daada dädu çok vakıt, gezip, aarêér ayayı, ama hiç izlerini dä bulamêér.

Yorulduynan, oturêr dädu bir kütmään üstünä dinnenmää. Daada bir dä şıprtı işidilmäzdı: birerdä bir dä dalcaaz çatırdamazdı, hiç bir kuş sesi dä işidilmäzdı. Bir dä dädunun kulaana işidiler: “Brın-n-n! Ölä bir gözäl ses, nicä struna ötmüs”.

➤ *Ne sebepä görä avci ayayı öldürmemiş?*



Zamana, angısında işlem çok kerä tekrarlanmış, olmuş, bitkiziz geçmiş zaman deniler: *alardım, satardım, yapardık, gidärdik, oynardık/oynayardık, beklärdik/bekleyärdik, seslärdim/sesleyärdim* h.b.

Bellisiz geçmiş zaman düzüler bellisiz gelecek zamana *-dı, -di* afiksleri ekleyerek: *yatar-dı, konar-dı, kurar-dı, bükär-dı; saklar-dı / saklayar-dı, beklär-dı / bekleyär-dı*.

Bitkisiz geçmiş zamanda işliklär diişilmektä pay olêrlar iki bölümä:

1) **yotlu varianta**: *soluyardı, sesleyärdi, sürüyüärdi, taşıyardı* h.b.

2) **yotsuz varianta**: *seslärdi, beklärdi, aalardı, üürenmärdi* h.b.

birlik sayısı

Bän paklardım, paklayardım

Sän paklardın, paklayardin

O paklardı, paklayardı

Bän seslärdim, sesleyärdim

Sän seslärdin, sesleyärdin

O seslärdi, sesleyärdi

Yotlu variantta işliklerin kökün sonundakı ä vokalı döner e vokalına.

çokluk sayısı

biz paklardık, paklayardık

siz paklardınız, paklayardınız

onnar paklardılar, paklayardılar

biz seslärdik, sesleyärdik

siz seslärdiniz, sesleyärdiniz

onnar seslärdilär, sesleyärdilär

► *Bulun işlikleri bitkisiz geçmiş zamanda. Açıklayın, neçin kimi işliklerdä kökün hem afıksin arasında uzun vokal peyda lanerà.*



184. Bakıp tablıtaya, verilmiş işlikleri diiştirin bitkisiz geçmiş zamanda üzlerä görä.

I-variant – oturmaa, düzvää.

II-variant – durmaa, küsmvää.

185. Okuyun teksti, açıklärın onun temasını. Çıkarın teksttan işlikleri geçmiş zamandan, gösterin yazmakta onnarın dooruyazılmasını.

Masal iilik için

Yaşarmışlar bir küüdä iki kardaş – Todur hem Sandi. Onnarın bobası çobanmış. Onu hepsi bilärmişlär bu küüdä, neçinki tırlası onun pek büükmüş.

Açan çocucaklar küçükmüslär, bobası dayma alarmış onnarı tırلaya da gösterärmış çobancılık zanaatın türlü işlerini: nicä saamaa koyunnarı, korumaa hem doyurmaa kuzucukları, neredä sürüyü taa islää otlatmaa, nicä ilkyazın kirkmaa koyunnarı, toplamaa yapaayı çuvallara. Uşaklar bobasını meraklan seslärmışlär.

Geçmiş yıllar. Bobası ihtärlamiş, dayma hasta yatarmış, siirek çıkarmış dışarı gezinmää, pak soluklan solumaa. Çaarmış çocukların içeri da başlamış onnara nasaat vermää:

– Siz artık büüksünüz, yaşamalarınızı lääzim düzäysiniz kendiniz. Sesläyin beni da savaşın yapmaa, nicä söyleyecam. En ileri, olunuz doorucu. Ko insannar görsünnär, ani siz yasêerrsınız ken-di akılnızlan, yalansız. Taa bir nasaat, o – en öz, insana bulunun onun zorunda, yardım edin büyük havezlän. İllii yaptıycaan – o sana geeri döner. Tutunuz bunu akılnızda.

Açan bobaları kayet yufkalamış da başlamış işleememää, çorbaçılınu vermiş çocuklarına: Todura – bir payını tırlanın hem sürünen, öbürünü – Sandiyä.

– Saa ol, bobacımız. Bız seni utandırmayacez yaşamakta.

Çocuklar tırlaları bakêrlar, işleerlär, ekinneri büüderlär.

Bir yaz olêr bir büyük kuraklık, çok zor vakıtlar geler. Hayli zaman yaamurlar yaamêêrlar, sararêrlar doz-dolay otlar, zeetlenermişlär susuz hayvannar da, insannar da.

Bir keret kırda, toplayarkan yufka bereketi, Sandinin komşusu, Lambu, istemiş ondan bir kruşka su:

– Yok bendä su. Kîtlîk. Git başka erdä aara, bekim bulacan.

Lambu gücenni gitmiş yakın tırlaya, neredä gölgedä Todurun koyunnarı yatarmışlar.

– Todur, kurtar, ver, yalvarêrim, bir damna su, baarim dudaklarımı yıslayıym, – demiş Lambu.

– Gel burayı, buyur, – sölemiş Todur da vermiş ona bir çölmecik suylan.

– Şükür ederim, Todur, saalık sana hem Allahtan büyük hatır, – yaşlar gözlerindä dedi Lambu.

Küdüdä insannar sora taa çok vakıtlar lafedärmışlär hep bu iki kardaş için. Hepsi şaşarmışlar: nica var nica bir bobada olsun bölâ benzemeyän biri – birinä kardaşlar.

Güzün gelmiş vakıt toplamaa papşoyu, üzümü, kortofiyi. Pek az bereket olmuş o gün.

Bir avşam urêr Todurun tokadına aşırılı bir dädu. O pek ihtar-mış, zabunmuş, partallarlan omuzlarında.

– Corbacı-i-1! – baarmış o, – kaybelerim aaçlıktan, ver bir buka ekmek, diz çökerim.

– Gir, dädu, auluma. Bän şindicik çıkaracam içerdän ne var. Beklä biraz.

Açan o getirmiş däduya bir dilim ekmek, iki-üç kartofi, kaynan-mış yımırta, bunu gördünän, yolcu başlamış Todurun ellerini öpmää.

– Belli, ani sän can acıyan insansın, görüner, ani gözlerindä var sade iilik şafkı.

Cök yıl yaşayasın bu biyaz dünnedä, altın ürekli adam, – sölemiş dädu.

Valera Gaydarji



186. Yazın teksti tefterlerinizä, koyup kaçırılmış bukvaları.

Sokak şaş..rdı, hepsicii mayıl ol..rdı, açan saba(a)län çek..rdılar auldan sokaa Todi, Gafi hem Simicuk. Ç..ocuklar – ikisi dä kara(

göz), kurgaf, açık(göz). Kızça(a)z, Gafi – kulaca, pek manusuna benz..rdi, angısı baa brigadasına zvenevoyka işl..rdi. Makarki Gafi üçüncüdüydi, Todi dä beşincidüydi, ama boyları kär birtakimdi. Simucuu alıp ortaya, üçü dä herkerä gid..rdilär yan(n)aşık. Üçü da pek kırnak gi(i)n..rdilär: yakacıkları biyaz, rubacıkları ütüyüä urulu, ayak kapları yalabiyardı... Todiylän Simucuk kepkacıklan gez..rdilär, ama Gafinin tepesindä gözäl bant ba(a)lıydı.

187. Okuyun teksti. Aazdan bulun bu teksttä uydurmayı.

Şkolaya gidärkän, Todi, Gafi hem Simicuk bakardılar dooru yollarına, oynamazdilar yolun üstündä hem, keçilär gibi, iki tarafa salınmazdilar, büüklerin yanından geçärkän, seläm verärdilär. Hem gidirdilär diil yolun ortasından, ama aulların boyundan, näända gezmeer maşinalar hem taligalar.

Şkolaya gidärkän, ilkin uşak başçasında Simucuu brakardılar, çünkü onun yanından geçärdilär. Etiştiynän şkolaya, herkezi gi-därdi kendi klasına. Herbir aralıkta Todiylän Gafi, buluşup, oy-nardılar birerdä.

Hergün uşaklar gidärdilär malisinä, angısı yaşırdı şkoladan üç ev aşırı. Makar ki onnarın malisi artık etmişä alındı, ama yaşırdı o yalnız. Evin içindä hem aulda vardı çok iş, da tä bu üzerä büük hem aar işleri yapardılar onnarın manusu hem bakası, ama ufak, kolay işleri yapardılar uşaklar.

➤ *Aazdan bulun bu teksttä uydurmayı. Neçin bu uydurmayı av-tor kullanmış? Ne istemiş açıklamaa bununnan?*

➤ *Bulun bitkisiz geçmiş zamanda duran işlikleri da açıklayın onnarın dooru yazılmasını.*

188. Çeviriniz lafları ukrain dilindän gagauz dilinä, koyup onnarı erlerinä zamannara görä.

Geçti zaman

Sindiki zaman

Gelecek zaman

Здаю, співала, допоміг, збережемо, показуємо, нестиму, здогадувався, лікував, оздоблять, стримують, літає, одужаєш, обділили, плетуть, снідала, пишалося, рушатимеш, дарую, ошукають, підтримуватиму, ойкнув.

189. Verilmiş işliklerä yapınız morfema analizi.

Aalardı, saklayardı, eriyärdi, paklardı, susayardı, yaşırdı.

§25. İŞLİİN MODAL FORMALARI

190. Okuyun teksti demekli. Nesoy onun janrası? Bulunuz artistik kolaylıklarını. Belli ediniz tekstin öz fikirini hem temasını. Bulun adetçä hem kendili adlıkları.

Kış sonatası



...Suuk!

Suuk. Bana geler, sansın suuk... bütün geniş dünnedä: Afrika-da, Amerikada, Avstraliyada hem hererdä. Hem hererdä, olmalı, birtürlü suuk. Osa bu suukluk sade bana mı geler? Suukluk dondurttu yalnızlıımı. Dinnenir günü ulu daayın ateşindä bän onu eridecäm da genä küyümä getirecäm.

Da, toplayıp kapu öündän evin içerinä yıkanmış kaara, lüzgerä, suuklaa kokan çamaşırları, giisileri, getirecäm. Onnarın taazelii taazeler içersini hem içleri.

Büyük kış. Büük hem kısa lüzgerli. O bizdä yaşılı üulen tarafına kokêr, taa pek kuru kaara...

Ama hep okadar sokaa, suuklara çeker, sora halizdä havezdän erimää çekeder, neçinki o – sevgidän sevgiliyidir. Te hemen şindi kuvetliimi duyêrim, beenilmişleri geçirmää, edenmää, aaramaa, ensemää...

Da geler, ani hızlanmaklar – hepsi insan tabeetleri yavaşıyêrlar. Da, sansın, dolayda dünnää da olêr taa doorulu, taa pakça görür. Sadece usluluk biraz hastalaa benzeer.

Edenmäk duygusu beni kaplêér – bu da kıştan benimdir...

Te bu taazä kaar usluluu hem kuvetsiz, ufak hem saar, ama dondurmalı, yılın sevinmeliidir. O taa erimemiş hem kirli sellerä sularını doorulamamış, ama selin, mutlak, tezdä usluluu kopara-cek...

Taa sora. Istär-istemäz kapuya uracek ilkyaz. Beki, tezdä...
Beki, da diil tezdä.

P. Yalıncı



yalnızlık – самотність
dinnenir günü – вихідний день
ulu daa – густий ліс
üulen tarafı – південний бік
edenmää – набути
usluluk – тиша
edenmäk duygusu – набуте відчуття (почуття)

191. Ayırınız yukarısı teksttan işlikleri da yazınız onnarı tefterlerinizä.
Annadın, ne bilersiniz onnarın düzülmesi için, belli ediniz formalarını.



Gagauz dilindä işliklerin var modal forması:

1) Sankilik modal forması.

Örnekler:

Kaçarsam (eer bän kaçarsam)

Açarsam (eer bän açarsam) h.b.

2) Bellisizlik modal forması onun afiksleri **-miş, -miş**.

Örnek: kaçarmış, gelirmış, h.b.

3) Mutlak modal forması onun afiksleri **-dır, -dir** h.b.

Örnek: alırdır, almıştır, alaceydir, vermişdir, görmüştür h.b.

Modal formaları zenginnederlär işliklerin maanasını hem formalarını. İşliin modal formaları diişilerlär hepsindä oluşluk calımnarında, formalarında hem onnarın zamannarında.

Sankilik modal forması

Sankilik modal forması düzüler işliin gelecek yada geçmiş zamanın temelindän –sa, -sä afikslerin yardımınınan.

Örnekler: açar – açar-sa, geçir – geçir-sä, alır – alır-sa.

Sankilik modal formasının var te bu zamannarı.

1) Bellisiz gelecek zaman: *açarsam, geçiräsäm, açarsak, geçirselär, açamarsam, açabilirsäm, açarsaydım, açarsayıdın, açarsayıdık* h.b.

2) Mutlak gelecek zaman: *açaceysam, gececeysäm, açamaceysäm* h.b.

3) Mutlak geçmiş zaman: *açıysam, geçtiysä, açmadıysam* h.b.

4) Bellisiz geçmiş zaman: *açmışsam, geçmişsäm, gülmüşsäm* h.b.

Bellisizlik modal forması

Bellisizlik modal forması düzüler işliin zaman temellerindän **-miş, -muş, - müş** afikslerin yardımınınan: *açar – açar-mış, geçir – geçir-mış, açmış – açmış-mış, açacek – açacey-mış, görmüş – görmüş-müş*.

Bellisizlik modal formasının (**-miş, -muş** afikslärlän) te bu zamannarı var:

1. Mutlak gelecek zaman: *açaceymış, geçeceymış, açmayaceymış, almayaceymış*.
2. Bitkisiz geçmiş zaman: *açarmışım, geçärmışım, açmarmışlar*.
3. Bellisiz geçmiş zaman: *açmışımış, geçmişimiş, açmamışımış*.
4. İsteysişlik çalımın geçmiş zamanında: *açaymış, geçäymış, alamayaymış*.
5. Sankilik çalımın geçmiş zamanında: *açsaymış, geçsäymış, açamasaymış* h.b.

Mutlaklık modal forması düzüler işliin zaman temelendän **-dır, -dir, -dur, -dür, -tır, tir, -tur, -tür** afikslerin yardımından.

Örnek: *açar – açar-dir, geçir – geçir-dir, bulur – bulur-dur, geçmiş-tir, açmış-tır, urmuş-tur* h.b.

Mutlak modal formasının (**-dır, -dir** afiksli) te bu zamannarı var:

- 1) Bellisiz gelecek zaman: *açar-dır, geçir-dir, açmar-dır, alır-dır* h.b.
- 2) Mutlak gelecek zaman: *alacam-dır, almayacam-dır, läätzim olacektir bulayım* h.b.
- 3) Bellisiz geçmiş zaman: *açmiş-tır, geçmiş-tir, açmamış-tır* h.b.

 **192.** Aşaadakı cümlelerdä işlikleri bulun da söläyin onnarın modal formalarını, oluşuk formalarını, çalımnarını hem zamannarını.

- 1) Biz tuttuysak, siz bakın kaçırmayasınız.
- 2) Bu kiyatları yazınca, o kim biler nekadar başka kiyatlar okumuştur.
- 3) Geleceysän cumaaya gel, gelmeyeceysän sölä, inandır bizi.
- 4) Eer almışsam bişey, vallaa, ellerim kurusun.
- 5) Bana kalsa, o bulamamıştır dostunu, buluşaymış, hepsini bu haberİ söleyeceymiş.
- 6) Buluşaymış, o söleyeceymış hepsinä bu heberi.
- 7) Olsaymışım da orada, hep okadar görämeyeceymışım, zerä pek çok kalabalık vardı.
- 8) Ikinci kerä läätzim olmayacektir saralım.
- 9) Lääzimsayıdı gecelemaä kalayım, kalırıım.

 **193.** Aşaadakı işliklärlän uygun cümleler düzün da onnarı tefterlerinizä yazın:

Bakarsayıdnız, bulacamdır, geläymış, dayanaydı, açılmışsa, işitmeliysä.

1. Gagauz dilindä işliin kaç modal formaları vardır?

2. Aşaada verili afikslerdän, angıları mutlak modal formanındır?

a) -miş -miş; ä) -dım -dim; b) -dır -dir; c) -sa -sä.

3. Aşaadakı cümlelerin angısında var işlik sankilik modal formasında?

a) Mantaralı erlär daayıñ ortasında vardır.

ä) **Biz sıksık atlı gezineriz.**

- b) Mihail Çakirin anıt taşı Çadır kasabasında koyulu.
- c) Açırsan üçüncü kapuyu, orada Dünnä-Gözelini görecän.
4. Aşaadakı verili işliklerin angısı bellisizlik modal formasındaydır?
- a) gelirmiş; ä) görmedim; b) içtilär; c) sattık.
5. Sankilik modal formasının kaç zamanı vardır?
- a) 2; ä) 1; b) 3; c) 4.
6. Nasıl düzüler işliin bellisizlik modal forması?
- a) salt şindiki zamandan;
- ä) salt işliin izin çalımından;
- b) işliin zaman temellerindän -miş, -miş, -muş afikslerin yardımınınna;
- c) salt gelecek zamandan.
7. Angı modal formanın te bu afikslär: -dır -dir, -dur -dür, -tır -tir, -tur-tür?
- a) Mutlaklık modal formanın.
- ä) Sankilik modal formanın.
- b) Bellisizlik modal formanın.
8. Mutlak modal formasında işliklerin kaç zamanı vardır?
- a) 1; ä) 3; b) 2; c) 4.



194. Bakıp resimä, düzün cümhä işliin türlü modal formalarınınna.

Yardımcı laflar: gök kuşaa, eşillik, duruk su, derä, çimçirik, dürük gök...



§26. İŞLİKTÄN ADLAR

195. Okuyun teksti. Bulun tekstin öz fikirini.

Haliz adam



Bir kurak, yaamursuz, pek sıcak tarafa vardı bir pınar. Pınarın da yanındaydı bir alçak evcäöz. O evceezdä yaşardı bir dädu unukasinnan.

Pınarın krosnusunda sarılıydi bir uzun çatı, çatının da ucunda baalıydi bir kazan. Gelän-geçän insannar, durukanıp bu pınarın yanında, su içär-dilär, däduyada “saa olunuz” deyip, gi-därdilär yolca ileri.

Birgün kazan çatıdan koptu da düştü derin pınar içünä. Däduda başka kazan yoktu. Pinardan yoktu neylän su çek-mää da susuzluunu geçirmää.

Ertesi günü sabaälän dädunun evinä bir adam geldi taligasinnan. Onun taligasının geerisindä asılı sallanardı bir kazan. Adam baktı pınar içünä, göz attı däduya hem onun unukasına da pindi taligasına. Urup beygirinä birär kamçı, gitti kendi yolunca.

– Nesoy adam bu? – sordu unukası däduya.

– Bu diil adam, – cuvap verdi dädu.

Üülendä uuradı dädunun evinä başka bir çorbacı. O aldı taligasından kazanını, baaladı onu pınarın çatısına, çıkardı pinardan bir kazan su, içti kendisi, sora verdi su içsinnär dädu hem onun unukası, bitkidä aldı kazanını da, koyup onu taligasına, gitti yolca.

– Nesoy adam bu? – genä sordu unukası däduya.

– Bu da taa diil adam, – dedi dädu.

Avşamnen dädunun evinin yanında taligasının durgundu üçüncü bir adam. O aldı kazanını taligasından, baaladı pınarın çatısına, çıkardı bir kazan su, içti kendisi doyunca, “saa olunuz deyip”, braktı dolu suylan kazanını pınarın yanında.

– Nesoy adam bu? – sordu däduya unukası.

– Bu haliz adam, – cuvap verdi dädu.

(Jurnaldan)

➤ **Nesoy başka türlü ad var nice koymaa bu tekstä?**

➤ **Neyä üüreder bu tekst?**

➤ **Var mı bu tekstin yazdırma elementleri?**



kurak – посуха

yaamursuz – без дощу

krosna – частина колодязя, куди закручується ланцюг

susuzluunu – втамувати спрагу

göz attı – оглянути; окинути поглядом

haliz adam – справжня людина



İşliin baş temelinä koyduynan afiksleri **-mak**, **-mek**, **-mäk** düzüler adlık maanasında laflar.

Örnek: aç- aç-mak, gel – gel-mäk, oku – oku-mak h.b.

Bölä laflar – işliktän adlar, hallanêrlar nicä – k konsonnan bitän adlıklar.

T.h. – **okumak**, **okumaklar**

S.h. – **okumanın**, **okumakların**

D.h. – **okumaya**, **okumaklara**

G.h. – **okumayı**, **okumakları**

E.h. – **okumakta**, **okumaklarda**

Ç.h. – **okumaktan**, **okumaklardan**

Gagauz dilindä var ölä adlar, ani düzülü işliin baş temelindän –ma, -mä afikslerin yardımının.

Örnek:

Sar – **sar-ma**

Kaur – **kaur-ma**

İslä – **işlemä**

Akit – **akit-ma**

Saç – **saçma** h.b.

Bu laflar da ölä hallanêrlar, nicä vokallan bitän adlıklar.

İşliktän adlar cümledä subyekt yada cümlenin ikincili payı olêrlar.

196. Aşaadakı işliktän adlardan birär cümle düzün. İşliktän adları kullanımın sybyekt yada cümlenin ikincili paylarının üzerinä.

Oynamak, çalışmak, görüşmäk, annaşmak, yarışmak, becermäk, işlemäk, kaçmak, sormak, sarma, kaurma.

197. Hallayınız işliktän adları birlik hem çokluk sayılarda.

I-var.– açmak, gelmäk

II-var. – sormak, giimäk.

198. Düzün laf diktantı (10-15) işliktän adlarlan.



İşliin morfologiya analizi

Söz payı işlik, angı soruşa cuvap eder, onun gramatikayca temel forması, onun laf düzücü hem diiştirici afiksleri, angı bölümdän işlik, sadä-

mi, düzülü mü osa katlı mı; geçir mi osa geçmaz mı işlik, angı çalımda, angı üzdä, angı sayıda hem angı zamanda işlik, angı oluşluk formasında; var mı onun bellisiz forması yada modal formaları; cümledä işlik, angı cümle payı olér, üz, çalım hem zaman afikslerini sıralamaa.

Ne gözäl günnär geldi fukaara aullara.

1. Aazdan analiz.

Geldi – işlik, kendibaşına söz payı, onun kökü hem gramatikayca temeli – gel, afaksi di, bu afiks laf diliştirici, işlik sadä, geçir, oluşluk çalımında, mutlak geçmiş zamanda, birlilik sayısında, üçüncü üzdä, halizlik formasında, cümledä predikat olér.

2. Yazılı analiz.

Geldi – işlik, tem. forması – gel, diliştirici, sadä, geçir, oluşluk çalımında, mutlak geçmiş zam., birl. sayıda, üçüncü üzdä, halizlik form., cümledä predikat.

§27. İŞTEENNİK

199. Okuyun teksti. Belli edin tekstin tipini hem stilini. Kurunuz kendi soruşlarınızı tekstă.

Üç pelivan (*Gagauz halk masalından*)



Bir vakıt varmış, bir vakıt yokmuş, eer olmayımiş, söleyän da olmayaceymış. Şindi deerlär varmış üç kardaş. Birisinin adıymış Gürgen-Kıvradan, öbürünün – Su-Sümürän, ama üçüncüsünün adıymış Çok-Kaçan.

Gürgen-Kıvradan tanınmış bir daa yaşayıcısıymış, adı onun ölä bilinmiş, neçinki pek kaaviymiş da kuvedini olsun nereyä harca-

maa deyni, gürgen aaçlarını birkaçını, bir erä katlayıp, kıvradar-
mış ölä sıkı onnarı, ki bütürlü burguçtan şıpir-şıpir su akarmış.
Gürgenneri kıvratmak bu pelivana bir oyuncak gibi gelirmiş...

Bir kerä Gürgen-Kıvradan görmüş göl boyunda, kendisi gibi, bir
büyük adam. O bütünnä gölü bir solukta aazına alırmış da sora –
hop! Erinä kolverirmiş...

– Be dost, – sormuş Gürgen-Kıvradan, – sän neçin bu suylan oy-
nayarsın, yazık, balıklar kuruda kalêrlar.

– Adım benim, demiş o, – boşuna mı Su-Sümürän? – da te adımı
dooruklamak için oynêêrim bän dá gölün sucaazınnan, susuzluu-
mu geçirerim.

– E, balıklar näpsinnar, zavahlar?

– Bän suyu yutsam, onnar kuruda, kalıp, ölürlär, ama bän aazi-
mı isladıktan sora, gölü erinä kolvererim, – demiş Suyu-Sümürän.

– Yaşasın balıckalar, ama bän da yanmayım susuz, demäk...

Üçüncü kafadarın adımış Çok-Kaçan, neçinki o çok hızlı kaçar-
mış. Onu Stambola yolladıyan, bir tükürük kuruyunca, geeri dá
gelärmış. Ama açan bacaklarına baalarmış birär dermen kayası,
taa da hızlı kaçarmış. Sän gözünüń kípar-kípmaz, o Stamboldan,
varıp-gelirmış...

Te bu üç pelivan dost olmuşlar. Onnarı görän, işidän şaş-beş ka-
lırılmış.



Gürgen – çok çetin meşä aaci

Burgaç – kıvradılı bişey

pelivan – büyük, kaavi, sarp, masal personajı

Stanbol – İstanbul kasabası



tanınmış – став відомим

şaş-beş kalmaa – дивуватися

dermen kayası – вітряні жорна

göl – озеро

pelivan – велетень



İşliin özel formasına, angısının var hem işlik hem nişannık maana-
sı, gramatikada istennik deniler. İstenniklär cuvap ederlär soruşlara:
angi? nesoy? nasıl?

İstennik düzüler:

-an, -än afikslerin yardımınınan: *al – al-an, sor – sor-an, koy – koy-an, gör – gör-än, biç – biç-än, git – gid-än;*

-yan, -yän – *oyna-yan, kazi-yan, oku-yan, söyle-yän, de-yän, i-yän;*

-miş – *toplan-mış, açıl-mış;*

-miş – *piş-mış.*

İştenniklär sade kök maanasının benzeerlär işliklerä. Ama afikslerin-nän barabar onnar diildir işlik, neçinki onnarda yok üz kategoriyaları. İştenniklär, nişanniklar gibi, göstererlär obyektlerin nişannarını (ekmek nasıl? – pişmiş; kuş angı? – uçan) hem cuvap ederlär nişannikların so-ruşlarına.

İştenniklär adlıklarlan bilä, angılarını onnar yorumlêârlar, olur hallansın-nar ölä, nicä nişanniklar hallanêrlar adlıklarlan barabar birlik hem çok-luk sayılarında. Sade iştennik adlıklan barabar hallanmakta diišilmeer, ama yanındaki adlık diişiler hallara görâ. Ama yalnız kullanılırkan iştenniklär, nicä dä nişanniklar, diişilerlär hallarda hem sayılarda hem da saa-bilik formasında var nasıl bulunsunnar.

Örnek: pişmiş ekmek, uçan kuşlar

birlik sayısı	çokluk sayısı
T.h. pişmiş, pişmiş ekmek	uçannar, uçan kuşlar
S.h. pişmişin, pişmiş ekmääن	uçannarın, uçan kuşların
D.h. pişmişä, pişmiş ekmää	uçannara, uçan kuşlara
G.h. pişmişî, pişmiş ekmää	uçannarı, uçan kuşları
E.h. pişmiştä, pişmiş ekmektä	uçannarda, uçan kuşlarda
Ç.h. pişmiştän, pişmiş ekmektän	uçannardan, uçan kuşlardan

İştenniklär çok zenginnederlär dilimizi. Onnarı halkımız gözäl hem ya-kışıklı kullanmış söleyislerdä, bilmeycelerdä, eski sözlerdä, türkülerdä, masallarda, maanilerdä.

 200. Bulun cümleleri, angılarında var iştenniklär. Yazınız tefterlerinizä, belli edip afikslerini.

 201. Verili teksti yazınız, bulunuz iştennikleri, çiziniz altlarını.

Alatlayın yavaş

Elimiz diimeer annamaa, nasi hızlı gider geçen günnär. Arka-mızdan gelän küçüklär sansın birdän kalkınêrlar, olêrlar delikan-nı da sora baksan, evlenmişlär, artık uşakları da etişmişlär...

Saa olannar büüyer, çalışêr, yaşêér, seviner dünneyä. Sade ölenä yazık – o kara toprakta çürüyler. İleri gidennär sä hep alatlêârlar, unudêrlar, ani eski çok bilän, çok geçirän milletlerdän laf kalmış: “Yavaşıcık alatlayın”. Bu aariflää az var kulak asan, taa da az var onu annayan

 202. Hallayın verilmiş iştennikleri.

I-var. – geçen gün, geçen günnär;

II-var. – gelän küçük, gelän küçüklär.

 203. Aşaadaki söleyislerdä bulunuz iştennikleri da sölâyiniz onnarın zamannarını. Açıklayıınız maasını.

Çok yaşayan, çok bilməz, çok gezän, çok bilir.
Aalemin taligasına pinän, aalemin türküsünü çalar.
Erken kalkanın uuru var, çok yatanın da zoru var.
Lafsız girän, aksız çıkar.
Çoyu çaarılmış, azi ayırilmiş.
Çalışkan adam mecidä dä belliyidir.
Sofradə terleyän iştä dä üşümäzmiş.



204. Verilmiş işliliklärلن düzün iştennik. Düzülmüş iştenniklärلن – cümle.

Otur, sor, kalk, gel, ver, sil, dur, yaşı, pakla, beklä, süündür, yaz, oku, süpür, bak.

§28. İŞTENNİKLERİN BÖLÜMNERİ

205. Okuyun teksti. Belli ediniz tipini hem stilini. Bulunuz iştennikleri, yazın tefterlerä.

Eni ev

Gagauzlarda eni ev düzän adam sayılər zeettä bir zavalı insan, neçinki düzüntülük akına bir zor iş. Başlasın biri çamur yapmaa, yardım edän, meciyä gelän çok olur. Var nicä gelän-geçennär dä “Kolay gelä” deyip, gitmäz, ama hiç hisim da olmasa tutunur yardıma. Olduu gibi üulen, çamurcular toplanērlar imäk sofrasına. Aar iştän sora taazä pişmiş kuzu çorbası, enez fırından çıkışmış kaba somunlar yorgun insannarın hoşuna mı gitmäz?

Ev saabisi teklif eder.

– Buyurun taa tez sofraya mancalar suumadaan!
– Şindi gelecez, çamurdan islää yikanmadık ellerimizlən yakışmaz sofraya oturalım, – cuvap eder işçilär. Hepsi iyərlər hem, elbetki, birär dä gülgülü zaybir şarap içərlär.
– Sofradan doyunmadık kimsey kalkmasın! – izin eder aşçıyka. Ama mecilər utancak, hemen doyunur-doyunmaz enidän tutunērlar karılmış çamuru duvarlara kaldırmaa...

Birkaç mecidän sora, bakərsin eni ev artık ayaa kalkmış.



zavalı – acınacek, zorda bulunan
meci – birlikdə iş komşularlan, hisimnarlan
karılmış – hazırlanmış, samannan katılmış çamur
yorumlamaa – annatmaa, incelemää



İştenniklerin zamannara görə var bölə bölümneri:

1. Şindiki geçmiş zamanda -(y)an; -(y)än afikslärlän
 - a) oluşluk forması al – al-an; gel – gel-än; gezdir – gezdir-än; işlä – işle-yän;
 - ä) inkärlik forması alma – alma-yan, gelmä – gelme-yän, yazılma – yazılıma-yan;
2. İştenniklär şindiki gelecek zamanda -r,-ar, -är afikslerinnän:
 - a) oluşluk forması, uç – uç-ar, git – gid-är;
 - ä) inkärlik forması, uçma – uç-maz; gitmä – git-mätz;
3. Şindiki zamanda -miş, -miş, -muş, -muş afikslerinnän:
 - a) oluşluk forması – ol – ol-muş, tanın – tanın-mış, tutul – tutul-muş;
 - ä) inkärlik formasında, olma-olma-mış; pişmä – pişme-mış.
4. İştenniklerin geçmiş zaman bölümündä -dik, -dik afikslerinnän var sade inkärlik formaları, yikanma – yikanma-dık, düzülmä – düzülme-dik. Ama başka afikslärlän te nasıl (-dii, -dii, -tii, -tuu, -tüü) var hem oluşluk hem inkärlik formaları:
 - a) oluşluk forması, ol-duu iş, karış-tuu sular;
 - ä) inkärlik forması, olma-dii iş, karmaşa-dii sular.

 206. Ayırılmış, yazılmış yukarı teksttän iştenniklärlän düzün türlü iştennik formalarını.

 207. Aşaadakı cümleleri yazın, iştenniklerin altlarını çizin, onnarın afikslerini gösterin, angi zamanda onnar kullanılmış.

1. Geçen pazar biz küüyün stadionunda futbol oynadık. 2. Oturduynan tombarlak, dönär skemneyä, o baktı sergennerdä duran skulpturalara. (*D. Kara Çoban*) 3. Yaayaardı bitmäz suuk güz yaa-muru. (*S. Bulgar*) 4. Dinmiş sportçular oturardılar bir bayırın tepe-sindä. 5. Kaynanmış südü bir hasta sıcak-sıcak içti. 6. Kurudulmuş biberlerin pek ii kokusu hem dadı var. 7. Kirana adamına başka bararmadı, braktı gitsin sevdii işinä. (*N. Baboglu*) 8. Kızçaaz yortuya gitmää deyni giidi bendii fistanını. 9. Sora sa pişman olardım sö-lediim lafım için da lafedärdim kendi-kendimä. (*D. Kara Çoban*) 10. Uzun zalın skemnelerindä oturardılar henez ayrılmış insannar.

 208. Aşaadakı iştenniklärlän düzün birär cümle.

Alan, gidän, üurenän, pişmiş, toplanmış, yıkandı, bulun-duu, karışan, düşän, çıkan.

 209. Aşaadakı işliklerdän düzün türlü iştennikleri, sora onnarlan cümle yapın.

Dur, aara, geçir, gir, süzül, korkut, geril, gii, anna, büü.

 210. Düzünüz prezentatiya „Benim evim”, kullanarak iştennikleri türlü formalarda.

§29. İŞTENNİKLERİN SİNTAKSİS FUNKTİYASI

211. Okuyup teksti, bulun o cümleleri, angıllarında var iştennik da, onnarı çıkarıp, yazınız tefterlerinizä.

Andon Saroglu açtıydı maalemizdä bir tükän. Vardı onda onu-bunu, en lääzimni küülüülerä deyni mallar: tuz, sabun, sırnik, diş pastası, tarak, iinä, iplik, kovrik, biskvit, bomboni, sakız hem taa çok başka işlär.

Hepsinä komşulara çok uyduyu, ani tükän bizä yannaşktı da olur-olmaz iş için uzak erä gitmäzdik. Avşam-sabaa bir ayaamız tükendäydi, kimär sıra paramız bulunmazdı da veresiyä alirdik. İlktän sabur edän satıcıımız verirdi inanmaklan. Ama butürlü ve resiyelik biktrımıştı Andonu, da para esapları karıştıı için, kapuya yazmıştı bir söleyiş “Veresiyä iyän – kendi cöbindän iyärmış!”

Bir gün, açan tükäna çok alıcı toplaşmıştı, Andon söledi, ki şanssora vazgececez ödünç vermektän.

– Saygılı alıcılarım, – dedi o, – alış-veriş yapan, zor başa çıkarır işini, eer malını veresiyä daadarsa... İsteerim annayasınız beni, da olmasın aramızda küsü. Herbir ufak mal için paranız lääzim peşint olsun... esap alın, ne yazdım bän kapuda. Bu eskidän kalma bir söleyiş. Ne dä veresiyä alırsınız, onu hep okadar ödeyeceñiz. Çıkêr ölä, ödünç alêrsın aalemin malını, ama geeri veresin kendi parını. Herbir ödüncü kolay almaa, ama neçinsä sora zor ödemää. Taa ii olur aylanalım ödünçlerdän hem veresiyedän. Teklif ederim okuyasınız, ne yazdım kapuda. “Veresiyä iyän – kendi cöbindän iyirmış”.



tükän (lafka) – магазин

veresiyä – в борг

alıcı – покупець

sakız – жуйка



Cümledä iştenniklär taa sık bellilik olêrlar, düzerlär lafbirleşmelerini, nicä dä nişannıklar.

iştennik hem annadıcı laflar, angıları çekilerlär ona, düzerlär iştenniin laf çevirtmesini.

212. Verili cümleleri tefterlerä yazın. Yapın sintaksis analizi.

Yırakta görünän adam koynunnarı otladardı.

Hayvancılar ot getirdilär bir eni düzülän sayvana.

Yakar mancayı uşaklar aazına da almadılar.
Kızdırın gün artık devirilmiş batıya dooru.
Dolaşan – tez gelir, doorudan gidän – oyalanır.
Hayatta yayılıydı çoktan toplanmış biberlär.

 **213. Yazın cümleleri, koyup kaçırılmış nişannarı. Belli ediniz iştennik çevirtmelerini, çiziniz onnarın altlarını.**

Ustaları pençerelerimizi düzän konukladık paçaylan.
Uşaklar sevmeyän üzümneri almaları yoktur.
Bobam gelän yıla sımardı çok papşoy ekelim.

 **214. Aşaadıkı verili cümlelerin angısında var iştennik.**

Boşlan gelän, boş gidär.
Gagauzlarda bakılêr Canavar yortuları.
Tençerà tukurlandı – kapaanı buldu.
Pazarlarda kliseyä gideriz.

  **215. Verilmiş iştenniklälän düzün cümle.**

Alan, geçen, gezdirän, işleyän, annamayan, akar, pişmiş, tutulmuş, okuduu, istedii.

§30. HALİŞTENNİİ. HALİŞTENNİN DÜZÜLMESİ

 **216. Okuyun teksti demekli. Açıklayınız onun temasını hem öz fikirini.**

Kalayçı Vançu

Bu adam bizim küyüä çoktan gelmişti, topraa hem başka mülkü yoktu, ekmeeni kazanırdı, kapları kalaylayarak, onuştan da Kalayçıydı. O bir çuval arkasında gezärdi, sokaklarda baararak: "Kap kalaylêrim!" Bu baarışı işidip, karilar kaçarak çıktılar sokaa, kapları götürerek ustaya, hem annaşıldılar Vançylan, kaç para alacek tepsileri kalaylamaa hem nezaman getirecek hazır işleri. Gezip bir-iki sokak, toplayıp çuvala beş-on kap, Vançu gidärdi kenarda evinä. Orada ilkin insannarın kaplarını ateşta yakardı hem, kazıyıp-kazıyıp, kumnan uup, yalabıldırdı. Kaplar olmayınca temiz yalabık, kalay tutmazdılar, sora kalayı da, ateşta kezaplan eridip, kalaylardı. Kaplar olurdu eni gibi. Baktıkça Vançunun işinä, mayıl olurdun ona. İslärdi o havezlän, sevineräk, ki yaarın,

kapları götürüp, kazanacek kendinä bir somun ekmek, bir çölmek yuurt ya bir parça piinir.



mülk – varlık

kezap – kislota

► ***Ne bilersiniz siz sizin sokakça adı için? (sokak lafi)***



İşliklerin gagauz dilindä var taa bir özel forması, ona deniler haliş-tenii.

Haliştennikleri düzerlär işliklerdän da göstererlär bir hal, nicä nişannik-lar, tamannayarak başka işlikleri, predikat hem cuvap ederlär soruşlara: **nicä? nezaman? ne sepep? neçin?**

Haliştennikleri gagauz dilindä diişilmäz işlik forması. Onnar kurulêr işliin temelindän maasuz afikslerin yardımınınan.

Haliştennik düzüler:

-*ip*, -*ip*, -*up*, -*üp* – *kat-ip*, *bit-ip*, *kon-up*, *gör-üp*;

-*yip*, -*yip*, -*yup*, -*yüp* – *kazi-yip*, *de-yip*, *doku-yup*, *sürü-yüp*;

Esap alınız işliin temelindän kaç türlü çeşit hal iştennikleri olur düzül-sün.

Bak – *bak-arak*, *baka-baka*, *bak-tıkça*, *bak-tıynan*, *bak-inca*, *bak-tıcaanan*, *bak-aceykan*, *bak-arkan*, *bakma-yarak*.

217. Yapınız morfema analizi haliştenniklerä, bakıp yukarı tablıṭaya.

Bakarak, bakmayarak, durarak, durmayarak, geçeräk, kesme-yeräk, oynayarak, güleräk, çökeräk.

218. Koyunuz verilmiş işlikleri türlü haliştennik formalarına, bakıp yukarı tablıṭaya.

I-var. – dur, gel;

II-var.– kon, de.

219. Verilmiş haliştenniklärلن düzünüz cümleä.

I-var. – kaçip, gelip, oturup, örtüp;

II-var. – iyip, uyuyup, kalmayıp, kaynayıp.

220. Aşaadakı işliklerdän düzünüz türlü haliştennikleri.

Kolla, götür, al, ver, üflä, salla, taran, başla, beklä, büü, kaz, otur, bul.



221. Düzünüz verilmiş işliklärلن haliştennik, uydurup adlıklan.

Örnek: bakarak pınara, geçeräk yolu...

Seslä, saa, dii, bak, geç, sor, git, elleş, bul, gez, oku, dur, üşü, kuu, çöz, uyu, sor, bul.

§ 31. HALİŞTENNİN LAF ÇEVİRTMESİ

222. Okuyun teksti, bulup işlikleri. Aazdan açıklayın, angı üzdä, sayıda hem zamanda işliklär kullanılmış.

Kardaşlarım Fedoska hem Vani

Bizim Fedoska 7-nci klasta üürener. O sabaaylän şkolaya gi-deceykän nazlanêr. Katunuńı alaceykan, türlü işlär anamiza sorêr. Saada baka-baka, unudêr kendini da şkolasına geç kalêr. Geldicäään şkoladan, ayaktan kapa-kapa, bişey iyip, hiç dinnenmedäään, kapêr topu da çıkêr oyuna.

Fedoskaya bakarak, küçük kardaşçım Vani dä, ani 4-üncü klas-ta üürener, başladı o da anamı seslämemää, oldu kalın kafalı. Bobam bu kardaşlarımı aldı kendi gözü altına, o söledi:

– Bana sormayınca, hiç bir adım bireri yapmayaceniz, gösterme-yincä bana yapılmış uroklarınızı, yazılı teftirlerinizi, televizoru bak-mayaceniz. Saat dokuz olducaanan, hemen döşeklerdä göreyim sizi.

Taa bobam sımarladı anama, gördükçä kardaşlarımı zararda, bakmayıp onnarın kara gözlerinä, osaat bobaya sölesin, da o ken-disi çocukların kürkünä iinä bulacek.



nazlanêr – maana aarêér

kalın kafalı – seslemäz

kara gözünä – onnarın küsmesinä

kürk – deridän üst rubası

katık – yanında imeelik

Örnek: üürener – 3-cü üzdä, birlik sayıda, şindiki zamanda.



Haliştenniin laf çevirtmesi var nasıl bulunsun cümleinin başlantısında, ortasında yada bitkisindä.

Açan o cümleinin başlantısında bulunêr, yazmakta onun ardına virgül koyulêr; açan o cümlein ortasında bulunêr, iki tarafında da virgül ko-yulêr hem, açan o cümlein bitkisindä, önünüä bir virgül koyulêr. Cümle-dä hallik olêr.

Örnek:

1) **Toplanıp bir geniş meydana, kızlar „rop-rop“ kaçardılar.**

2) **Eşiklerä bastıyan, o taş kesilip, orada kalêr.**

3) **Bir koynun canavarı aldاتmiş, oyun oynayarak.**



223. Aşaadakı verili cümleleri yazınız, haliştenniin laf çevirtmelerini bulunuz, onnarın virgülleri için annadınız.

1. Andrey Vasilioglu gelirdi evä, çok işlerä akıl gezdireräk.
2. Kalpaamı başımdan çekip, aldılar.

3. Atlama suya, bilmäzkän onun derinniini.
4. Çayıra inärkän, göktä turna seslerini işittik.

 **224. Aşadakı cümleleri yazın. Haliştennikleri bulup, altlarını çizin.**

Suya gittikçä, hep aklıma geler onun anası.
Kaynak demir suuduynan, boz olér.
Biz baaları kazınca, gün batıy kaştı.
Yortuya gideceykän, giidim eni biyaz gölmeemi.
Radioda hem televiziyada gagauz türkülerini hem avalarını seslärkän, ürääm sevinmeliklän dolér.

 **225. Aşadakı cümlelerdä haliştenniin laf çevirtmelerini bulun, onnarı virgüllärlän ayırin.**

1. Bir çocucak sokakça gidärdi ellerini sallayarak.
2. Lüzgär yavaş-yavaş poyraza dönüp başladı islää üzütmää bizi.
3. Kalpaamı başıma giyip çıkıverdim içerdän.
4. Kazmışkan kuyuyu dizädän kaz artık belädän.
5. Evä geldiynän içerlerimizi islää temizledim.

 **226. Yapınız sintaksis analizi cümlelerä.**

1. Toplanıp küyüün bir geniş meydanına, yortu rubalarlan giyimni, kızlar horu oynamaa başladılar. 2. Eşiklerä bastıynan, o taş, kesilip, orada kalér. 3. Sokaktan geçärdi bir çocucak, aşadan kimisä çaararak. 4. Çocucak, sokakta gidärkän, durgunup, bakındı oyanı-buyanı. 5. Üşüyüp, o giidi bir ruba sırtına.

 **227. Okuyunuz teksti demekli, intonațiyyaya görä – dooru.**

Korkak adam

Bir karı, bilirkän kocasını korkak, hep gülmää alırmiş onu. Adam avcımış, ama yokmuş ne tuttuu, ne urduu bir av, düşüñürmüş, nasıl yapsın da inandırsın karısını, ki o diil korkak. O, gezä-gezä daalıklarda, bulmuş bir ölü canavar. Düşünmedään çok işlerä, derisini soyup, dönmüş evä. Geldicään evä, adam deriyi sermiş kapuya da takılmış karısına:

– Taa bana korkak deyecän mi, mari? – sormuş o, sevineräk karısına, – te dün bir yabani urdum...

Ama karısı onu inanmamış da demiş:

– O yabaniyi, olmalı, başkası urdu, sän dä getirdin derisini, sanarak beni aldadacan. (*masaldan*).

 **228. Aşadakı ištenniklärlän düzünüz birär cümle, angılarında olsun haliştenniin laf çevirtmesi.**

Kaçarak, yazarak, annadiynan, baka-baka, gülä-gülä, çıkarıp, oynayıp, sordukça, pişincä, geçeceykän, düşeceykän.

 229. Aşaadakı cümlelerdä açınız skobaları. Onnarın içindän işlikleri diiştiriniz iſtenniklerinä. Haliſtenniin laf çevirtmelerini bulunuz, onnarın virgülliり için annadınız.

1. Burada ahırdı baalıydı iki balaban beygir, onnar, (cingirdä-dardilar) sincirlerinnän hem (atlayardılar), iyirdilär alaflarını. (*S. Bulgar “Karpuz”*)
2. Kirpi, bir yumak (oldu), yattı içersinin bir köſeciindä.
3. Goguş, (düşündü) birazıcık, çekeder annatmaa. (*K. Vasilioglu “Oglan”*)
4. (Suvazladı) üüsüz kuzucuu, dädu uzalttı şiseylän südü ona.

 230. Aşaadakı cümleleri tefterinizä yazın. Haliſtenniklerini bulun, onnarın altını çizin hem koyun onnara soruş, söläyin, ne cümlä payı onnar olêlar.

1. Pençerä açıldıynan, bana suuk geldi.
2. Artist stenaya çıkardı gülümseyeräk.
3. Bu gözelim alma-armut başçelerinä insannar baka kaldılar.
4. Kardaşım, kafasını azıcık aşaa iildip, saklı bir kiyat yazdı.
5. Deredä suyun ortasına gittikçä, o taa derin olurdu.
6. Taftayı keseceykän, sän taa bir kerä onu ölç.
7. Yazarkan islää, düşünün da şaşırmayın.
8. Biz kasabaya etiſincä, panayır artık daalmıştı.
9. Görmedääñ dereyi, suvama paçalarını.

 231.  Yazınız tekſti teſterlerinizä, koyarak kaçırılmış virgülliři. Bellili cümlelerä yapın sintaksis analizi.

Yabani kalmış aaç

Bän ava gideceykän işittim bir masalcık. Bir tavşamcık düşüp yabanının pançasına başlamış yangöz yalvarmaa canavara onu öleceykän kolversin bir oyuncuk oynasın. Yabani da ahmak gibi dalayaceykan tavşamı en-sesindän kolvermiş onu oyun oynasın.

Tavşamcık ta oynaya-oynaya atlaya-atlaya uzaklanmış da kaçip kurulmuş.

Yabani da oyunu siirederäk kalmış ap-aaç. Kalkıp erindän genä daaya gitmiş.



§ 32. İŞHALLİK. İŞHALLİKLARIN DOORU YAZILMASI

232. Teksti okuyun, içindeliini annadın, bölün onu birkaç paya, herbir paya ad koyun. Tekstin katlı planını düzün. O planı tefterlerinizde yazın.

Biyaz gölmek



Biz Pavliylän hazırlanardık gitmää голä balık tutmaa. Başçada, kuyucukları kazıp, kurtçaaz topladık, hazırladık oltaları hem alındı birär kazan, balıkları getirmää deyni.

Aul boyunda oturan dädu Lişku dedi: "Pavli balıkları tutacek, ama Koli tutamayacak. O kazanı boşuna aler". Bän küstüm dädunun bu laflarına.

Gölün kenarında biz, aarayıp, bulduk kendimizde birär er, neredä gölün suyu taa derin, duruk, uslu, da attık oltalarımızı su üstünä.

"Daldı! Dalgıç daldi!" – ansızdan Pavli baardı da, kaldırıp oltasını, çıkardı su içindən bir büyük balık. Sora o başladı, tutup başka balıkları butürlü, sibitmaa onnarı biri-biri ardi kumnar üstünä. Bän bir balık tutunca, onda olduydu artık on balıktan zeedä.

"Dädunun lafları aslı çıktı!" – sevinirdi Pavli. "Yok, senin erin taa ii," – mırıldandım bän, çok goreräk dostumu. "E, hadi, erlerimizi diişelim," – teklif etti Pavli. Biz diiştirdik erlerimizi. Ama ne fasıl iş bu – Pavli benim erimdä dä başladı sık-sık balık tutmaa?! Benim sä dalgacım bir erdä durardı, donmuş gibi. Balık tutmayı biz başardık kär ölä, nicä dädu dediydi. Pavlinin kazanı dolduydu balıklan, benim sa sade kazanın dibindä balık vardı.

Açan biz yaklaştık evlerimizde, genä karşı geldik dädu Lişkulan. Bakıp benim kazanıma, dädu salladı oyani-buyanı kafasını da, şiret gibi, gülümsedi: "Ölä da annamadın mı, neçin az balık tuttun? Oltan senin biyaz, hem gölmäen dä biyaz. Pavli dä sä hem olta kara, hem gölmek kara. Balık biyazdan korkar".

"E, sän beni bu işe neçin ilerdän üüretmedin?" – sordum bän däduya. Dädu genä gülümsedi: "Bölä taa ii aklında tutarsın. Zeetlänmeyecän – üürenämeyecän!"



boşuna – дарма, марно

dalgıç – вантаж, грузило

şiret gibi – хитрий погляд

zeetlänmeyecän – поки не попрацюєш

➤ **Siz bilirdiniz mi bu işleri?**



İşhallilik deniler te o diişilmäz söz payına, angı işlemin nicä olduu-nu, kimi obyektin, nişannıñ nişanını gösterer hem soruşlara: **nasıl?** **nicä?** **nezman?** **neredä?** **nekadar?** cuvap eder.

Cümledä taa sık hallık olêr. **Örnek:** Tez yapêr – nasıl?

Çemrek işleer – nicä?

Orada dinnener – neredä?

Çok kiyat – nekadar?

233. Koyunuz aazdan soruşları bellili laflara.

Lüzgär eser **yıraktan**. Kardaşım **hızlı** sokaa çıktı. Pazar için aul boyalarını süpürdülär **büün**. Biz kaldık **burada**. O **çok** işledi aulda. Çiçek **peç** gözäl. Radiodan sesledik **gagauzça** türküleri. O **taa** balaban bendän. Festivalda vardı musaafir **yakından** da. **Bıldırkı** emenilerim küçülmüşlär. Kolverdik guguşları **yukarı** gökä.

234. Aşaadaki lafbirleşmelerinnän kurun birär cümleä, onnarı yazın, işhallüklerin altlarını çizin, annadın, nesoy cümleä payı işhallükler olêr.

Aşaa inmää, tez gelmää, hızlı örümää, çabuk etişmää, ötäända oturmaa, osaat annamaa, boşuna aaramaa, hergün okumaa, bildir ektik, yaarın çarmaa, sabaalän kalkmaa, orayı çıkmää, ge-cä-gündüz işlemää, oyanı-buyanı gezinmää, azar-azar içmää, yakın-yakın koymaa.



İşhallüklerin düzülmesi

İşhallükler düzülerlär:

1) türlü söz paylarından afikslerin yardımınınan:

a) adılıklardan -ça, -çä, -ca, -cä afikslerin eklemesinnän:

gagauz – *gagauzça*, *adet* – *adetçä*;

ä) sayılıklardan: *bir* – *birdän*, *bırkaç*, *bir* – *kerä*;

b) işhallüklerden: *çok* – *çokça*, *hızlı* – *hızlıca*;

c) işliklerdän: *doyun* – *doyunca*;

2) nişannıkların dönmesindän:

yırak (niş.) *taraf* – *yırak* (işh.) *yaşêér*

gözäl (niş.) *fistan* – *gözäl* (işh.) *çalmaa*

ilin (niş.) *çanta* – *ilin* (işh.) *oynamaa*

3) urgunun erini diiştirmesinnän:

sabaá (adl.) – *sábaa* (işh.)

avşám (adl.) – *ávşam* (işhal.)

4) lafların ikilenmesindän:

kat – *kat*, *yavaş* – *yavaş*, *adım* – *adım*;

ikişär – *ikişär*, *orada* – *burada*, *oyanı* – *buyanı*.

 235. Aşağıdakî işhalliklarını kullanın birer cümlede, cümleleri yazın, söläyin, angi söz paylarını onnar annadêrlar.

Dün, az, pek, genä, kayet, henez, dayma, çoktan, ileri, yukarıda, aşağıda, bıldır, burada,

 236. Aşağıdakî laflardan düzünüz işhallik. İşhallikları yazıp, onnarın afikslerin altlarını çizin.

Kış, ayak, gagauz, ukrain, adet, yalnız, sokak, eni, boş, güz, bizim, sizin.

 237. Aşağıdakî lafbirleşmelerinnän birer cümle kurun, cümleleri yazın, iki cümleyü yapın sintaksis analizi.

Yarıldı baştan-başa, açıldı birdän-birä, çok-çok lafetmää, katkat bükmää, parça-parça kesmää, uzun-uzun bakmaa.



İşhallikların dooru yazılması

I. Yazılırlar birleşik:

1) katlı işhalliklar, angıları kurulu **bu, o, ne, her** aderlikleri yardımınınan: *büün, bıyıl / buyıl* (ama: *bu yıl*), *burada / burda, buyanı, orada / orda, neredä / nerdä, nääni, näändä, näändan, netakım, osaat* (ama: *o saat*), *herzaman, kimikerä* h.b.;

2) katlı işhalliklar, angıları kurulu bir sayılı yardımınınan: *biraz, birazdana, birerdä, bireri, birtakım* h.b.;

3) katlı işhalliklar:

beränna, beräändä, ötäenna, ötöögün, öteyıl h.b.;

4) birleşik yazılırlar işhalliklar:

isteyiptä, başsaşa, enikunu, dışanna, dolayanna, kendibaşına h.b.

Ayırı yazılırlar:

bir kerä, kimär kerä, bir sestä, bir aazda h.b.

Çizgicik aşırı yazılırlar:

hemen-nehmen, may-may, yavaş-yavaş, çok-çok, yakın-yakın, dayma-dayma h.b.;

adım-adım, azar-azar, gün-gündän, yıldan-yıla, yıl-yıldan, baştan-başa, istär-istemäz, birä-bir, yıl-ba-yıl h.b.;

gecä-gündüz, avşam-sabaa, büün-yaarin, ileri-geeri, daran-peran h.b.

Tutunuz aklinizda bu işhallikların dooru yazılmasını!

Şindidän sora, sabaalen, çin-sabaalen, avşammen, zorlan, tezlää h.b.

 238. Aşağıdakî işhalliklarlan düzün birer cümle.

Biraz, sokakça, yalnızça, aar, dün, geeri, dooru, adım-adım, avşama, okadar, çok.

 239. Aşağıdakî laflardan işhallik düzün.

Kış, yaz, güz, ayak, bir, bizim, adet.



240. Aşaadakı cümlelerdä noktaların erinä uyar işhalliklarını koyun.
Birinä yapın sintaksis analizi.

Bobam hergün... kalkıp işä gider.

Şkolacilar ... etiştilär erinä.

Onun sesi ...öter.

Ekilmiş kirlar ... eşerdi.

Bekçi bir bayırdan ... inärdi, bir ... çıkardı.

Laflar eklemää deyni: erken, tez, aşaa, yukarı, gözäl, çabuk.

§ 33. YARDIMCI SÖZ PAYLARI

241. Okuyun teksti. İçindeliini annadin.

Aariflik sizintisi

İnsanın aariflii, derin fikri taa ii görüner folklorda.

Bizim gagauz halkın folklorunda var çok söyleş, bilmeycä, fikra, maani, türkü, masal hem legenda. Bu aazdan yaratmaklarda var taşlanmış gibi derin evellerdän kalma dilimizin käämil örnekleri, ani hergünkü lafetmektä çoktan unudulmuşlar. Taman bu örnekler nicä bir aynada göstererlär insanın derin aarifliini hem onun yaratmak talantını.

Gagauzlar çok vakit yazısız yaşamışlar da bu kusur kösteklämemiş onnarı braksınnar sonunda gelän evlad boylarına en lääzimni fikirlerini. Oluş pınar göçmüş, çannar kaybelmiş, yangınlar hem su basımnarı... Da ani bütürlü belalardan gelän gençlär bilsin korunmaa deyni türkü düzärmışlär.

“Hay keten...”, “Hatalı pınar” hem başka. Bu türküler çalarmışlar konuşkalarda, düünnerdä, neredä çok insan toplanırmış, onnar geçärmışlär aazdan-aaza, gidärmışlär gelän asirlerä. Te buydur o büyük kolektiv akıllılık, angısinnan yazısız da lääzimni işleri halk götürürmüş gelän zamannara.

Fíkrالarda hem kısa masallarda görüner nekadar derin düşümüş o masalı düzän, ani çok keskin kötüleer hem gülmää alér tamahlı, ikiüzlülüü, yalancılı hem başka kusurları. Alalım söyleşileri dä, onnarda beş keret on laflan açıklanêr bir bütün dünnä hem ölä fikirlär, angılarını bir uzun traktat yazısında da açıklamayacak.



aariflik sizintisi – джерело мудрості

➤ ***Ne o folklor?***



Ardlaflar deniler te o yardımcı diişilmäz söz payına, angısı gösterrer lafların ilişikliini biri-birinä.

Ardlaflar:

için, gibi, görä, deyni, sora, aşırı, beterä, üzerä, kadar, karşı, kaarä hem başka lafların aralarında kullanılırlar.

Ardlaflar diişilmeelr sayılara görä, onnar hallanmêêrlar.

Cümlelerdä ardlaflar kullanılırlar adıklarlan, aderliklärلن, işliklerin hem başka söz payların ardında.

Örnek:

Okumak kiyadı edinci klas için.

Onun gibi bän dä kıvrak yazdım.

Gagauz dilindä ardlafların taa çoyu başka laflardan ayıri yazılırlar.

Örnek:

Lüzgerä karşı, bizim gibi, şkola için, bendän kaarä h.b.

242. Aşaaadakı cümleleri yazın, ardlaflarını bulup, altlarını çizin: açıklayın, angi söz payların ardında onnar kullanılmış.

1. Biz bir saat kadar işledik.
2. O annattı kendisi için.
3. Etişär-säk ilkyaza kadar, taa çok şefteli fidanı dikecez.
4. Bu fistanı terzi sana görä ditti.
5. Oturdum anama karşı.
6. Şkolaya dooru gidän sokak uzdu hem eşillikliydi.
7. Eni yapı düzdülär ineklerä deyni.
8. Bendän başka yok kim yapsın bu işi.
9. Sendän sora bän enidän okudum bu kiyadı.
10. O yıldan beeri benim büyük kardeşim düşüner hepsimizä.
11. Onun gibi bän hic olamayacam.
12. Malidän kaarä içerdä oturardı taa baka hem kaku.
13. Kazayan insannara karşı çıktı çocuklar.
14. Yaamurun beterinä kaldık geç vokzala.

243. Düzünüz cümle verilmiş ardlaflarnan.

İçin, gibi, görä, deyni, sora, aşırı, beterä, üzerä, kadar, karşı, kaarä.



Baalayıcılar

Baalayıcı deniler o yardımcı diişmäz söz paylarına, angıları baaladêrlar iki laf yada cümleleri biri-birinä. Gagauz dilindä var birkaç türlü baalayıcı:

- 1) birleştirän – *hem, da, ne...ne* h.b.;
- 2) karşılayan – *ama, sa, sä;*
- 3) ayırdan – *ya, yada, ba, osa, ya..yada, ba..., ba..., osaydı;*
- 4) iildici baalayıcılar:

Ani, açan, aniki, deyni, eer, ki, makar ki, makar ani, neçinki, sansın, çünkü, raz, zerä, baarim, nicä, baari, nasıl h.b.

Örnek:

Unutma, ani sabaaya toplantıımız olacak.

Çünkü koyunnar toktular, tolokada yatışırdılar.

Açan erken kalkacan, o günü taa çok iş yapacak.

244. Düzünüz cümleä verilmiş baalayıcıları.

Ama, osa, hem, yada, neçinki, ani, açan, makar ki, sansın.

245. Aşaadakı cümleleri tefterlerinizä yazın, annadin baalayıcılar için, angı lafları yada cümleleri onnar baaléêrlar.

1. Üürenicilär urokarda okuyêrlar hem yazêrlar. 2. Sallangaçta, agacüm, sallasana beni dä! 3. Bu işi bän vermäm ne sana, ne ona. 4. Sendä dä var, bendä dä var, bir kuru dalda da var. 5. Büün yada yaarına işimiz bitecek. 6. Savaş ceti kendi düşündüünü yapmaa, ama olma inat. 7. Anastas kalmış evdä, çünkü o hastaymış. 8. Bän adama yardım ettim o aar çuvalı kaldırmaa, makar ki kendim da diilim çok kaavi.



İzmetçi adlar

Gagauz dilindä var ölä adlar(laflar), angıları kullanılırlar söz paylarınınna barabar da göstererlär lafların arasında erlik işlikliini, deyecez:

üst, alt, ard, ön, yan, orta, ara, iç, dış, karşı, baş, boy h.b.

Cümlelerdä onnar taa çok ikincili pay(tamannık yada hallik) olêrlar, düzelerlär, izafetli lafbirleşmelerini.

Örnek:

Güvercinnär konmuşlar aul üstünä.

Süpürdüm aul boyunu.

Er altından sarı toprak çıkardılar.

246. Aşaadakı adlıklarlan hem izmetçi adlarlan kendiniz cümleä düzün.

Taş üstündä, kiyadin altında, sundurmanın boyuna, kapu öönündä, apteka yanında, baayın ortasında, karpuzun içindä.

247. Yapınız sintaksis analizi cümlelerä.

Skolanın yanında aul düzdük.

Yırakta, yol ortasında, bir maşına peydalanıp, yalabıldı.

Pınarın dolayanda bir parça eri asfalt döshedilär.

Şkolacılar üüredicinin karşısında uslu oturdular.



Paycıklar

Paycıklar da, yardımcı söz payları olarak, diişilmäz söz payıydır.

Gagauz dilindä var te bu paycıklar: -mı, -mi, -mu, -mü, diil, ko na (*nayın, nayınız*) te, tä, ha, hadi, ya, taa, sade, helä, be, ba, bak, en, e, çak h.b.

Paycıklar yardım eder sormaa, şaşmaa, izin etmää, inkär etmää, kayıl olmaa h.b.

Paycıklar laflardan ayıri yazılıêrlar.

Örnek:

Bu mu sizin eni kiyadınız?

Bu armut diil olmuş.

Ko benim Vatanım yaşasın!

Ya bak ne gözäl gün kauşer!

248. Okuyun teksti, açıklayı onun temasını. Çıkarın teksttan yardımcı söz paylarını, gösterin yazmakta onnarın dooruyazılmalarını. Angı söyleşin maanasını açıkleêr bu masalın içindekilii?

Sandıçak altınnan

Yaşarmışlar babuylan dädu bir eski kırık evdä. Yokmuş onnar da zenginnik, yokmuş uşakları, ama varmış annaşmak.

Ama babu, git-gidä, taa dürük olarmış. Bir sabaa o deer däduya:

- Bizim evimiz eski. Lääzim düzmää, ama taa islää-yapmaa eni ev.
- Gelecek vakıt, ozaman da yapacez, – cuvap etmiş dädu.
- Git, baari, dereyä ba da tut birkaç balık, yapayım bir balık çorbası, – demiş babu.

Gider dädu dereyä, almış oltasını, kazancıı. Oturêr kenarda da düşüner: “Of, ne yapayım? Balık tutulmêér, babubaarêr, evi duzmää yok neylän”.

Geçer yarım gün. Birkaç ufak balıcak tutulmuş, dädu şennenmiş .

Taa bir kerä atmış oltayı suya, da... Çeker, çeker – zor, çıkarıramêér. Zeetlenä-zeetlenä, nası-nicä, çıkarêr oltasını. Bakêr, balık yok, ama gegedä ilişik durêr bir sandicak. Dädu osaat açêr o sandıı da “Ah!” baarêr. Sandıçak doluymuş altınnan!

Görer babu, ani dädu döner deredän evä, ama ellerindä naşey sä var, kazana benzämeer.

- Ne getirdin? – sordu o .
- İnan-inanma, kısmetli olacez. Getirdim bir sandık altın.
- Yalandırma beni! – baarêr däduya babu .
- Bak, mari, bak, aç gözlerini, – güler dädu.

Hazırlêér babu balık çorbasını. Hepsi şen, tok, kısmetli. Yaşamak!

Ertesi günü yollanêr dädu kira, babu da gider komşuykasına masala.

Ama, boşuna demeelerlär, ani babu dili – uzun. Taa kapudan başlamış annatmaa, ne zenginnik onnarda peydalanmış. Sesleer komşuykası da şalvir gülümseer.

Açan babu çıkışmış sokaa, denemiş, ani evdä kapular açık da şü-pelenmiş.

Girer içeri, şaş-beş kalêr. Heresi darmadaan, açık, kırık da-ran-peran!

Bakêr, saklı erdä sandıcak yok!

Başlamış aalamaa: «Ne prostum bän! Dädu beni öldürerek, dön-düynän kırdan». Sora gelmiş aklısına, ani komşuykasının kocası, olmalı, iştitti hepsini.

Geçer yarım yıl. Gütçenni geçmiş vakıt, kahırlı gezärmışlär dä-duylan babu. Ama ne şaşmışlar onnar, açan görmüşlär küüdä, diil uzak onnarın evindän, bir büyük ev, nica kalä!

Da ozaman annamışlar, kim calmış onnarın sandunu. Bişey sölämemişlär, sade oflamışlar.

Geçer birkaç afta – çalıcının evi düşmüş, kaybelmiş, yok olmuş erin üstündän.

Valera Gaydarji

249. Aşaadakı paycıklarlan birär cümle düzün.

Ko, diil, mi, haydi, helä, çak, te.



Modal lafları

Gagauz dilindä var modal lafları, angıları pek benzeerlär işhalliklarına: **Sanki, acaba, hiç, salt, lääzim, diil lääzim, da haliz, şansora, bölä, var nicä, allele, hep, keşki, alle, allem, allelem, beki, elbetki, mutlak, bezbelli h.b.**

Örnek:

O ihtär, ama **hep** işleer.

Siz bana **hic** bakmayın.

Salt bir anam beni inandı, ki vardı zorum.

Biz, **alle**, erken gelmişik.

Haliz bu kiyatçı bän çok aaradım.

Duygular

Duygular diil baalı cümle paylarınınan.

Duygular te bunnardır:

A! Of! E! ey! Vay! Ay! Yazık! Ha-ha-ha! E-he-he! Pi-i! Brä! Bre! Çat! Pat! h.b.

Örnek:

Pi-i, mari, ne oldu? Of, näbacez?



250. Hazırlayınız prezentaşıya temaya „Gagauz dilin folkloru”, pay olup grupalara:

- 1-inci grupa – “Söleyişlär”;
- 2-nci grupa – “Bilmeycelär”;
- 3-üncü grupa – “Masallar”;
- 4-üncü grupa – “Fıkralar”.

TEKRAR

251. Okuyun teksti, açıklayın onun temasını, öz fikirini, stilini hem tipini.
Neçin avtor ayırdı bölä ad bu tekstä? Kayılsınız mı siz onunnan?

Çıkarın teksttan işlikleri, bulun onnarın zaloglarını, çalımnarını hem zamannarını.

Yolu enseer gezän...

(Sevdaylan Kubeydän)



Valera Gaydarji, 15-yaşında çocucak, her sabaa uyanêr saat beştä da gider gütmää koyunnarı. Yanında her kerä – telefon. O çıkarêr video, nica onun ana küyündä, angısı bulunêr Odesa bölgesinde, yapêrlar piinir hem şarap, hem nicä hazırlanêrlar yortulara.

Valera üärener 9-cu klasta, yaşêér kendi küüyündä. Onda var bir düş gütmäk – isteer, ani onun küyüünä gelsinnär turistlär hem onun halkı tanınsın dübüt-düz dünnedä.

Çocucak yaşêér Kubey küyündä, angısı bulunêr Moldova sınırlarına yakın. Yaşayannarın taa çoyu burada – gagauzlar, angisınnar dünnedä yaklaşêrlar milionun dördüncü payına, onnarın arasında – 30 bin yaşêér Ukrainada. Gagauzların dili benzeer türk dilinä.

Küçülär biri-birinnän lafederlär gagauzça hem bulgarca. Şkolada bilerlär en azı ciktan beş dil. Valera biler türk dilini da biraz, neçinki ani var hisimnarı Türkiyada.

O isteer ilerletmää turizmayi kendi küyündä, angısı bulunêr Ukrainianın üulen tarafında. Çocucak artık bir yıl getirer kendi ütub-kanalını.

Valera annadêr çobannarın yaşaması için; türlü yortular için; nicä ikramnêêrlar bulgarlar gelän onnara musaafirleri; nicä koyunnarı kirkêrlar.



“Bän pek isteरim annatmaa bizim Besarabiyamız için, kendi halkım için, bizim adetlerimiz için. Fodullanêrim, ani duudum gagauz. Hazırlêêrim video, nicä çobannar ilaçlêêrlar hayvannarını. Ceviz ayına neetlenêrim çıkarmaa film, nicä yapıller Kubeydä üzümdän şarap ellän,” – annadêr Valera.

Küdüä Valera sayılêr gid. Ölä onun imidji.

Sıkça giyyer gagauz kırma kalpacıını, angısını dikerlär kuzucuun derisindän. Valera donanêr bu kalpaklan da gider şkolaya da, dostlarinnar da buluşmaa. Çocucak oldu nicä bir örnek akranna-rına. Onnar da başladilar giimää bölä kalpák.

Valera var nicä annatsın gagauzların kalendarıni: nezaman ko-yunnar çobana veriler; nicä yapêrlar bulgur (kurban) kuzucuun yaanicىünden; Kasım yortusu için da; nicä ilk sefer kesiler çotuk.

Çocucak düş güder işlemää turizma sferasında yada çıkarmaa kino gagauzça. Taa o getirer sayfa Instagramda, nereyi atêr foto-ları (“Kubey benim gözlerimnän”).

Şindi çocucak çıkarêr video, ama pek isteer, ani gelsinnär paali musaafirlär da görsünñär kendi gözlerinnän hepsini.

“Benim bakışima görä, burada var hepsi, ne lääzim turizmaya deyni: natura, halk ustaluu, adet imeesi. Olardı yolları da yapsın-nar, olaceydı super”, – söleer Valera. O pek isteer ileri dooru düz-mää gotel da kabul etmää orada turistleri.

*Marina Vereşçaka
(Çevirdi Nadejda Kuroglo)*

252. Okuyun fíkrayı demekli. İşlikleri bulup, açıklayın, angı üzdüä, sayıda, zamanda onnar kullanılmış.

Vakit sayıcısı

Açan Nastradin üurenärmiş şkolada, üüredici dayma annadarmış dünnedä yaşamak için, türlü yortular için, vakıt için. Bir kerä urokta o demiş:

– Tä şindi taa ilkyaz. Gunnär uzanêr, gecelär sä kisalêr. Bir ay dan sora, açan gelecek yaz, gün olacék bir saat taa uzun...

Geçmiş bir ay. Genä laf olmuş urokta gunnär için, da üüredici sormuş Hocaya:

– Ya, sölä bizä, Nastradin, – kaç saat var bir sutkada?
– Sutkada şindi var irmi beş saat, makar bir ay geeri irmi dört-tü, – girgin cuvap etmiş Nastradin.

Urokta bulunan usaklar hepsi gülmüş.

(P. Çebotarä görä)

-  253. Okuyun teksti. İzin çalışmında işlikleri bulun, onnarın öz hem sayı afikslerini ayıri okuyun.

Ana izini

Bir gün, yazın, hava pek sıcaktı, güneşi. Pavli kardaşının Mitilän neetlenirdi sokakta çelik oynamaa. Ama çocukların anası sabaa ekmeeni idiktän sora, oollarına izin etti:

– Siz büün vakıdı boşuna kaybetmeyin, gidin baalara, orada ellän yolun suannardan hem sarmisaklardan otlarını. Sän, Pavli, taa büüsün, taa kuvetliysin, ilkin çek oradaki pınardan su, suları dök o boş fiçiya, ko su güneştä yısınsın, sora o sularlan yışla eşil patlacannarın hem biberlerin köklerini. Bu işi yap avşam üstünä dooru.

Ama sän, Miti, kaz kazmayan baayın sıra aralarını hem uurlarını, bak kesmeyäsin otlarlan bilä büüyän baa sıraların arasında suannarı hem sarmisakları.

Bu işleri yaparkan, alatlamayın! Baalarda biraz işlediktän sora, oturun da iyin üulen ekmeeni. Te şindi taa alın da koyun ekmek hem birär parça piinir torbanıza.

Çocuklar, bu ana sımarlamasını kuşku sesleyip, kär ölä dä yaptılar.

-  254. Bu teksti var nicä mi saymaa annatma? Argumentlävin cuvabınızı. Yazın tefterlerinizä işlikleri, belli edin onnarın üzlerini, sayılarını, zamannarını,lığını.

Bizim küü

Taa biraz büüdüynän, bakam yollardı beni koyunnarlan küüyün öbür karşısındaki yamacı otlatmaa evdän taa uzak. Ama oradan bizim küü görünärdi birä-bir, nicä aucunda. Ne pek sevärdim bän bakmaa küüyümüzä kenardan-kenara hepsini evleri, maaleleri gözdän geçirmää! Ama en ilkin, klisenin saa tarafına bakarak, bulardım bizim maalemizi. Görünärdi mezarlık tolokası da...küüyün yanından çayırca gecer demir yol. Bän bir treni kaçırmadım: an-gısı uzundu, taa yavaş gidärdi, pasajirlärlän sa hızlı geçärdilär da tez kaybelirdilär çayırın maavi uzaklınlın dibindä...

Küyümüz bana pek güzel görünärdi, gelärdi, ani bölä en islää küü dünnedä başka yoktu. Acan da genä bakardım, bulardım bizim maalemizi, sokaamızı...

Koyunnar sa hep otlayardılar, hep gezinärdilär önümdä.

(N. Tanasogluya görä)

-  255. Okuyun teksti. Bulunuz işlikleri mutlak gelecek zamanda.

Sportlan Saalık birerdä baalı

Peticik, angısı artık on yaşını tamannadı, yatêr aacın altında. Kimär kerä olmuş dutlar dooru aazina düşärmişlär. Dädu işleyärmiş hem bir gözlän siiredärmış, ne yapêr unukası. Bir dä işider:

- Dädu, gelsänä da annadasın bana bir masal, va.
 - Gidecäm, uşaam, ama tä sıracımı bitireyim.
- Dädu, sırasını aulda bitirdiynän, çeketmiş:
- Bir vakıt varmış, bir vakıt yokmuş. Varmış üç kardaş: Sport, Zaamet hem Saalık. Günün birindä Sport demiş kardaşlarına:
 - Ne bän sizinnän gezerim?! Bän sissiz dä yaşayارım.
- Gitmiş Sport onnardan. Bir gün kaçınmış, iki gün top oynamış... Ama ölä açıkmiş, ani hazırlmış, aulların taftalarını kemirmää. Sporttan soram Saalık ta demiş Zaametä:
- Bän dä isteerim yalnız yaşamaa.

Demiş bunu da gitmiş, nereyä gözleri görer. Gezmiş bir gün aaç, gezmiş iki gün... Üçüncü günü yokmuş artık ne gezmää, ne oynamaa, ne dä şennenmää. Kefi kaybelmiş. Bu aaçlık günnerindä yufkalanmış, başlamış başı acımaa, teni solumuş, suratı buruşmuş... sade imää için düşünärmiş. Üçüncü günü Saalık dönmüş evä da görmüş şen hem pembä yanaklı Zaameti, angısı güz için insana fiçı yaparmış, aulda işleyärmış, başkasına, läätzim olduyanan, bir pençerà ya da kapu yaparmış... Hiç bir dä iştän brakilmazmiş, zaametini saymazmiş. Taa o günü Sport ta evä gelmiş. Zaamet ozaman kardaşlarına demiş:

- Bän sissiz dä yaşayacam, aaçlıktan olmeyecäm. Ama adama taa kolay yaşamaa, açan o barabar yaşêér bölä kardaşlarından, nicä Sport, Saalık hem Zaamet. Ozaman adam kimseydän hem bisheydän korkmaz.

 256. Okuyun teksti. Ayırınız sadä cümleleri, yapın sintaksis analizi.

İlin atletika

İlin atletikasız, var nicä demää, kimsey yaşayamaz, çünkü herbir adam yaşamasında mutlak kacêr da, uzunnaa da, yukarı da atlêér. Bu maasuz kaçmaklar, atlamaklar başka sportsmennerä büyük yardım yapêrlar. Ya düşünelim, var mı nicä futbolcu oynasın, er o kaçamarsayı yada atlayamarsayı. Var mı nicä basketbolcu bu sınışları kullanmadaan oynasın? Var mı nicä tenisçilär yada voleybolcular, gimnastlar yada başka sportsmennär birbişey yapsınnar, göstersinnär, becermärkän atlamaa hem kaçmaa? Var mı nicä fizkultura uroklarını geçirmää kaçmaksız hem atlamsız?

Tä neçin atletikayı herbiri kullanêr, herbiri yapêr hem herbiri sever. Tä neçin ilin atletikayı yapêrlar kışın da, yazın da. Tä neçin ona deyni er var stadionda da, salonda da, evdä dä, kırda da.

Nekadar taa çok ilin atletikaylan zanaatlaşacenz, okadar taa kaavi hem saalıklı olacenz! Bunu unutmayın.

257. Okuyun teksti. Ayırın işlikleri, gösterip onnarın bölümnerini (sadä/ düzülü/ katlı).

Esaplı adam

Esaplı adam deniler ona, angısı birkimseyi aldatmaz, lafında herkerä durar, adadını tamannayar, büyüklerin lafinı kestirmaz, karşı laf söylemez, bir adamı sebepsiz açılamaz.

Esaplı adam kendisini dä adamcilaan kullanêr, uşaklarını da hep ölä üüredär hem terbiedär.

Esaplı adam kötülük, fenalık, hayırsızlık yapmaz, kan dökmaz, ayıpsızlık uuruna düşmaz, üzünü kırletmez.

258. Okuyun teksti. Koyun onun adını. Düzün dialog bu tekstin içindeliinä görä, annadarak kendi bakışını oluślara görä. Çıkarın tekstin içindän işlikleri geçti, sindiki, gelecek zamanda da düzün onnarlan birär cümlä.

Bir adamın varmış üç oolu. Onnar büüdüynän, adam demiş:

– Çocuklar, bän sizi büüttüm, üürettim, ama ileri dooru bakın kendi-kendinizi. Çıkmışlar kardaşlar küüdän da çatırıkta, pınarın yanında, biraz dinnenip, annaşmışlar, ani üç yıldan sora genä burada, bu gündä, bu saatta, buluşup, bakaceklar, kim ne kazanacak.

Gitmişlär onnar herkezi kendi yolundan: birisi doorulmuş üülenä, ikincisi – günduuusuna, üçüncüsü– batıya. Etişmişlär onnar saa-seläm erlerinä. İkisi olmuş yazıcı bezirgennerdä, en küçüğü dä – bir çorbacıda çırak.

Geçmiş o üç yıl da genä buluşmuşlar kardaşlar o pınarın yanında. İkisi gelmiş valizalarlan ellerindä, angları doluymuşlar eni rubalarlan hem paraylan. Üçüncüsü, en küçüğü, gelmiş elleri cöbindä.

– Sölä, ne kazandın, neçin boş ellän geldin? – sormuşlar agaları.
– Kazandım bän üç ceviz, – demiş en küçüğü onnara.

259. Okuyun teksti. Koyun onun adını. Bellili işliklerä yapın morfologiya analizi. Bulunuz yardımcı söz paylarını. Belli ediniz onnarın bölümnerini.

Cenk vakıdı bän taa küçüktüm. Ama **tutêrim** aklımda, nicä küçüyä girdiyilär ev gibi büyük tanklar. Onnarın ardına peydalanydı pehota da. Naçıclär çok vakıt küüdä hem damnarda, maa-zalarda, tavannarda **aaradıydılar** partizannarı, ama ölää da **bulamadıydılar** kimseyi. Makar ki kimseyi öldürmediyilär, ama küüdä, herbir evdä gezärdilär, nicä çorbacı. Angı evleri **beenär-**

dilär, saabilerini fırladardılar dama, kufneyä, kendileri dä **er-leşärdilär** evin odalarında.

Asker kısa vakıt durduyu küüdä, ama **kalmadıydı** küüdä ne tauk, ne yımırta, ne dä süt. Nemtelär hepsini, alıp, iyärdilär. Bul-mayıp kuvet, angısı vardı nicä onnara karşı gitsin, **çıktılar** küü-dän, brakıp pek çok siläh, angılarında çok vakıt uşaklar **kaybedärdilär** kannarını, sayarak onnarı oyuncak.

260. Koyunuz işliklerin kaçırılmış afikslerini.

1. Bir gün dädu aldı.. lafkadan eni bir rezina topu da götürdü.. onu unukasına.
2. Peti çıktı.. artık uroktan, açan onu çar-
- ardı.. evä.
3. Bän açtı.. pençereyi da sildi.. onun sırcalarını.
4. Büün klasta hepsicii üürenicilär yazdı.. evdeki işleri, esapla.. daavalarını, tamannadı.. üüredicinin istediklerini.

261. Okuyun teksti. Bellili işliklerä yapın morfolojiya analizi.

Gani büün **kalmıştı** tırlada yalnız. Bobası, çoban Yorcu, **götürmüştü** sabaakı üündän piinirleri evä. Öbür çobannar da **gitmiştilär** yırak çayıra sürüyü otlatmaa. Koyunnar üulenädän **doyunacéklar**, sütleneceklär da saat birdä-ikidä genä **gelecekler** saalmaa ikinci üünü. Ozamanadan bobası da **dönecek** küüdän, da Gani genä görecek, nasıl çobannar **saayaceklar** koyunnarı birär-birär, o da yardım edecek aydamaa saamalları strungaya. Kofalar, ani şindi kazıklarda güneşä karşı **kuruyardılar**, genä lemberdek **dolaceklar** sütlän... Ama şindi Gani haylak **oturmuştu** biraz bordeydä, serindä. O bakmıştı, taa nelär var bu çobanna-rın kır evlerindä, da sora **inmişti** cukura.

262. Okuyun teksti. Parantezalarda bulunan işlikleri lääzimni formada, çoktan geçmiş bellisiz zamanda koyun.

Ama şindi baalar (bozulmaa) da o pek istärdi üzüm imää. Taman bu zaman (gelmää) onnara komşu çocucaa, Peticik. O artık beşinci klasta üürenärdi, ama şkolayı sevmäzdi, sıkça kalardı uroklardan evdä da bütün gün sokakta boşuna kaçınardi, aarardı kendisinä oyuncu. Ama bulamazdı, neçinki akrannarı hepsi şkola-da üürenärdilär. Bu üzerä o (başlamaa) taa sık gelmää Ganiylän oynamaa.

Anaların - bobaların aariflii

Yaşarmış bir küüdä bir aylä: ana, boba hem onnarın iki uşaa, çocuklar Mitika hem Sandika. Taa onnarlan yaşarmış bobasının bobası, onnarın dädusu.

Aylä zamandan tutarmış tırla, angısı geçärmış dedelerdän uşaklara. Açan uşaklar küçükmüslär, bobaları annadarmış on-

nara, nicä läazim bütütmää koyunnarı, neredä taa islää otlatmaa, nicä dooru kirkmaa, saamaa, peynir hem yuurt yapmaa. Sevärdilär uşaklar seslemää dädunun annatmalarını, ama en çok be-enärdilär, açan onnarı alardılar tırlaya.

Geçmiş yıllar, çocukların büümüslär. Almış bobası Sandıkaya hem Mitikaya birär beygir. Verärmiş onnara faydalı nasaatları, üüredärmiş bakmaa bu käämil hayvannarı, doyurmaa, paklamaa. Ama en meraklı iş, angısını beklärdilär oolar, nezaman boba üü-redecek atlı gezmää!

Bırkaç aydan sora Mitika korkusuz, girgin oturardı kendi beygirin üstündä, onun beygirin adıydı Şeremet. Sandika sa biraz yufka tutardı kendisini, onun beygiri Furtuna seslemäzdi çocuu. Sandika pek gücenniydi.

Bir keret o bıkmış üürenmää athı gezmää, düşüp erä, aalayıp acıdan, demiş bobasına:

– Bana zor, bän biktım, yoruldum, bişey olmêér.

Bobası, sesleyip küsülü aalaşan cocuunu, sölemiş:

– Sandika! Üz kerä düş, bin kerä genä yuvarlan erdä, ama hep neetlän pinmää, savaş. Ozaman olacan haliz adam!

...Vakit hızlı geçärmış. Mitika hem Sandika büyüärmişlär. Yازın, bir sıcak gündä, kazarmışlar kendi meralarını. Kırın kenarında bulunarmış bir ihtär salkım aacı, onun altında kardaşlar dinnenärmışlär, su içärmışlär. Bir da Mitika görmüş otların içindä bir guguş yavrusunu, angısının kırıkmış kanadı. O kahırlan ba-karmış kuşçaaza da demiş Sandıkaya:

– Lääzim ilaçlamaa guguşcuu, bulmaa onun anasını, yardım etmää kalmasın kalik.

Sandika havezsız vermiş cuvap:

– Brak onu! Ne fayda ondan sana olacak?

Mitika atmış kardaşına keskin bakışını, bişey sölämemiş. Ko-yup kuşu koynusuna, gitmiş evä, almış iki sopacık, sıkmış onna-rı kırık kanatlan, sarılmış guguşu ruba içünä. İlaçlanmış bu zavalı kuşçaaz.

Geçmiş taa birkaç yıl. Büümüslär, gezmişlär delikanni bu co-cuklar, sora evlenmişlär, duumuş onnarin uşakları. Güz vakıdı geçärmışlär kırın boyundan, hep o salkım aacın yanından. Gör-müşlär bir yuva, angısından işidilärmiş kuş sesçeezi. Peydal-anmış yavruların anası. Açan o konmuş aacın dalına, Mitika tanımış onu, o-te o kırık kanatlı guguşmuş! Sandika gözlerini bir taraşa çevirmiştir. Lafsız annamış, ani can acısından yok taa aar acı.

Mitika sölemiş:

– Paalı kardeşim! Dädumuz da, bobamız da hep üüredärdilär bizi:

“Yardım ediniz biri– birinizä, yardım olunuz hepsinä – ozaman olaceniz cana yakın insan”.

V. Gaydarji

 263. Okuyun teksti. Yazın tefterlerinizä, koyup kaçırılmış virgülleri.

Eer olaydım bän büütü

Eer olaydım bän büütü en ilkin yokedeceydim dünnenin üzündän tamahlıı hasetlii fenaliı anglarının beterinä türlü kavgalar hem uruşmaklar olér. Bän yapaceydim ölä ki insannar çekişmesinnär biri-birinnän. Ozaman insan yaşayaceydi dostça sayaceydi biri-birini hatırlayceydi evini hem uşaklarını korkusuz yalnız brakaceydi.

Eer olaydım bän büütü insanı herbir prost fena kötü tabeetlerindän kurtaraceydim. Diil faydasız, ama zararlı tütünü heptän kaybedeceydim. Tümü narkotikleri erin dibinä saklayaceydim. Sarfoşluun hırsızluğun hayırsızluğun erinä insana vereceydim şennik büyük sevda biri-birinä hem tatlı dil annaşmak büyük çalışkannık ayleleri kaavilemek tä her tarafça insancasına yaşamak hem herbirinä kismet vereceydim. Küçüünä – büünä kismet daadaceydim.

SÖZ İLERLETMESİ

§34. SIRADAN TAKRİR ANNATMA SÖZ TİPİNDÄ ARTİSTİK STİLİNDE TEKSTÄ GÖRÄ YAZDIRMA İNSANIN DISANKI GÖRÜNÜŞ ELEMENTLERİNNÄN

264. Okuyun tekstleri.

Dostluksuz yaşamaa olmaz

Bendä var çok dost. Deerlär, ani çok dost yok nicä olsun. Ama bän düşünerim, ani haliz dostlar her keret yannaşık, yardım edecekler sana, açan lääzim. Bän bunu annadım islää bu yazın.

Kanikullarda, biz, dört dost: Peti, Koli, Sandi hem bän, Valera, yollandık göla, ani bulunêr küüyün kenarında. Etiştiynän, osaat soyunduk da atladık suya. Hava sıcaktı, su paktı, käämil. Dördümüz da su içindä şimarardık,baarardık. Bir kípımdan sora, bän duydum, ani gitmişim derinä. Bakêrim doz-dolay, yanında yok kimsey. Dostlar artık kenara çıkmışlar, yatêrlar, kuruyêrlar. Bän sä duyêrim, ani yavaş-yavaş başlêérím buulmaa. Onnar bilärdilär, ani bän prost üzerim. Baarmaa çekettim keskin seslän:

– Kurtarin! Kurtarin! Buulêrim!

Benim sesimi hepsi işittilär, ama suya atladı bir Sandi. O, tez üzüp, etişi banadan, çekti beni saçlarımдан, söledi yardım edeylim ellerimnän da çıkardı kenara. Bän korkudan bişey söyleyäme-erdim, titirärdim. Sandi attı arkama peşkiri, sildi beni, sarmaştı da dedi:

– Valera! Bän kendim dä prost üzerim, ama, açan işittim senin baarisini, atladım suya. Petiyän Koli sa korkmuşlar, baka-baka biri-birinä. Onnar, bekim, istedilär gelmää yardıma, ama...

Geçti bir yıl. Biz hep dordümüz da dostlaşardık, barabar gezärdik, şkolada böla oynardık.

Geldi genä yaz kanikulları. Dinnenmäk bizi beklârdi.

Bendä evdä var beygir kuliylän. Bän pek severim atlı gezmää, beni üüretti bobam. Bir gün bän teklif ettim dostlarımı bana evä da söledim:

– Sabaa yollanacez dereyä. Orada var meydancık, neredä atlı var nica gezimää.

Ertesi günü Peti, Koli hem Sandi çاردılar beni. Bän cıkadım beygiri dışarı da gittik meydana. İlkin pindi atlı Peti. Beygir yaptı

birkaç adım, sora çeketti kaçmaa. Peti, olmalı, tutunamadı islää, düştü erä da başladı acıdan baarmaa. Bän yaklaştım onun yanına, yardım ettim kalksın, silktim donnarını tozdan, raatladım onu.

Onun gözlerindän aktı yaşları. O da, bän dä, Sandiylän Koli dä bir laf sölämedik.

Hepsini annadık lafsız.

V. Gaydarji

265. Okuyun tekstleri demekli, dikkat. Argumentläyin nesoy söz stilindä hem tipindä bu tekstlär. Bulunuz yazdırma elementlerini insanın dışankı görünüşlerindä.

Marinka

Bu kızçaazı bän çoktan bilerim, ama ölä oldu, ani üç yıldan sora gördüm onu bir avşam yortusunda. İlkin tanıyamadım, ama açan taa islää baktım – te o kızçaaz-kuşçaaz, angısını, sandım, kaybettim.

Marinka (ölä onun adı) şindi giimniydi diil nicä ozaman, ilk sefer. Onun sırtında kara etekti, biyaz bluzacık, angısının sol enin kolanından, saat kayışçının altından, görünärdi gözäl basmacık. Bluzanın üstünä o giimiş kırmızı koftayı. Açılan bakışlarımız bri-birimizä dooru yollandılar, gördüm: üzü onun ölä şafklan doluydu, sansın yakmışlar ateş orada. Saçları omuzlarından belädän aşaa, iki kara yılan gibi, inärdilär. Kulacıklarında asılı küçükük küpeciklär, nicä kirezçik. Marinkanın boynusunda asılı yalabık dizi sedef boncuk.

Açan biz onunnan kalardık ikimiz – taa dayma küüyün ortasında parkta – bän pek beenärdim bakmaa onun kara, kömür gibi, gözlerinä, angılarından firlardı yalnız. Lafedärdi Marinka ölä yavaş, ani bän seslärdim onu açık aazlan – pek beenärdim bu hoş, yalpak sesi.

Hergün karşılaşmaa yoktu nicä, ama bän ölä istärdim onu görmää – canıma er bulamazdım. Açılan sa, afta geçtiynän, genä barabardık, bän alardım elimä onun parmacıklarını, yımışak hem sıcak, ani ozaman yoktu dünnedä bendän taa kismetli.

I. Kior

Tançu – benim dostum

Biz onunnan tanışık ozaman, açan başladık gezmää okula birinci klasta. Hepsimiz küçüktük, ilk sefer çıktı bölä kalabalık arasına. Ama şansora annadık – şkolaya gezecez on yıl!

Elbetki, kimi uşaklar zor sınasardılar eni kafadarlara, ama bän ilk bakıştan annadım, ani bu çocuk olacek benim en inannı dostum.

Yıl yıldan, geçerak klastan klasa, büyüyärdik, diisilärdik, kurardık kendi tabeetlerimizi. Bän Tançuylan bölä şkolaya, sora üulen-dä evä geeri – hep ikimiz. Ölä oldu, ani çoyu sanardı, ani biz kardeşiz. Sansın görmärdilär, ani hiç benzämeeriz biri-birimizä.

Tançu – kıvrak, gözäl bir çocuk. Onun kara kivircik saçları hep taralıydılar, onnarı zordu taramaa, ama o nasıl sa savaşardı yapmaa tertip başında. Bakışı onun herkerä yalpaktı. Bän dayma şaşardım – neçin bu karaman çocukta bölä maavi, nicä gök taşı, gözlär?! Boşuna denmeer, ani gözlär – canın aynası. Acan o gülärdi, yanaklarında peydalananardılar cümbüş hendeciklär, yanakları osaat kızarardılar, nicä patlacan. Burnusu Tançunun körpä tombalak kartoficik, kulakları yapışık başına, dudakları kalın, dişleri bim-biyaz – haliz birinci kaarin benizindä.

Tançunun boyu diildi pek balaban, arkası geniş, nicä Andrey dädusunda, elli kaavi. Öryüärdi o ölä käämil, deyecän uçer, örümmer. O pek beener giinmää gözäl, ama yoktur gördüm olsun donnarı yada gölmää diil ütütüä urulu.

Bän onunnan, şanşora, edinci bir klasta üürenän dostuz, da pek kismetliyim, ani yaşamamda karşıladım bölä islää insanı.

(Ivan Kior)

§ 35. AYIRMA TAKRİR ANNATMA SÖZ TİPİNDÄ ARTİSTİK STİLİNDÄ TEKSTÄ GÖRÄ YAZDIRMA İNSANIN DISANKI GÖRÜNÜŞ ELEMENTLERİNNÄN

266. Okuyun demekli teksti. Ayırın teksttan yazdırma elementlerini. Düzün sadä plan.

Sofi

Sandıkçı Yuvançunun kızı, Sofi, orta boyda bir kız, kıvrak belli, siması karagöz, ama gözleri maavi, suratı uzunca. Gözäl bir kızdı. Lafına sıkı, kızlarlan, çocukların pek şırmarmazdı. Küüdä edi klas bitirdiydi.

Bitirdiynän şkolasını, Sofi kır brigadasına işlemää girdi. İşindä çalışkandı hem kantarcı diildi, nicä başka kimileri. Ne iş tä ona verselär, o küsusş yapmêér. Onun öndercisi gördü, ani Sofi işi sever hem herbir işi becerikli yapêr, onuştan onu inek saamaa koydu. Sofi burada da ii üstünnüklär gösterdi.

Birdän-birä saamaa pekbecermäzdi, ama birkaç aftadan sora ii esap aldı, nicä başka sınışlı saaciykalar işi yapêrlar, da bu işin tez kolayını aldı.

Burada da Sofi çok vakıt işlämedi. Bir yıldan sora onu süt fermasına baş koydular, bak o işleecä kiyat ta bilärdi. Sofi burada da işi ii haydadi...

N. Tanasoglu

267. Aşaadakı bilmeyceleri sökün, cuvablarına yapın fonetika analizi.



Lün-lün deredä,
Lün-lün tepedä,
Sülüksüz bir kemiksiz.
(*kebeleK*)



Alçacık, dallı, imesi ballı.
(*keliÇ*)

§ 36. KISADAN TAKRİR ANNATMA SÖZ TİPİNDÄ ARTİSTİK STİLİNDE TEKSTÄ GÖRÄ YAZDIRMA İNSANIN DISANKI GÖRÜNÜŞ ELEMENTLERINNÄN

268. Okuyun teksti demekli, kisadan açıklayıp temasını. Bulun yazdırma elementleri. Düzün katlı plan tekstä.

Sporta şükür edin

Kavak Miti işlärdi küüdä çilingir. O – pek batal hem kaavi bir adamdı. Ona „Kavak“ deyärdilär, çünkü o Kavak Petrinin ooluydu. Pek bobasına benzeyärdi, ama boydan taa da üusekti ondan. Mitinin arkaları, omuzları ölä geniştilär, ani üç kişi yannaşık vardı nicä saklansın onunn ardına. Tä neçin ona taa çoyu deyärdi – Bayır Miti, çünkü bayır gibi büütü. Dingil gibi kalın demirleri burardı, kıvradardı, nicä incä fişkannarı. Güreştä dä onu kimsey enseyämäzdi diil sade küülülerdän, ama dolaylardan da.

Bir gün, kirdan dönärkän, aktarılmış traktor. Traktorcu kalmıştı traktorun altında. Paalıydı herbir minut. Küüdä kran yoktu. İnsanı toplamaa deyni vakıt yoktu. Da ozaman kaçarak giderlär Bayır Mityä. O da, çok düşünmeyip, kaçarak gider da, kaldırıp, kurtarêr traktorcunu.

Açan traktorcunun karısı, uşakları çeketmişlär şükür etmää Bayır Mityä, o, gülümseyip, demiş:

– Şükür edin sporta, angısı beni adam yaptı, saalik hem kuvet verdi. Sportlan zanaatlanmayaydım, ölä dä bir pardı gibi incä kälaceydim.

§ 37. YARATMA – YAZDIRMA İNSANIN DİŞANKI GÖRÜNÜŞ ELEMENTLERİNNÄN

269. Yazdırın insanı dışankı görünüşünü ya verilmiş reproduktiyalara görä, ya da kendi ayırmaniza görä.

Plan

- 1) üz (surat) – kaşlar, gözlär, burnu, dudaklar, suratın forması (tombarlak, uzun), teni;
- 2) giyimnär;
- 3) örüyüşü;
- 4) durumu.



Bilersiniz mi siz?



Anılmış resimci, Dmitriy Iванovich Savastin, geçindi infarkttan dekabrinin irmi ikisindä 2015 yılda. Resimcinin sımarlamasına görä, o gömüldü Beşalma küyündä yannaşık Dimitri Kara Çobanın hem Lüdmila Pokrovskayanın mezarların yanına. Dmitriy Iванovich Savastin duumuş 1942

yılda Valkaneş kasabasında Moldovada.

Dmitriy Savastin durardı gagauzluun artistik kendiduyumnuun çeketmesindä, onu hagina sayêrlar gagauzların resimciliinin incäzanaatlıın temelkuranını. Çoyu Gagauziyanın anılmış resimcileri – onun üürenicileri. Resimci koydu büyük belli bir koyum türk dünnesinä dä. Orada ona ölä dä deerlär “Türk dünnesinin Altın fondu”.

Bitki intervyüsunda radiostanşıyada GRT Dmitriy Savastin danıştı gençlerä, çaararak onnarı herzaman sevsinnär kendilerini hem kendi milletini. “Paali uşaklar, üürenin sevmää kendini-

zi, kendi soyunuzu hem milletinizi, vatanınızı, tabiatı hem toprağı. Üüreniniz dedelerinizin mirasını, adetlerini, kültürmasını, şivik ilerledin bilgiçlikli işini”, – dedi ozaman resimci.

A. Samarın



artistik kendiduyumnuu – художня самосвідомість

hakına – правильно, дійсно

resimciliin incäzanaatlıun temelkurarı – засновник
образотворчого мистецтва

anılmış resimci – знаменитий художник

miras – спадщина

dedelär – пращури

bilgiçlikliin işi – просвітницька діяльність

Mariya Başkirteva (1858-1884)



Yaşamasının taa zeedesini anılmış ukrainanın resimciykası geçirdi sınırda aşırı, käär da Frantiyada. Büyükü gün onun resim platları korunulér muzeyleder dünneyin çoyun memleketlerindä, Niştedä dä verili ayrı zal onun kartinalarına. Taa üürenmenin başlamasından Mariya Başkirteva kazanardı medalileri hem prizleri gösterrimnerdä, onun yaratmaları getirerdilär şaşma uuruna Anatoli Fransı, Emil Zolayı hem, elbetki, hepsi gazetaları, jurnalları. Resimciyka geçindi çok gencəcik da büün onun original kartinalarını çok zor bulmaa.

R. Oleynik



sınırda aşırı – за кордоном

käär – а саме


resim platları – полотна

çoyun – багатьох

gösterim – виставка

şaşma uuru – захват

Mıkola Pımonenko (1862-1912)



Mıkola Pımonenko – ukrainanın resimcisi, avtoru çoyu kartinaların ukraina millet temasından. Resimcinin yaratmaları şiirli görünüşlən göstərerlär ukraina halkın yaşamاسını, işleyicikliini; onun kartinalarında janra stenaları dayma birleşerlär peyzajlan.

Pimonenko duumuş Kievda mardin dokuzunda 1862 yılında. Küçktän taa gezärmiş bobasınınan küülerdä, yardım edermiş ona resimnemää ikonaları kliselerdä. Bu işi da yaparak, tanışermiş küülüülerlän, onnarın zanaatlarından, hergünük yaşamalarının. Bekim da, uşaklık duyguları da oldular temel onun kartinalarına, angıları yazılacaklar taa ötää dooru, geçä.

S. Kabanov



şuurli görünüş – опоетизований вигляд
işleyicilik – працьовитість
geçä – пізніше



*Dmitriy Savastin.
“Oguzhan”*



*Dmitriy Savastin.
“Mari kız”*



*Mariya Başkirteva.
“Yaamur çadırı” (1883)*



*Mikola Pimonenko.
“Kızın portresi” (1896)*

§ 38. JANRA RESİMİN YAZDIRMASI

270. Kullanınız yaratmalarınızda ukrain hem gagauz anılmış resimcilerin işlerini. Siürederä ayrılmış resimi, acıklayın onun süjetini. Nesoy duyguları kaplamış avtoru? Nesoy renklär resimdä taa zeedä? Düzünüz birär yaratma kartinanın süjetine görä.



Mikola Pimonenko.
“Orak biçimi”, 1907



Mikola Pimonenko.
“Avşamnêér”, 1900



Bilersiniz mi siz?

Konstantin Keleş (1960)



Konstantin Keleş duudu mardin oniki-sindä 1960 yilda Çadır kasabasında. 1975 yilda bitirdi Uşak artistik şkolasını, ama halizinä hobisiydi beygırlar. Şindiki zamanda Çadır kasabasında Konstantin onderleer firmayı, angısı saylîr birtaane Moldovada, neredä büüderlär plemennoy beygirleri “At-Prolin”.

Ama, bakmarak buna, ani çok işi var, o yazêr kartına.

Resimci yaşêér hem çalışêr Çadırda, girer artistik birleşiiñä “Gagauz-Art”. Pay alêr regional, respublika, sınır aşırı gösterim-nerindä. Keleşin kartinalarından çoyu bulunêr beygirleri seven-nerin evdeki kolektiyalarında Moldovada, Ukrainianada, Türkiyada, Rominiyada, Amerikada hem başka erlerdä.

Kolverildi 5 album onun grafika resimnerinnän.

Konstantin sevärdi resimnemää taa küçüktän. Bunu denemiş onun batüsü da getirmiş çocucaa artistik şkolasına, satın alarmış ona kalem, album...

Konstantinin zanaatı, kenarsız sevgileri beygirlerä yardım olêrlar ona, taa islää üurenmää bu hayvannarın iç dünnesini, annamaa onnarın taabeetlerini, duymaa beygirerdän sevgi geeri.

A. Şamarin



Konstantin Keleş. Kartinaların seriyasından “Benim fikirlerim – benim atlarım”

§ 39. KONTROL TAKRİRİN YAZILMASI

271. Ayırmaklı bir takrir yazın, önemni işleri açıklayarak.

Kaar altında bir çocuk



Gider Miti odun için daaya da oyalanêr orada. Kalkêr bir saur-gun. Görüner ona, ani o başka yoldan gidärmiş. Savasêr bulmaa yolu, bulamêêr.

Kaar derinmiş. Mitinin kesilmiş kuvedi, o batmış kürtünä. Da kaar gömer onu. Beygir durêr, nekadar durêr, da yollanêr taligay-lan evä.

Evdä görerlär, ani taliga geldi yalnız, Miti yok. Giderlär aara-maa Mitiyi. Gezerlär, gezerlär, ama ölë evä gelerlär. Ertesi günü genä giderlär da genä aarêêrlar, da genä bulamêêrlar. Üçüncü

günü yolca gidärmiş köpäännän bir avcı. O tazı duyêr bişey koku-
dan da çekeder tirmalamaa kaarı. Avcı gider bakmaa, ne buldu
köpek orada. Görer, ani köpek kazmış bir delik, deliktän dä buu
çıkêr. Çekeder o da kaarı fırlatmaa da görer kaar altında birkim-
sey uyuyêr. Tez örter o belli eri da hızlı döner küyüyä.

Bobası koşêr taligayı da tez gider getirmää Mitiyi. Çıkarêr onu
enikunu kaar altından, erleştirer taligaya samannar üstünä, atêr
bir pala üstünä da getirer evä. Ama birdän içeri sîcaa onu sok-
mêêrlar, ilkin çok uuêrlar onukaarlan.

Porezenci

Nekadar yaşamış Marincik, işlerini hep bitirämemiş, doyunca
iyämemiş. Marinin uşakları, gördükään bobasını, başlardılar hız-
lı kaçınmaa: birisi verer, öbürü taşıyêr, üçüncüsü tezekleri yivêr.
Hepsicî işleer. İki yaşında Mâluş ta tutêr tezään kenarından,
ama kaldırıramêér. O da, karımcacık, savaşêr taa tez tezeklik yivil-
sın.

Uşaklar fiyıldardılar o yanına, bu yanına, sansın bütün sokaan
uşakları toplanmıştı orayı. Onnar sa, sekiz uşak, hepsi Marinindi,
biri öbüründän taa alçak.

Marinä sorardılar:

- Ne okadar çok uşaan var, Marin?
- Dünnä gözäl, ko yaşasinnar! – cuvap verärdi Marin.

Ko yaşasinnar! Marinin varsa bir bukası, o payedärdi on parça-
ya: karısına, uşaklarına hem kendinä.

Marin oturêr dut altında, siler terini annisindan.

- Sandi, topla hepsini sofraya! – baarêr Marin çocucaana.
- Mamaliga hazır mı? – sorêr Sandi.
- Hazır, hazır, – cuvap verer Marinin erinä Marinka, karısı.

Marinka sofrayı artık koymuş, mamaligayı tezicik kotarmış da
naşeyssä dönüser çüvenin önündä, allele, kaziyêr çüvenin dibini,
gevsener tatlı-tatlı. Ko desinnär, ani çüvenin dibini kazımaa
prostmuş, aniki belaya düşecän, ölä adet! Yok ne yapmaa, aaçlık
adetindän beter yoktur!

S. Kuroglu

Çiftçi eceli

– Evel aaçlık olmuş, ama insan ölümü olmazmış işidildii, bekim,
şindi da kurtuluruz, – bildiini sölärdi kaskatı eşim, – olmalı, bu
kuvedin üzündä gözü.
– Bu eni kuvettä çok yalancılık varmış. Biz kendimiz için dü-
şünmärsäk, kuvedä yok umut.

Nasıl da olmasa, belliydi, ki yıl gidärdi büyük yoksuz kuraklaa, çiftçi yoktu neredän bir kazanç bulsun. Da te, ölä bobamın nasaa-tına görä, tutunêrız biz kariylan da iki afta içindä, kazip bir uzun hendek, doorudêrız dereyi aula. İşlediydik alatlan gecä- gündüz. Keten gölmeklerimizi her avşam süzärdik terdän.

Akına, zaamet çok yaptık, ama faydası heptän belli oldu, açan ayın-acık göründü, ki yıl gidärdi kara kurak. Bän aulumdan papşoycuklarımı suladım bütün yaz, deredä sular da bitincä, kuruyunca bu kör kuraktan. Ama benim aulumda papşoy çıkışımı etiştirdiydi alsin sucaazını da verdi bana bütün kişi imeelik. Kirdaki paylardansayı o yılın hiç toomu da almadık. Te nasıl zaametim beni kurtardı ölümdän. Zor kışladık, ama ölmedik. Soframızda hep bulundu trofa. Komşular duyardılar kokudan, ani bizim sofrada bişey var. Çoyuna saklıdan verirdik bir damna un, bir parça mamaliga...Ama angı birinä verecän yardım bir aulun urda papşoyerinden?

Geçti bir en zor ölümün yil, nasıl yokmuş olduu bu Besarabiya topraklarında. Oldü, kaybeldi aylelär bütün, kimi sokaklar bütünüñä boştular, çok evlerdä vardı gömülmedik zaametlilar, ani durmuştular aftalarlan boş içerlerdä. Te butakım da zorları geçirdik...

N. Baboglu

Sürmäk

Ülenä dooru Görgicik bakasının kira çıktılar. Bakası, iilip, aldı bir auç toprak, yaptı bir yuvarlacık da attı onu cetin yol üstünä. Yuvarlacık osaat daaldı kırıntı-kırıntı.

– E, çocuum, topracık olmuş şans-sora. Var nicä çeketmää sùrmeyi, – sevineräk, dedi boba.

Avşamadan traktor brigadası geçti yaşamaa kırda.

Sabaalendän kaavi güüslü, yaalı traktorlar, puhlayarak maavi tübüncüklärlän, çekeräk ardlarına dörtdemirli pulukları, daalıştılar kırın her taraflarına da çekettilär sùrmää topraa. Kır dirildi, uuldadi.

Traktorlar sürärdilär gün duumasından taa geceyädän.

– Baka, e onnar gecä dä mi sürerlär? – sordu bobasına Görgicik.

– Belliki. Toprak taa kurumadaan, läätzim onu sùrmää da ek-mää.

Ertesi sabaası sürülü çiftä kolverdilär bornaları da toprak oldu bir yapaa döşek gibi-yımışak, düz, pak. Şindi vardı nicä ekmää boodayı.

- Urlu olsun ekmek! – eletti bir dädu geçirükän.
- Saa olasın, dädu! – cuwap verdi traktorcular da haydadılar traktorları.
- O dädu durgundu da, çöküp enikunu, eşeledi eri: booday tenele-ri islää erleşmiştilär çiziyä.
- Kablet, toprak, altın,— yavaş dedi dädu kendi – kendisinä. – Büyüasin, ekinciim, firça, özlü.

(A. Musatova görä)

§ 40. ÇEVİRMÄK

Original – avtorun yaratması.

Çevirmäk – tekst yaratması başka dildä.

Enidän çalmak (з укр. – переспів) – şiir, angısı yazılı başka poeziya yaratmasına görä.

Enidän çalmak alér çok nişan originaldan, ama çoyunnan da ayırilêr ondan.

Örnek erinä, enidän çalmanın avtoru var nicä alsın originaldan temayı hem baş fikirini, ama düzer siiretlerin sistemmasını kendi- si; koruyêr enidän çevirmektä süjeti hem geroyları, ama kullanêr başka türlü ritma. Enidän çalmak ayırilêr çevirmektän. O bir demekli literatura variaşıyası original temasına.

Çoyunuz deyecek: “Nicä originalda, nicä da çevirmektä – içindekisi tekstin kalêr hep ölää. Ne, hep o diil mi nicä okumaa yaratmayı? Haliz da diil hep o. Tekst çevirmesi – o savaşmak yapmaa onu ölää, anı kalsın nicä var. En zoor çevirmäk teksti artistik stilindä, neçinki ani o – süretli, zengin laf tarafından gözelliklän, derin emojonal hem içindekinä görä. Taa da zoor çevirmää şiirleri, angılarında avtor lääzim korusun ritmayı dooru, lirika yaratmaların demekli okumasını. Var ölää yaratmalar artistik stilindä, angıları hiç çevirilmelilär, bir keret da. Çevirmenin neeti – diil sade laf-lafa çevirmää teksti. Halisdän becerikli avtor savaşêr ana dilindä göstermää, ne yarattı yabancı devletin avtoru; avtorun artistik kolaylıklarını. Bölä işä deyni az bilmää islää dili. Çevirici lääzim bilsin kendi hem yabancı devletlerin literatura hem kultura adetlerini; becermää duymaa çokmaanalı lafları, onnarın baalantılarını biri-birinnän. Lääzim olsun halisdän yazıcı. Onuştan becerikli çevirmäk –avtorun yaratmalı işi. Talantlı yazıcıların çoyu bütün ürektän çevirdilär yabancı avtorların yaratmalarını.

Birkaçı ayırilêrlar originaldan, birkacı sa pek yakın ona.

Çevirmeklerin var bölâ çeşitleri:

- *dooru hem kiynaş*;
- *dolu hem diil dolu*;
- *sıradan yakın tekstä hem diil yakın tekstä*.

Doorudan çevirmâk düzüler ilk original yaratmasından.

Açan çeviriciyä etişmeer dil tarafından bilgilär, o kullanêr diil originalı, ama te o teksti, angısı hazırlanêr ona görâ. Bu var nicä olsun sıradan laf-lafa tekstin çevirmesi, yada te o dildä, angısını çevirici biler pek islää. Ornek erinä: çevirirkenä Frankonun yaratmalarını, angısı pek islää bilirmiș nemtä dilini, izmet edärdi nemtä çevirmeklerinä.

Çevirmeklärä, angıları düzülerlär, yardımcı tekstlerdän, deniler diil dooru, kiynaş.

Sıradan çevirmâk düber originalın içindekisini bütündän.

Diil bütün çevirmeklerä çekilerlär kısa yaratmalar yada onnarın parçaları.

Elbetki, yapmaa çevirmeyi başka dildän birä-bir yok nicä. Ama var ölä çevirmeklär, angıları düzä-düz göstererlär originalı. Onnar koruyêrlar içindekisini, uzunnuunu, formasını hem strukturasını, artistik kolaylıklarını da bozmêërlar, laf oynamasını da, okumasını da. Bölâ çevirmeklerä deniler sıradan.

Çevirmâk, angısında var nicä açıklamaa sade yaratmanın içindekisini, bakmayarak artistik hem stil özelliklerinä, sayılêr serbestli. Bölâ çevirmeklär kullanarmışlar geçmiş asırlerdä. Onun neeti – kolaylatmaa yabancı tekstin okumasını hem annamasını, okuyannarın kulturasını ilerletmää.

Açan çevirmâk pek ayırilêrlar originaldan – bu sayılêr çeviricinin ölä bakışı bu dünneyä. Kimär kerä çevirmâk olêr taa islää, nekadar original. O sayılêr kendibaşına yaratma, angısı var nicä ya raşsin originallan.

Gagauz literaturasının anılmış çeviricileri: D. Tanasoglo, T. Zanet, K. Vasilioglo hem çoyu başkası.

► ***Ne o original hem çevirmâk? Doldurun cuvaplarınızı örnek-lärlän.***

► ***Neylän ayırilêr çevirmâk enidän çalmaktan?***

► ***Argumentläyin, neçin artistik çevirmesi yok nicä olsun haliz nicä original.***

► ***Angı çevirmeyä deerlär diil dolu?***

► ***Nezaman peydalanêrlar diil dooru çevirmeklär?***

► ***Açıklayın, ne o serbest çevirmesi hem “enidän çalmak”.***

➤ *Yapınız diskusiya. Neylän siz taa pek meraklandınız – şiirin birä-bir çevirmesinnän osayıdı onun “enidän çalmasinnan”. Argumentläyin cuvaplarını.*

272. Okuyun teksti, açıklayın onun temasını, öz fikirini, stilini hem tipini.

Neçin avtor ayırdı bölä ad bu tekstä? Kayılsınız mı siz onunnan?

Çıkarın teksttän işlikleri, bulun onnarın zaloglarını, çalımnarını hem zamannarını.

Буковель — курорт з європейським рівнем та українською душою!



Узимку в Буковель їдуть, щоб покататися на лижах, а влітку – щоб активно відпочити та насолодитися горами.

Буковель – гірськолижний курорт в Івано-Франківській області, якому немає рівних в Україні за рівнем інфраструктури, кількості підйомників та якістю трас. Мабуть, саме слово “Буковель” уже давно стало синонімом катання на лижах. Курорт широко відомий і за межами України.

Розташований курорт на трьох горах – Довга, Буковель, Чорна Клева на висоті 850-1372 метрів над рівнем моря, недалеко від села Поляниця. Лижний сезон триває приблизно з листопада до кінця квітня. Дефіциту снігу боятися нема чого, оскільки на всіх трасах є снігові гармати, а кілька трас навіть обладнані стаціонарним освітленням.

Але якщо ви думаете, що Буковель – це винятково зимовий курорт, ви глибоко помиляєтесь. Після зимового сезону відкривається літній, не менш цікавий. Улітку тут можна насолодитися красою мальовничих гір, удосталь надихатися свіжим гірським повітрям, сходити в незабутній похід гірськими маршрутами. Обов'язково рекомендую хоча б раз зламати стереотип і влітку поїхати не на море, а в гори, щоб відпочити тілом і душою в оточенні карпатських лісів.



У літній час ви зможете відвідати цілий ряд пізнавальних екскурсій, зокрема, з'їздити в Яремче, здійснити екскурсію до кількох водоспадів, ознайомитися з середньовічними замками та храмами, а також піднятися на Говерлу, Буковель, Маковицю та інші вершини.

Також до ваших послуг кращий велопарк України, скеледром, захоплюючий рафтинг гірською річкою Чорний Черемош, тури на квадроциклах, кінні прогулянки та екстрим-парк.

Для любителів проводити влітку час біля водойм у Буковелі є гірське озеро, в якому із задоволенням купаються туристи.

У 2012 році Буковель був визнаний найбільш швидкозростаючим гірськолижним курортом світу. Для багатьох українців він став улюбленим місцем зимових розваг, активного відпочинку та оздоровлення.

C. Кабанов

Рафтинг (англ. *rafting*) — вид екстремального спорту, швидкісний сплав гірською річкою через пороги на надувному човні (рафті), плоті або на тюбі (*rafting*).

Скеледром — штучна споруда з зачіпками для рук та ніг, що зазвичай використовується для скелелазіння у закритому просторі, проте може бути встановлена й на вулиці (*skeledrom*).



лижі – kayak

лижник – kayakçı

удосталь – gerää gibi

експурсії – gezinmeklär

квадроцикл – kvadroşíkl

снігові гармати – kaar top atısı

середньовічні – ortaasırılı

швидкозростаючий – çabuk büyüyen

водоспад – sellär

ковзанка – kayacak

273. Okuyun tekstleri, çevirin ukrain dilindän gagauz dilinä. Açıklayın onnarın öz fikirini.

Зачарований ліс

Тиша оповила землю, вкриту снігом. Заколисаний хуртовинами, вдягнутий у теплу снігову шубу, спить ліс. Дрімають ялини й сосни, чітко виділяючись своїм темно-зеленим вбранням на білизні снігу, очікують на тепло гаї і переліски. Мріють про весну опушенні білим хутром берези й осики, клени і липи, граби і дуби.



У зимову пору відпочивають лісові рослини. Сховані під шаром снігу, вони готуються до весни і не замерзають навіть у найлютіші морози. Ґрунт у лісі, прикритий листям, а потім снігом, може й зовсім не замерзти або промерзнути лише на невелику глибину. Земля і рослини вкриті снігом, наче м'якою теплою ковдрою. Підстилка з опалого листя взимку поступово перегниває і виділяє тепло. Тому й вода в ґрунті не замерзає.

(За А. Волковою)

Каштан

Весною він цвів білим цвітом, піднявши до сонця свої свічки. А побіля нього стояли в молочному шумовинні такі ж лапатолисті, кронисті каштани і палахкотіли на всювулицю.

Літо було жарке, і немолодий уже каштан аж задихався від спраги. Листя на гіллі передчасно пожовкло, скручувалось і поволі осипалося, встеляючи іржавою кушпелою тротуари.



Каштан благав дошу, але його не було. На світанку він пожадливо ловив своїми дотиками життєдайні краплинки роси, та їх не вистачало .

Каштан стояв обпалений сонцем, затиснувши в своїх кулачатах зелено-жовті їжачки, їх залишилося небагато.

А над землею тільки-но вставав вересень, сповнений тепла, блакиті і сонця.

Теплі вересневі дощі ніби повернули каштанові загублену молодість. Коріння, набравшись вологи з глибин землі, погнало соки стовбуrom до кожної гілочки, до кожної бруньки.

І сталося диво.

У середині вересня каштан зацвів.

(За І. Цюпою)

На березі Росі

Скрізь було тихо. В селі десь далеко було чути, як співали півні та ревли корови. Онися пішла стежкою понад самою горою. Небо синіло, як широке шатро, що вкривало тиху сонну

землю. Внизу дрімала вода в Рoci й тихо лисніла проти червоного неба. За Россю на поділлі, на рівнині неначе спав густий дубовий ліс. Садо на горі, високі береги Рoci, вкриті лісами, неначе думу думали, дивлячись на Рось, на густий ліс, на червоне небо над лісом. Густа осіння роса аж додолу гнула ще зовсім зелений ист на дереві. Надворі ніби ще стоял літо, й тільки половина пожовкленого листу на шовковицях блищаля, ніби наведена золотом, і нагадувала, що вже минуло літо.

(За I. Нечуєм-Левицьким)

§ 41. AUDIROVANIYE

274. Sesläyin teksti. Belli edin onun tipini hem stilini. Cuvap edin soruşlara tekstā görä.

Karayka

Vasil üärener dördüncü klasta. Sondaki uroon ona geler gelmeyecek bitkisi. O sabaylen, açan dolaştı koyunnarı, benzetti, ani sarı suratlı läözim tezdä kuzulasın.

Urdu çan. Kalpaa elindä, palto iliklenmedik, bölä, kaçarak o etişi evä. Kalpaanı koymadı başına, ama astı koyun aulun kazuna, açan gördü sari suratının altında bir kara kuzucuk. Açıverdi tokatçıı, tuttu kuzucuu, aldı kucaana, çeketti sevmää. Kuzucuu annısında vardı bir biyazçık, angısı benzärди topçaaza. Sevärkän kuzucuu, çocucak dayma deyärdi: "Karayka, karaykacık". Kuzucuun ölü da kaldı adı.

Karayka hem Vasil tez dostlaştılar. Kuzucuk üürendiydi, angı günü, nezaman dostu gelecek şkoladan da verecek ona emcääz. Acan geldi yaz üüremmek aralıı, Vasil çok sevindi. O çoktan istärdi tanıtırmamaa dostçaazını dolay yamaçlarlan, sisıntılarlan, çayırlarlan, ilk günnerdän taa Karayka tuttu tez aklısında neredä bulunêr onnarın evi. Bir gün Vasil gelmedi otlatmaa sürüyü. Karayka dayanamadı, avşama dooru braktı sürüyü da geldi evä. Tokatçıktaan taman çıkardı dostu. Onnar çok nazlı buluştular.

Güz yaklaştıydı heptän. Karayka oldu kıvrak güüdeli bir koççaaz. Buynuzları büdünlär, kıvrıldılar. Hepsi mayıl olardı bu hayvancaa.

Bir sabaa Vasilä amucası dedi getirsin kuzuları evä taa karanıacak olmadıynan. Neçin sä çocucak büün kefsiz duyardı kendisi-

ni. Bası da acımadı, yorgun da diildi, ama aar gelärdi ona. Esap aldı çocucak, ani Karayka otlamêér tatlı, su da may içmedi.

Hava bozarmaa başladıynan, Vasil etiştii evä, kapadı kuzuları. Karaykayı suvazlayıp, girdi hızlı içeri, yattı. Dinnenärkän aklına geldi, ani maazaranın setindä gördü bilenik bışaa, uşak şüpelî fir-ladı, çıktı dışarı. Amucası tutmuştu Karaykayı, taman erleşärdi kesmää. Osaat çocucak tuttu amucasının elini, yalvardı: „Kesmä, amucacium!”

– Brak elimi, – dedi amucası.

– Brakmayacam, – yaşlar gözlerindä dedi çocucak. Karayka bu vakıt ansızdan darttı da kaçırıldı. Vasil etiştirdi dostunu da yattı üstünä. Amucası yaklaştı da üfkeli baardı:

– Yok ol onun üstündän, brak keseyim! Bana boban simarladı gideceykän kazanca, keseyim bir erkek kuzu, kurban olsun. Sizdä erkek başka yok...

Bu zaman işidildi Aleksi dädunun sesi. O nasaatladı: “Brak, zetlämä bu dostlu cannarı. Getir bana bir dişi. Verecäm erkek da kes onu”. Ozaman Vasilin amucası urdu erä bışaa da dedi: “Dädu Aleksi, sän büük yaşıta adamsın, ama uşak aklındaysın. Allahtan diil mi verili hayvannar kesilsin...”

Biraz sora o döndü da sesledi däduyu.

(T. Marinogluya görä)

Soruşlar

1. Kaçinci klasta üürenirdi Vasil?

- a) üçüncü klasta,
- ä) dördüncü klasta,
- b) beşinci klasta.

2. Ne gördü çocucak koyunnarın aulunda şkoladan geldiynän?

- a) bir kara kuzucuk,
- ä) bir alacalı kuzucuk,
- b) bir biyaz kuzucuk.

3. Neyä benzeyärdi kuzucuun annisında bir biyazçık?

- a) bulutçaa,
- ä) yıldızçaa,
- b) topçaaza.

4. Nicä koydu Vasil kuzucuun adını?

- a) Dolayka,
- ä) Karayka,
- b) Biyazçıyka.

5. Ne yaptılar tezdä Karaykaylan Vasil?

- a) ayrıldılar,
- ä) dostlaştılar,

- b) uyudular bilä.
6. Ne verärdi imää kuzucaa Vasil?
- a) emcääz,
 - ä) otçaaz,
 - b) çimencik.
7. Ne yaptı Karayka, açan Vasil gidämedi kira?
- a) çeketti baarmaa,
 - ä) çeketti otlamaa,
 - b) braktı sürüyü da geldi evä.
8. Ne geldi Vasilin aklısına, açan o dinnenärdi?
- a) bilenik bıçak maazarın setindä,
 - ä) bilenik nacak maazarın setindä,
 - b) tokmak.
9. Kim izin verdi kesmää Karaykayı?
- a) dädu Aleksi,
 - ä) Vasilin bobası,
 - b) amuca.
10. Kim kurtardı Karaykayı kesmektän?
- a) Vasilin bobası,
 - ä) amuca,
 - b) dädu Aleksi.
11. Belli ediniz tekstin söz tipini;
- a) annatma,
 - ä) yazdırma,
 - b) fikirlemä.
12. Belli ediniz tekstin söz stilini;
- a) lafetmäk,
 - ä) bilgilik,
 - b) artistik.

§ 42. OKUMAK SESSİZ

 275. Sesläyin teksti. Belli edin tipini hem stilini. Cuvap edin soruşlara tekstä görä.

Gel, anam, evä!

İyündä duuan bir alçacık gün, tırmalayıp bayır sırtını, birazçık duruklandı sabaakı čiidä. Hava saktı. Çoşmä, nicä bir toprak anası, yollardı uzak yola oolcaazını – akıntıyi. O da uslu seslärди an-

sının yol lafinı. Da onnarın saklı annaşmasını annardı yakındakı biyaz sütlenär hem sarkık dallı sütlərlər.

Toprak hem çöşmä doyurardılar hem sulardılar bütün dünneyi örnekłän çalışkanna hem illää. Akıntı yolunda kapardı taşçaazları, samancıkları, tüceezleri, ani kalmıştılar geceleyän kuşlar dan da götürdü onnarı yolunca aşaa, oyanı.

Gün kalktı biraz da, kurtulup bulutlardan, daatti şavklı saçlarını doz-dolaya. Akıntıcık dolaş-bulaş oldu onun altını pirigalarında da bu gercikliklän saptı suva gölə. Bunun canından görünərdi küü, cukurlar, sırtlar. Toprak giindi eni sabaaki giyyimini, taktı kraalı altıncıklarını, yıkandı hem silindi serincä sabaaki seslərlən.

Şalvir gündän mi, akıntıının yolcu türküsdän mi, bir alçak evin içersindä uyandı altı yaşında bir çocucak. Uşak gerildi da çı-kardı yorgan üstünä tantur hem pak elceezerini. Kivircik, kula saçlı, maavi gözlü uşak benzemäzdi kimseyä, da pek ayiflanırdı, açan görürdü karagöz bobasını. Cocuaan adiydi Sandika. Uşak bakınardı aynaya da gülümsärdi kendinä, o bulurdu, ani o günün uşaa. Neçin deyni o da ölüydi, nicä gün: açık, biyaz üzlü, şen hem kula saçlı.

Sandikanın bobası duldu. O İslärdi sırtmaç. Evä gelärdi pek geç da üüsüz evladını bulurdu döşektä, uyuyarkana kirli yada çalmar altında. Adam istemäzdi bozsun uşaan raatlini da gidärdi yataana. Ama kimär sıra o savaşardı onu yikamaa, şunu-bunu üüretmää, koymaa azbuçuk sıraya. O zaman, Petri homurdanırkan dulluuna, yısıdardı geç vakıt su, dökärdi aaç tekneyä da çaarardı dürük seslən uşaani:

— Ya, ba tosuncuum, ya, ba Sandika, gel bana, seni bobam yıka-sın!

Sandika titsinirdi bu tekliftän da savaşardı saklanmaa en karannık erä. Ama Petri bilirdi onun köselerini da gidärdi dooru köpään yataana. Adam ilkin çıkarardı paliyi, sora çekärdi geeri Sandiyi. Atardı aykırı koltuun altına da getirärdi tekneyä. Bobasının ellerindän, güüdesindän uşaa gelirdi ot, fişki, ter hem kir kokuları. Ama zordu ona kurtulmaa adamın kaavi ellerindän da uslu kabul edärdi boba ikramını. Petri hızlı atardı eşil kokar ot su içinen da çekedärdi yikamaa uşaa. Sandiyä gelirdi ölä ilin, ki uşaa görünürdü, sansın o toloka çiçeklerin içindäydi. Ama boba elle-ri ölä uuardı, sansın uşaa harmannardı iki çakmaklı düven. Bu sarsık hem örseli yıkamaktan uşaan uykusu gelärdi da o taa tek-nä içindä çekedärdi uyuqlamaa. Sabaalän kalkardı pak hem saa-

sem. O sınaşmıştı bölä çetin “suvazlamaya” da hep umut edärdi, ani onu da nezamansa yıkayacak ana eli.

Mariya Kuyumcu



sak – kuşku, uslu

tantur – kabaca, tuyanca

sarsık – burada: sallanan, titiredär

örseli – zeetli

Soruşlar

1. Ne doyurardı hem sulardı bütün dünneyi?
 - a) güneş hem bulutlar,
 - ä) toprak hem çösmä,
 - b) denizlär hem derelär.
2. Kaç yaşındaydı Sandika?
 - a)altı yaşında,
 - ä) on yaşında,
 - b) oniki yaşında.
3. Ne sayardı Sandicik?
 - a) ani o artık büyük,
 - ä) ani o pek haylaz,
 - b) ani o güneşin uşaa.
4. Ne işlärди Sandikanın bobası?
 - a) çoban,
 - ä) domuzçu,
 - b) sırtmaç.
5. Nereyi saklanardı Sandika bobasından?
 - a) karannık erä,
 - ä) sobanın ardına,
 - b) patın altına.
6. Ne gelirdi Sandikaya, açan onu yıkardı bobası?
 - a) ani onu yıkêér manusu,
 - ä) ani o toloka çiçeklerin içindä,
 - b) ani o yıkanêr deredä.
7. Ne yapardı Sandika teknedä bobasının yıkamasından?
 - a) çekedärdi uyuklamaa,
 - ä) çekedärdi türkü çalmaa,
 - b) çekedärdi aalamaa.
8. Neyä hep umut edirdi Sandika?
 - a) ani bobası onu başka yıkamayacak,
 - ä) ani hemen manusu açacek kapuyu,
 - b) ani onu da nezamansa yıkayacak ana eli.

9. Ne gördü Sandika, açan açtı sabaalen gözlerini?
a) yılanmadık çanakları, kurulu sofrayı,
ä) ani mamusu girdi içeri,
b) bobası oturêr önungdä.
10. Ne döşeliydi suvanmadık toprak erdä?
a) palalar,
ä) saman,
b) pelin, ot.
11. Belli ediniz tekstin söz tipini;
a) annatma,
ä) yazdırma,
b) fikirlemä.
12. Belli ediniz tekstin söz stilini;
a) lafetmäk,
ä) publiçistik,
b) artistik.

§ 43. DIALOG

276. Düzünüz dialog bir olsa ya da duruma görä. Dialog „Telefonda” örnek erinä.

Telefonda



- Alo, Radi, sänmiysin? Seläm!
- Seläm, Sandi, bänim.
- Unutmadın mı, ne annaştıydık?
- Yok, unutmadım, bekleerim pazar günü gelsin.
- Büün cümertesi.
- Elbetki, az kaldı. Yaarına pazar, kalkacez erken.
- Hazır mı oltan?
- Oltam, gegelerim hem dadamıklar – hepsi hazır, hem taa bir büyük torbam tutulmuş balıklar için, – güldü Radi.

– Ver, Allahım, çok dartmaklar olsun da tutulsun büyük balıklar.
Ama, tifu-tifu, salt nazarlamayalım! – attı şakayı Sandi dä.

Örnek temaları:

- 1) „Benim küyümün istoriyası”;
- 2) „Benim gün duumam”;
- 3) „Benim sevgili zanaatım”.

§ 44. SIRADAN ANNATMA YARATMALI BİTKİSİNİN

277. Okuyun demekli teksti. Belli edin temasını, öz fikirini. Ayırın teksttän cümleleri, angılarındı var iştennii hem haliştennii.

Çayka (parçası)



Deniz sansın ayakça kalmıştı: üükoyu-maavi dalgalar, hızlanıp, tukurlanardılar kenara, köpürürdülär dä, sansın verilip, çıkışındılar geeri. Deniz sansın düüşärdi kendi kenarının. Alçak bulutlar kayardılar gün duusuna dooru su içmää.

Genç olan yatardı bir çadır boyunda pala üstündä da siiredirdi denizi. Kara saçları onun yalabardılar. Açılan dalga atardı kendini pek yakına, olan kırıştırıldı gözlerini, sakınırdı fırlamasın su suratına.

Makar ki hava serinceydi, olan hiç diildi giiyimni: nicä yıkanmıştı, ölä dä yatardı denizin boyunda. Gündän yanık keresteli omuzlar onu sportsmenä benzettirärdilär. Olana baka kimi sıra geçen kızlar raada onu brakmadı, şakaya alırdılar, özenirdilär lafetmää, danışmaa, ama olan cuvap vermäzdi, dönärdi ardını, sora genä kaldırırdı bakışını denizä, siiredirdi, nicä deniz boyunca uçêr biyaz kanatlı çayka, nicä kavrêér balı, sausêr, geeri döner da genä taraş aarêér suyun kenarında. Neredä o yaşırdı, orada yoktu bölä gözäl kuşlar: kanatları biyaz, sesleri şen, zanaatları ii. Hep dalga üstündä uçêrlar, sansın dalga üstündä onnarın yuvası. Bekim, bu kuşlar ona paalı geldi bir kızçaazın hatırlı için, ani braktı onun üreendä bir sevda nişanı? O kızın adıydı Çayka. Ölä

dä biyazdı onun saçları, taa iidi dä sesi. Gördüynän bu kuşu, o aklına getirärди kendi paalı Çaykasını.

Tä yolcaazdan ona dooru saptı bir kız, taa uzaktan şen sesinnän daattı olanın düşlerini:

– Vani, biz büün pek ii bir film gördük! Ölüncän canın aciyacek, ani bizimnän bilä gelmedin. Kalanı “papuaslar” bizim çadırдан gittilär su aaramaa.

– Ne yapmêérим, ona canım hiç acımêér, Marina. Siz kinonuzlan görmediniz bölä denizi. Bak, nicä bulutlar kaynêér, nicä dalgalar yıkılér!

Marina oturdu olanın yanında, açtı kiyadını nişannı yaprakta, iillti, sustu, kendi-kendinä okuya. Bir vakıttan sora kaldırdı kafasını, kapadı kiyadı da sıbitti onu taa çadırın dibinä. Oradan işidildi bir ses, sansın ayna yada termos daaldı. Nazlı bakışını kaldırılmıştı Marina olana:

– Ne susêrsin, nicä dilsiz?
– Ne lafedeyim, kinonuzu beenmedim. Olma okadar fena, kiyadın kabaatı yok, – cuvap verdi Vani, ayırip bakışını denizdän.

– Bilsän ne için kino, bölä demeyecän. Ölä bir sevda gösterdilär, ani yoktur isittiin hem dä bildiin! Okadar ki kinonun sonu diil pek ii – ayırlıdı iki sevda, diil belli dä, karşı geleceklär mi?

Vani hep siiredärdi denizi, sansın seslemäzdi kimseyi. Marinayı bu üfkeledärdi, kızardardı. Ama ölä salt görünärde bir taraftan. Vani çoktan duyurdu, ani Marinanın var ona bişeyi, ani Marina kayıldı bütün gün oturmaa onun yanında, lafetmää, barabar yılanmaa, deniz boyu kumrukta gezmää. Onun için dä, bezbelli, Marina brakmış kafadarlarını da gelmiş. Ama Vani neçinsä onunnan suuk lafedirdi, pek yakına salvermäzdi. Bilirdi Vani Marinanın isteeliini, ama onun aklısındaydı Çayka.

Vani hep susurdu. Marina uzandı kum üstündä, yattı üzükoynu, yumruunnan dayadı çenesini. O bıktı artık beklemää, nezaman Vani cuvap verecek. Ama tä o başladı:

– İstärsän, Marina, annadacam sana geçti yaşamam için?
– Annat, annat, sesleyeacäm! – dedi Marina da taa uygun yattı.

S. Kurogloya görä



yalabardılar (yalabıyardılar) – блищали
çadır – парасоля

278. Ne annatti avtor sizin bakışınıza görä? Düzün annatma kendi fikirinizä görä.



Literatura okumakları

Söleyışlär

1. Söleyim kızcaaazım, da anna gelinciim.
2. Şakan cöbündä olsun.
3. Tütmedik baca olmazmiş.
4. Horuya tutundun – oyna başadan!
5. Verdin kendini kıraya – dayan!
6. Yaamurdan kaçarkan toluya uuradık.
7. Armut aacından yıraa düşmäzmış.
8. Çok laf dermendädir.
9. Tokun aaçtan haberi yokmuş.
10. Ur tokmaa başına.
11. Nicä döşeycän, ölä dä yatacan.
12. Aazdan annamaan, çoktan hiç tä annamazmiş.
13. Nicä anası – nicä danası.
14. İynenin ardına iplik da gidärmış.
15. Akıl verän çok, ama ekmek verän yok.
16. Sansın aazın falmış.
17. Her bir arı bal yapmadı.
18. Köpek suya düşmeyincä, üzmää üürenmäzmış.
19. Fena köpek sürüyü beklärmiş.
20. Kart öküzü dibä koşarmışlar.
21. Öküzä buynuzu aar gelmäzmış.
22. İplik incä erdän koparmış.
23. Zorun öndä kolay da varmış.
24. Ölülär ölülärlän, dirilär dä dirilärlän.
25. Prostluk daada gezmäzmış, ama insan arasında.
26. Yangına kürekln gitmä!
27. İlk buka tatlıymış.
28. Bir keret ver, bir keret vermä – genä fenaysın!
29. Avşamkı üfkeni sabaaya brak, ama avşamkı işini sabaaya
brakma.
30. Kuruylan bilä yaşı ta yanarmış.
31. Yaş yaamurlaa çok su diil lääzimmış.
32. Yımirtanın klubunu aaramaa.
33. Kiyamaan aalemi, kendini kiyêr.
34. Türküylän masalın saabisi yokmuş.
35. Aalemin tauu kaaz görünärmış.
36. İiri oturalım da uz lafedelim.
37. Kırım-ırım gezdim.
38. Ne suan imiş, ne suana kokêr.
39. Üşenän örümää, doyamazmiş kaçmaa.

40. Çok gezän çok bilirmiş. Çok kaçan çok kazanırmış.
41. Papuç paalı çıkacek.
42. Aazimda tüü bitti.
43. Biktim artık. Canım buazıma geldi.
44. Samannıkta iineyi aarama!
45. Neredä ekmeersin, orada büüyer.
46. Aalemä kuyu kazma, kendin düşärsin.
47. Andın köpää, hazırla kırligayı.

Demir dişli babu *(Gagauz halk masalu)*



Bir vakıtlar varmış, bir vakıtlar yokmuş, varmiş bir çocuk... O küçüktän taa anasından-babasından üüsüz kalmış. Büdüynän fena bir zenginä çırapak yannaşmış. Zormuş pek ona, da, bıkıp, istemiş çorbacısından kolversin onu boş'a. Çorbacı kolvermeer. Ozaman çocuk koyêr neetinä kaçsın.

Bir gecä, hepsi uyuyarkan, alıp başını kaçer da gider, nani gözü görärsä. Gidä-gidä etişer bir kanaraya. O kanarada bir delik içindä yaşarmış pek ihtär bir dädu. Çocuu gördüynän, dädu şaşmış da demiş: "Sän ba, çocuk, bu erlerdä ne aarêersin, buralarda kurtkuş gezmeer?" Çocuk ona cuvap edip, demiş: "Bän küçüktän taa üüsüz kaldım, otuz yaşına da etiştim bir fena zengindä çıraklık ettim, zeetlerdän omuzlarım çürüdü, auçlarım soyıldı. Da kaçtım ondan, giderim, nereyi gözlerim görärsä".

Dädunun canı acımış çocaa da demiş ona:

– Sän, çocuum, gidecän, ama senin önünä daada Demir Dişli babu çıkacek da isteyecek paralasin seni. Sän ondan zor kurtulursun, zerä o pek fenaydır hem pek kaçaktır. Na te bu sabunu, taraa hem te bu çıkıştı tuzlan da Demir Dişli babu sana yaklaştıkça, bu işleri birär-birär atasın onun önünä. Böleliklän beki kurtulursun.


Kabledip bu işleri, çocuk yollanêr ileri. Gider, nekadar gider, da etişer bir karannık daaya. Daayın ortasında onun önünä, dişlerini trakladarak, çıkış o Demir Dişli babu da üfkeylän baarêr:

– Burada kurt-kuş gezmeer, sän ne aarêersin? Tä şindicik bän seni demir dişlerimnän paralayacam!

Çocuk çekeder kaçmaa, nekadar kaçabiler, babu da ardına: çocuk kaçer, babu kaçer, çocuk kaçer, babu kaçer, hemen-hemen etiştirecek cocuu. Zoru görüp, çocuk aklısına getirer dädunun la-

finı da tez çıkarêr tuzlan çıktıyı da atêr babunun öünüä. Birdän o çıktı döner bir büyük hem üusek kanara bayırlı. Näpsin babu, üfkesindän taa da fena hem çirkin olêr. Da çekeder o kemirmää o kanaraları demir dişlerinnän. Kemirer, kemirer, vakıt ta geçer, çocuk gider bir hayli uzak ondan, çıkış geniș kırlara. Kemirdiynän kendisinä bir aralık o kanaralar içindän, babu, bir çenesi göktä, bir çenesi dä erdä, gözleri şışmış kalbur kadar, çekeder genä kaçmaa çocuun ardına: çocuk kaçêr, babu kaçêr, çocuk kaçêr, babu kaçêr, hemen-hemen etiştirecek çocuu. Çocuk bölä görüp, çıkarêr da atêr babunun öünüä taraa. Birdän o tarak döner da olêr bir dolaşık çitiranni daalik. Näpsin babu, üfkesindän taa da fena hem çirkin olêr. Da çekeder o kemirmää aaçları, çitirannıkları demir dişlerinnän. Kemirer, kemirer, vakıt ta geçer, çocuk etisher bir hayli uzak ondan, çıkış genä geniș düzlük erlerä. Kemirdiynän kendisinä bir aralık o daalık içindän, babu, bir çenesi göktä, bir çenesi dä erdä, gözleri şışmış kalbur kadar, takışêr genä çocuun ardına: çocuk kaçêr, babu kaçêr, çocuk kaçêr, babu kaçêr, hemen-hemen etiştirecek çocuu. Bölä görüp, çocuk çıkarêr da atêr babunun öünüä sabunu. Birdän o sabun döner da olêr bir derin hem geniş su deresi. Näpsin babu, üfkesindän taa da fena hem çirkin olêr. Da çekeder kemirmää suyu demir dişlerinnän. Ama su hep su kalêr da babu düüner, baarêr – bişey yapamêr da buulêr. Çocuk kurtulêr da gider ileri, gider aaramaa kısmetini.

Nastradin Hocanın fikralarından



Nastradin Hoca bir fikirli hem cümbüşü adammış. Yaşamış çoktan, çoktan türk halkların arasında. Keskin fikirinnän o gülmää alarmış türlü hayırsız insannarı (haliz padişaaları, zenginneri), ama insan ahmaklıklarını da. O çıkardıp düzdü cümbüşlü fikralar bu işlär üzerinä. Ama o yazmadı onnarı, ölä aazdan sölärmiş, insan da aklısında tutmuş. Sora insan kendisi dä çıkardarmış türlü

fikralar da hep Nastradinin adına gidärmişlär. Yaşamış mı halidän bölä bir adam, bilinmeer aslı. Bekim, onu çıkarttı kendi insan, halklar, nicä bir kendi geroyu zorluklarlan buuşarkan.

ŞAŞARIM AKLİNİZA, NÄBACENİZ RUBAYLAN

Hoca gezdii erindä popazları kendi keskin lafının hojma kamçılmış. Bu beterä popazlar, manaflar hem başka cami izmetçileri, alınmışlar onnar da Nastradini gülsünnär. Kolvermişlär ses, ani on gündän sora dünnä batacek.

Aaz-aazdan etişmiş bu laf Hocaya da. Kaldıyan bir gün „dünnä kaybelmesinä“ popazlar, manaflar toplanmışlar Nastradinin auluna da türlü akıl vermişlär.

– Hoca, yaarın dünnä bitkisi, ne tutêrsin o inää? Çıkar kenara keselim onu...

– Olur bunu yapalım, demiş Hoca, – ölä da kaybelecez, bari iye-lim bitkidä doyunca...

– Uuradik lüzgerä, – demiş manafın biri, sevineräk, onun yanında duran dostuna, popaza.

Çatılımış Hoca inää da çıkışlıklar kenara, daa boyuna, kazmışlar bir kotlon da kesmişlär inää.

– Dostlar, – demiş Hoca, – bän sizä pişirecäm ineenin iyesini, ama siz gidin birär arka odun getirin.

Kayıl olmuş popazlar. Hepsi soyunmuşlar, dala rubalarını aşmışlar da oduna gitmişlär. Hoca osaat rubaları taraşlamış, iki altın krest bir da gümüş krest almış da kendi koynusuna koymuş. Birinin cöbindä bir altın saat bulmuş, onu da toplamış, sora öbür çöptä gerää gibi para bulmuş, onnar da Hocaya düşmüşlär.

Bu iştän sora Hoca rubaları hepsini ateşä atmış...

Popazlar, geldii gibi, saletmişlär giinmää.

– Hoca, rubalar neredä?

– Bän onnarı ateşä attım, – cuvabını vermiş Nastradin.

– Ne sän, delirdin mi, Hoca? – hepsi bir sestä sormuş.

– Şaşerim aklınıza, dostlar, – kesmiş lafi Nastradin. – Nähaceniz rubaylan? Yaarın diil mi dünnä batacek?...

Popazların bir karış aazları açık kalmış.

Hoca sa gitmiş işinä, altın işleri satıp, kendinä islää bir inek almış hem da taa çok parası da kalmış...

Tek alınız

Nastradin hap-aaç gelmiş dostonu musaafirlää. Dostu da onu sarmayan konuklamış.

Hoca girişmiş da sarmaları ikişär-iğişär aazına atarmış. Sıkı-sıkı iirmiş...

Dostun karısı, bunu görüp, duymuş, ani sarmalar etmeyeceklär da kiyıştırama-a-kiyıştırama-a Hocaya demiş:

- Nastradin amuca, sarmalarımız kit biraz, yalvaracam tek alınız.
- Üçär aazima sıymêér, – buularak sarmaylan, cuwap etmiş Hoca.

Aslısaydı, ver altınları

Padișaa bütün memlekettä ișittirmiş, ani her çıkarsa biri da sölesin padişaha ölä bir büyük yalan, ki padișaa onu kendi da yalan saysın, ozaman o erif kabul edecek yarım padişahlık; ama sölenmiş yalanı padişah aslı bulursa, ozaman yalancı kırk kamçı arkasına kabul edecek...

Çoyu bu işä tutunmamış, neçin ki bilirmiş insan, ani padişaada dooruluk zor bulmaa: onda aslılar da yalan, yalannar da aslı varmış nicä olsunnar. O takım nicä padişaha uyarmış...

Ama kimisi istemiş denesin kismetini, türlü yalannar düşünmüslär, ama padișaa hepsini onnarı aslı bulmuş, da ölä hayli fazlı insannarı düümüş.

– Durun, – demiş adamnarın biri, – bakalım bu da mı aslı!? – da, gidip padişaha, şu yalanı söylemiş.

– Benim bobam, – demiş adamın biri, – yaptıydı bir büyük merdiven. Avşamnen onunnan günä pinip, koor alardık da atesi tutuştururduk.

Adam lafinı bitirdiktän sora, biraz susmuş, da sormuş güleräk:

– Nasıl, padişahım, bunu da mı aslı söyleycän?

– Var nasıl pek aslı olsun, – cuwap etmiş, sesini uzadarak padișaa, – benim vardı bir dostum, da lülesinin sapı okadar uzundu ki, hiç merdivensiz etişip gündä tütenünü yakardı...

Bu adamı da tucurguya sokmuşlar. Zavalı kırk harapnik arkalarına imiş. Dayanamamış buna Nastradin Hoca.

– Etecek oldu, – demiş, – düwyer o kabaatsız insanı...

Bir büyük boş çuval koltuuna alér da tezicik gider padişaha.

– Zamannêersin, anılmış padișaa, – seläm vermiş Hoca, kalpaa-nı çıkararak hem erädän iileräk.

– Hoş geldin, Nastradin, – demiş padișaa, – ne söyleycän?

– Geldim, padişahım, borcunuza çeviräysiniz, hanidän taa aldiyiniz bendän ödünç bir çuval altın, da şindi geldim veräsiniz altınları geeri.

– Bu yalan, – baarmış padișaa üzlän insan arasında, – nezaman sän bana altın verdin?

– Yalan sa, – deyivermiş Hoca, ozaman verin bana padişahlıun yarısını... Diil mi ölä laf kolverdiniz?

Padişaa duymuş, ani yanlışmış, ama alt kalmaa istemäzmiş.


– Bu, bu aslı, – kekeleyeräk üfkeylän baarmış padişaa.

– Aslısaydı, ver altınnarı, – usulunnan teklif etmiş Hoca.

– Çevirin ödüncü, adamın altınnarını, – izin etmiş esirlerinä padişah, zerä belliymiş, ani başka türlü Hoca yarım padişahlık dileyecek...

Nastradin almış çuvallan altınnarı da, tilki gibi gülümseyerek hem yaalanarak, evä gitmiş.

Sora ne faydası düümää



Nastradin yolleér oolunu pınara bir testi su getirsin deyni. Uşak testiyi al-madaan taa Nastradin “şap!” urêr ona bir şamar. Bunu göründü karısı sorêr ona:

– Ne uşaa kabaatsız düversin, bey?

– Testiyi kırmasın deyni.

– E o testiyi kırmadı, ye! – demiş karısı.

– Testiyi kırdıktan sora ne faydası var düümektän!? – cuvap etmiş Nast-radin.

Eşek ters çıktı

Hoca Nastradin demiş uşaklara:

– Ya eşeemi bu taşın yanına çekin! Eşää pinmää isteering!

Uşaklar bunu hızlı yapmışlar. Hoca, taşa basıp, eşää atlamiş.

İnsannar Hocayı eşektaş atlı görüp, gülmüşlär:

– Hoca, eşää ters pinmişin!

Hoca bir umursuz cuvap vermiş:

– Bän dooru pindim! Eşek ters çıktı!!!

Bän gölmään içindäydim

Hoca, gölmeeni yıkayıp, aaca asmiş. “Kurusun!” – demiş.

Yoldan geçen insan aacın altında bir gürültü sesi işitmiş,

– Hoca, ne oldu? – sormuşlar.

– Gölmääm düştü!

– Ye, ne ölä gürültü ses işidildi?

– Bän gölmään içindäydim.

Sän kimi inanêrsin, beni mi, osa eşää mi?



Günün birindä komşusu geler Hocanın auluna:

- Hoca, versänä eseheni panayırdan bir çuval un getireyim.
- Eşek yok evdä, – cuvap vermiş Hoca.
- Bu arada, damda bulunan eşek, anırmää çeketmiş.
- Hoca, – demiş komşusu, – görsänä, eşäään evdä.
- Sän kimi inanêrsin – beni mi, osa eşää mi?! – cuvap etmiş Hoca.

Tamahin cuvabı

Bobası vermiş Nastradinä para alsin bir koç kafası üülennii yapmaa deyni. Nastradin satın almış bir pişmiş koç kafası da yolca gidärkän biraz datmış ondan. Ona ölä tatlı gelmiş, ani etişincä evä, o kemirmiş bütün kafayı, kalmış sade kel.

- Bu sade kemik! – şaşmış bobası. – Neredä kulakları onun?
- O saardı, – cuvap etmiş Nastradin.
- E dili? – genä sormuş bobası.
- O dilsizdi.
- E gözleri? – brakmamış onu raada bobası.
- O kördü.
- E tepesindän yaani nerdä?
- Zavalı, o çıplak tepeliydi, – cuvap etmiş Nastradin. – Tä sade dişleri onun saamış, biri da taa düşmemiş.

Dörttän bölmää dört

Nezamansa Nastradin üärenärmiş şkolada.

- Dörttän bölmää dört kaç kalacek? – sormuş üüredici. Hoca düşünä kalmış.
- Haydi esaplaylim bir örnektä, – demiş üüredici. – Ko senin cöbündä olsun dört gümüş. Onnar düşärselär, ne kalacek cöbindä?
- Delik, – cuvap etmiş Nastradin.

Padişaan eşää

Padişa kapunun önündä oturêr. Aulda, bir paalı kilim üstündä, tavlu hem gözäl bir eşek yatêr. Taman o vakıt Nastradin yolca

geçer da ölä kendi-kendinä söleer: "Ne tavlu hem gözäl eşek, ama yazık, lafetmää bilmeer!"

Padişaa bu lafları işider, Nastradini çaarêr da ölä ona sorêr: "Ne, sanki, sän benim gözäl eşeemi insan gibi türkçä lafetsin mi üüredäsin?"

– Olur onu yapayım, kuvetli padişaam, ama biraz paalı o seni tutacek hem on yıl vakıt gelecek.

– Yok bişey, – padişaa demiş. – Ko ölä olsun, ama eer becermär-sän hem beni aldadırsan, bilermiysin sän, ani kellesiz kalacan?

– Büük sözlü padişaam, bundan bän hiç korkmêérím.

– Ölâyseydi, nasıl deersin, na sana bin altın para. Başla eşää üüretmää türkçä lafetsin. Sade göreyim, işideyim, ani eşek başlêér isan gibi lafetmää, taa bir demirli altın para sana vere-cäm.

Alêr Nastradin altınları, evä gider da karısına ölä söleer:

– Na sana bin altın para. Aldım onnarı padişaadan. Onun eşe-e ni insan gibi türkçä lafetsin üüredeyim tutundum.

– Sän büün, allele, tatula idin, şas oldun. Neredä sän gördün eşek insan gibi lafetsin? Sän o ahmak kafanı yola koydun. Sultan onu kesecek.

– Yok bişey, – demiş Nastradin, on yılın adı var: ya sultan öle-cek, yada eşek geberecek.

Karannıkta saa tarafımı nasıl bulayım?

Bir avşam Hocaya bir musaafir gelmiş. İyip-içtiktän sora, biraz lafa durmuşlar da yatmışlar dinnenmää. Onnarın yatakları yan-naşıkmiş. Gecä yarısı dooru adam Hocayı dürtmüş da demiş:

– Senin saa taraftakı skemnedä var bir mum. Ver onu bana dışarı çıkayım.

Hoca homurdanarak demiş:

– Sän delimiysin, canım. Bu zindan karannıkta saa tarafımı bän nasıl bulayım?

Sesim nereyi kadar etişer?

Hoca, duva okuyarak, sokakta kaçar-mış. Her taraftan insan yol ortasına çıka-rak, Hocaya sormuşlar:

– Ne yapêrsin, Hoca, bu ne hal?

Hoca cuvap vermiş:

– Bakalım sesim nereyi kadar etişer, onu annamaa isteरim.



Yorgan gitti, kavga da bitti



Hoca, bir gecä yatarkan, sokakta bir şamaşa işitmiş da hemen ne olduunu annamaa meraklanmış. Karısı baarmış gitmesin, ama laf annadamamış. Hava suuk olduunan, yorganı sırtına alıp, Hoca sokaa firlamış.

Kavga edennär, Hocayı görüp, seslerini kesmişlär, ama aralarından biri, Hocanın sırtından yorganı çektii gibi, karannıkta kaybelmiş.

Evä titireyä-titireyä dönän Hocaya karısı sormuş:

- Ne o? Ne üstüneymiş kavga?
- Hoca boynusunu bükeräk demiş:
- Bezbelli, bizim yorgan üstüneymiş kavga. Nicä yorgan gitti, kavga da bitti.

Ördek mancası

Bir göl kenarında dinnenän Hoca, suda birkaç yaban ördää görüp, onnarı tutmaa kalkmış. Kaçmış, taş atmış, suya girmiş, bir da ördek tutamamış. Bitkidä, yorularak, gölün kenarına oturmuş da ekmeeni suya bana-bana imää başlamış. Bu sırada ordan bir yolcu geçärmış. Hocanın bu yaptına akıl erdirmearäk sormuş:

- Ne o, Hoca, ne iyersin?
- Ne olsun, – demiş Hoca, – ördek mancası iyerim!

Pınardan ayı çıkarmış



Hoca bir gecä pınardan su çekmää gitmiş. Suyun üzündä ayı görüp, düşünmüş:

– Aman, ay pınara düşmüş. Ya çıkarayım bän onu.

Da, çengeli alarak, suya salmış. Ayı tutarkan, çengel bir taşı ilişmiş. Hoca çekmiş-çekmiş, bir türlü çikaramamış. Bitkidä dä bütün kuvetlän açan dartmış, çengel kurtulmuş, oka-dar ki Hocanın arkası erä urmuş, bacakları yukarı kalkmış. Ozaman ayı göktä görmüş da demiş:

- Çok zaamet ettim, ama ayı erinä kondurdum.

Ölä dä ineceydim

Hoca bir gün eşektä athı gezmiş da, nasıl razgelmış, eşek onu erä düşürmüş. Bunu görän çocuklar:

– Aa! Hoca eşektän düştü! – gülmää çeketmişlär.

Hoca hiç ayıflanmayarak cuvabını vermiş:

– Ne gülərsiniz? Bän ölä da ineceydim.

Kuyruksuz tilki *(Gagauz halk masalu)*

Bir vakıtlar varmış, bir vakıtlar yokmuş. Genger küyüün kena-rında, insandan bir tarafta yaşarmış bir babu. Babunun yokmuş kimseycii. Sade varmış onun bir inecii. Babu saayarmış inää, ama südünü taa zeedesini satarmış da alarmış kendisinä tuz-ekmek. Ölä da yaşarmış.

Günün birindä, inää saadıktan sora, babu nereyi sä alatlayıp, gitmiş, ama sütlän kofa kalmış kapunun önündä. Bir vakıttan sora babu dönmiş geeri, ama kofayı bulmuş boş. Kalmış babu o günü aaç. Bu takım olmuş ertesi günü dä, taa sora da. Babu düşünmüş, düşünmüş da esaplamış, kollayıp, annamaa, kim içér bu südü.

Ertesi günü babu genä saamış ineciini da, bu sefer maasuz, brakmiş kofayı kapunun önündä, ama kendisi saklanmış. Bir da baksa: tilki sürüner kofaya dooru. Sora sokér kafasını kofanın içünä da içér südü. Babu hızlı kavramış nacaa da... birdän urup, kesmiş tilkinin kuyruunu.

Tilki başlamış yalvarmaa babuya:

– Ba-bu-u-u! Versänä kuyruumu! Başka sana zarar yapmaya-cam. Ver kuyruumu! Vermärsän, bän kahırdan ölecäm, zerä daa-ya kuyruksuz gitmää ayıp.

– Git başımdan, zararci! Vermeycäm! Sän, sündük tilki, neçin içtin benim südümü da aaç braktın beni? Çevir südümü geeri da ozaman kabledecän kendi kuyruunu, – üfkeli demiş babu.

Gitmiş tilki koyuna da başlamış ona yalvarmaa:

– Koyun, koyuncuk, ver bana biraz süt. Südü verecäm babuya, babu da benim kuyruumu çevirecek.

– Getirirsän bana çimen, verecäm süt, – cuvap etmiş koyun.

Yok näpmaa. Gitmiş tilki çayıra.

– Çayır, çayırcık, ver bana çimen. Bän çimeni koyuna verecäm, koyun verecek süt. Südü verecäm babuya, babu da verecek kuyruumu, – annatmış tilki.

Çayır cuvap etmiş ona:

– Getir bana birkaç kız, biraz horu, kadınca oynasınnar üstündä. Ozaman verecäm sana çimen.

Gitmiş kızlara yalvarmaa. Genä çeketmiş:

– Kızlar, gözäl kızçaazlar, gidin oynayın çayırda çimenin üstündä bir horuylan bir kadınca da çayır verecek bana çimen. Bän çimeni verecäm koyuna. Koyun bana süt verecek. Bän da südü verecäm babuya, babu da kuyruumu çevirecek.

– Getirirsän bizä sedef, ozaman oynaycêz: horu da, kadınca da – ne istärsän, – cuvap etmişlär kızlar.

Gitmiş tilki kuyumcuya.

– Kuyumcu kardaşım, altın ustası! Ver bana sedef, bän verecäm kızlara. Kızlar oynayceklar çayırda çimen üstündä, çayır verecek bana çimen. Çimeni verecäm koyuna, koyun bana verecek süt. Bän südü verecäm babuya, babu da çevirecek benim kuyruumu.

– Getir bana yımırta, – demiş kuyumcu, – Bän hazırlayacam sedef, kızlara veräysin deyni.

Yok näpsin tilki. Gitmiş tauklara yalvarmaa. Nazlı seslän çeketmiş:

– Sevgili taucaklarım! Verin bana yımırta. Bän onnarı kuyumcuya verecäm, kuyumcu da verecek bana sedef. Sedefleri verecäm kızlara, kızlar da çimen üstündä oynayceklar. Çayır bana çimen verecek, bän da çimeni koyuna verecäm. Koyun bana süt verecek, bän dä südü babuya verecäm. Babu sora benim kuyruumu çevirecek, – sıradan annatmış tilki.

– Getir bizä dari da verecez sana yımırta.

Tilki gitmiş dari tarlasına da başlamış yalvarmaa:

– Tarla, tarlacık! Ver bana dari. Bän dariyi tauklara verecäm, onnar bana yımırta vereceklär. Yımırtaları kuyumcuya verecäm, o da bana sedef verecek. Sedefleri kızlara baaşlayacam, kızlar da çayırda oyun oynayceklar. Çayır bana çimen verecek, bän dä çimeni koyuna verecäm. Koyun bana süt verecek, bän dä südü verecäm babuya, babu da benim kuyruumu çevirecek.

Tarla cuvap etmiş tilkiyä:

– Getir bana su, yısla beni da sora verecäm dari. Gitmiş tilki dereyä da yalvarmış ona ölä:

– Derä, derecik! Maavi şiritçik! Ver bana su tarayı yıslamaa. Tarla bana dari verecek – taukları doyurayım. Tauklar bana yımırta verecek – kuyumcuya götüreyim. Kuyumcu bana sedef verecek – kızları donadayım. Kızlar çayırda oyun oynayceklar, şennik yapaceklar. Çayır bana çimen verecek – koyunu doyurayım. Koyun bana süt verecek – babuylan ödeşeyim. Babu benim kuyruumu verecek – tilkiyä benzeyim.

Vermiş derä su tilkiyä, tarlayı sulasın. Tarla dari vermiş – tauları doyursun. Tauklar yımırta vermiş – kuyumcuya götürsun. Kuyumcu sedef vermiş – kızları donatsın. Kızlar horu hem kadınca oynamışlar – çayırı hatırlamışlar. Çayır çimen vermiş – koyunu doyursun. Koyun süt vermiş – babuylan ödeşsin.

Babu kuyruu çevirmiş da tilki daaya kaçmış, türküsünü çalarak:

Gittim, gezdim derä boyu, Lazari, Lazari.
Derä bana sucaaz verdi, Lazari, Lazari.
Bän sucaazı tarlaya döktüm, Lazari, Lazari.
Tarla bana dari verdi, Lazari, Lazari.
Bän dariyi tauaa verdim, Lazari, Lazari.
Tauk bana gümüş verdi, Lazari, Lazari.
Bän gümüşü kuyumcuya verdim, Lazari, Lazari.
Kuyumcu kiza sedef verdi, Lazari, Lazari.
Sedefleri kızlar taktı, Lazari, Lazari.
Çayırda da oyun çıktı, Lazari, Lazari.
Çayır bana çimen verdi, Lazari, Lazari.
Bän çimeni koyuna verdim, Lazari, Lazari.
Koyun bana sütçääz verdi, Lazari, Lazari.
Südünu bän babuya verdim, Lazari, Lazari.
Babu bana kuyruu verdi, Lazari, Lazari.
Kuyruu diktim – gözäl oldum, Lazari, Lazari.

Bän da kär oradaydım. Tilkiyi izledim daaya kadar. Tilki daaya saklandı, masalcıım da patladı.



kofa – посуд для молока

maasuz – спеціально, навмисне

ayır – сором, ганьба

çimen – молода зелень

sedef – намисто

kuyumcu – ювелір

darı – просо

Tilki hem kirpi (*Gagauz halk masalu*)

Karşlaşmışlar daalarda kirpiylän tilki. Çeketmiş tilki üünmää kirpiyä kendi şiretliklerinnän, becermeklerinnän, angıları onu nesoy da olsa beladan kurtarêrlar. Bu şiretliklerinnän tilki yaparmış herkerä, ne istäärmış.

Kirpi seslemiş, nekadar seslemiş, da bitkidä demiş:

– Sän üunersin, ani sendä üz şiretlik varmış, herbir beladan kurtulmaa deyni, ama bendä, zavalıda, sade bir fikir, angısı brak-mêér bän da kaybeleyim.

Tilki bakmış kirpiyä üusektän da akılca düşünmemiş kirpi için kafadarca.

– Acan gidecez avlanmaa, ozaman da belli olacek, kim ne becerer, – demiş kirpi.

Tilki kirpiylän gidecääzaman baas tutunmuşlar da yollanmışlar küyüä dooru. Etişerlär küyüün kenarına da durgunêrlar bir dermenin altında. İlkin lääzimmiş gitsin, baasa görä, tilki, göstersin kendi beceriklerini.

Tikli gider küü içünä avlanmaa, kirpi da kalêr dermenin altında. Tilki hırsızça gezärmiş auldan-aula iki tarafa bakınarak. Ya çorbacı vakıtlan duyer şiret tilkiyi da koolêér, ya köpeklär takışêrlar ardına...

Pek tilkinin canı acıyarmış, ani uyduramêér işini da döner gegeri, nicä deerlär, boş ellän. Bitki kümesä hızlandıyan girmää, may köpeklär kuyruunu koparmamışlar, ne kalmış paralasınnar... Döner dermenin altına boş hem aaç. Kirpi ona taa karşıdan sormuş:

– Nicä, kumişa, idin mi taucak?

Tilki ölä cuvap vermiş:

– Birerdä bişey kısıramadım. Hererdän kooladilar.

Ondan sora annatmış tilki kirpiyä hepsini sırayca, nicä onu çorbacılar hem köpeklär kümeslerä hiç sokultmamışlar da.

– Sän küü içindä gezärkän, bän buldum burada, kumişa, bir parça slanina, – demiş kirpi, – ama bän iyämedim onu, neçinki horuç tutêrim.

– Ya ahmaa, – demiş tilki. – Bän bulaydım, kär horuç ta olsun, hep okadar iyeceydim.

– İstärsän pek, – demiş kirpi, – sän şindi dä var nasıl bunu yapısın. Gel benim ardıma, bän sana gösterecäm da var nicä iyäsin.

– Göster taa hızlıca, – yalvarmış aaç tilki.

Dermenin çorbacısı koymuş dermenä yakın bir kapan, ama içünä koymuş gözäl kokan bir parça slanina. Haydut tilki, gördünän slaninayı, korunmayı da unutmuş. Uz slaninanın üstünä dorulmuş da kapana düşmüş. Ondan sora, açan kapan kapanmış, kirpi korkusuz almiş slaninayı da çetketmiş onu tatlı-tatlı imää. Tilki bakarmış bir taraftan, nicä kirpi iyer slaninayı da annaya-mazmış.

– Ya seslä, dostum, – demiş tilki. Sän bana dediydin, ani horuç tutarmışın, ama şindi iyersin o slaninayı, sansın aftaylan imemişin. Nicä bunu annamaa?

– Vakit geçti, horuç da bitti, – demiş kirpi.

– Yardım etsänä, dostum, kapandan kurtulayım, – demiş tilki.

Kirpinin aklısına gelmiş bu vakıt, nicä tilki üünärmiş o üz fiki-rinnän-şiretliinnän da demiş:

– Ee, sän yok mu nicä üzdän bir fikirciini kullanasın, ayırıp kalanın içindä, da kurtulasın kendin?

Kirpi o vakıdadan artık slaninayı imiştı da yaalanarmış. Hazırlanmıştı artık geeri dönüsää, açan genä işitmiş tilkinin acıdan mizlemesini hem yalvarmasını:

– Bişeycik aklıma gelmeer acıdan, – demiş tilki. – Yalvarêrim, yardım et.

– Bendä sade bir fikir var, – genä gülümseyeräk, tok karnına, demiş kirpi.

– Da şindi bän benim fikirimnän sana akıl mı vereyim? Sade üünüsää becerersin!

– Üret, – taa bir kerä yalvarmış tilki. – Nekadar yaşayacam – öünü gezmeyecäm.

– Ee, hadi ,ozaman seslä, – demiş kirpi. – Sabaa, açan dermenci gelecek, sän yapın ölü. O açacek kapanı, tutup kuyruundan, seni bir tarafa sibidacek. Tä ozaman taa hızlıca kalk ta kaç. Taa da üüner: üz fikirim var...



üünüsää – хвалитися

baas – суперечка

yaalanmaa – облизуватися

kapan – капкан, пастка

Çiftçi hem karımcıca (*Gagauz halk masalı*)

Gidärmiş yolca bir çiftçi da buluşêr o karımcylan, angısı sürüyüärmiş ekin tenesini. Şaşmış çiftçi da sormus:

– Neçin sän, karımcıca, teneyi sürüyersin?

– İmää deyni.

Durgunêr çiftçi da genä sorêr:

– Neçin senin kafan büktür?

– Akıllı deyni, onuştan da büük.

– Ama arkan neçin bukadár genişstir?

– Kaavidir, bu üzerä o geniş.

– Ama neçin senin belin pek sıkı baalı?

- Az iyerim deyni.
 - Çok vakıda mı etecek sana deyni ekin tenesi?
 - İki yıla.
- İnanmamış çiftçi. Kararlamış o baksın, dooru mu söledi karimca. Getirer karımcayı hem ekin tenesini evä, koyêr onnarı bir toprak çölmää da kapadêr onu. Hem da baalêér kapaa partalcıklan – bolay çıkışın karımcı çölmektän.

Geçer bir yıl, ikincisi aykırlêér – unutmuş çiftçi karımcı için. Aklına getirer, açan geçmiş artık üç büyük yıl. “Eh, – düşüner o, – kaybelmiştir karımcı.”

Alêr toprak çölmää, çözer kapaanı, aktarêr çölmää başsaşa masa üstündä. Da ne sanêrsiniz? – düşmüş çölmektän karımcı hem tenenin yarısı.

Bükmüş çiftçi kafasını birkaç sıra.

- Nesoy bölä oldu? – sormuş o? – Sän kentin dedin, ani ekin tenesi etecek sana iki yıla? Ama imişin sade yarısını onun?
- Kafa verilmiş bizä onuştan, ani düşünmää onunnan, – cuvalamış karımcı. – Sän beni toprak çölmeendän üç yıldan zeedä tuttun: eer bän iyäydim ekin tenesini iki yılda, öleceydim aaçlıktan kapanda.

Şaş-beş olmuş çiftçi karımcı kafalıından da kolvermiş onu git-sin.



egin tenesi – зерно

toprak çölmää – глиняний глечик

Nikolay Arabacı (1893 – 1960)



O bir talantlı adamdı, duudu Kiriyet küyündä, Çadır dolayında, 1893 yılında. Geçindi 1960-inci yılın başlantisında Moskovada. Yazıcı, poet, bilgiç hem pedagog. Arabacı Nikolay, ilk gagauz yazıcılarından biriyidir. Duudu hem büdü bir pek fukaara kirietli çiftçi aylesindä. Küçüktän bildi zor yaşamayı, aaçılı, ama hep küçüktän pek havezi vardı çok iş üurenmää. Küüdeki birklaslı iki yıllık şkolayı bitirmiş. Bobası, fukaaralaa bakhmadaan, verer Koli oolunu Komrat Real uçılışesinä. Edi yıl, pek islää üurenip, 1961-nci yılda o girer Harakov üniversitetinä fizika hem matematika fakultetinä, sora üürener Moskvada Gündusu dillerin institutunda. Otuzuncu yıllarda işler Türkiyada, Stanbulda. Sora yaşamاسının bitkisindä o çalıştı Moskvada üusek şkolalarda.

Açan 1957-nci yılda Moldovada hükümeti gagauz dilin alfabetini kabul etti hem şkolalarda ana dilindä üürenmeyi karar verdi, Nikolay Arabacı büyük havezlän çalıştı başka bilim izmetçilerinnän barabar ilk şkolalar için gramatika kiyadını hazırlamaa. Hep ozamannar yazdı poemasını “Bizim Drumi”.

Bizim Drumi

1.

Çoktan yaamur bulutları
Gökü, ayı heptän örtmüştü.
Gecä yarı horozları
Şindän bizim küyüdä ötmüştü.

Raat uyêér yorgun insan.
Bu geç vakıt salt uyumaz
Küyüdä sin-sin gezän bir can:
O saklanır, o açılmaz.

O dolaya bakınarak
Bir aula girdi deyneklän.
Köpek ona pek salarak,
Sısıp çüdü büük sevinmeklän.

Bu köpek salmasından
Manol amuca uyanmıştı,
Pençereyä urmasından
Birdänbirä kär şaşırılmıştı.

Manol donca yavaş kalkıp
Biraz durmuş korkuyan,
Ama pençereyä bakıp
O tanışmış komuşusunnan.

Kapu taa o saat açılmış.
Ahıp musaafiri kucaklan
Manol patadan taşımış,
Zerä büük dostmuş bu kaçaklan.

Bu musaafir beş yıl geri
Bir düüs̄ çeketmiş rumınnarlan.
O Bucakta çiftçileri
Çaarmış cengä okupantlarlan...

Düşmüş Doftan zindinina...
Ştä Partiyanın yardımının
Kaçip, gelmiş karısına
Hem laflanmaa ii dostarınınan.

Ona bu büyük niet elverir.
O nunaya gelmiş bu nietlän
Salt zavalı o musaafir
Bu gün buluşmamış kismetlän...

Laf çeketti Manol kendi:
– Boban, seni aldıktan sora,
Çok kötektän tez geçindi...
Anansa, hem eşin Tudora,
Açan rumin candarları
Sizä gelip taraşlamaklan
Soymuştu lift altınları,
İki candar kesti nacaklan...
Kalan candar onnarı
Birdän urdu tüfeklän...
Ama rumin candarları
Şindi gezär ürkük üreklän.

Oolun hem kızın kurtuldu.
Hısimnar, diil yabancılar da,
Hep onnara yardım oldu...
Pek akıllıyıdır uşaklar da.

Da Drumi salt onu sormuş:
– O candarlar da diişmiş mi?
Onnar büün kaç kişi olmuş?
Hem „Sektıya“ ordan geçmiş mi?

Bunu sorup ta eklemiş:
– Onnarlan bän dä bilişirim,
Küydä yapamasam çok iş
Baarli onnarlan ödeşirim...

Manol demiş: -O postta var
Bir ii hem faydalı adam da,
Var bir kula candar Vakar,
Bizdä pek zor olduu zamanda;

Birkimseyi almaa izin
Eer bir o „sek̄tiyada“ varsa,
O can kayıp, o diil sizin...
Ama dediim candar Vakarsa

Tez bildirir şta o canı,
Da biz bölüklän çalışırız
O gagauzu – kurbanı
Küüydän vakıtlan aşırıdırız.

– Öleysä – demiş Drumi, – sula,
Düşüncä Vakarı sarfoş et,
Bak kriçmada yatsın “Kula”.
Ona sän ruminnarı met et.

2.
O candarı Manol bulmuş
Da bu gecä içər Vakarlan,
Sarfoş Vakar tez uyumuş.
Manol kalmış bu kafadarlan.

Ansızdan gecä yarsı
Bütün küyü sarsmışdı,
Sansın top patlaması –
Da korkudan küü uyanmışdı.

Büün Drumi biraz ödeşmiş
Rumin metin candarlarınınna,
Da sora saklı görüşmüş
Kendi paalı uşaklarınınna.

Ama evdän ayrılmakta
Çıkmış bölä saklı laflarlan:
-Bän olacam diil uzakta,
Rosiyada, eski dostlarlan.

Bekleiniz, bän donecäm
Ensenmemiş Kızıl Askerlän,
Bu erlerdä örüyecäm
Bän şen türkülän hem zaferlän.

3.

Kim uuramış büün Manola
Duşman bilämäz, çıkardamaz
Kaçkın sürtmiş uzak yola.
Candar onu şindän tutamaz.

Açan candar Vakar aymış,
Da gücülä kalkmış ayakça,
İşidip: „SekTİya yanmış!“
O seslän aalamış uşakça.

Çıkıp Manol, kriçmar, Vakar –
O yangına gitmiş alatlan.
İnsan çoktan gelmiş bakar,
Bu yangına şaşmış suratlan.

Çok geçmemiş, annaşılmış“,
Ki soba yanında dururkan
Patron sandıkları daalmış—
Bu rasgeliş gecä uyurkan.

Nedän ölä da, o gecä
Yanmış dolap, tefterlän masa,
Kurtulmamış bir çekmecä –
Yanmış, ne “SekTİyada” varsa.

İki duvar salt dayanmış.
Yanmış evin direkleri dä,
Hem hepsi candarlar yanmış,
Kömür olmuş kemikleri dä.

Haliz sebepini bilir
Salt Manola gelän o kumi,
Saklı gelän o musaafir –
Halizini bilir salt Drumi.

4.

Jellat revolütioner
Çok işlemış kızgın üreklän.
Çoyu onu üzdän biler
Da karşılêér büyük sevinmeklän.
Sovetlär döndüynän, tezdä

Druminin adı yayılmıştır,
Ştä büün işleer o merkezdä,
Ama aklı küüdä kalmıştır.
Manol da hep orda işlär,
Hiç Drumiylän ayırlışmêér.
Konuşmakta eski işlär
Başlarından hiç çıkmêér.

Siz Drumiylän buluşsanız,
Taa çok annarsınız ondan.
Onunnan siz konuşsanız
Doymazsınız laflarından.

Stepan BULGAR

(1953 yıl)



Stepan Bulgăr gagauz yazarlarının ikinci pleyadasında bir kişi. Duudu 1953-üncü yılda Vinogradovka (Kurcu) köyüündä.

Bulgăr sevmiş literaturayı hem çoktan da yazâr. Yazmaa çeketmiş taa şkolada ürenärkän, küüdeki, şkola-dakı oluşları için, kendi ana tarafı için.

Gezeräk ekspediyyalarlan herbir kösesindä, Stepan Bulgăr çok eni-lıklar gördü, türlü insannarlan buluştu, zenginnederäk kendisini halkla-rın-milletlerin yaşamalarının, kültürásınınan, adetlerinnän h.b.

1988-ci yılda çıktı yazıcının kiyadı “Can pazarı”. 1989-uncu yılında tiparlandı kiyat “Canavar yortuları”. 1990-inci yılda basıldı uşaklar için “Dev adamın oolu”.

Ama onu taa çok meraklılardılar gagauzlar, onnarın kültürasi, giimneri, imekleri, folkloru. Stepan Bulgara işçä, zanaatça, bilgilerinä görä taa yakın publiştika, nicä janra. Taa çok kerä o yazâr da kendi yaratmalarını publiştika stilindä.

Stepan Bulgăr tiparladı çok artistik annatmalarını hem publiştika yazılarını “Sabaa yıldızı” jurnalında. Büünkü gün çalışêr Gagauziya M. V. Maruneviç adına Bilim-aaraştırma merkezdä istoriya-etnogra-fiya Bölümü başkanı.

Bulgara, nicä dä başka talantlı hem çalışkan bilim hem literatura za-naatçılara, yaptıkları için verdilär üusek bir titul: “Gagauziyanın say-gılı vatandaşı”.

Üüsüz çocuk



Bir vakıt varmış, bir vakıt yokmuş. Zaman zamandaykana, başak samandaykana, dädu sallangaçtaykana, küyüün birindä yaşarmış bir çocuk. O çocuk üüsüzmüş. Yokmuş onun ne anası, ne bobası. Ne yapşın? Yannaşêr bir zengin çobana strungar. Yardım eder otlatmaa koyunnarı.

Bir gün çoban brakêr çocuu yalnız otlatsın koyunnarı, kendisi da gider panayıra. Vakit sa güzmüş, taman razgeler Canavar yortuları da yabanılar gezärmişlär kırlarda, aararmışlar, kimä zarar yapmaa.

Çocuk sa aydêêr koyunnarı otlatmaa tolokaya hiç korkusuz. Ya-vaş-yavaş, otlayarak, koyunnar etişerlär islää otlara. Koyunnar ot-larmışlar, çocuk ta oturêr bir ceviz aacın altında. Bir da yaamur başlamış cisemää. Çocuk sarılmış yaamurluk içänä da hiç anna-yamamış, nicä uykuya dalmış. Acan uyanêr da bakêr, koyunnar yokolmuşlar o erdän.

Ne yapsın çocuk şindi? Başlêêr aaramaa hayvannarı, ama birerdä hiç yokmuşlar. Gider-gider çocuk da görer, ani nesa uzakta bi-yazêr. Canı sevinmiş çocuun da ne kaçabilärsä etişer o erä. Ama gözleri onu aldatmıştı, o görmüştü biyaz taşları.

Oturêr çocuk erä da başlêêr aalamaa. Ama hep umut brakmaz-mış onu da girişer kaçınmaa iki tarafa, tırmaşêr yamacın üstünä, ama genä bişey görâmeer. Sansın er içänä girmişlär o koyunnar.

Vakit geç olêr. Tombarlak ay göktä yukarı çekêr. Aaçlardan hem yamaçlardan erä düşer uzun gölgelär... Uzakta sa canavarlar ulu-yarmış. Çocuk çıkarêr torbasından bir çörek da, oturup, iyer onu. Bulutlar kaydıynan bir tarafa, ay aydînnadêr dolayları. Bir da baksa çocuk... onun yanında peydalanêr bir topal canavar. Çocu-un korkudan kesiler ayakları. Canavar yaklaşêr ona da deer ölä:

– Çocuk, bän bilerim, sän koyunnarı aarêêrsin, ama aarama, boşuna, bulmaycan.

– Kimsin sän? – sorêr çocuk.

– Bän – Topal Canavar, geldim ecelini söyleyim.

– Buyur, sölä...

– Sän yok nasıl dönäysin geeri, zerä çoban seni öldürecek.

– E, neçin, ya? – sorêr çocuk.

– Biz, canavarlar, kestik çobanın koyunnarını o beterä, ani o bizi, canavarları, bişey saymadı. Çoban bizim yortumuzu tutmadı. O büün koyun kesti, kaurma yaptı, sarfoşluk etti, koyunun derisi ni da sattı. Ama, ani koyunnarı biz aldık çobandan, kabaatlı seni bulacek. Çocuk! Gitmä tırlaya, zerä çobanda keskin bıçak, seni ke-secek.

Söleer bunu Topal Canavar da kaybeler çocuuн önündän. Çocuk ta, alıp başını, gider, nereyi gözleri görärseydi.



üüsüz – сирота
strungar – підпасок
umut – надія
ecel – доля
tırla – загін для овець

Devlet kuşu*

(*Kisaltma*)

İlk bölüm, neredä Kazır-padişaa olêr sırtmaç.

Bir vakıtlar varmış, bir vakıtlar yokmuş. Bir gün Kazır-padişaa giimiş çiftçi rubalarını da demiş karısına:

– Mari, bän gidecäm da bakacam, nicä yaşêêrlar insannar be-nim padişaalmışda. Kimseyä sölämä, nereyi bän gittim. Annadın mı?

Padişaa çıkmış sokaa da gitmiş. Gezmiş o kasaba içindä, bak-mış panayırı, dolanmış sokakları... Bundan sora almış bir çift öküz hem bir taliga. Oturmuş padişaa taligaya da aydamiş öküz-leri kır yolundan.

Avşam üstü Kazır-padişaa etişmiş bir pınarın yanına da dur-gunuş orada.

İnmiş taligadan, içmiş su, sulamış hayvannarı. Sora yatmış aaç altında da uyumuş. Öküzlär dä yanında yatmışlar erä.

Kazırın düşünä gelmiş onun görgüsü da sormuş:

– İsteersin gençliindä mi olsun, osaydı ihtärlînda mi taman-nansın?

Bu soruştan Kazır-padişaa uyanmış da demiş:

– Ko gençliimdä olsun.

Açan padişaa bunu demiş, neçin sä canına aar gelmiş. Kalkmiş da görmüş, ani onun öküzleri tutuşmuşlar da yanarmışlar.

Ne yapsın padişaa? Kurtaramamış öküzleri. Çıkêr yola da gi-der yayın kasabaya dooru. Gider, gider padişaa, etişer kasabaya. Bir dä baksa, onnarın evleri yanêr. Bütün kasaba kalkmişti aya,

ama padișaa orada yokmuş. Hepsi yanmış, ne varmiş ev içindä. Kär padişaayın rubaları da yanmışlar. Kendisini Kazır-padişaayı kimseycik tanımadı o çiftçi rubalarının. Askercinin biri ona bir dä tepmä urmuş, koolamış onu bir tarafa. Karısını hem iki oollarını da koolamış konaktan. Kazır, alıp başını, gider kasabadan.

Ertesi günü Kazır-padișaa bulmuş karısını hem iki oolunu kasaba kenerında da demiş onnara:

– Gidecez aşırı padişaala da orada yaşayacez, burada bizi kimsey tanımêr.

Karısı kayıl olêr. Oolları da kayıl olêrlar.

Giderlär, giderlär da durgunêrlar bir küüdä. Orada Kazır yanmış sırtmaç işlemää. İnsannar ödeşärmışlär Kazırları ekmeklän hem sütlän. Da tä butakım onnar yaşayarmışlar.

Her sabaa, kalkıp, Kazır urarmış sîra hayvannarı. O çalışarmış ineklär tok olsunnar, yaparmış ölä, ki hayvannar da, insannar da onun işinä memnun olsunnar.

Günün birindä inäään birisi evä dönmemiş. Saabisi geler da başlêer süümää onu, türlü-türü fena laflar sölemää Kazıra. Neyä Kazır cuvap etmiş:

– Hepsini inekleri insannar aldilar. Git ta bak, olmalı senin inäään da evdä.

Açan adam dönmüş evä, baksa, onun inäää damda bulunarmış. Bu adam alêr yanına para da gider geeri, söleer sırtmaca:

– Sırtmaç, prost et beni, bän dooru sölämedim. Na sana para çalışman için.

Kazır ona ölä cuvap etmiş:

– Bu paralar bana haram. Şindidän sora onnar bana diil lääzim. Var nicä ineeni kendin güdäsin.

Bundan sora Kazır-padișaa brakılmış sırtmaçlıktan da gitmiş o küüdän. Onunnan barabar giderlär karısı hem oolları da.

Giderlär onnar bir uzun daa içindä. Giderlär-giderlär da yolda iyeler, ne varmış onnarda. Açılan biter imekleri, başlêêrlar imää kırda ot, pişirerlär mantar, yaamur suyu içerlär... Ölä artık kaybeleceymışlär, ama bir aydan sora daa içindä buluşêrlar bir däduylan. Kazır-padișaa sorêr ona:

– Dädu, nasıl çıkalım bu daa içindän?

Dädu cuvap eder ona:

– Gidin uz te bu patekadan da çıkışınız bir yola, o yoldan gideceniz da etişeceniz bir küyüä.

Sora dädu sorêr Kazıra:

– E kimsin sän?

Kazır sölameer ona, ani o padișaa, ama sade annadêr, ani o iş-lemiş suirtmaç, da nasıl brakmiş işi, da nicä şindi hemen daada kaybelmişlär aylesinnän. Dädu deer ona:

– Bilersin mi ne, ya gelin benim evimä da yaşamın birkaç gün, zerä siz yolda var nasıl düshasınız da öläsiniz.

O dädu alêr onnarı kendi evinä da doyurêr islää. Pişirmiş onna-ra iki tavşam, doyurmuş arı balınnan, kaynatmış hoşaf. Bundan sora Kazır hem aylesi gelmişlär kendilerinä.

O dädu yaşayarmış daada yalnız da kullanarmış başçivancılı. O büüdärmış aulunda türlü zarzavatlar: laana, morkva, patlacan, biber...

Kazır söleer däduya:

– Üüretsänä beni dä bu zanaata, zerä benim yok zanaatım da şindi bilmeerim neyä yamanayım da aylemi bakayım.

Dädu deer:

– İslää. Bak, ne bän yapacam, sän da onu yap. Ozaman üürenea-n.

İkinci bölüm padişaayın karısı için.

Bir ay yaşamışlar däduda Kazır-padișaa hem aylesi. Bu vakıtta Kazır islää üürener başçivancılık zanaatını. Karısı onun, oolları kaavileşmişlär. Kazır demiş däduya:

– Saa olun, ani kurtardınız bizi hem ani zanaat verdiniz.

Dädu cuvap eder:

– Saa olun siz da, yaşamın da unutmayın, ani var osoy bir dädu.

Bundan sora Kazır-padișaa hem karısı, oolları giderlär pate-kadan da çikêrlar yola. Bu yoldan etişerlär bir küyüä. Bu küüdä Kazır-padișaa yamanêr işlemää başçivancı. Bir derenin yanında o yapêr karıkları da haşlêér laana, biber, eker sarmisak, suan. Sulêér onnarı, kazêr. Ona yardım edärmışlär karısı hem oolları.

Geçti ilkyaz, geldi yaz. O toprakta, neredä yapılmış karıklar, büüerlär islää laanalar, morkvalar, suannar, patlacannar. Hepsi insannar mayıl olarmışlar, ne islää zarzavatlar büütmüş bu baş-çivancı.

Bir gün Kazır-padișaa toplêér morkva, patlacan, suan sepetlerä da, koşup beygirleri taligaya, yollanêr panayira alış-veriş yapmaa. Alêr o günü yanına oollarını da. Karısına deer:

– Mari, bak, gideriz panayira, sän çalış ta çıkar suan, sula pat-lacannari. Sabaa genä panayira, olmalı, gidecez, alış-veriş läätzim yapmaa.

Karısı kalêr evdä, onnar da giderlär panayira.

Üçüncü bölüm, neredä Kazır-padişaa kaybeder oollarını.

Açan Kazır-padişaa geler panayırdan oollarının, o bulmêér karrisını evdä. Başlêér sormaa insannara da onnar söylerlär, ani görmüslär haydutları küü kenarında. Kazır gider, bakér, ama kimseyi bulmêér. Ne yapsın şindi? Düşüner-düşüner Kazır-padişaa da çıkêr yola. Oolları tutunêrlar onun ellerindän. Sirtına o urmuş bir büyük torba, orayı koymuş, ne varmış: ruba hem imää.

Giderlär onnar, nekadar giderlär, da etişerlär bir geniş dereyä. Bu derenin kenarlarında yaşayarmış daalarda türlü yabannar.

Çıkıp daa içindän derenin kenarına Kazır-padişaa hem onun oolları oturmuşlar, dinnenmişlär, imişlär bir parça ekmek. Sora Kazır-padişaa deer oollarına:

– Şindi gececez dereyi. İlkin birinizi alacam çus, sora da öbürünu geçirecäm.

Kazır-padişaa soyunmuş rubalarını da almış çus bir oollunu. Çocuak tutunmuş onun omuzlarından. Girer Kazır-padişaa su içiniä, girer taa derin. Açılan etişerlär onnar derenin ortasına, an-sizinden kalkêr bir lüzgär da dalgalandırêr suyu. Dalga düşürer ayaklarından Kazır-padişayı, oolu da düşer su içiniä. Uşaa alêr su da götürürer dooru denizä. Kendi padişaa becerärmiş üzümää, da başlêér üzümää kenara dooru. Oolunu su götürmüşt denizä. Burada ouşaa yudêr bir büyük balık.

Kazır-padişaa taman etişer kenara, açan görer, ani daadan çıkmış bir büyük canavar da kapmış onun ikinci oolunu. Kazır-padişaa çıkış su içindän da baarêr canavara:

– Hu-hu-hu!

Canavar hiç bakmêér Kazır-padişaaya. Açılan Kazır-padişaa yaklaşêr o erä, bulêr sade çuvalı. Çalışêr etişmää canavarı, ama etişämeer.

Şindi bilmeer, ne yapsın. Hepsini kaybetmiş. Oturêr erä da düşüner. Oturêr bütün gün, sora kalkêr da gider, nereyi gözleri görer.

Dördüncü bölüm, neredä topluş çaarilêr.

Gezä-gezä buluşmuş çobannarlan da başlamış onnarlan barabar işlemää.

Erken sabaalän Kazır-padişaa kalktı, koydu torbasına bir çorek hem iki dilim piinir. Sora çıktı bordeydän da dedi çobannara:

– Ha, kardaşlar, bän giderim toplusa, isteरim bakmaa, nicä eni padişaa ayrılacak.

– Git, git, – baardı biri, – bak seni ayırmasınnar! Ha-ha-ha!

Hepsi çobannar başladilar gülmää. Kazır da başladı gülmää onnarlan bilä. Bundan sora gitti ileri. Hava güneşliydi da tezdä oldu sıcak, ama Kazır durmamayca gidärdi. Acan o çıktı merkez yolu na, onu başladı etişmää geeridän insannar: kim taligalarda beygırlän, kim alatlêer eşek üstündä, kim da katır üstündä. En yaş insannar, angıları koşmuş develeri.

– Nereyi alatlêersiniz, – sordu Kazır bir adama, ani gidärdi atlı devä üstündä.

– Ne?! – şاشtı o adam devä üstündä. – Ne, bilmeersin, nereyi insannar mı alatlêerlar? Toplus toplaner, eni padişaa ayırilacek.

– A-a-a! – cuvap etti Kazır, – işittim, bän da. Bän dä giderim kasabaya.

* * *

Bir daada yatmışlar uyumaa, ama onu uykututmazmış.

Sade şindi, geçirip okadar hem zorluk, o, Kazır-padişaa, annadı, nicä läätzim adamcilään yaşamaa. Annadı, ani diil läätzim güçendirmää işçi insanı, zerä o pek zor yaşêer. Padişaalar läätzim yardım etsinnär insana, koymasınnar onu zeetä. Düşünmäklän bilä Kazır uyukladı. Onu uyandırdı develerin baarması. Sabaa şafk-lattı daayı da hepsi toplandı yola.

* * *

Kasabanın meydanında toplanmıştı pek çok insan hem asker.

Bundan sora askerlär yaptılar yol bir adama, angısı tutardı elindä bir altın kafesçik.

Orada bulunardı devlet kuşu. Kafesçik kapalıydı bürüncük peşkirlän. O adam pindi basamaklara da açtı kafesçii, alıp bürüncük peşkiri.

Beşinci bölüm, neredä devlet kuşu ayırêr padişaayı.

Acan aldilar bürüncük peşkiri, hepsi insannar gördülär kafesçik içindä devlet kuşunu. Kuş bakardı yalabık gözlerinnän, sansın aarayardı, çalışardı tanımaa kimi sä.

Kazır yaklaşmadı yakına, yıraktan siiredärdi.

– Şindi kolverecez devlet kuşunu. Kimin başına konarsa, o da padişaa olacak.

Hepsi insannar, tutup soluunu, kalktilar ayakların parmak uçlarına. Açıldı altın kafesin kapucuu da devlet kuşu alatsız yaş-yavaş basarak nicä bir padişaa, çıktı bölä. Kuş bakındı herbir tarafa, salladı kanatlarından da uçtu yukarı-yukarı, neredä gücülä görünärdi. Hepsi insannar kollayardılar onu gözlerinnän.

Uçup-uçup devlet kuşu yaklaştı erä, dolay etti meydanı, geçti ölä aşaadan, ani hemen-hemen diimedî insannarın başlarına.

Hepsi, kimä yaklaştı kuş, başladılar kendi tepelerini ellerinnän yoklamaa.

Vizirlär arada-saatta dokunardılar kendi başlarına ellerinnän: bekim, konur kuş onnarın başına.

Ama devlet kuşu dolaylandı-dolaylandı da yavaşıçık kondu Kazırın başına. Kimsey annayamadı, ne oldu. Hepsi şaştı. Devlet kuşu kondu ölä bir adamın başına, angısı giyimniydi nicä bir fukaara çoban.

Hepsi baardılar:

– Yannıştır!

* * *

Devlet kuşu çıkêr kafestän, sora ucer, dolanêr hepsini da genä, üçüncü gün sıradan Kazırın başına konêr.

– Ee, ne iş bu?! – baarınmışlar insannar, üç gün sıradan devlet kuşu kondu bu adamın başına. Sanki, kim o?

Ozaman Kazır çıkêr basamakların üstünä dä deer:

– Cümhä! Tanımêerrsınız mı beni? Bän Kazır-padişaa!

– Kazır-padişaa! Kazır-padişaa bulundu! Devlet kuşu akıllı! O tanıdı bizim padişaayı!

Hepsi vizirlär diz çökerlär Kazır-padişaayıñ önündä da yalvarêrlar prost etsin onnarı, ani osaat tanımadılar kendi padişalarını.

Kazır-padişaa demiş:

– Prost ederim hepsini, ama prost etmeyecäm şindidän sora kimseyi, angısı gücendirecek insannarı.

Bundan sora Kazır-padişaa gider kendi konaana, orada yıkanêr, paklanêr da giiner padişaa rubalarına. Sora verer izin toplansın-nar hepsi o adamnar, angıları onun padişaalık gündündä askerlik etmişlär.

Altıncı bölüm, neredä Kazır-padişaa topleér aylesini

Kazır-padişaa izininä görä toplanêr onun askeri. Onnarın arasında bulunarmış te o zengin adam da, angısı kurtarmıştı bir vakıt padişaayıñ karısını haydutlardan. İşittiynän, ani Kazır-padişaa bulundu, o zengin adam koşêr beygirleri taligaya da getirer onun karısını padişaayıñ konaana.

Açan Kazır-padişaya söleerlär, ani getirmişlär onun karısını, o ilktän inanmamış. Ama sora demiş:

– Geçirin benim karımı konak içinä.

Padişaayıñ yardımçıları geçirerlär içeri onun karısını. Karısı, gördünän Kazırı padişaa rubalarının, başlêér aalamaa da sorêr:

– Padişaayım, neredä kaldı bizim oollarımız?

Kazır-padişaa annatmış:

– Sän bilersin mi, ne oldu?

Açan haydutlar kapmıştılar seni, bän aldiydim oollarımızı da gittiylim seni aaramaa. Ama, suyu geçärkän, bir oolumuzu büyük balık yuttu, ikinci oolumuzu da canavar kaptı.

Büyük kahır kalêr karının canında.

Geçirerlär kariyi onun içerlerinä, yıkêêrlar, giidirerlär onun gözäl rubalarını. Seviner insan, ani bulunmuş padişaayın karısı da.

O zengin adam, angısı getirmiştî padişaayı karısını, olêr asker başı. Onu padişaa inanêr da verer izin toplasın eni askerlii. Asker başı yollêêr kendi yardımçılarını gitsinnär devlet içünä da toplaşınnar genç çocukları askerlik etmää.

Bir gün getirerlär askerlää iki çocuk. Asker başı çaarêr ilkin birisini da sorêr ona:

– Annat, kimsin sän, kimin ooluysun.

Çocuk annadêr:

– Bän bilmeerim, kimin ooluyum, ama insannar annadardılar bana tä ne. Bir kerä balıkçılar çıkarmışlar süzmäylän bir büyük balık, ani yutmuştu bir vakıt beni. Balıkçılar söleerlär o balaa: "Kus, kus, kolver usaa içindän!" Da balık kusêr beni. Ölä dä kaldım balıkçıların içindä. Ozaman bän dä balıkçı oldum. Şindi işittim, ani padişaa toplêêr kendinä eni askerleri. Bän dä esap ettim gideyim da izmet edeim bizim padişaamıza.

Asker başı kolverer balıkçıyı da çaarêr ikinci çocuu. Sorêr ona:

– Annat, kimsin sän, kimin ooluysun.

Çocuk annadêr:

– Paalı asker başı, bän bilmeerim, kim benim bobam, ama insannar annadêrlar, ani beni kurtarmışlar canavardan. Şu yabanı beni kapmıştı da daa içünä çekärmış. İnsannar nası-nicä kurtarmışlar beni. Sora onnar beni büütmüslär. Şindi işittim, ani padişaa toplêêr kendisinä eni askerleri da istedim izmet edeyim onun askerindä.

Asker başı sesleer onu da kolverer. Sora gider Kazır-padişaaya da annadêr ona bu çocuklar için. Bu vakıt girer padişaayı karısı da, işidip bu annatmayı, baarêr:

– Tez çaarın çocuklar burayı, onnar benim oollarım.

Padişaayı yardımçıları hızlı geçirerlär çocuklarikonak içünä. Ana-boba osaat tanıyêrlar oollarını. Hepsi, kim varmış yannarın-

da, sevinmektän aalayarmışlar. Sevindi insannar da, açan bilindi, ani padişaayın oolları bulundu.

Kazır-padişaaya çalışarmış osoy kullanmaa padişaalı, ki gücen-dirmemää insannarı. Onuştan insannar gelärmişlär hojma ona da danişarmışlar kendi zorları için.

Bölä olmuş Kazır-padişaayın yaşaması. O padişaa çok yıl yaşa-mış, çok islähk insannara yapmış. Onun oolları olmuşlar anıl-mış asker başları. Padişaayın karısı yardım edärmiş fukaaralara. Kim gelärmiş, kär çoban, çiftçi olsun – Kazır-padişaa kabledärmiş. Onuştan onu büün dä insannar akllarında tutêrlar. Masal da bitti.

*Gagauz halk masallarına görä yazdı
Stepan Bulgar*

Nikolay Baboglu

(1928-2008)



Nikolay Baboglu duudu Çadır dolayın Kıp-çak küyündä hederlez ayin 2-dä 1928-ci yıld-a bir çiftçi aylesindä. O uzun yaşamásında çalıştı üüredici da, şkola direktoru da, Üüredi-cilik Ministerliindä Bakan yardımcısı da. Ni-kolay Baboglu- gaguzların anılmış şairi hem yazıcısı. O yazdı büyüklerä hem küçüklerä dey-ni 20 üstünä artistik, sözlük, şkola kiyatları hem bir da pyesa “Mumnar saalik içün”.

Nikolay Baboglunun pek gözäl dili var, çünkü o kendi yaratmala-rında ustayca kullanêr halkımızın artistik kolaylıklarını, yazêr ölä, ani okudukça taa çok okumaa seversin onun yaratmalarını.

Nikolay Babogluda var şiir hem proza toplumnarı. Ama büyük, üusek ustalık uuruna çıktı avtor kendi proza yaratmalarının.

Eski adetlär batêrlar

Bu işlär oldular, açan klublar artık çekettiydilär, ama horular taa heptän kaybelmediydilär.

Trandafillerin Manisi batüsunnan cumertelerindä hem pazar-larda gidärdilär kluba, ama komşuykaları Kalın Ankaların kızları Paresa hem kızkarداşı Oli hep taa vazgeçmäzdilär eski adetler-dän: sidänka otururdular hem horulara gidärdilär. Bu kızlar da, beki, hanidän çekedeceydilär eniyä yaşamaa, ama sakınırdılar anasından.

Kıystırmaya-kıystırmaya bir kerä sordular mamusuna:

– Mamu ma, biz dä isteरiz gidelim kluba.

– Çok lääzim sizä te o “klup”, ne kaybettiydiniz orada? Hem ne bän sizi içerdä kapalı mı tutêrim? Gidersiniz sidänkalara, horuya – eter!

– Horuya, horuya! – eltendi desin Oli. – Orada kaldı beş-on kişi, kalanı hepsi kluba giderlär. Kalın Anka duyardı çoktan, ani onun da kızlarını bu pıstie kalacaa “kulp” çececek da te artık o gün geldiyi. Karı hiç istemäzdi kolversin uşaklarını orayı, ama bilmäzdi da nasıl karşılaşın.

– Beki dä az kaldınız horuda, – dedi o, savaşarak olmasın pek kanırık, – ama o “kulup” da, uşaam, hiç belli diil naşey, antihrist-lär orada, kızım...

– Ölä, ma mamo, karşıtı büyük kızı Paresa da, – te komşuyka Mani gider er sıra kluba. Ne gözäl kısa etekli yubkacıkları giiyiner, orada da “girmoşka” çalarmış, varmış çok çocukların... Ama bizä sidänkalarımıza çocukların başladılar hiç uuramamaa, yok kim bir çirtma da çalsın. Oturêriz sansın ölüyü bekleeriz...

– Çocuklarda da okadar akıl. Ne cendem bulêrlar o meret “kulpta”, şeytan bilsin! Sizä dä ne lääzim çocuk? Şennenin kızlarlan hem iş yapın.

– Biz iş da yapêriz, ma mali, – genä dedi Oli, – diil mi bir yïvin yapaa dittik, taradık şindi da onnarı iplää işleeriz. Ama evel çocukların gelirdilär, çirtma-kaval çalardilar, gözäldi, ama şindi se gelmeerlär, kluba gidärmişlär... Kolver bizi da aalemnän bilä ola-lım.

– Durun, – dedi Kalın Anka, – ilkin bän kendim, gidip-göreyim, naşey olduunu o “kulp”, da ondan sora bakacez...

Ertesi günü cumertesiydi, avşammen kluba toplaşındı gençlär. Kalın Ankaların yanında geçärdilär komşuların kızı Mani batüsunnan, gidärdilär kluba. Çocuk, delikanni giimniydi eni koyu-maavi kustumnan, boynusunda vardı bir düümük, “galstuk” deyärmışlär ona, ayaanda da emenileri yalabirdilar. Kızkarası Mani dä, ektiyka, ani tavandan atlamadaan, sayılır batüsü evlen-medäään, hiç düşmäzdi içerdän burnusunu çıkarsın, takışmış o da “kulp” görmää, çembersiz, başkabak, o pirgalarını kolvermiş taa omuzlarına, ardına da çıkilamış bir endezelik yubkaylan, ayaklarına da giimiş iki enser ökçeli emeni – fiş-fiş! gider burularak... Alın – görün taazä delikanni, onun gibisi başka yok, “kulbu” da pek kusurdu!

– Sauş, mari! – dedi aklınca Kalın Anka da başladı giyinmää, söleneräk: “Gidip – göreim bän kendi gözümnän, nasıl eni moda çıktı bu “kulplar”. Neçin okadar çeker bu gençleri orayı?”

Anka babu geçirdi çit fistanının üstünä mor sızgıcıklı geniş çukmanını, yakalarını iliklärkän erleştirdi boncuklarını, sedeflerini, sora o darttı kara çemberini, ayaklarına da geçirdi aba terliklerini da hızlandı kluba.

Klubun içersi genişti, meydannıydı, ama gençlär taa hepsi toplanmamıştılar. Kalın Anka iilik-iilik girdi da bakındı. Karşında stenada Yanakoolu Todinin çocuu Goşka garmoşkasının brinna-dırdı – bezbelli, denärdi sesini. Hep orada vardı bir dä daul, ama daulcu yoktu, sora o da geldi.

Kalın Anka durardı seçilmedik duvar boyunda da savaşırda kaçırmasın bişeycik görülmedik. O bir orta yaşıta kariydi, ama baktıynan giyiminä – haliz seksenni babu gibiydi. Sırtında çukmanına okadar çok materia gitmişti, ki olsundu onu enidän kessinnär, vardı nasıl taa bir zabunca insana da çıksın çukman. O kara çemberini dartmıştı tepedän, görünürdü sade burnusunun ucu hem şılardı gözleri, sansın mum imiştı...

Kluba hep taa gelirdi gençlär. Taa çoyu çocuklar, ama vardı oyanda-buyanda birär dä kız. Kalın Anka bakardı komşu kızına Maniyä. O bir tarafta girmişti yalnız çocukların arasına da gülärdi orada kılbıklanarak, sansın hiç aalem arasında diildi. İki-dä-birdä bir gülüş koparıp, kafasının atardı o “elelerini” omuzlarına, nicä tabeetli beygırlär. “Utanmêér, kör olaca, bölä sakın-madaan erkeklerin arasında kılbıklanmaa, – üfkeli dedi aklinca Kalın Anka. – Taa da fırlatmış o öndüñä karpuzlarını, ne kalêr uçlarından çocukların güüslerinä dokunsun!”

Kalın Ankanın bu fikirlerini kopardı muzıka. Yanakilerin o Goşkası çalardı “girmoşkasında” gözäl, ama açan o daulu paysın ettilär sıkı-sıkı hem okadar hızlı düümää, sansın istärdilär dünneyi saar etmää, okadar çirkin lumburdadırdılar. Çocuklar alırdılar kızları oynamaa. Çıktı ortala beş-on çift da dönärdilär, nicä pırıldak. Skemnelerdä kaldıydılar sade çocuklar – kız hepsinä etişmäzdi. Taa sora başladılar çocuklar çocuklarla oynamaa. Duvar boyunda, kapuya yakın skemnedä kaldı yalnız Kalın Anka.

Birtürlü annayamazdı Kalın Anka, nasıl bu çocuklar, kızlar diiştirdiydilär gözelim horu adetlerini, ani ne gözäl olurdular dışarda pak solukta, bu meret “kulp” oyunnarına. “Ele bak sän, be canım, çocuklar hiç birisi dä anteri giimemiştilär, ama hepsi asmıstılar boynularına birär düümüklü parça, pak şiltä gibiydi onnar. Çünkü o pek gözälmiş...”

Ama kızlar!.. Anka onnara taa çok maana bulurdu. Ne aarardı onnar gecä erkeklerin arasında? O fistannarı da dizlerindän yuka-

riydlar, daracacık nicä çıktı, açmışlar butlarını, sarkıtmışlar saçlarını... Korkasın!

“Horu! – sayıklardı Kalın Anka. – Te haliz gözellik, eski dedemizdän kalma fikirli adet. Kızların başları dartılı biyaz püsküllü şalinkalarlan, fistannar geniş, uzun. Oynarkan da kadıncları hem horuları, gözäl durêr hem görürer, ani insan giiyimni. Horuda kızlar, çocuklar göz öndüä – hepsi bulușmaklar olêrlar gündüz. Bu “kulupta” sa kapanmışlar ihtarlardan bir tarafa gecä yarı-karannıktan delikannılık yapérlar...” Ölämiydi bizim delikanlımız?” – sordu kendi-kendinä Kalın Anka da üfkesindä istedi kalkıp-gitsin, ama sora bir aklı kolvermedi, “Gelmişkän baari göreyim hepsini” – düşündü da oturdu erinä.

Çalgıcı durdu da yorgun oyuncular kaçınırdılar birär er kapla maa skemnelerdü. Kalın Ankanın da yanına oturdu Mani bir çocuklan yannaşık, onunnan, ani barabar oynadıydılar.

– Ne, Anka bulü, sän dä mi kluba geldin? – sordu Mani.

– Geldim, kızım, dedim, ölmädän, göreyim, nasıl eni adetlär çıktı.

– Lääzimdi kızlarınızı, Paresaylan Oliyi, yollayasınız, siz sä kendiniz gelmişiniz.

– Yok, kızım, bän hiç istämeerim sizi bölä erä kolvereyim. Onustan da geldim, zerä ikidä-birdä onnar da her isteerlär “kulba”. Ama bän dedim: “Durun, kızlarım, ilkin kendim gidip göreyim, da ondan sora, varsa neyä, olur sizi da kolvereyim. Ama nasıl görem, ayol, hiç yok neyä...”

Muzıka enidän çeketti çalmaa bir sıkı-sıkı ava, angısını Kalın Anka seftä işidirdi. Mani kurtulsun taa tez bu lafçiykasından dey ni, kalktı da çıktı ortala, orayı oyuna çıktı taa beş-on kişi kız, çocuk. Onnar başladı bükülüp – yamulmaa, sora sallanmaa, ensele rini burmaa, titiremää, pak sansın onnara şeytannar görünürdü...

Kalın Ankaya okadar zor geldi bu delilik oyuna bakmaa, ki kafası başladı dönüp.

– Allahçüm, Allahçüm, acaba taa nelär var bizä görmää bu ay dinnik dün nedäl – sordu o Allaha da sora esapladi, ani bu gençlär, beki dä, diil heptän deli, ama onnara, oynarkan, olmalı, şeytannar karışır pak nicä delilär...

O çıktı klubtan, evä gidärkän, aklınca dedi:

– Boşuna biz paralanêriz, eni adetlär şaşkının mı onnar, delilik mi, hep taa kaavileşerlär, ama eskilär, yazık, ani çoyu artık battılar, kalani da, istär-istemäz, batêrlar...

Petri Çebotar

(1957)



Petri Çebotar talentlı yazıcı, yazēr şiir da, annatma da.

Çalışēr Moldovanın Bilim Akademiyasında.

Anılmış dil hem literatura ustası.

Sever yazıcı gagauz folklorunu hem Hoca Nastradinin cümbüşlerini.

Vasilka babunun kaazları

Bir avşam, geldiynän evä, Vasilka babu gördü aul içindä bir çirkin resim: onun kaazları ölüydülär. Hepsi onbeşi!

Babu aar yutkundu. Onun çıktı aalaycaa. Şaka mı demää – onbeş kaaz. Nekadar em idilär, nekadar zaamet gördülär! Belliydi, ani kaazlar nerdesä otalanmışlar. O sabaa onnar şen geçirdilär çorbaciykasını işä, şindi sä, kımıldanmaz, sansın biçilmiş, daanık yatardılar kapu önündä calmardan tokatlaradan. Bir çala babuya göründü, sansın kaazların biri, en kaavisi, taa can vermemiş. Da haliz: kaaz uyku semesi gibi gerindi, kaldırıldı kafasını, bakarak tunuk gözünnän nereyisä bir tarafa, da sora kuvetsiz kaçırıldı kafasını erä...



Büyük kayıp, ama yok ne yapmaa, aala-aalama – faydası yok. Lääzim geçirmää bunu da. “Yolacam onnarı, baare tüü kaybelmesin”, – esapladı babu da giriştı işlemää. İki saadın içindä iş bitti. Tüü çıktı çok – dolu bir cuval. Oflayarak, ükletti babu çıplak kaazları kotiga-yaya da götürdü çayıra.

Bütün avşam babunun aklından çıkmazdı kaazlar. Başka iş için o düşünämäzdi. Üreendä sansın vardı bir aar baskı. Uyudu o geç. Sabaaya karşı gördü düşündä kaazları: diri, biyaz, pak. Onnar sarmıştılar babuyu her taraftan, sevineräk ona, bekleyeräk doyursun. Da ölə gözäldi o kaazlar, ölə käämil baarisardılar! Ama bu vakıt babu uyandı. Kaaz sesi kesilmäzdi. Babu salladı kafasını da oturdu. Kaazlar hep baarardı. İnanmayarak, babu kalkıverdi, nicä soldat, da may kaçarak çıktı içerdän. Kapu önündä o gördü

kaazları. Onnar tutardılar kendilerini ölü, sansın bişey olmadı, sansın onnar diildilär çırçıplak.

Nasıl sora annaşıldı, kaazlar haliz ani otalanmamışlar. Ama neylän? Aul içindä kuruyardı cibrä. İlersi günü yaadı bir yaamurcuk, da cibrelär çeketmiş kaynamaa. Kaazlar, iyip doyunca, tun sarfoş olmuşlar. Belli ki, babu birdän annamadı, nedän kaazlar olmuşmuşlar yatalak. O sandı onnar ölü.

Bu istoriya benzeer bir cümbüşä. Zor gülümsämemää, açan düşünersin, nicä kaazlar sabaalen gelmişlär kendilerinä, nicä onnar gidärmışlär sokakça evä hem nicä şaşarmış insan, görüp bu fasıl çıplak sürüyü.



çırkin resim – страшна картина
otalanmışlar – отруїлися

kayıp – втраты

aar baskı – важкі почуття

Kıurma kokusu

Vakit yaklaşırdı avşama. Kopuşçu Tanas otururdu evin yanında sundurmada. Bir sürü uşak kaçınardılar sokakta: oynardılar topçaaaz, beygircik hem başka oyunnar. Dädu Tanas haylaktı, o bilmäzdi näpsin. “Kimsey geçmeer sokakça, – düşündürdü o, – baari lafa durmaa biraz”. Bu vakıt dädunun burnusuna etişi bir käämil koku. Kokardı sansın kırmaya. O saat dädunun sulandı aazı, o keskin duydu ölü bir aaçlık, ani onun karardı gözleri.

– E-he-he-e! – düşündü dädu, – komşular kıurma iyecek bu avşam.

Bir da dädunun bakışı duruldu, o naseysä neetlendi yapmaa.

– Ey, çocuklar! – baardı dädu bir gürlü seslän. – Ya, gelin burayı!

Uşaklar bakıp däduya, yaklaştılar ona: kimisi kaçarak, kimisi adım-adım.

– Ya, söläyin däduya kimin mamusu kıurma yapêr?

– Benim, – cuvap etti Kirunun Lambucuu, sansın üuneräk.

– İslää, dedi dädu Tanas, – gidin oynamaa. Tii çoban geler sürüylän...

Uşaklar hepsi baktılar sokaan aşaakı tarafına da daalıştılar genä oynamaa. Dädu hiç oflamayıp (o oflardı sade aalemin yanında), o saat kalktı da dooruldu Kirulara. Acan o girdi, kapu önündä kıurma kokusu taa da pek koyulaştı, sersem etti däduyu. Kapu önündä kimsey yoktu. Dädu girdi içeri.

– Avşam hayır olsun! – dedi Tanas çorbacıya. O taman silärdi peşkirlän suratını.

– Hayır olsun, – cuvap etti Kiru. – Ne işlän uuramışın?
– E ne işlän. Dedim, biraz lafa duralım. Nâbêrsin?
– Te diil çoktan geldim kıldan, yıkandım.
– Dedim, bakayım nâbêr komşum, var mı saalıı, – uzattı sesini dädu Tanas.

– Şükür Allaha, sansın saaliklan islää durêrim.

Bu vakit içeri girdi Kirunun karısı Angilna. O attı Tanasa dooru bir dürük bakış, seläm verdi da çıktı.

– Ne islää havalar bu günnerdä, – genä laf kattı Kiruya dädu Tanas. Onun vardı havezi lafetmää, o umutlanırdı, ani çorbacılar teklif edecekler onu kıurma imää, makar ki bilirdi, ani onnardan sıkı insan maaledä yoktu. Birkaç vakittan sora Angilna açtı kapuyu da çاردı kocasını hayada. Orada onnar biraz fisirdeştilär, sora Kiru girdi içeri. Sustular adamnar çektilär içlerini.

– Koyunnarı saadın çoktan mı? – sordu Tanas.

– Ötöögünnär.

– Nekadar süt çıktı?

– İki büyük banka, seksän kilaya yakın.

Vakit geçardi, ama ev saabileri hep taa oturmazdilar sofraya. Kûrma kokusu sarfos edärdi Tanası, o artık dayanamadı.

– Avşam ekmeeni idiniz mi? – sordu o çorbaciya.

– A, yok taa imedik, – dedi öbürü, – karı naşseysä pişirer orada.

Adamnar genä sustular, sora genä lafettilar birkaç lääzimsiz laf, ani sade susmamaa deyni. Bitki-bitkiyä baüladi kokmaa yanaa. Bundan sora Tanas oturdu taa bir on-onbeş minut da kalktı gitmää.

– Kal saalicaklan, – dedi Kiruya da çıktı hayada. Kuhnenin kapusu açtı. Dädu Tanas esapladı, ani Angilna çıkarıldı kırmayı firından. Ama kıurma, valeleu! – kırmaya benzemäzdi: onnar olmuştular kara, nicä yanmış odun parçaları. Angilna tuttu musaafirin bakışını da, zoruna gülümseyip, dedi:

– Nereyi alatlêersin, ba Tanas? Dursana, te kırmalar pişti.

– Saa ol, Angilna, ama bän yanık kıurma imeerim, dişlerim yufka. Bana olsun taa biraz çiicä, nekadar yanık.

Bu lafları söyleyip, Tanas öründü sokaa, kapayıp ardına tokadı, o sesledi. Tokat aşırı işidilirdi:

– Bän sana sölämedim mi, mari, ani çıkarasın şansora, sän sa hep: “Dur taa biraz, beki gidecek”, – şindi kendin kemir bölä kırmaları.

“Brä!” – dedi dädu Tanas kendi-kendisinä da doorulardı evä. Giriip aula, o salladı kafasını da uuradı maazaya.

Stepan Kuroglo



Dokumentlerä görä yazılıyım Stepan Stepanoviç Kuroglo. Soylarımıza küyümdä “Kuruolular” deerlär. İlk sesim aydinnik dünnedä seftä işidilmiş 1940-cu yılda, büyük ayın (yanvarın) dokuzunda, Odesa bölgesinin Novo-İvanovka (şindiki Bolgrad) rayonun Dimitrovka küyündä.

Küyüümün adı Dimitri Vatikiotinin adından çekiler. D. Vatikiotiyä gagauzlar “kapitan Dimitri” deyärmişlär. Nasıl V. A. Moşkov yazardı, herbir evin iç duvarında ya “kapitan Dimitrinin”, ya da general İnzovun portreti varmış. Vatikioti Bucakta gagauzların köklenmesi için kendisini çok önemli göstermiş: hem ceng vakıdında, hem dä topraa konarkan. Dooruluu aarayan bir insan uza-uz tanınmış “kapitan Dimitriyä” çıkarmış. O Usti-Dunay kaa da olmuş, balkan cenklerinä dä katılmış, Pariji alannarın 1813 y. birisiymiş.

Kuroglu laabım gagauz dilindä kitaplarda hem gazetalarda belli oldu. Kendi yazılarını, angılarında laabım razgeler, imzalêerim psevdonimnerimnän “S. Stefoglu” yada “Hacistefan”.

Üürenmäm 7 klas küyümdä geçtiydi. İki yıl sıravardır Diplom verdiyilär “Luçemu çitatelu rayona”. Orta 10-klaslı şkolayı Kubey küyündä başardım. Üürenärdim ii. İlk şiirimi 5-ci klasta yazdım, 9-cu klasta poema da yazdım, ama ilk şiirim tiparlandı taa 1957 y. Toplum 31 bilim hem literatura kitaplarım çıktı, üzä yakın bilim yazılarım. Bu yıl biz okuyacez S. Kuroglonun annatmasını.

Avtobiografiyasından Yanıklık

Torlak Paruşun büyük kahrı vardi: yarıyıl olmuş, nasıl bobası kalkmaz döşeklerä düşmüş, ölümünü bekleer.

Nasıl-nasıl, ama bobaylan taa ilindi: ba puluu düzärdi, ba orakta kosaları düyüärdi, eki dä ii laflan dooru yola doorudurdu. Nasıl-nasıl, ama hep bir ilinnik vardi. Yok laf ekmek için: bir bığa az, görünmeer, ama nekadar yardım! Büyük yardım, belliki.

Dädü Todi artık kalkamazdı, solunu alamazdı, ekmek iyämäzdı, kendi sırasını beklärdi. Hepsı hisimnar toplanmıştı, bak pek hayırsız duyurdu kendini dädü Todi. Oturêr oolları, toplanmış bir tarafta kızları uşaklarından, biri-birinnän lafederlär, birär-birär sokulêrlar, dädü Todiyän lafa durêrlar, umutlandırêrlar ihtarı. “Bekim, düzelecek”, – deerlär. Dädü sa bir lafçaaz da söleyämeer, direr kafasını. Sölesä dä bişey, may işidilmeer.

Tä küçük Goguşçuk, unukası, sokuldu patın boyuna:

– Dädu, yapacan mı bana bir kısacık, va? Hepsi çekiner Sandının bayırı üstündän. Yapacan mı, va?

Dädu bişey demeer, uzadér kuru elini, suvazlêér Goguşu; ihtärin gözlerindän damnêér yaşı.

Goguşu alér bobası bir tarafa, çeker skemnesini taa yakına, annadér hasta ihtär, ani tezdä ilkyaz, vakıt yaklaşêr kira çıkmää. Yok bişey, ani toomnuk yok! Bulunur insan, ödünç verir.

– Düzelecän va, tati, – umut verer Paruş, – şaraplaradan kaavileneçän! Ya kaldır kafanı, bak: oka sergendä hazır durêr, vakındını bekleer.

– Yok, oolum, bitki saatlarım geldi. Aalamayınız, oolum, hepsi-nin sırası geler.

Yok ne kahırlanmaa ihtär ölenä..., – zoruna cuvap verer hasta.

– Küsmeersin mi bizä va, tatika? Canın aciyêr mi bişey için?

– Bişeyä, oolum, canım acımêér. Canım aciyêr, ani etmiş yıl yaşadım, ölä dä kiyat üürenämedim. Olaydım üürenmiş, sizi dä, bekim, ii yola çıkaraceydim? Kalın saalceylan, uşaklarım, öbür dün nedä karşı gelecez...

Taa iki-üç laf söledi dädu, okadar da işittilär onun sesini. Avşam üstü öldü, raametli, güzädän etiştirämedi.

Ölä dä gömdülär Todi däduyu.

Çok vakıt raametliyi aklına getirärdi insannar, kaç kerä onun için laf gidirdi:

- Helal adamdı, brä! – deyärdi kimisi.
- Kaç insana hatırlı yaptı, bey! – metedirdilär.
- Bilä raametliylän pınar kazdıydık.
- Yardım ettiydi evimi düzümää.
- Konuşkada ne ii kendini tutardı.
- Kavgalı hiç yoktu.

Ölä biri-birinä laf katardi adamnar, aklına getirirdilär Todi däduyu.

– Benim dä pulucaamı düzduydü, – eklärди unukası.

Hepsi en ilkin metedärdilär, soram da deyärdilär:

- Ko günaaları bay Todinin prost edilsin!
- Ko topracı ilin olsun!
- Ko olları-kızları onu unutmasın!
- Ko unukası, dädunun istediinä görä, kiyat üürengsin!

Çok sular aktı o zamandan beeri, çok kum döküldü, Goguş ta koca çocuk oldu. Gezer kira tatisinnän, yardım eder: ba ekmek ev-dän getirer, ba su pınardan taşıyêr, ba gargaları payın başından ürküder. Ne-ne demää, ama fukaara Paruş oolundan koca yardım

gördü. Nezamandan o beklârdi büüsün şopar da kazmayı elinä al-sin! Üç kişi işä koşulduynan, taa ilin olacek, taa ucuz ekmek çika-cek. Okadar ki brakmêér raada bobasını Goguş:

– Alsana bana bir kiyat va, tati. Sesleyecäm seni, nicä bir pali-cik, işleri da yapacam, sokaa sormadaan sauşmayacam.

– Yok nasıl, oolum, pek fukaara tatin: yok param evdä sana kiyat almaa, üurenmäk için ödemää. Yok bişey, bütün küü üuren-meliksiz yaşêér, biz dä ölmeyecez.

– Alsana va, tati...

Susêr Paruş. Naşı demää? Kendinin dä sikilêr canı, ama yok ne yapmaa: yok kuvet fukaarada uşak üüretmää, pek incä fukaara-nın para tarafından siniri.

Güz geldi artık, Goguş hep biktirêr tatisini:

– Yollasana şkolaya va, tati!

Sussêr Paruş. Yok ne cuvap vermää. Ölä dä günnär geçer.

Bir kerä avşamnen geçirdi Goguş primariyanın yanından. Çok insan toplanmıştı orada. Primar naşisä annadêr, adamnara ba-arêr, süver. Bir tarafta jandarlar durêr. Primarın elindä bir kiyat görürer. Hey, ne dä gözäl kiyatçık! Kabında türlü-türü gerciklär – ayılar, tavşamnar. Koptu ürää Goguşun, açan gördü bu kiyat-çaazı. Sıkıştı o da adamnarın arasına, sokuldu primarın yanına, siireder yakından kiyatçaazı. Tä primar braktı kiyadı skemne-nin üstündä, çıktı iki-üç adım ileri, kamçının sapınnan naşisä toz içindä çizer. Goguş bakındı dolaya, kavradı bu gercikli kiyadı, koydu koynusuna, yavaşıcık sauştu bir tarafa, çıktı evin ardına, sakladı kiyatçaazı bir taş altına. O da diildi ahmak! Demesinnär, ani o aldı, döndü geeri, adamnarın arasına sıkıştı. Seviner Goguş: onun da kiyadı var, o da okumaa üürenecek. Hey, ne dä büyük se-vinmelik!

Primar geldi erinä, uzattı elini – kiyat yok. Bakındı dolaya, sor-du birinä, öbürünä: kimsey bişey bilmeer, kimsey bişey görmemiş. Gördü Goguşu, çaaṛdi, tuttu kulaandan:

– Ya sölä, garga yavrusu, sän mi aldın?

– Görmedim, domnule, görmedim!

– Sölä, zerem düvecäm-öldürecäm!

– Görmedim, domnule, görmedim!

Primar düüyer, Goguş ta acıdan baarêr, o yanına, bu yanına kıvrılêr, kurtulmaa savaşêr. Primar, cansız, sıkı tutêr, genä kap-tırêr, “sän aldın”, deer. Goguş aalêér, burnusundan kan akêr.

Adamnar bakêrlar, can acıyêrlar uşaa, ama ne yapacan: primar belertmiş gözlerini, düüyer, durgunamêér. Adamnar sıkêrlar yum-

ruklarını üfkedän, ama ne fayda – bakêr jandarlar, kim sesini kaldırıcek, primara aykırı lafkoyacek – tutun sora.

Düüyer primar, Goguş taacidan baarêr, kaçırılmamaa savaşêr. Bişey annatmêér, canca sa seviner: “Benim dä kiyadım var, okumaa üürenecäm!”.

Nikolay Tanasoglu (1895-1970)



Nikolay Tanasoglu gagauz literaturasına temel koyan yazıcıların arasında bulunêr. Onun duuması Kiriet küyündä, Çadir rayonunda. Talantlı şair, annatma yazıcısı, talmaç, üüredici. Onun annatma toplumu “Bucak, Bucak...” çıktı tipardan 1970-ci yılda. Bu kiyatta türlü meraklı annatmalar var: “Bucak, Bucak...”, “Sofi”, “Yuvanoglular”, “Başka gagauzlar”. Şiirleri hem başka yaratmaları tiparlandı gagauz gazetaların da hem kiyatta “Bucaktan seslär”.

Şiir masalında “Kuşlar bey seçenekler” Nikolay Tanasoglu annadêr türlü kuşlar için. Kuşlar ayırêrlar önderci kendisinä. Annaşêrlar, ani kuşlara o buyurucu olacak, kim hepsindän yukarı gökä çıkacek. Hepsî kuşlar gökä savaşêr uçmaa, ama geeri kalêrlar, sade kartal hem bir küçük kuşçaaz civîrliga hepsindän yukarı çıkêrlar. Ama civîrligada kuvet biter, da o bir şiretlik yapêr: kartal görmedään, onun ,kanadına sessiz konêr, da bir soluk taa aldiyan, hepsindän yukarı çıkêr. Ama şiretlî kuşlar duyêrlar, da “hep kartal kuşu beyi kalêr”. Nikolay Tanasoglu bu masalda alegoriyayı kullanêr, o yazêr kuşlar için, biz annêêrız – insannar için.

Kuşlar bey seçenekler (Masal)

Çoktan, çoktan bir vakıtlar
Kuşlar pek daalışarmışlar.
Bunun için neet koymuşlar
Kendilerinä bey seçsinnär.

Kavga, çekiş, annaşmışlar
Bir büyük daaya toplansınnar.
Eni sürtük kartal giimiş,
en ileri daaya gelmiş.

Tez bunun ardına gelmiş,
bir meşdä konak etmiş,



toklu gibi besli toylar,
yayan taa çok örümüslär.

Çıkıp gökä artık üusek,
dizi, dizi boz turnalar,
biri-birinä sesederäk,
daaya saasem etişmişlär.
Al bacaklı kart leleklär,
dönä-dönä aldanarak,
beş-on güncääz yol yapmışlar.
Bir büyük sürü arsız garga,
tenä aarayarak çeketmiş,
yolda, konup bostannara,
karpuzları heptän delmiş.
Hem gelmişlär meşgeldiklär
Taşlık kuşlar hem pupuklar,
karakuşlar, kırlangaçlar,
çık-çık kuşlar hem bülbüllär.
Yavaş-yavaş akışmışlar.
Koca bölük türlü kuşlar,
da nasaata oturmuşlar
bu kanatlı delegatlar.
Gagalarını trakladarak,
civil, civil baarisarmışlar.
Ama annaşamamışlar.
Da civirliga bitkidä
Demiş: "Biz yapalım bölä:

Angı kuş çetincäysä taa,
çıkarsa hepsindän üüsää,
dooruluunu o alacek,
da kuşlara bey olacek."

Tutunmuşlar bir büyük yarış,
daayın içi fisırdamış,
gökä üusek kuşlar çıkmış,
sade toylar erdä kalmış.

Biri-birindän çalışıp,
kuşlar üüsää çıkmää bakêr,
boz kartal uz gökä bakıp,
hepsiciindän üüsää kalkêr.

Da cıvırliga, kesilip,
yarı yolda artık dinmiş,
da biraz sora katlanıp,
bir fikircik ona gelmiş.

O kartalın, hiç duymadaan,
Kanadına sessiz konmuş.
Da bir soluk o aldiyanan,
hepsiciindän üüsää çıkmış...

Ama kuşlar bu şiretlili
annêér birädän hepsicii.
Da butakım işlär olêr:
hep kartal kuşu beyi kalêr.

Da büün dä cıvırliga hep
Üüsää çökmaa dalap eder,
birdän aşaa salverilip,
– Hep bänim kuş beyi! – baarêr.

Bostanda



Bucak kırlarında artık karpuz pek çok olêr. Karpuzlar güneşli havaları severlär. Bobamız bu yıl neetinä koydu taa çokça karpuz, kaun eksin. Küyün tiynaana yakın, Stratan deresinin yamaçlarında, bir uyguncu er ayırdılar. Orası şindiyädän sürülmekti, pekliktä sa karpuzlar taa ii büüylerlär hem taa tatlı olêrlar.

April ayında o eri karpuzlan, kaunnan, hiyarlan ekip, doldurêrlar. Toprak islää işlenmişkän, ekilmişlär dä sıradan çıktılar. Şindidän taa bostana iki bekçi koydular. Onnar kenarda, bir yüksek erdä, topraktan bordey kendilerinä yaptılar. Bostanın orta erindä bir yol braktılar. Yaz vakıdında başça işçileri bostanı üç kerä kazdırılar. Kökennär biri-birinä çattılar. Bu vakittan çekedip, bostanda şamata, şen türkülär bitmedi.

Geldi da bir karpuzluk oldu, ani küreklän kürüyäsin. Bostanın bir kösesindä er taa yaslandı, da orada bir kökendä bir karpuz ölä

büümüştü, ani erindän onu kaldırıamazdin. Bostancılar o karpuzu avşam-sabaa dolaşardılar. Olmaa yakın onu nişannadılar – üstündä bukva “K” yazdılar. Bostana gargalar üşümää başladılar. Onnarı ürkütmää deyni, bostancılar bostanın orta erinä bir büyük korkuluk koydular.

Güz yaklaştı. Bostanın içindä alaca karpuzlar biri-birindän üstün. Onnar artık olmaa başladılar. Bir-iki olmuş karpuz ayırip, bordeyä götürdüller. Bostancılar karpuzları triklatmaa başladılar. Beş-on gün geçti-geçmedi, karpuzlar başladılar may sıradan olmaa.

Başcanın işçileri bostanı taa sıkça dolaşmaa başladılar. Kızlar, türkü çalarak, yivinnardan karpuzları maşinalara taşıdılar.

Ceç güz vakıdından bostanda karpuz bitmedi. Onnar bizä çok gelir getirdilär.

Güzün

O bunalık yaz günneri geçti, güz geldi. Güz tutêr üç ay: sentäbri, oktabri hem noyabri. Sentäbri ayında may ölä sıcak olêr, nicä dä yazın, sade havalar biraz taa duruk, taa taazä.

Bütün yaz dinnenmiş uşaklar, sentäbridä enidän şkolaya gitmää başlêêrlar. Güz bizdä, Bucakta, çok türlü zenginniklärلن gerler. Tümeli emişlär, karpuzlar, kaunnar, üzümnär bu vakitta olêrlar. Başçalarda türlü zarzavatlar geç güz vakıdından durêrlar. En paali iş bizdä güzün – üzümnerin hem papşoysının toplaması. Bu produktları bizim ellişim boldan dökerlär: hereri üzüm, şira, hereri papşoy!

Eni bereketi kırlarda kaldırıdaan, çiftçilär traktorlarlan güz topraklarını derin sürerlär, meyvalık hem baa koymaa deyni kuyu hazırlêêrlar, nadaz erlerinä güz ekinnerini ekerlär.

Oktabri ayı geçtiynän, hava biraz diişilmää başlêêr. Sabaalan kalktıcıaan, pençeredän görüner, nicä otların üstü hem evlerin örtüleri kraadan biyazlanêr. Kimi sabaa yalaklıda su donêr. Kırlar yavaş-yavaş heptän boşlanêrlar.

Kimi yılda güz yaamurlu olêr. Güz yaamurları yazınkı yaamurlara benzemäz. Şindi çiskin yaamurlar, aftaylan tutêr, toprak pek yımışêêr, hamur gibi kabarêr, hem ölä tez kurumêêr, nicä yazın. Güz ekinneri, kardaşlanıp, tarlayı örterlär. İhtärların bir lafi var: “Tarlada çamur, teknedä hamur”.

Hava gittikçä serinneer, kraalar düşer may her sabaa. Aaçların yaprakları, sararip, erä silkinerlär. Poyraz tarafında bir sert lüzgär, kalan yaprakları da kopardıp, kuytulara haydêer, da aaçların

dalları çır-çiplak kalêr. Lüzgär estikçä, çiplak dallar hasretli uul-dêêrlar...

Gidän kuşlar, susarak bireri toplanêrlar da, annaşmaa oturup, yola hazırlanêrlar.

Noyabri ayında gidän kuşlar may hepsicii, burlarını brakıp, sıcak memleketlerä uçêrlar. Sade karakuşlar taa soraya kalêrlar, üusek aaçların dallarına konup, ayzalar çekedincä, bitki türküle-rini çalêrlar, sansın yazinkı yuvalarını brakmaa kiyamêêrlar. Noyabrinin bitkisinä yakın onnar da giderlär. Razgeler, ani bir lelek kafadarlarınınan barabar uçamamış, kim bilsin, ne sebep üzerinä: ya kanadı kusurluydu, yada bir derdi vardı zavalının; uzun gagasını kanadin altına sokup, gözlerini kıpıştırarak, bir bacaan üstündä szüzüler sürülmüş tarla içindä, angısının topaçları kaardan gücülä görünerlär.

Kosti Vasilioglu

(1938 – 2014)



Kosti Vasilioglu duudu 1938 yılda Odesa bölgesinin Bolgrad rayonunda Aleksandrovka küyündä. Yaşadı hem çok çalıştı Kişinöv kasabasında. Kosti Vasilioglu – baş bilim zaametçisi, üüredici, yazıcı. Yazmaa başladı 1958-incı yılda. Tipardan çıktı onun peet toplumnarı. Birri-biri ardı sora çikêrlar gagauz dili, literatura okumakları için üüremtök kiyatları, sözlükler, hrestomatiyalar – hepsi 30 parçadan zeedä. Çok türlü annatmalar hem peetlär yazêr o uşakların üürenmesi için, onnarın dostluu için, meraklı yaşaması için. Bu temaları hem taa başkalarını o käamil açıkladı kiyatlarında “Sevgilim”, “Vatanım-Bucak”, “Masallar. Uygun sözlär. Bilmeycelär”.

1998-incı yılda Konstantin Vasiliogluya onun büyük zaameti için verildi bir üusek titul “Gagauziyanın saygılı vatandaşı”.

Geçindi Konstantin Konstantinoviç Vasilioglu 2014-üncü yılda Kişi-növda.

Sana benim türküm

Ana dilim, senin için
Çok var nicä yazmaa.
Ama, paalı ana dilim,
İsteerim büün çalmaa.

Ölä isteerim çalayım,
Ani dünnä ötsün,
Ani türküylän aazında

Halkım işä çıksın.

İşidennär ko bilsinnär,
Ani sesliysin pek,
Ani sözün, ana dilim,
Paalı, nicä ipek.
Sän nazlicaysın, yalpacık,
Nicä eni gelin.
Gagauzlarlan barabar
Yaşa, ana dilim!

Dilim – ustra gibi, keser,
Güneş gibi, sıcak.
Artık bütün dünnä biler
Seni, girgin Bucak!

Dilim – kär feslenä kokêr,
Çiçek gibi açêr.
Hayırsızı taa uzaktan,
Ateş gibi yakêr.

Kavgada ana dilim –
Nicä bir nacak.
Hastaya ana dilim –
Saayadan yımışak.

Anamın lafi – nazlı,
Mamunun lafi ballı.
Lääzim kär ahmak olmaa –
Tatlı baldan atılımaa.

Zaybir (Masal)

Bir vakıtlar varmış, bir vakıtlar yokmuş. Yırak, uzak erlerdä, dünnenin taa dibindä yaşayarmış bir fena Bir gözlü Cadı.

Evelki vakıtlarda, açan Cadı taa iki gözünnän görärmiş, adamın biri düüstä çıkarmış onun bir gözünü. Taman o hazırlanmış evlenmää. Ama bundan sora onun yavklusu Bir gözlüyü istämemiş gitmää. Ozamandan beeri Bir gözlü Cadı pek üfkelenmiş insana. Kär emin etmiş, ani insanı hiç brakmayacek raada. Nekadar yaşayacak, – okadar da insan fenalık yapacek.

Yokmuş bu dünnedä ölä er, neredä bilmesinnär Cadının fenalıklarını, neredä yaş dökmesinnär onun beterinä. Türlü girgin, kıyak, kaavi, dev gibi, gençlär verärmişlär laf, bulup ta yok etmää o Bir gözlü fenalı, ama hepsi kaybelmişlär, birisi dä bu işi yapamış. Bunu da läätzim bilmää, ani pek zormuş onu ensemää, çünkü o pek şiretmiş hem çemrekmiş. Bir kipimda o varmış nicä insandan bir sinää dönsün, sinektän – beygirä, beygirdän – tavşama, tavşamdan – kartala, kartaldan – yılana, yıldandan – balaa, balıktan – domuza, domuzdan – ... O varmış nicä uçsun, kaçsın, üzüsün... Tä neçin onu may yokmuş nicä bulmaa hem bulduynan da, ensemää.

Ama günün birindä Bir gözlü Cadı evindä koyunnarı saayarmış, açan ona yaklaşmış gagauzların arasından pelivannarın biri dä, seläm verip, demiş:

- Bän yolcuyum. Bulunmaz mı bir parça ekmäään, çorbacı?
- Buyur, geç, – demiş Cadı.

Adam beklemiş Cadı bitirincä işini. Sora Bir gözlü Cadı aydamlış koyunnarı bayır içindä bir, maaza gibi, laama. Ondan sora Pelivannan ikisi da giderlär hep orayı. Bundan sora Bir gözlü Cadı tikamış kapu aazını büyük-büyük, aar-aar taşlarlan da teklif etmiş onu içeri. Orası diilmiş içer, bizim annamamıza görä. Orası o büyük maazanın bir bölümümüş. Öbür bölümündä bulunarmışlar koyunnar, bu bölümündä da o kendisi yaşayarmış. Yatak, krivat erinä döşeliymiş kuru ot, yastıkların erinä dä Bir gözlü Cadı kullanmış bir çuval kuru ot.

Oturmuşlar ekmek imää. Bir gözlü Cadıda ekmeklän piinirdän kaarä başka bişey yokmuş. Ama ansızdan bu, dev gibi, Bir gözlü Cadı demiş:

– Bän seni, Pelivan tanıdım. Sän beni aarêërsin, öldürmää isteersin. Ama bunu sän yapmayasın deyni, bän seni iyecäm. Çoktan gagauz eti imedim. Hiç küsmä – sän kentin bunu istedin, sän kentin bana geldin.

– İyärsän – iyecän, – demiş Pelivan. Bän senin elindäyim. Yok näpmaa – sän ensedin.

Bundan sora Bir gözlü Cadı taa bir kerä bakmış kapu aazında taşların kaaviliini da dönmüş geeri. Pelivana ölä demiş:

– Hazırlan, Pelivan, ölümünü kabletmää. Yap bitki duanı da bän seni iyecäm.

Pelivan görmüş, ani kurtuluş yok da demiş:

– Neçin ölä alatleërsin? Vakit mi yok? Sän etiştirecän beni imää. Bän yok nääni hem nasıl kaçayım. Taa ii diil mi bän seni

bizim gagauz zaybirinnän konuklayım. Senin amelin da taa pek açılacak, onu içtiynän.

– Dooru da sölersin, – demiş Bir gözlü Cadı. – Bu evimdän benim taa yoktur biricii da kurtulduu. Kär susadım da bu tuzlu pii-nirdän sora. Ya ver dadayım sizin o zaybirinizdän.

Çıkarmış Pelivan torbasından bir çölmek şarap da bakınarmış, ne içünä dökmää, neylän içmää. Ama Cadı bu vakıt almış çölmää onun elindän, açmış onun aazını da, kaldırıp, bir yudum gibi, kuruştmuş dibini. Ondan sora neysä istemiş solemää zaybir için, ama dili onu hiç seslemämış. Bir vakittan sora Bir gözlü Cadı, yaşı mayıs çuvalı gibi, düşmüş o kösedä kuru otların üstünä da yayılmış. Aazını köpürdüp-köpürdüp, başlamış hirlamaa.

Pelivan, gördüynän, ani Bir gözlü Cadı yapınmêr, ama gerектän uyuyêr, bulêr bir sivri uçlu pardı da, nekadar kuvedi varsayıdı, keezleyip urêr Bir gözlü Cadının o görün, saa gözünä. Cadı acıdan ölä çirkin baararmış, ani o maazarın tavannarından taşlar düşärmiş, bayır sarsalanarmış...

Şindi Kör Cadı kollarını yaymış da köshedän-köşeyä kaçınarmış, Pelivanı aarayarmış, tutmaa isteyarmış, ama... Bir vakittan sora Kör Cadı biraz uslanmış. Pelivan, girip koyunnarın arasına, saklanmış, ama sabaayadan hiç gözünü kîpmamış. Hep düşünärmiş, nasıl yapmaa da, buradan çıkış, kurtulmaa bu fenaliktan.

Olmuş sabaa. Kör Cadı açmış kapuyu da başlamış salvermää koyunnarı dışarı. Herbirini o yoklayarmış da ondan sora dışarı atarmış, tutup yapaalarından. Bu vakıt saymaa da unutmazmış.

Türlü-türlü çalışmış Pelivan, sıyınıp, çıkmää, ama... Bir keräne kalmış Cadı tutsun onun bacaandan, da o genä geeri çekinmiş. Koyunnarı salverdiktän sora, Kör Cadı genä tıkamış kapuyu o aar taşlarlan. O bilärmiş, ani Pelivan kaldı içerdä, çıksamadı. "Hem çıksamayacek ta, – düşünümüş Cadı. – Taa benim elimä düşmeyincä".

Geçmiş gün. Gelmiş avşam. Kör Cadı, açıp kapuyu, sayılılan koyunnarı içeri salvermiş da genä tıkamış kapu deliini. Pelivan bu gecä da türlü-türlü düşünümüş da bir fikirä girmiş. O annamış, ani sade ölä var nicä kurtulmaa Kör Cadıdan. O sessiz keser en büyük koyunu da sabaalen sarınêr o derilän. Kör Cadı genä sayarak salverärmiş koyunnarı dışarı. Herkezini genä yoklayarmış da, tutup yapaalarından, dışarı atarmış. Mekleyerák sokulêr Kör Cadıya Pelivan da, sarılı koyun derisinnän. Onu da Cadı yoklamış, bişey duymamış da, tutup sırtında yapaalarından, atmış dışarı.

Taa salverämemiş Cadı bu koyunu, nicä läätzim, açan duymuş, ne oldu. O bu koyunun aarlindan, annamış, ani kaçındı Pelivanı,

ani bu diildi koyun, ama... Pelivan artık dışardaymış hem uzak-taymış bu korkunç erdän.

Cadinin bir gözü baari olaymış, etişip onu yok edeceymış, ama... heptän körkenä, hiç bişey görmäzkenä, ne var nicä yapasın? Yok näpmäa. Pelivan ensemiş.

Çok vakıtlar geçti ozamannardan, ama yoktur işittiim, ani Kör Cadı insana başka fenalık yapsın. Tä, nicä zaybir yardımnamış Pelivana Bir gözlü Cadıyi ensemää hem dünneyi fenaliktan kurtarmaa.

Okunmuş su

(*Masal*)

Bir vakıtlar varmış, bir vakıtlar yokmuş. Evelki vaktlarda çok türlü büdünlär, falcilar, cadilar, tilsimnar varmiş. Yaşayarmış küüyün birindä Tumarva taraflarında bir babuylan bir dädu. Onnarda hepsi varmış, hepsi gözäl varmış nicä olsun, ama... Aması sora. Sindilik sesläyin.

Gençliindä bu däduylan babu pek sevärmışlär biri-birini. Pek. Evlenmişlär. Düün yapmışlar. Bütün küü, dolaylar şaşmışlar gençlerä: ikisi dä gözälmiş, levent, çalışkan, uygun, kıvrak... Ama o, sevdaylan dolu bakışları – taşı da varmış nicä eritsinnär. Çok yıl onnar yaşamışlar bölä gözäl. Annaşmaklan tathlı dil – tä ne en paaliymış onnarın aralarında. Yarım laftan, bir bakıştan anna-yarmışlar gençlär biri-birlerini. Ama... Tä şindi geldi eri “amayı” da açıklamaa.

Ama... kimsey bilmee, nezaman hem nedän, nasıl kara kotoy geçti onnarın aralarından da gündän-günä, yıldan-yılıa çekiş, kavga bu evdä hiç bitmäzmiş. Sabaalendän avşama kadar, pazardan pazara kadar çekişärmişlär, ani toz kalkarmış. Çekederlär annaşmaa, kabaatlıyı bulmaa – yok. İkisin da dooruluu var. İkisi dä, te o inat keçilär gibi, baararmışlar biri-birinä, taa sesleri tutulunca:

- Sän kabaatlı, kart conga! – baararmış babu.
- Sän kabaatlı, mindar kedi! – baararmış dädu.
- Diil bän, ama sän! – isteyärmiş üstün kalmaa babu.
- Sän, sän! Diil bän! – aşaa kalmazmiş dädu.

Bukadardan çekişmäk olar mı. Kendileri da işlerinä bakmazmişlär, komşuları da raada brakmazmişlär. Däduylan babu aalemin da yanında biri-birinä türlü acı, fena, mindar laflar söleyärmişlär. Komşuyka bir gün seslemiş da, babuyu bir tarafa çaarıp, demiş ölä:

- Küsmä, komşuyka, ama isteerin sana bir fikir vermää.
- Nesoy ölä fikir? – dargin sormuş babu.

– Çok kerä görerim hem işiderim, nicä büün, siz çekişersiniz dä-
duylan.

– Da sora ne senin işin? – genä dargin sormuş taa kızgin babu.

– Bu da dooru, ani yok benim işim. Ama gitsänä bir kerä Kirana
babuya. O var nicä yardımñasın sızä da ileri dooru çekişmeyäsınız.

Babu pek beenmemiş komşuykanın fikirini, ani karışêr onnarın
işinä, ama yan-yan gitmiş.

Annatmış Kirana babuya hepsini sıradan. O, kär seslämeyip
bitkiyädän, girmış içeri da bir vakıttan sora çıkmış bir çölmek
suylan. O taa babunun öndüñä suyun üstündä okumuş neseydi.
Sora almış bir şisecik, dökmüş suyu içinen da demiş babuya:

– Var nicä hiç kahırlanmayasın. Bu pek kaavi okunmuş su. İleri
dooru, dädu çekettiynän çekişmää yada mırıldamaa, sän alêrsin
bir yudum bu okunmuş sudan, ama yutma. Tut aazında taa dädu
uslanmayınca. Sora var nicä tüküräsin onu. Tä görecän, ani bun-
dan sora dädu, ipek gibi, yımışak bir adam olacek.

Babu pek inanmamış, ani dädusu onun doorulsun, ama... neet-
lenmiş denemää.

Babu, evä geldiynän, taa eşii aykırılayamamış, nicä dädu çeket-
miş:

– Sän neredä, açikaazlı, şindiyädän gezdin?

Babu duymuş, ani dädu başladı alflenmää da hızlıca alêr aazi-
na bir yudum o okunmuş sudan. Dädunun hiç aazı kapanmazmış:

– Taa bir saat ileri sän lääzimdı kotlonu tutuşturasın, bir imää
yapasın. Sän sä gezersin başıboş, sansın ne evin var, ne da ko-
can...

Babu tutarmış aazında o okunmuş suyu, susarmış, nicä Kirana
babu onu üüretmiş.

Dädu görmüş, ani o kendi-kendinä lafeder, babu bişey ona gee-
ri çevirmeer da bir vakıttan sora süünmüş. Babu düşünmüş ken-
di-kendinä: "Halizdän da bu okunmuş suyun kuvedi var".

Babu yakmış kotlonda ateşi, istemiş bir imää yapmaa, ama ten-
cereyi elinä aldıyan, kapaa cangır-cungur düşer erä da tukur-
lanêr taa dädunun yanına. Dädu genä çekeder:

– Nedän o ellerin titirer, kırık elli?

Babu genä duymuş, ani dädu çekeder da tez bitirmeyecek. Açı-
miş şisecii da genä almış aazina bir yudum o okunmuş sudan.
Dädu lafetmiş, lafetmiş kendi-kendinä, mırıldamış– mırıldamış da
genä, saman kooru gibi, süünmüş.

Babu genä kendi-kendinä düşünmüş: "Yardımnadı! Yardımna-
dı!"

Üçüncü kerä da dädu mırıldamaa başlamış neçinsä. Ama babu kuşkuymuş artık. Sade dädu çeketsin – babu hop! Aazına bir yudum okunmuş sudan alarmış da dädu taa etiştirämäzmiş aliflenmää, nicä birdän süünärmiş ta. Tä, ne o okunmuş su!

Bundan sora babylan dädu yaşamışlar, nicä gençliklerindä genä şen hem kavgasız, nicä yaalan bal. Babu hiç unutmazmış Kirana babunun laflarını da herkerä o okunmuş suyu yanında taşıyarmış.

Kelebek düünü

Çayırda bir yaz günü

Şamata kalkêr:

Kelebek-gelin arıylan

Düününü yapêr.

Kart çekirgä o düündä

Kemençä çalardı.

Bir tavşam da orada

Daulu düüyärdi.

Kemençä çalêr gözäl,

Dumburdêér daul.

Naarä eder düüncülär –

Tez dolêr aul.

Kızkardaşı-kelebek

Gelinä baaşlêér çiçek.

Bir fistan, soluk gibi,

Neçin ki eni ipek.

Popaz beygiri – saadîç

Güveyä baaşlêér kılıç.

Televizor “Gözkulak”,

Baaşladı iki olak.

Sırtında bir “Donduran”

Getirdi kara patkan.

Bir maşina “Lüzgercik”

Baaşladı on böcecik.

Gençlerä bir “Tozyudan”

Baaşladı uzun yılan.

Bir maşina “Çamaşır”

Baaşladı düüncü katır.

Kurbaalar getirdilär

Çok türlü gözäl işlär.

Gençlerä eni divan

Ürektän verdi sıçan.

Sinek-lelüsu geldi,

Gençlerä ölä dedi:

– Çok sizä saalık, kismet,

Uşacık sizä, elbet...

Allaa versin sıcak yaz,

Kışın olmasın ayaz,

Hem da büyük şennik sizä,

Çok sevda ikinizä!...

Körsinek, ayaa kırık,

Getirdi bir çift çarık.

Senseleyka, bir karı,

Baaşladı eni sargı.

Yarasa hem oolları

Baaşladı dolapları.

Kirpilar dä geldilär,

Bir kiyat getirdilär.

Tavşamnar türlü-türü

Çok vakıt düşündülär...

Ama sora bitkidä
Bir daul getirdilär.

Tilkiyi da çäarmışlar,
Saadiç koltuu almışlar.
Gençlerä, – tä ne stavroz, –
Getirmiş iki horoz.

Açan geldi sülüklär –
Peydalandy imeklär.
Geldilär karımcalar –
Çeketti kadıncalar.

Kalktı orda toz-duman:
Çıktı alaya tavşam,
Kirpilär, böceciklär...
Hepsi çok şennendilär.

Kelebek sesiselilär,
Kırmızı enselilär,
Pek gözäl oynadilar,
Çok imäk taşıdilar.

İçkilär türlü-türlü,
Erdä kilimnär – güllü,
Hepsiciinävardi er,
İmeklär – haliz şeker.

Cök gözäl türkülär
O düündä çalındı.
Vals hem tango gençlär
Bitkidä oynadı.

Tä artık sabaa oldu,
Düüncülär daaldı.
İkisi: gelin-güvää
Yalnızça kaldı.

Hadi sän da, dostum,
Sus olasın tezçä.
Ko çekirgä çalsın
Onnara kemençä.



donduran – холодильник
tozyudan – порохотяг
katır – мул
sargı – онучі
yarasa – летюча миша
sülük – равлик
çekirgä – коник; бабка
alay – коло

Mariya Mercanka (Kapaklı)



Mariya Mercanka (Kapaklı) – pedagog, yazıcı, muzeograf, Gagauziyada Şanlı kultura İzmetçisi.

Duuması 1951– yılın hederlez ayın 13-dä Moldovadakı Gagauziyanın Beşalma küyündä. Gagauzka.

İlk okulda ana dilindä üürensin kismetivardı. Küüda okulu tamannadıktan

sora üürenmesini Kaul pedagogika kolecindä ilerletti, angısını 1971 yılda başardı. 1977-ci yılda Belç kasabasında A. Russo adına institutun Diplomunu kabletti. Duuma küyündä çok yıl üüredici çalıştı. Okul müdürün yardımcısı oldu.

2005-ci yıldan D. Kara Cobanın adına muzeydä muzeograf işini görür.

Gagauz dilinä hem literaturasına küçüktän havezi var. M. Mercanka-nın yaratmaları tiparlandı gagauz gazetalarında, jurnallarında. Basım-dan çıktılar: yaratma toplumu “Baht nazi” (2008 yıl.); “Haydin oku-maa” (2013 yıl.) uşaklara deyni yaratma toplumu; kısa roman forması “Menevşalar çıvgında” (2013 yıl.); çevirmelär “Bizimnän barabar büü-yän masallar” (2013 yıl.); roman “Kadem kaynaa” (2018 yıl.).

Maaledä salkım açêr

Te maaledä kurgaf salkım
Donandı sedeflän,
Nedän kuşkulu aklım
Semeli şaş keflän.
Göz yaşam da karışık
Ak çıçääن soluunnan.
Sarêr ilin darsıklık
Sersemni halinnan.

Dostuma

Seninnän ilin
Yoksayıdı iiliim.
Dürüksä dolay,
Seninnän kolay.
Baktıysam halsız,
Annêêrsin lafsız.
Yanında kuytu
Canıma yortu.
Bir cansız kusur
Pak dostluu bozur:
Sän adam ilkindän,
Bän senin iyendän.

Menevşalar çıvgında (romandan bir parça)

...Step hem halk buldular biri-birini.
Olmalı, diil boşuna, serbestlii sevän halk, kayıl oldu diil büyük
bereketli kara, tavlu topraa hem kayet kuru klimatlı erä. Kurak

yıllarda, yazın, burada mezar hırletlän kazamêêrlar, topraa tırpannan buka-buka kopardêrlar.

Step tä kabletti onu, sevän kırlarını yaşayan hala getirän, orta boyda, kurgaf, çemrek, dayanıklı, imeyä diil tamah insanı. Bu halk sıkı tutundu topraktan, da ayırik otu gibi, onda derin kök saldı, burada soyunu ilerletti. Bucaa baaşladı dedelerin adetlerini, onnardan iştitmä türküleri, masalları.

Zeetlerä dayanıklı halk, düvendä çakmak taşı gibi, kakıldı bu topraa. İşletti zor verilän topraa diil sade bereket için, ama duygulan, ani bu ona Allahtan adanmış er. Büük gunaahti, gökler-dän baaşlanma eri, bakımsız brakmaa. Dedelerdän kalma sözleri: “İslä hem duvada ol!” – o çetin tutardı.

Onuştan Arpina babu garipli annardı: genç unukaların dünneyä daalması – kayıba gitmäk yol. Ayırmak büük tragediyayı iki tarafa da: nicä Bucak kırına, hep ölä halka da. Onun milleti büük beladaydı. İnanı derindi, ani bu yabancılara daalışmanın bitkisi olacak...



çivgin – дощ зі снігом і вітром

serbestlik – свобода, незалежність

tavlu – вгодований, огрядний

tırpan – коса для зрізання кущів

kurgaf – худорлявий

çemrek – спритний, моторний, швидкий

garipli – бідолашний

LAFLARIN DOORU YAZILMASI

Afetmäk	e-he-he
alacek	Eni yıl
alıp-satmaa	eriyecäm
alış-veriş	ezän
ana dili	filan-fişman
ana-boba	fukaara
attım	geldicäǟn
av	git-güdǟ
avcı	görän
avşam	günbatısı
ayak kabı	günduuusu
bim-biyaz	hava
birär-birär	Hederlez
bir-iki	herkez
bırkaç	hesap
bom-boz	hojma
bulmadaan	horoz
büyü-küçüü	ihmaa
büümäǟ	ılıcacık
büün	içer
Cadı Babu	ilkyaz
Canabin	iyäǟ, iyeleri
can-cun	iyincǟ
cuvap etmäǟ	jaket
çatır-çtır	jurnal
çat-pat	kaaz
Çoban Yıldızı	kap, kaplar
çocuk	Kara deniz
çok-çok	karakuş
çüven	kayık
daadıp	kendibaşına
daran-peran	kızçaaz
delikannı	kızkardaş
deyincǟ	kuş erii
diil	läätzim
diimäǟ	lafetmäk
dip	maasuz
dooru	menevşa
edi	miliard

milion	şennik
mos-mor	tabeet
naafilä	Troiça
näända	Türkiya
nääni	up-uzun
nası-nicä	uyuntu
of-of	üulen
ool	üüredici
oyuncak	üürenici
ödünç	üürenik
önemli	vazgeçmää
ötäända	virgül
ötöögün	yaarın
Paskellä	yardım
Poyrazdakı Buzlu okean	yärim
raat, raada	yımrıta
razgelmää	yoksa
Sabaa Yıldızı	yorgan
sakına-sakına	yorgun
Saman Yolu	yumak
Satılık-Hacı	yuurmaa
sürcik	yuurt
sormadaan	zapetmää
suan	zeedä
şaş-beş	zeet

Ayların adları:

büyük ay – yanvar
 gücük ay – fevral
 sürmäk ayı – mart
 çiçek ayı – april
 hederlez ayı – may
 kirez ayı – iyun
 orak ayı – iyül
 harman ayı – avgust
 ceviz ayı – sentäbri
 canavar ayı – oktäbri
 kasım ayı – noyabri
 kış ayı – dekabri

Aftanın adları:

pazertesi
 salı
 çarşamba
 perşembä
 cumaa
 cumertesi
 pazar

IÇİNDEKİLÄR

Paali üürenicilär!	3
§1. Gagauz dili başka dillerin arasında Ukrainianada	4
§2. Laf kuruluşu.....	8
§3. Laf kuruluşu (Tekrar). Gagauz dilinin zenginnii.....	11
§4. İşlik: maanası, morfologiya nişannarı, sintaksis rolü.....	14
§5. İşlik: işliklerin temel forması	17
§6. İsliliin diişilmesi	20
§7. İşliklerin düzülmesi. Sadä işliklär. Düzülü işliklär. Katlı işliklär	23
§8. Katlı işliklerin dooru yazılması.....	26
§9. İşliklerin infinitiv forması	30
§10. İşliklerin inkärlilik forması	33
§11. İşliklerin zalogları	35
§12. Oluşluk çalımı	38
§13. İsliliin dört oluşluk forması	40
§14. İşliklerin sankilik çalımı	43
§15. İzin çalımında işliklär, onnarın diişilmesi.....	45
§16. Lääzimnik çalımı	48
§17. Şindiki zaman.....	51
§18. Konsonnan bitän kalın hem incä vokallı işlikerin diişilmesi şindiki zamanda	54
§19. Vokallan bitän incä hem kalın vokallı işlikerin diişilmesi şindiki zamanda	56
§ 20. Gelecek zaman. Mutlak gelecek zaman. Bellisiz gelecek zaman	60
§ 21. Vokallan bitän işlikär	66
§22. İşliklerin geçmiş zamanı. Mutlak geçmiş zaman	68
§23. Bellisiz geçmiş zaman	71
§24. Bitkisiz geçmiş zaman	74
§25. İsliliin modal formaları	78
§26. İsliktän adlar	82
§27. İştennik	84
§28. İştenniklerin bölümneri.....	87
§29. İştenniklerin sintaksis funktyası.....	89
§30. Haliştennii. Halištenniin düzülmesi.....	90
§ 31. Halištenniin laf çevirtmesi	92
§ 32. İshallık. İshallıkların dooru yazılması	95
§ 33. Yardımcı söz payları.....	98

Tekrar	103
Söz ilerletmesi	111
§34. Sıradan takrir annatma söz tipindä artistik stilindä tekstä görä yazdırma insanın dışankı görünüş elementlerinnän	111
§ 35. Ayırma takrir annatma söz tipindä artistik stilindä tekstä görä yazdırma insanın dışankı görünüş elementlerinnän	113
§ 36. Kısadan takrir annatma söz tipindä artistik stilindä tekstä görä yazdırma insanın dışankı görünüş elementlerinnän	114
§ 37. Yaratma – yazdırma insanın dışankı görünüş elementlerinnän	115
§ 38. Janra resmin yazdırması	118
§ 39. Kontrol takririn yazılması	119
§ 40. Çevirmäk	122
§ 41. Audirovaniye.....	127
§ 42. Okumak sessiz	129
§ 43. Dialog	132
§ 44. Sıradan annatma yaratmalı bitkisinnän	133
 Literatura okumakları.....	135
Lafların dooru yazılması.....	188

Навчальне видання

ВЕЛІКСАР Людмила Георгіївна, ДРАГАНОВ Петро Михайлович,
КУРОГЛО Надія Іванівна, МІЛКОВ Анатолій Миколайович

Гагаузька мова
підручник для 7 класу
закладів загальної середньої освіти

Рекомендовано Міністерством освіти і науки України

В оформленні підручника використані ілюстрації з вільних інтернет-джерел

Технічний редактор Сергій Максимець
Коректор Єфтинія Сюрма
Дизайн обкладинки Дмитра Бойка
Верстка Віталія Моцкіна

Формат 70x100/16. Ум.-друк. арк. 15,55. Обл.-вид. арк. 11,00. Наклад 184 прим. Зам. 1533.

Видавець і виготовлювач видавничий дім „Букрек”,
вул. Радищєва, 10, м. Чернівці, 58000.
Тел.: (0372) 55-29-43. E-mail: info@bukrek.net. www.bukrek.net.
Свідоцтво про внесення до Державного реєстру
суб'єкта видавничої справи ЧЦ № 1 від 10.07.2000 р.